



10

E-C

26


6. g.


10

31 G

13

.26





SEGMENTVM
ALTERUM
PARTIS SECUNDÆ
TOMI PRIMI.

CONTINENS RES GESTAS
A PRIMO BELL
PUNICO,
AD CHRISTUM NATUM.

AUTORE
PHILIPPO BRIETIO
ABBAVILLÆO

Societatis JESU Sacerdote.

L. M.



h. h.



VENETIIS;
Apud Io: Iacobum Hertz sub Signo Navis.

M. DC. XCII

Superiorum Licentia, & Privilegio.





Handwritten text, possibly a signature or date, located at the bottom of the page. The text is written in a cursive script and is partially obscured by a circular stamp on the left.



SEGMENTUM ALTERUM

PARTIS SECUNDÆ


TOMI PRIMI.



ACTENVS Popu's Romanus
in Italia quid posset ostenderat,
& adolescenti similis abesse ab
oculis Matris reformidarat:

nunc, quasi vir factus, majora
cogitavit, & se non Italia modo, sed & orbi
regendo putavit parem. Urbes adhuc & non
grandes populi fuerant materies multorum
triumphorum: deinceps singulatim Provin-
cia, atque regna triumphata sunt; nec jam
Roma milites, & ordinum ductores in cate-
nis, sed Dynasta ipsi atque Reges ostentati
sunt: Tumque intellexere nationes, eos verè
totius Orbis dominos esse, quorum in oculis,
principes mancipiorum cultum induebant.
Verùm tandem qua orbem univèrsam de vi-
cerat Roma, ipsa se vicit, ne quid invictum
in terris reliquisset videretur; & qua tot su-
stulerat Principes Augusti Caesaris imperio
subdita est, cujus tempore venit in Orbem
Christus, verus & unicus hominum Prin-
ceps; ut mortales omnes agnoscerent se tan-
tùm subditos esse Deo, & hominum imperia,
nihil aliud esse præter Dei servitutem.





LIBRI QVINTI

VLTIMA DECAS.

Ab anno Mundi 3790. ad 3800.

OLYMP. CXXIX.	Mundi	Vrb. Cond.
ann. 1.	3790.	490.

*Eumenēs
post Phi-
letarum
Pergami
regnat.*



PERGAMI principatum tenuit Eumenes post Philetarum annis duobus supra viginti. Philetaro autem duo fuere fratres hic Eumenes, & Attalus qui ambo duos filios sibi cognomines pepererunt regni Pergameni propagatores. Sic huic Eunuchō primo Principi Pergameno soboles fraterna non defuit.

*Zeno Cy.
prius mo-
ritur.*

Mortuus est ætatis suæ anno nonagesimo octauo, cum Stoicorum Scholæ annis quinquaginta octo præfuisset Zeno origine Cyprius. Hunc ferunt e viuis abiisse sine morbo, & tantum deficiente naturâ: alij tamen eum se strangulasse credunt monitu genij sui; alij fame, alij lapsu perijisse. Curatum eius funus Athenis magnificè, cum ob diuturnam professionem, tum ob suauissimos, & homine Philosopho dignissimos mores.

*Appianus
Claudius
Caudex
inchoat.
P R I.
M V M
B E L-
L V M
P V N I.
C V M.*

Appius Claudius, Caudex cognominatus, quod primus ad bellum nauibus, ac classe usus esset, huius anni Consul PRIMVM PVNICVM BEL-
LVM inchoauit. Trajicere conatus in Siciliam tempestate coortâ, & Pœnis insuper ob-
sistentibus, multas naues amisit. Has tamen red-

reddidere Carthaginenses, ne huic bello causam præbuisse viderentur. Appius tamen exploratâ freti Siculi naturâ, inuitis Pœnis Messanam appulit cum copiis, autorque fuit Mæmertiis clam euocandi ex arce Hannonis, atque in carcerem compingendi. Quod cum agnouissent Pœni, iubent Romanos facessere Siciliâ, non obsequentibus bellum indicunt, & in suis omnibus castris repertos Italicos milites crudeliter interficiunt. Tum obsident Messanam cum Hierone. Consul autem dum fingit repetere Italiam, mox navigatione conuersâ appellit ad Siculum litus non longè à castris Hieronis, eumque deuictum in montes compellit. Oppugnauit & Punica castra, immò & Syracusas, sed utrobique irritò conatu; quando tantum non interceptus est. Tandem peste ac fame pressus relicto Messanæ luculento præsidio Romam rediit, triumphaturus, cum vix bellum esset inchoatum.

Consulum alter M. Fuluius Flaccus Volsinium cepit & euertit, seruos propugnatores vrbis, at dominis suis infidos tormentis excruciatos necari iussit, fidos verò alio in loco habitare iussit, ac de his omnibus triumphauit, quando & triumphus seruili nomine videtur fuisse functus.

Tam primum Marcus, & Decimus Bruti in honorem patris sui demortui tria gladiatorum paria commiserunt, impiâ parentatione, & quæ postea humani sanguinis plurimum specie pietatis immaniter effudit.

*Volsinium
capitum &
euersum à
Rom.*

*Gladiato-
res Romæ
primum in
funeribus
adhibiti.*

CAPVT X.

DECAS DECIMA.

Ab anno 3790. ad 3800.

OLYMP. CXXIX. *Mundi Vrb. Cond.*
ann. 2. 3791. 491.

A Mbo Consules Man. Valerius Maximus, & Manius Oracilius in Siciliam cum copiis trajicere iussi sunt, vbi septem atque sexaginta vrbes in potestatem suam redegerunt. Collecto igitur ex dedititiis grandi exercitu Syracusas oppugnaturi veniunt: Verum occurrens illis Hiero pugnavit feliciter, multos captivos abduxit, & servauit urbem. Cum tamen idem Hiero postea aduersus Valerium malè pugnasset, obsessæ iterum Syracusæ. Itaque videns sibi rem esse cum hominibus cedere nesciis, pacem petiit à Romanis, quam obtinuit vrbibus redditis quas occuparat, & centum talentis persolutis, vt seruaret regnum. Perstitit autem fidelis annis quinquaginta, magno utique commodo dantis fidem, & accipientium.

OLYMP. CXXIX. *Mundi Vrb. Cond.*
ann. 3. 3492. 492.

Antiochus Soter regni sui anno vndeagesimo obiit. Successit ei filius ex Stratonice Antiochus cognomento *ὁ Θυγάς*, quod nomen accepit à Milesiis adulatoribus, cum eorum tyrannum Tymarchum sustulisset, opere planè quod saperet Deum, cuius tantum manu mali populorum rectores debent exterminari.

Tum Demetrius Antigoni Gonatæ filius puer absente patre reparato exercitu non modo amissum regnum Macedoniæ recepit, sed & Alexandrum Epiri regem qui Patrem Gonatæ regno spoliarat, exiit suo, atque ad Arcadas.

*Videtur
 Hiero pco
 eum imp-
 erat &
 seruum
 constantis-
 fuit.*

*Mortuus
 Antiochus
 Soter.*

*Ei succe-
 dit Antio-
 chus Deus.*

*Demetrius
 recipit Re-
 gum Mac-
 edoniae.*

das fugitium abire compulit. Idem tamen Alexander paulò post reuocatus à suis didicit & lubricam esse principum dignitatem, & miseris spoliatisque Regibus numquam esse desperandum.

*Alexander perdis
regnum
Epiri ac
recipit.*

Nicomedes Bithyniæ Rex, ut Eusebius tradit, Astacum amplificauit, & de suo nomine Nicomediam dixit, urbem inter Orientales illustrem, & principum deinceps Bithynorum primariam.

*Nicomedes Astacum de
suo nomine
Nicomedia vocat.
Romani capiunt
Agrigentum.*

Carthaginenses Hannone duce belli sedem aduersus Romanos eligunt Agrigentum, quò plurimum commeatum conuehant, & grandes copias mercenariorum aduocant. Duo Consules L. Postumius Megillus, & Q. Mamilius Vitulus hanc urbem belli caput obsederunt, ubi tam oppugnatores, quàm propugnatores fame morbisque debilitati prælium atrox ineunt. Romani vincunt, Pœni amissis Elephantis, multisque opibus Heracleam profugiunt. Captum Agrigentum, ciues spoliati ac venditi durissimas hospitij pœnas dedere, Consules alterum de Carthaginensibus triumphum meruerunt.

OLYMP.CXXIX. *Mundi Urb. Cond.*

ann. 4.

3793.

493.

Consules L. Valerius Flaccus & T. Ottacius Crassus, Siciliam quoque adeunt ambo, multasque mediterraneas ciuitates sibi adiungunt: at maritimæ metu Punicæ classis in officio continebantur, vel à Rom. deficiebant. Præterea eadem classis Italicam populabatur oram, & in varia loca aut bellum, aut belli metum circumferebat. Romani itaque qui hætenus Locrensiū, Rheginorum, & Tarentinorum nauibus vsi erant, nati Punicam nauem quæ ad oram suam impegerat, huic similes ædificare nituntur. Dum paratur Romana classis Hannoni abrogatur imperium, eique subrogatur Amilcar Barcino, quasi is eadem Agrigentiam facere posset: additus quoque huic Annibal senior

*Romani
primum
classem ædificant.*

qui præfesset classi, vt duobus Consulibus, duo Pœni duces objicerentur.

OLYMP. CXXX. *Mundi* Vrb. Cond.

ann. 1. 3794. 494.

*C. Scipio
ad Lipa-
ram capi-
tur.*

C. Cornelius Scipio, & C. Duilius Nepos
Coss. paratam à Romanis classem 130. nauium
conscenderunt. Primus Scipio Messanam ap-
pulit, vnde ad Liparam proditoriè inuitatus,
operâ Boodi legati Annibalis oppressus est, vi-
uusque captus, cum aliquot Tribunis missus est
Carthaginem vbi in vinculis necatus est, exper-
tus in insidiis, capturâ, nece, Punicam fidem.
At eius collega Duillius paratis Coruis in suis
triremibus perrexit in Annibalem, eius naues
50. cepit, & inter reliquas Prætoriam ipsam,
ceteras fugauit. Coruis enim suis effecit vt sta-
tariam quasi pugnam Pœni inire cogerentur, quâ

*Duillius
de Pœnis
navalis
victoria.*

Romanis inferiores erant. Elapsus Annibal ex
Prætoriâ naui in Scapham, atque vt potuit clas-
sem reparauit. Consul exscensione factâ in Si-
ciliam Ægestanos obsessos liberauit, oppidum
Macellum expugnauit. Vicissim Annibal qua-
tuor millia Romanorum, qui ob enatam in præ-
dæ diuisione controuersiam, secesserant concidi-
dit, ac deinde cum reliquiis suæ classis Cartha-
ginem reuolauit. Hic in Concione populum in-
terrogauit, vtrum classe pugnaret aduersus Ro-
manos, cui cum populus assensus esset, pugnaui,
inquit, & victus sum; sicque pœnam crucis non
effugit modò, sed & cum nouis nauibus remissus
est in Siciliam. Duillius autem reuectus Ro-
mam triumphauit, & quandiu vixit retentâ qua-
dam triumphali specie quotidie triumphare co-
natus est, admotâ sibi tibicine ad cuius cantum
quotidie è cœnâ reuertebatur.

*Duillius
perpetuus
triumphus.*

OLYMP. CXXX. *Mundi* Vrb. Cond.

ann. 2. 3795. 495.

*C. Aquil-
ius Florus
Siciliam
seruat.*

C. Aquilius Florus in Sicilia impedit quò-
minus hæc tota veniret in Carthaginensium
manus. Hic enim Amilcar vrbes plurimas vi-
ali-

aliquas prodicione cepit, quando & Drepanum muniit, & Erycem, ne vsui esset Romanis, euerit.

Eius autem collega L. Cornelius Scipio Barbati filius cum duceret classem in Corsicam, ventis exagitatus ædem Tempestati vouit, ac postea structam dicauit. In hac cepit Aleriam primariam insulæ ciuitatem, Inde perrexit in Sardiniam vbi & potitus est Olbia vrbe, singulari stratagemate. Porro in vrbe huius oppugnatione cecidit Hanno, ab eodem Scipione magnifico elatus funere, vt virtute cum Pænorum tutore certaret, qui affinem suum crudeliter sustulerant. Quibus gestis meritò triumphauit, non vno tantum, sed multiplici triumpho dignus.

L. Cornelius Scipio bene gerit in Corsica vinct ædē tempestati.

Eodem anno Romæ seruorum tria millia & quatuor millia sociorum naualium, de incendiandâ vrbe conspirarunt. Patefacta est per Ælium quemdam Potilium conjuratio, qui eam adornarat vt patefaceret, & multorum supplicio perfidē sibi gloriam, mercedemque quaereret.

Roma serui meditantur vrbem incendere.

OLYMP. CXXX. *Mundi* Vrb. Cond. ann. 3. 3796. 496.

Consules A. Atilius Calatinus, & C. Sulpitius Paterculus ambo de more in Siciliam missi, qui & Pænis prodire non audentibus insultant. Atilius Hippanam, Mytistratum, & Camarinam capit: & Mytistratum obsidione 7. mensium cinxit tertio repetitâ; idenque ferro & flammis in obstinatam urbem sæuitum. Camarinam quoque cum expugnasset machinis ab Hierone missis, vniuersos eius ciues sub coronâ vendidit. Ad hanc porro urbem Calatinus perierat insidiis circumuentus nisi eum, atque copias M. Calpurnij Tribuni militum virtus periculo liberasset. Hic cum trecentis focis euasit in tumultum fortiter, omniaque hostium tela in se conuertit, occupato aduersus eum, distento.

Duo Consules vario euentu pugnant in Sicilia.

Calpurn. Trib. mil. seruus Consulē exercituum.

que hoste, Consul ex locis iniquis euasit, trecenti milites illi omnes interierunt, Calpurnius vulneribus deformatus inter cadauera inuentus diligenter sanatus est, atque in triumpho Atilij nobilissima pars pompæ fuit.

*Annibal
Gisconis
filius vi-
ctus ab
Atilio à
suis cadi-
tur.*

Consulum alter Sulpitius post vexatam feliciter Sardiniam, Africam inuadere cogitat. Annibal Gisconis filius patriæ metuens eodem pergit, sed ambo aduersâ tempestate repelluntur. Deinde Annibalem per transfugas subornatos decepit Atilius, quasi Romani iterum Africam tentaturi essent; itaque statim ille soluit à portu; verum incidit in Sulpitium qui multas eius naues demersit, alias ipse vacuas reliquit hosti, fugitque Sulcos in vibem Sardinie, ubi coortâ seditione à suis interemptus est. Polybius in crucem actum scribit, Orosius lapidibus obrutum, pœnâ vtrique dignâ ignauo, atque fugituo.

OLYMP. CXXX. *Mundi* Urb. Cond.

ann. 4. 3797. 497.

*C. Atilius
Seranus
Pater p.
victor
vinctus.*

C. Atilius Seranus (ita dictus quod missi ad eum Consulem salutandum, semen manu suâ spargentem deprehenderant) ad Tyndaridem Siciliæ portum applicuit. Vnde cum vidisset Carthaginensium classem satis incomposite præternauigantem, eam cum decem nauibus aggreditur, reliquis subsequi iussis. Sed eas decem, pluribus Pœni aggressi corrumpunt, & periculum adibat Prætorja, nisi remigum incredibili contentione subducta foret. At reliquæ naues Romanæ aduentantes, eis reposuerunt vicem; decem enim capiunt cum militibus, octo deprimunt, reliquas in Liparam fugant, ita Consul sui æmeritatem fortitudine suâ Romani emendauere.

OLYMP. CXXXI. *Mundi* Urb. Cond.

ann. 1. 3798. 498.

Antigonus Gonatas hoc anno libertatem Atheniensibus reddidit, deducto ex Musco Mace-

Macedonum præsidio . Eos enim sibi demereri voluit, & obstringere, benevolentiam potius quam vi ; cum illa aut semper, aut diu vigeat, hæc tantum duret quantum violentia, quæ non solet esse diuturna.

*Antigonus
Gonatas
libertatem
Athens.
reddis.*

M. Attilius Regulus, & L. Manlius Vulso hujus anni Consules cum classe trecentarum, & quadraginta navium in Africam trajicere parant ; quibus oppositi Annibal, & Hanno cum triremibus paulò pluribus eos aditu prohibere student . Commissum tandem inter utramque classem certamen, quo Romani superiores extiterunt amissis tantum navibus 24. sine vectoribus, cum Pœni triginta è suis demersas, sexaginta sex cum hominibus captas perdidissent . Quare v. & r. Romana classis versus Africam vela facit, quò tendit quoque Hanno, ut patriam tueatur, sed fugienti quam propugnatori similior. Consules igitur excensionem ad Clypeam faciunt, qua vrbe statim fortitudine suâ, & formidine oppidanorum potiuntur . Inde vastitatem agris inferunt, corrumpunt ædificia pulcherrima, quæ hostem, & armatum numquam viderant, immensam abigunt vim pecoris & armenti, accaptiuorum 20. millia, præter suos, quibus compedes fregerant.

*Vili Pœni a M.
Atilio
Regulo
Vulso
Cess.*

*Rom. Cly-
peam ca-
piunt &
Africam
populantur*

Interea litteræ à Senatu deferuntur quibus imperatur ut Consulum vnus maneat in Africa, alter redeat Romam . Manlius cum 27. millibus captiuorum pergit ad triumphum de victoriâ navali, Attilius restat in Africa cum navibus 40. quindecim millibus peditum, & equitibus quingentis, sed restat ad vincula, & indignam tam illustri capite carnificinam.

*Relinquitur in
Africa
Regulus.*

Ac principio oppositos sibi tres Imperatores Asdrubales duos, & Amilcarem repulit: (alij Bostoarum vnus Asdrubalis loco substituunt) iisque inuitis totam regionem populatus est . Tum ad oppidum Adin, dum ei suppetias ferre cupiunt, magnâ affecit clade, in tumultis pugna-

*Regulus
rem exre-
git & perit
in Africa*

re compulſos, vbi nullusequorum, nullus Elephanthorum vſus, quibus Pœni abundabant. Eo in prælio duodeuiginti millia armatorum caſi, capti cum Elephantis octo, equorum quinque millia, denique ſeptuaginta tres ciuitates receptæ huius victoriæ fuere appendices. Ex iis autem oppidis ſelegit Tunetum, vbi caſtra poſuit, ad diuexandos ex proximo Carthaginienſes, ſtationem opportunitam.

*Serpens
inſuſate
magnitu-
dinis ad
Fl. Ba-
gradam.*

Tum quoque ad Bagradam fluuium inſuitatæ magnitudinis ſerpentem interemit. Erat iſ pedum centum viginti, tam duris squammis, vt hæ reſiſterent telis. Tandem muralis machinæ ſaxo contractus, multisque ſimul appetitus telis interiit. Huius pellis Romæ ſuſpenſa è templi Tholo diu perdurauit, vt inuentum eſſe illiusmodi in Africa monſtrum, ſaltem oculis crederetur.

OLYMP. CXXXI. Mundi Urb. Cond.

ann 2.

3799.

499.

*Achæi
vnum Pra-
torem eli-
gunt.*

Achæi hoc anno pro duobus Prætorem vnum eligere cœperunt, quorum primus Carynensis fuit. Hic magiſtratus Vere eligebatur, vt apud Ætolos Autumno, atque vnius hominis regimen viſum eſt turbatis hiſce Rebus publicis accomodatius.

*Carthagi-
nienſes
pacem pe-
tunt, fru-
ſtra.*

Carthaginienſes pacem à Romanis flagitant; ſed tam duras proponit conditiones Regulus, vt quouis bello viris fortibus deteriores viderentur. Pace itaque deſperatâ Xantippum Lacedæmonium non ita pridem aduectum cum lectâ mercenariorum manu copiis ſuis præficiunt Imperatorem. Atilius ducem illum quaſi Græculum contempſit; verum ſtatim is quis eſſet oſtendit. Deduxit enim Pœnos ex montibus in planiciem vbi eorum equitatus excurreret, atque Elephanti facere poſſent impreſſionem. Et verò ſic Atilium adortus, non modò deuicit, ſed & viuum cum quingentis cepit. Duo millia non ſine portento Clypeam fugerunt, reliqui inter-

*Vittus
Regulus a
Xantippo*

ſecti

facti sunt. Eutropiustriginta millia cæsa, quindecim millia capta cum Regulo mendaciter asseruit; quia vix sedecim millia Regulus sub signis habebat. Pœni periculo hoc perfuncti Xantippum cum Græcis statim remittunt, ne ab iis seruati viderentur, & remittunt stipendio non persoluto, deferendos in insulâ desertâ, Xantippum etiam in veteri naue, ac rimosa, sed recens ad dolum tegendum picatâ, vt naufragium faceret, quodei contigisse nonnulli scribunt, alij tamen asserunt ab eo vitatum, consensâ aliâ naui. Atilium fame maceratum, & ab Elephantæ sæpè territum in carcerem teterrimum compegerunt, mortalium omnium ingratiissimi homines, & vindictæ appetentissimi, quæ duo ferè scelera cognata sunt, & conjuncta.

Carthaginienses ingrati in Xantippum, in Regulum crudèles.

Seruius Fuluius Nobilior, & M. Æmilius Paulus Consules auditâ suorum clade, cum classe 350. nauium Africam petunt. Tempestate jactati Corsuram insulam occupant, ac præsidio muniunt. Inde repetito versus Africanæ cursu inueniunt objectas sibi ducentas Biremes Punicas, quas vincunt, & ex iis 114. capiunt cum vectoribus. Ad tantam victoriam quidam scribunt multum profuisse erumpentes ex Clypea Romanos, quos recepere in suis nauibus Consules, & ad triumphum festinauere. Verum ad Siciliæ latus Australe tam fœdum passi sunt naufragium, vt ab vrbe Camarina Pachynum vsque, littus hominum iumentorumque cadaueribus, & quassatarum nauium fragmentis sterneretur, atque prætexeretur. Ducentæ octoginta quatuor naues dicuntur periisse, incolumes tantum octoginta Romam appulisse. Quam Romanorum cladem more suo Diodorus Siculus amplificat, in Pœnos, quàm in Romanos propensior. Naufragos Hiero benignè suscepit, vestibus rexit, cibo aliisque necessariis recreauit, ac Messanam perduxit. Quibus Carthagine auditis reparatâ subito classe Asdrubal cum trecentis nauibus,

Coff. vincunt Pœnos, & suos Clypea recipiunt.

Horribile Ro. naufragium.

Sicilia
venarum à
Panji. bus, & Elephantis centum sexaginta in Siciliam
appellens, eam plurimum turbat. Carthalus
etiã Agrigentum capit, & incendit, ac eius
mœnia penitus euertit. Ita hoc anno Dij atque
homines in Romanorum perniciem, & clades
conspirasse videbantur.

OLYMP. CXXXI. *Mundē* Urb. Cond.

ann. 3. 3800. 500.

Coss. Si-
ciliam in
afficio re-
uincit. Cn. Cornelius Scipio Asina, & A. Atilius Ca-
latinus ambo secundum Coss. jubentur nouam
reparare classem. Itaque expediunt 220. trire-
mes, & adjunctis quæ Messanz erant naufragij
reliquis trecentarum nauium classem educunt.
Appellunt in Siciliam peropportunè, alioqui
tota periclitabatur, vrbesque omnes inclinabant
in Aldrubalem. Aliis vrribus confirmatis Pa-
normum Consules machinis acerrimè verbera-
tum ad deditionem cogunt, pactis in singula ca-
pita dedititiorum duabus minis, idque factum à
quadraginta millibus ciuium, reliqua triginta
millia vñierunt. Panormi exemplum secutæ
vrbes fœderis Punici. Ita res Romana in Sicilia
reparari cœpit, atque vrbs eiusmodi capta
naufragij memoriam apud Siculos aboleuit.

Panormi
à Rom.
capitur.





LIBER VI.

SÆCVLVM MVNDI

TRIGESIMVM NONVM.

Ab anno Mundi 3800. ad 3900.

CAPVT PRIMVM.

PRIMA DECAS.

Ab anno 3800. ad 3810.

OLYMP. CXXXI. *Mundi* Vrb. Cond.
ann. 4. 3801. 501.



OVI Coss. Cn. Seruilius Cæpio
 & C. Sempronius Blæsus in Sici-
 liam, inde in Africam trajicere
 conantur, ad quam tamen, pro-
 hibentibus Pœnis excensionem
 numquam facere potuerunt. Qua-

*Noni Coss.
 frustra
 Africam
 æstant.*

re ad Lotophagorum insulam delati, & inde in
 breuia Minoris Syrtis, onerum iacturâ ægrè sua
 expelierunt naues. Itaque victis similes, versus
 Siciliam direxerunt iter. Verùm ad Lilybæum
 tam atroci tempestate iactati sunt ut 150. naues
 amitterent, & ab omni ferè parte Siciliensia lit-
 tora suis naufragiis Romani strauisse dicerentur.

*Naufragi-
 um fa-
 ciunt ad
 Syrtis.*

OLYMP. CXXXII. *Mundi* Vrb. Cond.
ann. 1. 3802. 502.

Sub initium hujus Olympiadis, vti scribit
 Arria-

*Parthici
regni in-
tia sub
Arsace.*

Arrianus in Parthicis apud Photium, Arsaces cum Teridate fratre, Agathoclem (alij Phere-
clem vocant) ab Antiocho & Parthienens præ-
fectum, ob tentatam alterutrius pudicitiam oc-
cidit; tumque Rex Parthorum creatus, postea
Calligicum vicit, sicque firmavit imperium
deinceps Romano metuendum, ac propè par.
Arsaci autem præluxerat exemplo suo Theodo-
tus Bactrianorum præfectus; qui mille vires
abduxit à Macedonibus, aliosque Principes
Orientis ad rebellionem induxit; dum Macedo-
num in Asia Reges parum inter se conueniunt,
& exemplo suo ad seditiones, vt conspiratio-
nes subditos suos erudiunt.

*Bactria-
norum re-
gnum sub
Theodoro.*

*Ro mare
omittunt,
ideo exci-
piuntur à
Pœnis.*

Populus Romanus tot naufragiis perfunctus
statuit hoc anno mare, ac naues omittere, &
sexaginta tantum nauibus defendere à Cartha-
ginienfibus Siciliam. Sed hoc decretum temere
emissum fuisse euentus prodidit. Pœni enim
jam Domini maris ex propugnatoribus, facti
sunt oppugnatores, vbique Romanos aggressi.
Transgressi igitur in Siciliam ambo Consules
C. Aurelius Cotta, & P. Seruilius Geminus
Himeram cepere, sed vacuam, transportatis
prius per Pœnos ciuibus. Tum etiam Aurelius
acceptis ab Hierone nauibus in Liparam insu-
lam transiit, & cognominem insulæ obsedit vr-
bem. Ab ea Auspiciozum causâ reuocatus Q.
Cassium Tribunum militum reliquit legatum
suum, sed pugnare prohibitum. Cum nihilomi-
nùs oblata occasione, is inuasisset hostem, & mul-
tos è suis amisisset, eum rediens Consul exauto-
rauit. Frontinus hunc legatum vocat Aurelium,
& Consulis cognatum: additque virgis cæsum
inter gregarios relatum, seuerissimo exemplo
disciplinæ militaris. Tum quoque urbem Ther-
mas Romani mille, præfecti portæ urbis à se
capti, proditione cepissent, nisi nobiliorum
obstitisset auaritia: hi enim cum soli urbem
locupletem diripere voluissent, ingressi iussu
clau-

*Senecitas
Rom. in
disciplina
militari.*

*Ro. vario
ritu in
Sicilia
pugnant.*

claudi portam, sicque reliquos excludi. At hi pauci à multis ciuibus concisi consilium Romanis vtilissimum, cupiditate suâ, eiusdemque pœnâ, discutere.

OLYMP. CXXXII. *Mundi Vrb. Cond.*

ann. 2.

3803.

503.

Aratus Sicyonius Sicyonem Achæorum societati prudenter adiungit, factus eius prætor, cum annum ætatis vigesimum vix expleisset, sed annos supplente virtute, ac sapientiâ.

*Aratus
Prætor Achæorum.*

L. Cæcilius Metellus Consul cum collega C. Furio Pacillo cum 60. duntaxat nauibus ex S. C. in Siciliam trajiciunt, ac Panormum appellant, comitum, legionesque novas deportantes. Asdrubal, cognito regressu Furij cum parte copiarum, ex Lilybæo profectus Metellum aggreditur, maxime confusus suis elephantis 130. quos Romani summopere reformidabant, atque equitum peditumque triginta milibus. At Romani ex munitionibus suis belluas telis appetitas in Pœnos ipsos conuerterunt, ac perturbatis hostibus superueniens cum recentibus copiis Metellus plenam retulit victoriam. Capti centum viginti elephantes, & traducti per vniuersam Italiam cum Indis rectoribus, & Romanis ademerunt metum, & Metelli triumphum nobiliorem reddiderunt. Asdrubal amissis suorum viginti milibus Lilybæum fugit, & absensa Pœnis capite damnatus est. Quidam in patriam reuocatum scribunt, ibique actum in crucem dedisse pœnas superbiæ suæ stoliditatis.

*Metelli
de Asdrubale in
gens victoria.*

Hac clade turbati Pœni captiuos nobiles Romanos, cum Atilio Regulo mittunt Romam, ut de pace, & permutandis captiuis agerent, jureiurando prius astrictos, se redituros Carthaginem, si nihil impetrarent. Atilius pacem & permutationem captiuorum dissuasit, quod Punica nobilitas, & iuuentus in vinculis Romanis esset, senes & jam morituri in Carthaginensium custodiis. Addidit & mendacium

*Regulus
missus Ro-
mam pa-
cem dis-
suadet.*

ora-

*Pænorum
in Regu-
lum cru-
delitatem*

*Nec Ro-
minius cru-
deler in
Pænos ca-
pitulos.*

orationi suæ: finxit enim epotum à se venenum, ex quo breui moriturus esset, sicque pace discussa latus, & alacer ad vincula rediit. Ingressus Carthaginem habitus est crudelissimè; resectis enim palpebris, vel sursum deorsumque consutis, expositus est ad Solem: Quotidie etiam inclusus in machinâ seu dolio acutis clavis intrinsecus horrente, in quo circumagebatur, machinâ illâ ex loco lubrico defluente. Sic cruciatus, ac præterea diu vigilare coactus interiit Regulus, vir supra hominem fortis & constans. Aliunde nobiles Pænos affinibus Atilij Senatus cruciandos obtulit, quod illi quoque atrocissimè præstiterunt, haud satis ex Romanâ fortitudine, quæ crudelitate, cum crudelibus pugnare non debuit.

OLYMP. CXXXII. *Mundi* Vrb. Cond.
ann. 3. 3804. 504.

*Lilybæum
fortiter in-
vaditur à
Ro. forti-
ter à Pæ-
nis defen-
ditur.*

Metelli victoria Romanos iterum nauibus committere fortunam suam compulit. Creati igitur Coss. C. Attilius secundum M. Atilij fratrem, & L. Manlius Vulso cum classe ducentarum nauium Panormum appulere, vnde Lilybæum profecti, eò copias omnes Siculas euocarunt, vt hanc urbem obsiderent, eo capto in Africam transgressuri. In huius urbis auxilium misere Pæni Annibalem à quo fortiter est propugnata, vt acriter oppugnata, maximè cum vterque populus ex eo oppido fortunam suam prosperam aut aduersam pendere crederet.

OLYMP. CXXXII. *Mundi* Vrb. Cond.
ann. 4. 3805. 505.

*Aratus ob-
tinuit pro
euniam à
Philadel-
pho.*

Exules Sicyonij bona repetebant sua, nec eis restituendis par erat Aratus. Pergit itaque ad Philadelphum, ad quem per multa pericula peruenit, atque ab eo centum quinquaginta talenta abstulit, magnæ discordiæ inter populares suos amulectum.

In Siciliam noui Conſules P. Claudius Appius, & L. Iunius Pullus traiecere ambo ob con-
tem-

temptam religionem infelices, & pullos sacros quia esse nollent, bibere jussos, atque submersos. Claudius cum decem. millium supplemento venit Drepanum, quod occupant Pœni Lilybatani, eoque submiserant equites, unde plurimum Romanis incommodabant. Hic dum Adherbalem cum 90. navibus, ipse cum centum viginti parat inuadere, tam malè classem ad littus disposuit, ut vinceretur, amitteret 90. naues cum propugnatoribus, ipse cum viginti fugeret ex æquo impius, imprudens, & ignauus.

Coff. ambo infelices ob contempnam Religionem.

Iunius ab Adherbale.

Appian. & Carthalo ne vincitur.

Alter Consul jussus comæatum deferre Lilybæum cum 60. navibus, eo tempore venit quo Carthalo Pœnus classem Romanam ad eum portum vicerat. Is igitur occurrit Iunio, & inter classem cui Quæstores præerant, & classem quam ducebat ipse Consul subit, alterutram oppressurus. At Romani dum certamen declinant ad periculosa loca confugere, ubi coorta tempestate eorum naues ita conquassatae sunt, ut ne tabula quidem vlla integra ex tanto naufragio superesset. Carthalo ægrè euasit Pachynos, cui cælum sine labore, sine sanguine pugnauerat. Iunius conatus est nobili aliquo facinore cladem suam sarcire, cepitque Erycem Veneris æde notam in monte, sed proditione, ut aliquid infamiae rebuscius gestis semper allinere-tur; sicque Romam rediit collegæ suo, ut impietate, sic infortunio suppar.

OLYMP. CXXXIII. Mundi Urb. Cond.

ANN. 1.

3806.

506.

Superioribus annis Magas Ptolemæi Philadelphii frater, qui Cyrenæis præerat, capitali odio prosequabatur fratrem, ideo Apamea filiam Antiochi *Ζωρῆος* quem huic insensissimum norat, uxorem duxerat. Suasit igitur ille socero ut Philadelphum bello peteret, & cum exercitu descenderet in Ægyptum. Hanc expeditionem ut auerteret Ptolemæus pluribus populis Antiocho infestis subsidia miserat, quorum excursio-

Terminata discordia inter Reges Syria, & Ægypti.

*Berenice
nubit An-
tiocho
Deo.*

sionibus ab Ægyptiaco bello distractus est. Cum igitur istæ inimicitie diu perseverassent inter Ægypti Syriæque Reges (nam eas Soter filio suo Θεω reliquerat hæreditarias) eæ tandem hoc anno sopitæ, ac terminatæ sunt. Dedit enim Philadelphus Antiocho Θεω uxorem filiam suam Berenicem, licet hic ex Laodice jam duos haberet liberos Seleucum Callinicum, & Antiochum Hieracem. Ac proinde Laodicem ο' Θεο, deinceps concubinæ loco habiturus esset. Tantùm autem diuitiarum dotis nomine attulit Ptolemæus, ut inde Φαυπόπος appellaretur. Sed nuptiæ auro conciliatæ, breui superioris vxoris amore, auro potentiorē, dissolutæ sunt.

*Romani
vrsus omis-
sunt mare.*

Romani ex tædio tot naufragiorum iterùm maritima neglexerunt bella. Itaque P. Seruilius Geminus, & C. Antistius Cotta Coss. sine classe in Siciliam traiecerunt, vbi Lilybæum & Drepanum terrâ vexarunt, & Carthaginenses quominus in alios portus insulæ facerent excursionem prohibuerunt. Tum quoque Romani cum Hierone perpetuam firmarant amicitiam, remissis ei tributis, quia jam se socij & amici nomine constanti fide dignum reddiderat. Aliunde Carthalo Pænus Italicam vexauit oram, sed terroris plus Romanorum sociis, quam damni circumtulit.

OLYMP. CXXXIII. *Mundi Vrb. Cond.*

ann. 2.

3807.

507.

*Moritur
Philadel-
phus.*

Mortuus est hoc anno Ptolemæus Philadelphus, & ex morbo quidem, cum tenui admodum esset valetudine; ideoque noui semper aliquid quæreret, quod se oblectaret. Hoc vno celebratissimus fuit, quod eius potissimum operâ Deus qui tantùm hætenus Hebraicè locutus erat, versione septuaginta duorum Interpretum Græcè quoque, & pari fide loqueretur. Statim autem patri successit Ptolemæus Euergetes ita dictus ob egregia in Ægyptios merita, eorumque Deos ex Syria relatos, animumque benefi-
cum,

*Patri facti
credit E-
uergetes.*

cum, & qui verè sciret Regem.

Hoc anno natus creditur Annibal, magna Romanarum victoriarum morâ, atque pernicios, quo Amilcari cognomento Barcæ maris præfecturâ commissa est. Hic excensione factâ Locrorum, & Bruttiorum agros vastavit. Inde ad Panormum appulit, locumque inter Erycem, & Panormum communiit, vnde negotij multum, damni que Romanis exhibuit. Interea carebant classe Romani pertinaciùs, quàm vtiliùs. Priuati tamen aliquot cum nauibus sibi à Rep. concessis, in Africam nauigarunt, Hipponem, que subeunt multas hîc naues, plures ædes incenderunt; & quamquam in portu extensa catena conclusi viderentur, ex eo tamen feliciter & ingeniosè fugerunt. Consulum verò alter L. Cæcilius Metellus secundum ad Lilybæum substitit; alius Numerius Fabius Buteo (alii M. Fabium vocant) Drepanum obsedit, ac Peliadem seu Columbariam insulam deleto Pœnorum præsidio occupauit. Quamquam autem carere nauibus, eam ductis è terra aggeribus continenti junctam contra Amilcarem tam fortiter, quàm ingeniosè defendit.

*Nascitur
Anibal.*

*Coss. non
male rem
in Sicilia
gerunt.*

OLYMP. CXXXIII. Mundi Vrb. Cond.
ann. 3. 3808. 508.

Auditâ Ptolemæi morte Antiochus Deus jam solutus metu, & amore superatus Laodices, eam cum liberis reuocauit in Regiam. Hæc verita mariti leuitatem, quam jam ipsa experta erat in suis amoribus, per suos ministros Deum illam ex hominum numero sustulit veneno; filioque Seleuco Callinico ad regnum viam patefecit. Is ingressus regnum statim filium ex Berenice natum cum ipsâ, Icadioni, & Gennæo proceribus interficiendo tradidit, matre exhortante. Berenice addicta neci fugit in Asylum Daphnes, sed inde extracta per dolum trucidata est. Verùm vnde sperabat Callinicus regno suo securitatem, & tranquillitatem, inde huic bel-

*Antiochus
Deus re.
nocat Lao
dicena qua
ille inter
ficietur.*

*Patri suc
cedit Se
leucus Cal
linicus.*



bellum, & vltimam propè perniciem accersit,

Eius ini-
rum re-
grum cru-
dele.
Iosephus
Euerge-
tem Onia
placato
Onias Simonis iusti filius Pontifex Hieroso-
lymitanus, cum tributa non pensitasset Ptole-
mæo Euergeti pœnas dedisset rebellionis suæ,
& avaritiæ, nisi Iosephus sororis ejus filius, qui
se in Regis insinuarat amicitiam eum auunculo
suo placasset: profuit ergo huic sui nepotis in-
dustria, ac ingenium; & didicit quanto periculo
pecunia debita principibus denegetur à subditis.

Hoc anno, quo fuere Consules M. Fabius
Licinius, & M. Fabius Otacilius Crassus, mu-
nitor ab Amilcare Eryx; ad quam cum biennio
pugnatum sit, mons ille non Veneris tantum,
sed & Martis sedes fuit.

Claudia
ob voces
impis
multatur.
Filia Appij Claudij Cæci in turba populi
compressa, has voces importunas effutiit, *uti-*
nam frater meus viueret, & duceret classem; is
erat Appius Pulcher, clade potius quam rebus
gestis illustris: ideo hæc mulctata est ab Ædili-
bus, quod votum impium, & Romanâ sceminâ
indignum concepisset.

OLYMP. CXXXIII. *Mundi Vrb. Cond.*

ann. 4. 3809. 509.

Asia vrbes
in Calli-
nicum re-
bellant &
se Euerge-
si dedunt.
Auditâ morte Berenices, eiusque filij yrbes
Asiæ in Callinicum exarserunt, & Ptolemæo
sefe frequentes dediderunt, qui hanc armis pro-
sequēbatur iniuriam. Hic Syriam cum classe
ingressus totam occupauit, vnâ cum Cilicia, &
spoliis Asiaticis dirauit exercitum. His damnis
& maiorum metu Laodices & Callinici crude-
litas in Berenicen stetit.

Pani vi-
stis Fe-
bio Bu-
reone.
M. Fabius Buteo Consul Africanam classem
tendentem in Italiam, paratâ classe Romanâ
ad eius tutelam propè Ægimurum deuicit, &
Libycis spoliis naues suas exornauit, quæ ta-
men disiectæ tempestate atque dissipatæ nobilem
triumpho materiam substraxere.

OLYMP. CXXXIV. *Mundi Vrb. Cond.*

ann. 1. 3810. 510.

Concitata est hoc anno grauis in Ægypto se-
ditio,

ditio, quam ob causam populatâ Callinici ditione Euergetes redire compulsus est. Retulit nihilominus quadraginta milia talentorum auri, vasa preciosa, simulacra Deorum duo millia quingenta, quæ Cambyfes olim extulerat ex Ægypto, vnde nomen Euergetis apud gentem Diis suis, & idololatriæ addictissimam promeruit. Syriam autem reseruauit sibi; Ciliciam amico suo Antiocho gubernandam tradidit, Prouincias autem trans Euphratem Xantippo duci suo regendas commisit. Callinicum sanè exuturus regno nisi ex medio victoriarum cursu turbæ cum domesticæ reuocassent, quas componere potius, quàm hostem perdere princeps bonus voluit.

S. ditio in Ægypto, reuocat Euergetem ex Syria.

Coss. A. Manlio Torquato, & C. Sempromio Blæso secundum Colonia Brundisium deducta est à Romanis, jam suo damno intelligentibus quantò sibi præsidio commodi portus essent.

Brundisium deducta Colonia.

Ad Erycem quoque acerrimè pugnatum, vbi ex æquo fames & arma nocuerunt; dum sibi inuicem Romani atque Pœni commeatus præseindunt, & cibaria vtrimque multo sanguine redimuntur.

Ad Erycem pugnatum acerrime.

CAPVT II.

DECA S SECVNDA.

Ab anno 3810. ad 3820.

OLYMP. CXXXIV. Mundi Urb. Cond.

ann. 2.

3811.

511.

A Etoli Macedonum societate relicta Achæis se coniungunt, vnde plus præsidij, minus damni expectabant. Certè hoc anno Aratus Prætor Achæorum Acrocorinthum occupauit callidè, atque inde Antigoni Gonatz præ-

Ætoli Achæis iunguntur.

præsidium deiicit, unde libertas Græcis: quasi ex superiori loco visa est effulgere.

*Callinicus
classens a-
mittit
tempestate*

*Misero
principi
reconci-
liantur vr-
bes.*

Seleucus Callinicus parat ingentem classem aduersus vrbes quæ ab eo ad Euergetem defe- cerant, sed eam tempestas dissipauit, & obruit. Tum misero principi magis calamitas, quam fortuna profuit: eo enim casu misericordiâ per- motæ quædam ciuitates, quasi facinorum jam Diis dedisset pœnas, in eius obsequium sponte redierunt. Syria tamen semper in potestate Euergetis mansit, non voluntate, sed metu do- mini potentioris, & vicinioris.

*Ro. pri-
mum vfi
milite si
pendiario*

*Prinati
Ro. A-
fricam sui
nanibus
venans.*

Coss. C. Fundanio, & C. Sulpitio Gallo Ro- mani primùm vfi sunt milite mercenario. Galli enim quidam dediderunt se Romanis vnaque præsidium quod eis commissum erat quoniam eis stipendia maligne primùm, deinde nullo modo persoluebantur; quo pacto deinceps, iis Gallis nec fides, neque stipendia defuerunt. Tum etiam Romani priuati aliquot nauibus suis Africam infestauere; ne cum Respublica dees- set sibi, relicto mari, Romani omnes Reipubli- cæ defuisse viderentur.

OLYMP. CXXXIV. *Mundi Vrb. Cond.*

ann. 3.

3812.

512.

*Moritur
Gonatas
succedit
ei filius
Demetri-
us.*

*Eumeni
succedit
Attalus.*

*Iterum Se-
leucus vin-
citur.*

Hoc anno mortuo Antigono Gonatâ, qui fortunæ ludus insolens fuit, regnavit in Mace- doniâ Demetrius eius filius, jam a pueritiâ for- tis, & rerum gerendarum gnarus.

In regnum item Pergami Eumeni successit Attalus, quod & annis 43. tenuit. Is cum Gal- lo græcos deuicisset, sibi nomen regis imposuit, eoque se dignum virtutibus regiis præstitit.

Seleucus vrbibus sibi reconciliatis vltionem in Euergetem parat, qui eas ad rebellionem inui- tarat. At iterùm prælio victus pænè solus fugit, quàm anno superiori, miseratione dignior. Scri- bit igitur ad Antiochum Hieracem fratrem suum, eique offert Asiam intra Taurum auxiliij præmium. At is conductis Gallis in miserum fra-

fratrem irruit, eumque toto regno spoliare conatus est, & iam præcipitem impellere. Et vero cum primo impetu vicit. Verum cum iidem auxiliores Galli in eum arma conuertissent, ab illis pacem pecuniâ redimere coactus est, merito expertus infidos, qui aduersus fratrem impius & perfidus extitisset.

*Hieran
fratrem
Selenium
spoliare
nititur.*

Romani Consulibus C. Lutatio Catulo, & A. Postumio Albino classem educunt ducentarum nauium, quas priuati parant, & tum eâ lege tradiderant, vt eadem rebus ex sententia confectis iis restituerentur, Ei classi præfuit Catulus cum Prætor, ac Drepanum vicepisset, nisi in oppugnatione accepisset vulnus. Pœni audito nomine Romanæ classis parant & suam, quam rebus omnibus instructam, & maximè commeatu Hannoni committunt. Is statuerat sibi creditum commeatum ad Erycem deponere, ibique leuatis nauibus cum Romanis configere, ac sese Amilcari conjungere, vtrumque sapienter impedit Catulus, atque eum aggressus ad Ægætem insulam prælio deuicit, demersis 50. nauibus, 70. captis cum vectoribus. Hanno cum paucis fugit in vicinam Hieronesum. Eryx autem cibariis destituta se victori dedit, Amilcare nihil præter missionem sub iugo detrectante. Ita Pœni propugnatores, duodeviginti denariis in singula capita persolutis liberi dimissi sunt, digni propter fortitudinem & constantiam meliori conditione.

*Catulus
Pœnos
vincit ad
ins. Æ-
gætem.*

*Eryx de-
dita Ro.*

OLYMP. CXXXIV. *Mundi* Urb. Cond.

ann. 4. 3813. 513.

Obiit tum Lacydes Cyrenæus Philosophus autor Academix nouæ cum Scholam annis sex & viginti rexisset. Hic ab Anseri sic deamatus, vt ab eo volucris neque noctu, neque interdiu diuelleretur, eius perpetuus comes, & assecla. Mirum fuit alitem alioqui stupidam, sic amare potuisse.

*Moritur
Lacydes
Philos.*

Pax hoc anno Carthaginiensibus à Romanis

Pars III. Tom. I.

B

COO-

*Pax inter
Rom. &
Pœnos post
bellum 24
annorum.*

*Conditio-
nes pacis.*

concessa post viginti quatuor annorum bellum atrox; tot enim annis primum bellum Punicum tenuit. Eius conficiendæ cura Amilcari commissa fuit, qui cum videret eam esse patriæ penitus necessariam, his conditionibus cum Romanis pepigit, ut Pœni Sicilia excederent, Syracusanos non aggredierentur, captiuos sine pretio redderent, argenti talenta Euboïca bis mille ducenta intra viginti annos penderent, qui tamen postea ad decem contracti sunt, additaque mille talenta, quæ ad belli sumptus in præsentia persoluerentur. Quibus legibus acceptis, victam se sine dubio Carthago, Roma gemino triumpho Lutatij exconsulis, & Valerij prætoris de victricem professæ est.

*In Africa
bellum
Lilycum.*

In Africâ statim exortum est bellum Lilycum à Mercenariis, quibus adjuncta sunt seruitia, ac vicini populi. Id cruentissimum fuit, & Pœnos jam deiectos vehementer afflixit, utpote domesticum & ab hoste suis viribus, & agris incluso.

*Falisci
appetiti
bello à
Rom.*

Consules duo Q. Lutatius Cereo, & Aulus Manlius Torquatus secundum bellum gessere contra Faliscos, qui Genucium Tribunum plebis, affecerant contumeliâ. Sex tamen diebus hoc contentum, quindecim millibus eorum caesis, pax reliquis data, agrique adempta pars.

*Tiberis
inundatio
de vic-
tium Ro.*

Tiberis hoc quoque anno intumescens afflixit urbem: secutum mox incendium, quo faviente in ædem Vestæ, Lucius Metellus Pontifex Maximus Palladium eripuit, sed inter flammarum vortices oculos amisit, ante præmonitus à duobus coruis ut rediret in urbem: & reliquo vitæ tempore cæcitatem religionis causâ procuratam patientissimè tulit, ipse spirans exemplar pietatis.

*Metellus
Palladium
securatus,
et
suæ ætis.*

OLYMP. CXXXV. Mundi Urb. Cond

*Eumenes
Gallogræcos debellat.*

ann. 1. 3814. 314.
Eumenes Bithiniæ Rex Gallogræcos jam bello fessos, ipse recens aggreditur, ac debellat, sicque

ficque & victoriâ suâ, & gentis à se deuictæ famâ magnam sibi Asiæ partem vindicauit.

Tum quoque Romani auxilia Euergeti per legatos suos obtulerunt, sed iis acta gratiæ quia tum offerebantur, cum iis Rex nihil indigeret, plurisque fecit voluntatem Euergetes, quam rem, & Romanos socii dissiti meminisse, magnæ huic gloriæ fuit.

Sicilia à Lutatio Catulo ordinata prima Romanorum prouincia fuit hoc est procul ab Italia victa. Tum autem arma Siculis adempta sunt, iis inutilia, sub præsidio Romanorum. Hieronitamen seruatum regnum ob singularem fidem, atque perpetuam, & quia tum ex occasione Floræ ludorum Romam veniens ducenta millia modiorum tritici populo distribuenda curarat. Tum autem initium habuisse videntur infames illi ludi, in quibus publicè meretrix nudabatur in honorem Floræ, quæ quondam quæstum ex corpore fecerat, nunc vt Dea Romæ colebatur. Quare viri frugi semper ab iis abstinerunt, & putarunt eos institutos fuisse in publicæ honestatis contumeliam.

Hoc item anno Coss. C. Claudio Centone (hic Appij Cæci filius fuit) & M Sempronio Tuditano Liuius Romæ primum fabulam docuit & fortè sordidis illis ac turpibus ludis, malus ille Poëta prolusit.

Perseuerabat in Africâ bellum Libycum, quando inuitati Romani à Mercenariis, vt sibi adessent, & eos repulere, & frumento, quo plurimum indigebant Carthaginenses iuuere; unde magnam sibi humanitatis & clementiæ laudem (quam quærebant vnâ) etiam apud hostes repperunt, & obtinuerunt.

OLYMP. CXXXV. Mundi Vrb. Cond.

Ann. 2. 3815. 515.

Fratres Callinicius, & Hierax persundi externo bello, ciuile ac domesticum excitarunt, in quo tandem victus Antiochus fugere compulsus

Ro. Euergeti offerunt auxilium.

Sicilia prima Ro. prouincia.

Hieroculus à Ro. ab fidem.

Floralis ludi.

Liuius Romæ fabulam docuit.

Rom. in Pænos fides.

Ciuile bellū inter Calliniciū & Hieracum.

est ad Artamenem Cappadociæ regem. Neque etiam hic satistutus fuit, indidem quoque abire coactus, omnia metuens, omnia circumspiciens, posteaquam fratri confidere desisset.

*Nascitur
Ennius.*

Coss. C. Mamilius Turrinus, & Q. Valerius Flaccus natus est Ennius Poëta ille famosus, ingenio maximus, arte rudis, ex cujus stercore gemmas Virgilius legit.

OLYMP. CXXXV. Mundi Urb. Cond.

ann. 3. 3816. 516.

*Belli Li-
byci finis.*

Bellum Libycum tribus annis & quatuor mensibus gestum hoc anno, maximè Amilcaris Barcæi industria, terminatum est; hujus authores gravissimas dedere pœnas, sed adhuc sceleribus suis impares.

*Rom. sibi
Sardiniam
vindictam.*

Tum quoque, Consulibus T. Sempronio Graccho, & P. Valerio Falcione, inuitati Romani à mercenariis Libycis, qui pulsi ex Africa venerant in Sardiniam, statuunt in eam nauigare, pœnisque eam sibi vindicare aut retinere paratis bellum decernitur. In quo Romani parum constantes extitere, cum eos defenderent in Sardinia, quibus in Africa negarant auxilium; sed hoc gloriæ, illud Sardinia cupiditas postulabat, & tum utile, honesto præualuit.

*Ligusticum
bellum in-
choatum.*

Sempronius inchoavit Ligusticum bellum ob Ligurum latrocinia, quod tribus annis tenuit, licet hoc tam male excepti essent, ut bellum desperare viderentur. Id tamen freti potius locis quam viribus, pertinaciter continuarunt.

OLYMP. CXXXV. Mundi Urb. Cond.

ann. 4. 3817. 517.

*Galli in
se a ma-
conuerunt
in Romam.
parata.*

Galli Coss. L. Cornelio Lentulo, & Q. Fulvio Flacco tumultum in Italia concitarunt post annos quadraginta quinque, ex quo fuerant à Dolabella profligati. Sed accitis Transalpinis arma in Romanos parata in se conuerterunt, mutuisque se cladibus attriuerunt. Ita Consules his auditis redire, uti Polybius scribit. Alij tamen, qui bellum hoc ad superioris anni Con-

sules

sules referunt, tradunt his à Valerio cum Gallis pugnatum esse, & primò quidem malè amissis suorum tribus millibus & quingentis: sed cum accepisset aduentare sibi auxilia ea præuertisse ac hostium quatuordecim millia in acie cecidisse, duo millia cepisse, neq; tamen triumphasse ob superiorem eladem. Zonaras autem scribit hos Consules in Galliam Cisalpinam coniunctis viribus ingressos, rem gessisse feliciter, sed prædæ cupiditate distractis omnia malè cessisse, & nihil propius esse factum, quàm ut castra Flacci caperentur. Sed de his deficiente Liuius statuere nihil certi possumus.

*An Rom.
cū Gallis
iū pigna-
runt.*

Amilcar Africanis rebus compositis in Hispaniam transiit, secumque nouennem ducit filium Annibalem jurare compulsus ad Ibuis Aras se cum primùm, & quandiu, & quantum posset Romanis hostem fore, cui voto cumulatissimè satisfecit.

*Amilcar
cum Anni-
bale tran-
sit in Hi-
spaniam.*

OLYMP. CXXXVI. *Mundi* Urb Cond.

ann. 1.

3818.

518.

Consulibus C. Licinio Varo, & P. Cornelio Lentulo Galli multitudine suâ feroces Ariminensem agrum petiere, nec iis negare quidquam sunt ausi. Coss. diffisi paucitate copiarum suarum, sed eos ad Senatum remiserunt. Cum nihil Romæ obtinuissent illi redire ad suos, qui interim se mutuis cædibus oppresserant, vinci quàm vincere paratiores. Gallis igitur omissis qui jam timendi non erant, sed irridendi, Lentulus mouit in Ligures, quorum aliquot castella cepit, majori tumultu, quam damno. Varus Corsicam debellandam suscepit, inquam Claudium Cliniam legatum præmisit. Is Corsis attonitis & pacem petentibus pacem dedit honestissimis utrimque conditionibus: verùm adueniens Varus eas rescidit, neque Corsos expugnare destitit, donec penitus debellasset. Romani, ut violati cæderis à se amolirentur infamiam, Cliniam Corsis dediderunt, non receptum expulerunt,

*Galli bel-
lū molien-
tur, & in
sepe arma
conuersi.*

*Bellum in
Ligures, &
Corsos.*

*Ro. Fa-
tus in Cor-
sos violatus.*

aut, vt volunt alij, necatum in carcere pro-
jecerunt in Gemonias Scalas, fœdisfragi, si-
mul & crudeles.

*Tertij lu-
di secula-
ris Romæ.*

Tum quoque tertij ludi Sæculares celebra-
ti, quamquam alij in alium annum eos re-
jiciant, sicut & hos Consules. Mirum rem
tam publicam certo temporis apud auto-
res carere testimonio.

OLYMP. CXXXVI. *Mundi* Urb. Cond.

ann. 2. 3819. 519.

*Carthagi-
nien. Sar-
diniâ ce-
dunt &
multa sa-
benne.*

Carthaginienses belli Sardici autores extite-
rant cum in ejectos Mercenarios, & iis opitu-
lantes Romanos arma conuertissent. Cum ergo
denunciatum sibi viderent bellum, neque tum se
Romanis victoribus pares intelligerent, non
modò iis cessare Sardiniam, sed & ducentorum
Talentorum multam subiere. Tum autem C.
Atilij Bubbi collega T. Manlius Torquatus de
Sardis triumphasse in tabulis Capitolinis legi-
tur, signumvtique certum fœdere Punico Sar-
dos non esse comprehensos.

*Iani Ge-
mini cla-
mæ Romæ
templum.*

Tum Iani Gemini templum iterum clausum
est, bellicæ ciuitatis argumentum, quod semel
sub Regibus, iterum sub his Consulibus, tertio
Augusto principe certæ pacis signum Ianus Ge-
minus clausus dederit, belli tempore semper
apertus.

OLYMP. CXXXVI. *Mundi* Urb. Cond.

ann. 3. 3820. 520.

*Bellum in
Sardos,
Corfos,
Ligures.*

Coss. L. Postumio Albino, & Spurio Caruilio
Maximo Rugâ bellum in Sardos, Corfos, ac Li-
gures gestum, Caruilius de Sardis legitur tri-
umphasse, quorum fuerat victoria difficilior.

*Nanius
dar ad
populum
fabulas.*

Tum quoque C. Nanius Poëta ad populum
fabulas dedit, quarum nulla ad posteros memo-
ria docet eas intra famam fuisse.

CAPVT III.

DECAS TERTIA.

Ab anno 3820. ad 3830.

OLYMP. CXXXVI. Mundi Urb. Cond.
ann. 4. 3821. 521.

COS. Q. Fabio Maximo Verrucoso, & M. seu Manio Pomponio Mathone Sardi ac Ligures rebellauerunt; & Sardi quidem excitati à Carthaginensibus, qui iisdem p r Romanos attritis superuenire meditabantur. Quare Pœni huius belli incensores detecti, hostes iudicati sunt, atq; ad eos Fabius Consul caduceum & hastam misit, seu tesseras his signis impressas, vt eligerent vtrum mallent. Responderunt sapienter & fortiter, se neutrum velle, quod relinquerent Romani se seruaturus. Tunc tamen non est inchoatum bellum; quia neutri ad inferendum parati erant. De Liguribus deuicti triumphauit Fabius (qui postea *suntfando restituit rem*) & Honoris templum dedicauit: de Sardis Matho, quos fiducia potius locorum, & innata genti ferocia ad bellum potius, quàm Carthaginenses incitarant.

*Pœni
Sardos
accendunt
ad bellum,
ideo hostes
iudicati.*

*Fabius
Max. de
Liguribus
triumphat.*

In hunc quoque annum (si Tullius de Senectute bene rationes subduxit) cadunt natales Catonis Majoris; viri numquam satis citò nati.

OLYMP. CXXXVII Mundi Urb. Cond.
ann. 1. 3822. 522.

Extinctus est hoc anno Demetrius Antigoni Gonarz filius; relicto Philippo puerulo ex Phthiâ Alexandri Epitotarû Regis filij Pyrrhi nepte, quæ nupsit postea Antigono Tutori. Is Antigonus quia in exsoluendis promissis cunctabatur dictus est *delator*, item & Euergetes, quod

*Moritur
Demetrius
relicto
Philippo
puerulo.*

*Antigonus
Tutor Ma-
cedoniam
admini-
strat.
Coff. in
Sardis
mouent.*

Lacedæmoniis, vi captis, pepercisset. Hoc autem anno regnare cœpit pupilli sui nomine, cuius regnum annis 12. aut vt alij malunt 14. non malè administrauit, & modesto nomine regiam suam maiestatem occultauit.

Romæ fuere Consules M. Æmilius Lepidus, & M. Publicius seu Poplicius Malleolus, qui ambo in Sardos mouerunt. Ab iis cum ingentem abstulissent prædam, & appulissent in Corsicam, hæc eis erepta est, quare postea ambo populi, spoliati, & vindices, bello sunt appetiti.

*Causa
belli Gal-
lici.*

Tum quoque ab Æmilio Consule Senatu licet repugnante, immò & patre huic inferente manus, atque ex Rostris detrahente lata lex de diuidendo agro Piceno, qui Senonibus deuictis adeptus erat. Quæ belli Gallici fax, & causa fuit. Nam ob id maximè Boij, & Insubres statuerunt euocare in auxilium suum Gætatas intra Rhodanum, & Alpes populos, ita dictos ab ære, quod æra bellando mererent, vt tradunt Polybius & Plutarchus, vel potiùs à tehi Gallici genere. Hæc autem Gallorum Cisalpinorum, & Transalpinorum conjuratio Romanos vehementer afflixit, & si nacta fuisset duces, eos in vltimas angustias coniecisset.

*Gætata
euocati à
Cisalpinis
Gallis.*

OLYMP. CXXXVII. Mundi Vrb. Cond.

ann. 2.

3813.

523.

*Antigonus
tutor vin-
cis Dar-
danos, &
Thessalos.*

Repressit hoc anno Antigonus Tutor irrum-
pentes in Macedoniam Dardanos, & Thes-
salos, mortuo Demetrio rebellantes. Paulò
post in eum quoque concitata est à populo
seditio, aded vt obsideretur in regia Verùm
is processit sine satellitio, projectisq; in po-
pulum purpurâ & diademate, ei dare iussit
insignia regni, cui parere vellent. At po-
pulus pudore motus, hæc ei restituit, quæ
diu recusauit ille, & donec seditionis auto-
res ad supplicium dederentur, tunc maximè
iudicatus regno dignus, cum id recusasset.

*Antigonus
seditionem
prudenter
extinguit.*

Anno quo Consulatum gessere C. Papyrius
Maso,

Maso, & M. Pomponius Matho secundum Sardi & Corsi prædones subacti. De Corsis primus in monte Albano triumphauit Papyrius cum ei triumphus Romæ negatus esset à Patribus, quare & deinceps in omnibus spectaculis coronâ myrthea usus, vel certe quia in campis myrtheis Corsos superasset, quod est similis vero. Is postea triumphandi modus à plerisque usurpatus est, nota ambitionis potius, quam rei bene gestæ, aut certè minoris honoris argumentum.

*De Corsis
triumpha-
tum in
monte Al-
bano.*

Tum etiam Sp. Caruilius ante duos annos Consul, primus Romæ uxorem suam sterilem repudiavit, causatus se eam tantum duxisse proli causa. De tempore hujus facti grauis est controuersia, & merito de hujus tempore dubitatur, quod numquam fieri debuit.

*Primum
repudium
Romæ.*

Agron Illyrici Rex re bene aduersus Ætolos gesta dum exultat intemperantiùs obiit ex crapulâ: cui successit uxor Teuta mulier impotens, & crudelis, ac tali marito dignissima.

*Agvon
obit ex
crapula
cui succe-
dit uxor
Teuta.*

OLYMP. CXXXVII. Mundi Urb Cond.

ann. 3.

3824.

524.

Coss. M. Aemilio Barbula, & M. Iunio Pera. Teuta Illyricos suos Piraticam exercere sinebat, non jam nauibus, sed classibus metuenda Græcis. Italicis etiam mercatoribus multa inferebat damna, maximè captâ Phenice Epiri vrbe. Missi itaque ad eam legati qui de injuriâ quererentur C. & L. Coruncani (Plinius P. Iunium, & T. Coruncanum vocat) eam in obsidione urbis Isthæ salutarunt; cui cum liberius locutus esset Lucius, eum in reditu fanatica mulier interficiendum curauit. Alij plures legatos eius iussu cæsos volunt, qui bus positæ in rostris statuz, bellumque contra violatricem juris gentium indictum, turpe tamen, quia contra sceminam, & contra sceminam Romanis insultantem.

*Legati
Ro. à Te-
uta cæsi.*

Eodem anno Galli aduersus Romanos perantes bellum, aurum & argentum vnde quaque

*Galli pecuniam
quarunt.*

corradebant, multamque ex mancipiis conficiebant pecuniam. Quam venditionem, & permutationem Senatus inhibuit causatus seruorum multitudinem, esse perniciosam moribus, ac Reip. periculofam.

OLYMP CXXXVII. *Mundi Vrb. Cond.*

ann. 4.

3825.

525.

*Bellum
Illyricum
in Teutā
susceptum.*

L. Postumius Albinus, & Cn. Fulvius Centimalus bellum atrox aduersus Teutam suscepere: Fulvius 200 nauibus præfuit, Postumius terrestribus copiis. Corcyra tum præerat nomine Teutæ Demetrius Pharius: is videns quàm impar esset Regina Romanis, & eius impotentiam insuper veritus, insulam Fulvio tradidit. Postumius Dyrrachium, & Apolloniam cepit; Fulvius Arbonem & Issam; Teuta Rizonem fugit munitissimam urbem magna sui regni parte spoliata; ac tum sed seriùs agnouit intentatas ac occiso legato minas nimis veras esse.

*Demetrius
Pharia
Corcyram
Rom. tra-
dit.*

*Fugit
Teuta.*

OLYMP. CXXXVIII. *Mundi Vrb. Cond.*

ann. 1.

3826.

526.

*Hierax
ad Euer-
getē fugit.*

Antiochus Hierax relicto Socero ad Ptolemæum Euergetem fugit, recepit eum vt perfidum Ptolemæus, & arcē seruari iussit tanquam omnium amicorum suorum hostem, qui timebat omnes, ipse ab omnibus timebatur.

*Amilcar
pater An-
nibalis
moritur.*

Mortuus est hoc anno in Hispania Amilcar Annibalis pater, de cujus genere mortis non consentiunt scriptores. Alij enim fortiter dimicantem, & in mediam hostium aciem irrupentem periisse volunt. Alij haustum fluctibus, dum eum fugientem Orisson Rex insequitur. Alij fugatis suis per currus Hispanorum accensos erumpentem gregarij instar militis cecidisse. Hoc certum successisse ei Asdrubalem generum, à quo Noua condita Carthago, & sub quo Annibal magno Romanorum damno, militiam didicit.

*Succidit
ei Asdru-
bal.*

*Teuta pax
data pro-
cere, Illy-
rii caesi.*

Teuta cum Romanis fœdus iniit iis quibus voluerunt hi conditionibus, pauculis tantum re-

tem

rentis vrbibus, quas præmiſſi acceperat loco, cum non tantum ditionem ſuam, ſed & vitam perdere debuiffet; verum crimen eius in proceres deriuatum, qui ſecuri percuſſi, oſtenderunt quam periculofum viris magnis principes fatuos, & rerum ignaros fortiri. Exuta porro eſt maris imperio, quod Græcis mirum in modum placuit. Quare Romani legati in Iſthm is ludis admiſſi ſunt apud Athenienſes ad myſteria, ab Ætolis & Achæis vt Græciæ Σωτῆρις: ſic Reginz ſtultitia tantum ſuis Illyricis nocuit, vicinis lata, ac ſalutaris fuit.

*Tenta ex-
uiſio maris
Imperio.*

OLYMP. CXXXVIII Mundi Vrb. Cond.

ann. 2.

3827.

527.

Hoc anno ſublatis ſunt ambo Antiochi Dei filij, Callinicus & Hierax. Hic in Ægypto operametricis amicæ ſuæ cuſtodibus deceptis, ex vinculis effugit, verum à latronibus interceptus occiſus eſt. Callinicus amiſſo regno & rerum omnium egenus, equo effuſus interiit, ita impij fratres & ſcleribus gemini, eodem mortis violentæ genere conjunctiſſimi periire.

*Callinicus
& Hierax caſi.*

Succeſſit patri Callinico quintus Syriæ Rex Seleucus tertius cognomento Ceraunus, & Ptolemaeus: Antiochus qui poſtea Magnus dictus eſt, eius frater in ſuperioribus Aſiæ partibus puer vt priuatus vixit, & tribus tantum annis expectauit regnum.

*Rex S.
Syriae Se-
leucus Ce-
raunus.*

Ætoli cum Cleomenæ Lacedæmoniorum Rege ſædus iniere contra Achæos, quorum erat vicinis merito ſuſpecta potentia, ac maioribus viribus infringenda. Aratus ergo eorum Prætor ab Antigono Tutore auxilium petiit. Euergetes medius fuit, & amicitias ſuas de more regum dimenſus eſt.

*Ætoli ab
Achæis
deficiunt.*

Coſſ. P. Valerio Flacco, & M. Attilio Regulo duobus antiquis Prætoribus additi duo, vt eſſent omnino quatuor, & ex iis duo in Siciliam, atque Sardiniam proficiſcerentur. Hæc M. Valerio, illa C. Flaminiø demandata. At

*Roma
duobus
prætoribus
additi an-
tiſædus.*

Sardi exosi perpetuam Prætoris præsentiam rebellauere : sed domiti , & præsentem semper , & acerbum nonnumquam coacti sunt tolerare.

OLYMP.CXXXVIII. *Mundi Vrb.Cond.*

ann.3.

3828.

518.

*Re. in
Gallos
arma pa-
rant.*

Romæ Coss.L. Apustio Fullone , & M. Valerio Messala paratum est bellum contra Gallos , cujus fama plurimum terroris afferebat . Quare diuersis locis atque temporibus serè octingenta millia armatorum parata sunt , videlicet pedum septingenta millia , equitum sepruaginta Romanis quoque frumentum submisit Hiero , cujus pretium finito bello recepit , amicè utrimque cum is dare viderit , Romani emere .

*Fœdus
Re. &
Pænorum
in Hispania.*

Tum quoque Romani cum Asdrubale fœdus inierunt in Hispaniâ , eâ lege , vt Pæni Ibero fluuio se continerent , reliquum Romanis cederet . Vnde prima nata est Hispaniæ diuisio in Regionem cis Iberum , & trans Iberum , limitem duplicis magnæ dominationis.

OLYMP.CXXXVIII. *Mundi Vrb.Cond.*

ann.4.

3829.

529

*Galli in
Etruria
magna
elade vi-
si.*

Coss. C. Atilio Regulo , & L. Aemilio Papo bellum Gallicum magna alacritate , vt magnis sumptibus à Romanis susceptum , nemine exempto , ne emeritis quidem , & sacerdotibus . Atilius transit in Sardiniam , sed mox rediit . Aemilius Ariminum missus , Prætori Etruria commissa in quam irrupere Galli . Et quidem primo impetu Prætoris susus est exercitus , sexque milia Romanorum cæsi , reliqui in colle obsessi . Sed cum superuenissent ex Arimino Aemilius , & Atilius ex Sardinia , fortuna mutata est , Prælium commissum in quo cecidit Atilius . Sed Galli Gætatarum imprudentia qui nudos se Romanis sagittariis obtulerunt , deuicti sunt . Cæsi 40 millia , capti plures decem millibus ; inter cæteros Rex Concolitanus . Rex alter Aueroëstus fugit in quemdam lucum vbi se cum necessariis suis interfecit . Aemilius etiam

irru-

irtupit in Boiorum agrum, vnde prædâ diuitem reduxit exercitum; ac triumphauit de Gallis, qui prout iurauerant in Capitolio non victores, sed victi thoracas posuerunt: sic bellum magna trepidatione susceptum, magno periculo initum, summâ lætitiâ terminatum est.

OLYMP. CXXXIX. *Mundi Vrb. Cond.*

ann. 1.

3830.

530.

Cleomenes cum Aetolis aggreditur Achæos, qui autore Achæo vsi auxilio Antigoni Tutoris huic Acrocorinthum tradunt; magno Arati dedecore, qui sic frænū iniciebat Peloponneso quod ante perfregerat Euergetes Cleomeni, & Arato copias suas ostentabat, sed vtrumque deludens, vt suas res ageret.

*Ætoli,
& Achæi
commissi.*

Hoc item anno Caria & Rhodus magno terræ motu concussæ sunt. Eo famosus ille Colossus Rhodius corruit, ac deinceps jacuit quare hoc loco dimetiendus videtur. Fuit is cubitorum 70. ex Plinio, 80. ex Cedreno, annis 12. perfectus 300. talentis. Pauci pollicem majorem amplectebantur, digiti plerisque statuis majores erant. In eum inserta erant ingentia saxa, quæ molem fulcirent. In fracturis membrorum apparebant ingentes specus; ex quibus intelligis quantum fidei sit Plinio tribuendum.

*Cadit
Colossus
Rhodius.*

*Descriptio
hujus
Colossi.*

Tum Seleucus Ceraunus Attalum Pergami Regem appetiit bello, qui jam panè totius Asiæ extra Taurum Dominus erat. Hunc montem cum transcendissent Seleuci copias, ipse ab Apaturio Gallo, & Nicanore per dolum interfectus est. Sed Regis mortem statim Achæus ultus est trucidatis sicariis. Is cum nullo negotio regnum vsurpare potuisset, maluit id Antiocho puero reddere, cui euocato Babylone, regnum tradidit & exercitum. Itaque pars hæc regni trans Taurum huic Achæo regenda tradita est, superiores provinciæ inter duos præfectos diuisæ, Molonem Mediæ Satrapam, & Alexandrum Persidis. Sic impubes Antiochus quas per se regere

*Seleucus
caditur, ei
succedit
Antiochus
magnus
opera A-
chæi.*

regere non poterat prouincias, per duces sibi
 fidos administravit, consilio, & industria quæ
 futuram eius magnitudinem portenderent.

*Viti
 Boii, &
 Insubres.*

Coss. T. Manlius Torquatus, & Q. Fulvius
 Flaccus secundum Boios, & Insubres aggressi
 sunt; ac primo impetu territos Boios se dedere
 compulerunt. Reliquo anno propter immodi-
 cos imbres nihil dignum memoria gestum. Alii
 scribunt tum etiam victos Insubres, eorumque
 caesa 23. millia, capta quindecim, & agros
 Boiorum ceptos occupari: adeo ut non iam
 Romanos Galli, sed Romani Gallos vicissim
 solo nomine terrent.

CAPVT IV.

DECAS QVARTA.

Ab anno 3830. ad 3840.

OLYMP. CXXXIX. *Mundi Urb Cond.*
ann. 2. 3831. 531.

*Bellum in
 Græcia.*

Societatis inter Macedonas, Achæos, Epiro-
 tas, Phocenses, Dæotus, Arcadas, Thessalos
 dux est creatus Antigonus Tutor. Ac primum
 Tegeam cepit, tum Mantineam. Aliunde Cleo-
 menes Megalopolim occupavit, quam & pessimè
 habuit, quia dehortatore Philopamene no-
 luit renunciare societati Achæorum.

*Cleomenes
 confugit
 ad Euer-
 getem.*

Interea Cleomenes mittit ad Euergetem ma-
 trem suam Cratesicleam, magni animi vetulam,
 & liberos obsides quos exigebat, nihilque omisit
 Rex ille Lacedæmonius, quo partes suas tueretur:
 sed erat animosior ille quam paratior.

*Achæus
 v' flor in
 fidus An-
 tiocho.*

Achæus multis subactum cladibus Attalum
 in ipsam urbem suam Pergamum, ac primos
 limites regni Pergameni compegit. At ille ubi
 nullum hostem habuit, fidus Antiocho puero
 desit esse, & rapere huic conatus est regnum,
 quod

quod ante dederat.

Victi à Coss. C. Flaminio Nepote (vel ut alij vocant C. Quintio Flaminio) & P. Furio Philo Insubres qui 50. armatorum millia coëgerant, desperato cum Romanis fœdere, etiam detractis è suis templis deorum simulacris. Vicit tamen eos Flaminius, & multam retulit prædam, contemptis licet auspiciis, & Augurum responsis. Cum enim reuocaretur per litteras à Senatu, quasi vitio creatus, seruauit eas donec debellatum esset. Ob eam causam pœne triumphus ei denegatus est, quo peracto, se abdicauit cum collegâ, non modò de Gallis, sed de Senatu, deque religione prope visus triumphare.

Victi Insubres ab Flaminio

OLYMP. CXXXIX. *Mundi* Urb. Cond.
ann 3. 3832. 532.

Cleomenes cum 20. millibus armatorum progreditur aduersus Antigonum stipatum 28. millibus peditum, & equitibus mille ducentis. Cum Antigonus reuocaretur in regnum ob Barbaros Macedoniam infestantes, committit prælium quod non detrectauit Cleomenes. Sed hic victus fugit Cyhium, hinc in Ægyptum, & Alexandriam cum amicis suis, vbi Euergeti acceptissimus fuit. Antigonus interea Spartâ potitur, in quâ tamen perhumaniter egit. Reliquis enim ciuibus paucis libertatem reddidit, & antiqua restituit instituta, ac tertio post die Macedoniam repetiit illustrior veniâ Spartanis datâ, quàm de iis relatâ victoriâ.

Antigonus vincit Cleomenem qui fugit in Ægyptum

Achæus impulsore Synâride quodam exulse in vrbe Laodiceâ Phrygiæ aliàs neglectum sibi imposuit diadema, quando Molo & Alexander in Mediâ & Perside rebellarunt, & Ariarathes vsurpatâ Cappadociâ, regni sui fundamenta iecit. Eas autem rebelliones ne statim extingueret Antiochus impediere Hermiæ, & Epigenis inimicitia, quibus oppressus Epigenes tandem proditus periit, Hermias Regi turpiter illuse, exemplo perillustri quo improborum ministro-

Achæus imponit sibi Diadema.

Hermias & Epigenes res Antiochi turbant.

rum,

dani vicinique populi statim experti sunt, & Antigonum boni tutoris in eo partes expleuisse.

Consules P. Cornelius Scipio Asina, & M. Minucius Rufus Istros hoc anno domuerunt Dalmatiz populos. In quorum historiâ cum fiat mentio Istri fluij, noli cogitare Danubium, sed fluuiolum, qui cadit in mare Adriaticum: quæ ambiguitas multos induxit in fraudem, & victorias Romanorum ab hac parte longius quàm par erat, extendit.

Vincuntur Istri.

OLYMP. CXL. *Mundi Vrb Cond.*

ann. 1.

3834.

534.

Antiochus Magnus aduersus Molonem ipse exercitum ducere parat, & licet inhiberetur ab Hermiâ (qui hoc anno Epigenem ob epistolam à Molone supposititiam tollendum curauit) perrexerat tamen, & diu grassantem rebellionem extinguere conatus est præsentiam suâ, quâ nullum aptius principi solet esse remedium.

Antiochus M. bellum ipse suscepit in Molonem.

Contra Philopator in Aegypto in omnem se lasciuiam effudit, omniaque negotia regni per Agathocliam amicam, & Iznam Oenanthem curari passus est, dum ipse *πρὸς αὐτὴν* ageret in aulâ, vnde & dictus est Gallus, moribus quàm corpore effeminatior. Quare apud ignauum Regem Cleomenis Regis fortissimi causa iacuit, quæ visa erat sub Euergete exsurgere. Itaque missionem petiit, sed retentus est muneribus & industriâ Sosibij, qui tum apud Ptolemaum omnia poterat, & cui permiserat regnum, dum ipse ludis, vino, ac libidini tantum indulgeret.

Philopator in omnem libidinem effusus.

In Hispaniâ Asdrubal post annos octo præfecturæ lenitatis, & humanitatis plenissimæ, quibus sibi multas vrbes, multosque regulos deuinxit, à Gallo quodam, priuatas injurias vlciscente, interemptus est noctu. Correptus Sicarius in tormentis excarnificatus ridentis semper speciem tulit, minusque eum corporis dolores afficere, quàm diu quæsitæ, tandemque peractæ vltionis recordatio.

Asdrubal in Hispania casus.

Susces-

*Annibal
succeedit
Asdruba-
li.*

Suscessit Asdrubali Annibal, qui statim Osea-
dum gentem inuasit, eorumque urbem Al-
thæam opulentam in primis, & dux, & miles
bonus occupauit; metuque vicinis inje-
cto fodina-
rum dominus effectus est quibus diuenditis
magnam sibi pecuniam confecit, quâ sibi ad
maiora parauit viam.

*Lustrum
Romæ cō-
ditum.*

Romæ Consulibus L. Veturio Philone, & Lu-
tatio Catulo lustrum conditum ciuium capita
exhibuit 270213. Tum quoque Libertini antea
per tribus parsi ad quatuor reuocati sunt Pala-
tinam, Esquilinam, Saburrnam, Collinam,
Consules ad Alpes progressi multos sibi, sine ce-
des, populos adjunxere. Denique C. Flaminius
censor, & viam Flaminiam strauit, & Circum
Romæ construxit, ne Romanus miles otio tor-
peret, & qui patriæ præsidio non esset, esset uti-
litatis, atque ornamento.

*Flaminia
via &
Circus
Romæ.*

OLYMP. CXL. *Mundi Urb. Cond.*

anti. 2.

3835.

535.

*Cleome-
nes erum-
pit & eg-
ditur.*

Cleomenes in Ægypto jam per vim deten-
tus, & in custodia iussu Sofibij, atque Regis,
proditus antea a Nicagarâ, è carcere cum tre-
decim comitibus erumpit, absente tum Rege,
& populum ad libertatem vocat. Sed iis se-
mo adiungit; quare illi ex desperatione inter-
munt sese: Cleomenis corpus exco-
riatum actum
est in crucem, mater eius Cratesiclea cum nepo-
tibus necata. Is Cleomenis viri fortissimi exi-
tus fuit, qui tamen furiose potius, quam forti-
ter interiit. Eo mortuo Sparta Agelipolis, &
Lycurgus regnauere, quos concordēs fecit, tem-
porum calamitas, potens necessitudinis & con-
cordiæ magistra.

*Cleomeni
succedunt
Agelipo-
lis, & Ly-
curgus.*

*Antio-
chus Mo-
loni par-
ter tollit.*

Antiochus Molonem persequitur ac vincit;
hic victus cum omnibus conjurationis sociis
sibi manus infert. Neolaus eius frater fugit in
Persidem ad Alexandrum fratrem, ubi Molonis
uxores, ac liberos obruncat, tum sibi manus
infert, idemque ut faciat, exemplo suo, per-
suadet.

suadet Alexandro. Antiochus victor inde mo-
uet in Artabazanem; sed is deiepitus quasuis
oblatus conditiones accipit. Ausus tum filio
Antiochus suspectum jampridem sibi Herminiam
interim jubet aut finit ab amicis, leuiori vtique
supplicio quam eius perfidia, crudelitasque po-
stulabant. Vxorem quoque eius & liberos Apa-
meensium vxores lapidibus obruerunt, ne quid
perfidae familiae superesset, natæ in excidium
Orientis.

*Herminias
interfici-
tur.*

Tum Prusias Rex Bithyniæ Gallos oram Hel-
lesponti vexantes deleuit, partaque sibi ac vi-
cinis suis tranquillitate stabilivit regnum. By-
zantini quoque solvere coacti Gallis tributa por-
toria quædam nauibus imposuerunt, unde con-
flatum iis à Rhodiis bellum, quibus se quoque
Prusias immiscuit, sicque res promouit suas.

*Prusias
Gallos de-
let.*

In Græcia bellum Sociale hoc anno ab A-
rchæis & Philippo contra Ætolos gestum, sed
statim reuocatus est Macedo in regnum suum
quod Dardanî populabantur, anno sequenti
persecuturus bellum. Ætoli autem Dorymia-
chum prætorem crearunt, qui in Epirum copias
duxit, ac omnibus dirutis & incensis, Dodo-
næum quoque templum euertit, magnæ in Græ-
ciæ & vbiq; gentium venerationis: sed furor
qui misericordiz oculos occluserat, clausit quo-
que religioni.

*Bellum
sociale in
Græcia.*

*Dodonæū
templum
euersum.*

Romæ Consules M. Liuius Salinator, & C.
Æmilius Paulus aduersus Illyrios, & Deme-
trium Pharium rebellantem bellum gessere.
Vbiq; victus Demetrius totum Illyrium perdi-
dit, & fugit ad Philippum, vbi vitæ reliquum
traduxit inglorius. Ambo Coss. triumpharunt.
Multatustamen Liuius à populo quod prædam
inæqualiter diuisisset, rus secessit, unde non
nisi post annos octo, & compulsus à Consulibus
restitit, ac tandem iterum factus est Consul vt
præteritæ ignominiz prorsus obliuisceretur.

*Vittus De-
metrius
Pharus
fugit ad
Philippum.*

Tum priusquam Roman veni ex Peloponneso
Medis-

*Primus
Romæ
Medicus
Archaga-
thus.*

*Annibal
res gesta
in Hispa-
nia.*

Medicus Archagatus Iysania filius: quando & cognouere Romani se Medicis indigere, quibus antea caruerant, vbi eorum corrumpi cœpere mores, sicut & corpora.

Annibal in Vaccæos expeditionem suscipit, eorum urbem Hermandicam, vel Salmanticam occupat. Capit & Arbucalam, sed non nisi difficiliter. In reditu quoque Carpetanos oppressit ad Tagum fluuium, quamuis cum vicinis ad centum armatorum millia cœgissent: quibus deuictis omnes vltra Iberum populi huic se submitunt præter Saguntinos: qui tum crebris nunciis Romanos admonuerunt, vt sibi, ac sociis prouiderent. Quod cum perfecissent tardius, & perdidere Saguntum, & in vltimum discrimen deuenerunt.

*Annibal
Sagunt
obsidet &
capit.*

Annibal enim statim Saguntum inuasit; quem frustra Romani per legatos ab obsidione sociæ urbis deterrere conati sunt. Ille enim eos remisit Carthaginem. Interim urbem oppugnat tantâ vi, vt desperati ciues jam octo mensibus frustra Romanorum expectantes auxilia, & ab Annibale vltima quæque, obtruncatis liberis ac vxoribus, interficiunt sese, & cum omnibus diuitiis cremant. Quod factum secundi belli Punici non tam fax, quam bustum fuit.

OLYMP. CXL. *Mundi Urb. Cond.*

ann. 3.

3836.

536.

*Antiochus
in Syriam
arma con-
uerit.*

Antiochus omisso tantisper Achæo, quem tantum per litteras admonet, & reuocat ad officium, in bellum Syriacum conuertitur, & contra Philopatorem. Ille primo impetu Seleuciam capit, immò & ferè Cælesyriam totam proditione Theodoti Aetoli huius præfecti qui deinceps in hoc bello meliorem illi nauauit operam, quam vulgò proditores solent. Frustra tamen obsidet Doram; dum se parant ad resistendum Aegyptij ducibus Agathocle & Sosibio penes quos tota Aegyptus erat, indormiente suis delictis Philopatore. Interea fiunt induciæ inter

vtrius-

utrumque Regem ad quatuor menses, ut videretur an res Syriacæ amicè componi possent, & erant illæ utrique regi necessariae, utrique regno salutare.

SECUNDVM PVNICVM BELLVM omnium quæ Romani gessere atrocissimum inchoatur; Hispani & Galli à Pœnis & Romanis sollicitantur; illos compulit capta Saguntus à Pœnis stare, hos refugere à Romanis malè habiti Galli Cisalpini inducere. Legati Carthaginèmissi nihil inde nisi bellum à se & Carthaginensibus oblatum acceptumque retulerunt.

Sortiuntur itaque Consules Prouincias P. Cornelio Scipioni Hispania, T. Sempronio Longo obtigit Sicilia cum Africâ. Et Scipio quidem in Galliam transit, ut opponeret sese venienti ex Hispaniis Annibali, at hic à Gallis transitum obtinuit, & Rhodanum traiecit, aliosque Gallos obsistentes vicit. P. Scipio in Galliâ cum Annibale congregi decreuerat, sed certamen refugit Annibal, ut copias integras transferret in Italiam, maximè Boiorum litteris sollicitatus, qui tum à Romanis desecerant ob colonias Placentiam, Cremonamque deductas. Annibal itaque Alpes ægerrimè trajicit, naturâ locorum transitum denegante, quem inuenit, ubi nullus erat, sed multos è suis amisit. Scipio excepturus Annibalem in Italiam redit, misso fratre suo Cn. Cornelio in Hispaniam contra Asdrubalem; ipse à Manlio prætore accepit exercitum jam antea à Boiis, & Insubribus victum, & pergit ad fluvium Ticinum. Hic prælium atrox committitur, in quo vulneratus P. Scipio à Iunioris filio qui postea Africanus dictus est, morte subductus est; alij à seruo ereptum volunt; Romani victissimiles Placentiam recedunt. Scipio ad Trebiam se deferri iubet, ubi & castra diligenter communiit. Sed malum! adfuit T. Sempronius euocatus è Sicilia ubi rem non malè

BEL.
LVM
PVNICVM
SECUNDVM
DVM.

Annibal
traiecit
Rhodanum
& Alpes.

Pugna d
Ticinum
cum S.
pione.

*Clades
ad Trebiā
duce Scē-
pronio.*

malè gesserat contra Pœnos, eosque jam classe ab Hierone victos iterùm classe superarat. Is igitur rebus gestis tumens, & quasi omnia reparaturus, cum Annibale congredi statuit, & Scipione frustra renitente militem suum frigore rigidum, opponit Pœnorum, & Numidarum benè curatis corporibus. Quare cæsi fugatique Romani maximè Placentiam confugere; reliquias exercitus; decem millia, Scipio Cremonam deduxit. Neque ea victoria incruenta fuit Annibali, multos enim ex suis militibus, etiam aliquot elephantes amisit. Sempronius se victorem simulans, comitiorum causâ Romam venit, pœne audacius, & stolidiùs per medios hostes transiens, quàm antea prælium commiserat.

OLYMP. CXL.

Mundi Urb. Cond.

ann. 4

3837.

537.

*Antiochus
in Syria
victor.*

Legati Antiochi & Philopatoris diu de pace consularunt, cujus mora Achæus fuit, quem includi volebant Ægyptij, Syri prætermitti; itaque ad arma deveniunt. Præerat Ægyptiis copiis terrestribus Nicolaus Ætolus, classi Perigenes, Syros ducebat Antiochus ipsecum Theodoto, & Menedemo. Tandem Antiochus terrâ, marique vincit, ac multas vrbes occupat in Iudæâ. Auxere damnum defectiones Hippolochi, & Chereæ ducum Ptolemæi cum copiis; quibus successibus sic intumuit Antiochus, vt anno sequenti fuerit deprimendus.

*Annibal
in Hispani-
a.*

*Cn. Sci-
pio rem
Rom. in
Hispania
restituit.*

Annibal ex hibernis plurimùm Romanos vexat aliquot oppida capit in quæ crudeliter defecit; Apenninum frustra transire conatur. Iterùm cum Sempronio configit dubio euentu, vnde vterque se victorem putauit; Pœni plures, Romani nobiliores amiserunt.

Intereâ Cn. Scipio in Hispaniam venit, & cum Hannone foeliciter, cum Asdrubale alterante fortunâ certauit, remque Romanam hic col.

collapsam penitus restituere conatus est.

Coll. hoc anno creati Cn. Seruilius Geminus & C. Flaminius secundum, cui casu suffectus est M. Atilius Regulus. Flaminius Consulatum iniit cum signis terrificis, & quibusei clades morsque denunciata est. Annibal à Gallis proceribus, periculum adijt, ideoque maturius quam par erat Apenninum transiit, quando multos milites, pleraque impedimenta, & quod grauius fuit oculum perdidit. Tandem cum ægre emerisset ex palustribus locis ad Perusiam venit, vbi cupidum pugnae Flaminium, etiam magis accendit. Tandem in locum iniquum deduxit imprudentem, & ad Lacum Trasimenum, vbi commissum est atrox prælium. In eo casus Consul dum ferocius pugnat cum 15. millibus Romanorum, alij dissipati vel capti. A. Seruilio quoque missa quatuor equitum millia cum C. Centronio Propratore à Pœnis oppressa sunt. Roma plurimum hac clade turbata, Consulum alio casu, altero absente Q. Fabium Maximum proditorem dixit, cui adjunctus equitum Magister M. Minucius, Illi data potestas quem vellet exercitum conscribendi. Seruilius tamen paulò ad tutandam urbem accessit, hac clade non satis tutam, & Annibali, si cognouisset, & ausus esset, haud imperuiam.

Tum iacta sunt belli Macedonici semina. Annibal enim tum rescripsit ad Philippum hoc tempore Nemæos Ludos celebrantem, qui Epistolam vni demetrio Phario ostendit, à quo impulsus est omissis bellis, Aetolico, & Illyrico, de Romano cogitare; quo euentu mox ipse, postea eius filius expertus est.

Interea Fabius Maximus alio pugnandi genere, & tergiversatione frangere decreuit Annibalem, vnde & Cunctator dictus, quâ tamen rem Romanam restituit. Ea tamen multis displicuit. Quare L. Hostilius Mancinus exploraturus cum 400. sociorum equitibus, contra vo-

*Annibal
transiens
Apenninū
multos
amittit*

*Clades
ad Trasie-
menum
quando &
Casus
Flami-
nius*

*Q. Fab-
ius Max.
proditor.*

*Iacta bel-
li Mace-
donici se-
mina.*

*Fabius
cunctator
dictus
rem Ro-
manam
restituens.*

luntatē Fabij congressus , cum suis omnibus interiit . Vicissim Fabius Maximus Annibalem in locum iniquum compulit , vnde tantum stratagemate , & accensis bouum cornibus ad terrorem Romanorum , incolumis cum suis euasit . Sed cunctatio Fabij longè magis ab eius equitum Magistro Minucio improbatur , & cum maiori periculo , nisi cautiorem sortitus esset Dictatorem . Relictus enim ille in castris à Fabio dum hic ad sacra Romam pergeret , & pugnare prohibitus , Annibalis populationibus irritatus , pugnavit & vicit . Ob eam victoriam propter quam melioribus temporibus castigandus erat , æquatus est Fabio , & partem exercitus ac lictorum iussus est accipere : Quæ tamen omnia perdidisset nisi potius rei Romanæ consulens quàm suæ Fabius ei periclitanti subuenisset . Hic enim & cecidit Annibalem , & exemit periculo Minucium ; qui hoc facto redditus est cautior & Fabio conjunctior , etiam ei redditis sponte fascibus & exercitu . Paulò post quoque abdicauit se magistratu Fabius . reddiditque copias suas Coss. Seruilio , & Atilio , Annibale tamen sic edomito fame , vt de repetendâ Galliâ cogitaret . Ita res Romana ducum temeritate grauius vulnerata , vnus hominis prudentiâ sanata est .

*Minucius equit.
Mag. rem
benè gerit,
vnde
æquatus
Fabio .*

*Fabius
Minucium
seruat, &
sapere docet .*

*Romano-
rum fortitudo .*

*Duo Scipiones in
Hispania
vires iungunt .*

Tum quoque Romani in summâ rei pecuniariæ penuriâ missas ad se pateras aureas , à Neapolitanis , & Pæstianis constanter repudiare , & ex muneribus tantum admiscere , quantum satis esset ne mittentes offendisse viderentur , in suis calamitaribus , quàm victoriis generosiores .

P. Cornelius Scipio Cneo fratri conjungitur in Hispania , cuius ipse Proprætor erat . Et Cneus ante Publij aduentum rem prosperè gesserat , Pænos terrâ marique vicerat , Honosiam & Ebusum expugnat , Mandonium Regulum rebellantem fregerat , Celtiberis cum eo aduersus

Pænos

Pœnos fortiter , ac fideliter depugnantes . Tum conjunctis copiis & animis duo fratres Iberum transgressi obsides Hispanorum Sagunti seruatos ab Asdrubale occupant . Redditi sunt illi liberiparentibus suis ; quo facto populi ita conciliati sunt , vt cum Romanis societatem inirent aduersus Pœnos , quorum res hic inclinare cœperunt .

OLYMP. CXLI. Mundi Urb. Cond.

ann. 1.

3838.

538.

Philopator cum peditum 70. millibus , equitum quinque , elephantis 73 exit Alexandria contra Antiochum , qui in suis castris numerabat peditum 70. millia , equitum sex , elephantes duos supra centum . Ac Philopator primum Gazam , inde Rapiam venit , vbi cum noctu perdere Theodotus Ætolus decreuit ; sed aberrauit & Andrea Archiatro occiso , ac duobus aliis vulneratis incolumis ad suos redit , cum comite facinoris huius Dosithæo Iudæo . Hic ex condito committuntur exercitus , & Antiochus primum visus vincere elephantis huius Indicis , Africanos Ptolemæi superantibus , sed statim victoria reflexit ad Ptolemæum , qui victor tam facile recepit vrbes , quàm perdiderat . Antiochus primum inducias obtinet , & postea pacem quam Sosibius confecit , Achæi rebellio exigebat . Ptolemæus venit in Iudæam , & Hierosolymam subit , ibique Sancta Sanctorum intrare volens , nihil oratione Simonis Sacerdotis , sed diuinitus prohibetur membris repente omnibus dissolutis , atque trementibus . Sed inde Rex impius castigatus , non melior abscessit .

Romæ delecti Consules L. Æmilius Paulus secundum & C. Terentius Varro sub signis habuere 80. peditum millia , equitum nouem millia atque sexcentos , & quidem Æmilius sapiens , & Fabio geminus , Varro temerarius , & qui Fabij cunctatione carperet . Annibali vix ad decem dies comneatus suppetebat , idcirco pugna

Pars III. Tom. I.

C

erat

*Vincitur
à Philo-
patore
Antiochus
ad Ra-
piam .*

*Pax inter
Philop.
& An-
tiochum .*

*Ptolemæus
diuinitus
castiga-
tur .*

*CLA.
DES
CAN-
NEN-
SIS.
Caditur
Æmilius,
fugit Var-
ro.*

*Dictator
M Iunius
Pera.*

*Varroni
obuiū se
natus iuit.*

*Capua de-
scit à Ro.*

erat illi necessaria ; qui & castris suis desertis inescare Romanos voluit, & capterent, si Varro fides habita esset, immò potius nisi auspicia prohibuissent, Annibal igitur in Apuliam defleuit, & cum eo Consules Cannas veniunt locum sua clade nobilitaturi. Pugnam ambiebat Varro, detestabatur Æmilius. Sed euicit Varro eo die quo imperabat, eum secutus collega, ne huic defuisse videretur. Instruitur utrimque acies; sed ab Annibale peritissimè, qui puluerem, ventum, Solem, humidam transfugas obiecit Romanis, sola fortitudine suâ fretis, quæ tamen illis parum profuit. Victi enim profligati-que sunt; Æmilius cum fugere posset, mori fortiter maluit; peditum 40. millia ceciderunt, bis mille septingenti equites, adeo ut fluuius Gelo ponte ex cadaveribus jungeretur. Desiderati sunt quoque duo superioris anni Consules, quæstores duo, Tribuni militum vnde viginti, cum octoginta Senatoribus. Tantâ illatâ Romanis clade, si uti victoriâ nouisset, Annibal uti monerat Maharbal magister ejus equitum, Romæ capta erat, sed ille vincere, uti victoria nesciebat. Imperium ab iis qui Canusium proximum oppidum refugerunt Appio Claudio, & P. Scipioni delatum, qui omnes confirmavit, & jure, jurando in Italia, quam deferere plerique cogitabant, continuit, jam supra ætatem sortis & prudens. Romæ Dictator creatus M. Iunius Pera, Mag. equitum T. Sempronius; hi armant seruitia ad octo millia, cum interea captiuos redimere negauerint, & qui fugerant, aut non redierant notarint ignominiam, alios fugitiuos in Siciliam relegarint; ita seruos ordinum desertoribus sapienter anteposuerunt. Terentio tamen Varroni obuiam à Senatu itum, quod de Repub. non desperasset. Sed is quoad vixit corporis neglecto cultu cladis hujus meminisse voluit, nec ut ymquam partem Reip. attingeret, adduci potuit. Capua interim a Romanis desecit, vno repu-

repugnante De cio Magio, qui deditus Annibali Carthaginem missus est Sed navis quâ vehebatur tempestate est delata in portum Cyrenarum, unde fugit ad Ptolemæi statuam, indeque deportatus est à custodibus templi Alexandriam, vbi reliquum vitæ tempus traduxit, neque Capuz neque Romæ securus, quia fugisset. Annibal misit quoque Carthaginem modium annulorum aureorum (alij tres modios scribunt) ideo ei submissa auxilia, 40 scilicet millia Numidarum, elephantes quadraginta, multaue pecunia. Accepit tamen ad Nolam cladem à Marcello qui cum vinci posse docuit. Sed vicissim ille cepit A cerras, Casilinum obsedit, quod fame domare decreuit; quibus gestis Capuam in hiberna concessit. Sed deliciis eneruata ciuitas quæ Annibalem durum, & inuictum receperat, mollem & vincendum Romanis dedit, adeo ut plus Annibali Campanæ voluptates, & amœnitates nocuerint, quàm arma Romanorum.

OLYMP. CCLI. Mundi Urb. Cond.

Ann. 2.

3839.

539.

Philopator Iudæos seruilibus notis compungendos curat, quare eorum multi veri Dei cultum ejurant, alij firmi in religione perstant: hi rapiuntur in Hippodromum, & tribus elephantis conculcandi disponuntur, atque huic spectaculo Rex interesse decreuerat. Sed hic primùm somno, deinde alienationi animi, denique visis geniis bonis ab hoc consilio deterretur; quare deinceps melius Iudæi in Ægypto habiti sunt, Quæ 3. Macchabæorum libro Apocrypho contenta, Iosephus ad Physconem transtulit, quem à crudelitate precibus suæ concubinæ reuocatum scribit, vir in prodigiis recensendis, plus Romanis lectoribus Ethnicis, quam historiæ veritati solitus indulgere.

Antiochus Magnus Taurum transgressus, factâ cum Attalo pace Achæum aggreditur.

C 2

Hic

Modius annulorum Carthag. missus.

Delicijs Campanis fractus Annibal.

Philopator Iudæos vexat, & diuinitus deterretur.

Antiochus M. Achæum inuadit.

Hic se recipit Sardeis, vbi obsidetur biennio in arce munitissimâ, vnde exitum à suis amicis expectat, quorum industriam Antiochus, & mala Achæi fortuna delusit.

*Philippus
agit cum
Annibale
per lega-
tos.*

Philippus Macedo legatos ad Annibalem mittit de fœdere, quorum Princeps Xenophanes. Hi à Romanis capti mentiuntur se missos esse ad fœduscum iis renouandum. Sed mox Xenophanes fugit ad Annibalem, & cum eo percutit fœdus nomine Philippi, eâ lege vt hic cum 200. nauibus in Italiam nauiget, ad Romanos opprimendos. Redit ergo Xenophanes cum sociis, atque Pœnis. Sed capitur à M. Valerio classis præfecto. Et quamquam mentiretur de more Xenophanes, detestatur tamen ex comitatu Punico cum sociis datur in vincula, comites sub hasta veneunt, Romani per Q. Fulvium, & M. Valerium prouident, ne iis imparatis Philippus aggrediatur Italiam.

*Meritur
Hiero
succedit ei
Hieronymus.*

*Is deficit
ad Anni-
balem.*

In Sicilia moritur Hiero, relinquitque nepotem Hieronymum successorem suum sub quindecim tutoribus: eorum vnus Andronodorus fictè se tutelâ abdicat, cuius exemplum alij sequuntur, sed Andronodoro Hieronymus se regendum permittit. Syracusæ & Hieronymus ad Annibalem deficiunt: Rex iuuenis dum mouet in Leontinos à conjuratis interemptus est, Syracusæ Carthaginensibus nequicquam reclamante Appio Claudio fauerunt, hostemque Romanum sibi imprudentissime accersuerunt.

*Scipiones
in Hispania
tene-
rem ge-
vunt.*

In Hispaniâ rem prosperè gesserunt duo Scipiones, ibidemque retinuerunt Asdrubalem in Italiam festinantem, immò & magnâ clade vicerunt. Itaque mittendus fuit in Hispaniam Mago frater Annibalis, qui in Italiam destinabatur ad fratrem. Asdrubal autem Caluus mittitur in Sardiniam, sed tempestate iactatus ad Baleares insulas appulit, vbi laceras refecit naues. Interim Q. Fulvius Flaccus in Sardiniam quoque cum legione mittitur, administraturus in.

insulam, donec Mutius Proprator conualefcat : Postea T. Manlius Prætor eandem insulam rexit, vicitque Annibalem Caluum. Quæ dum fiunt Scipiones in Hispania ad Illiturgim vincunt tres duces Asdrubalem, Magonem, atque Amilcarem, & cum sexdecim millibus sexaginta millia profligant, tribusque eorum castris eodem die potiuntur. Iterum ad Incibile, seu Indibile oppidum Mago ab iisdem fusus, cæsa hostium tredecim millia, capta tria, ob quas victoriæ tantas atque multiplices, Hispania ad Romanos, desertis Pœnis adeo infœlicibus, inclinavit.

Casilinum expugnatur fame, modis omnibus à Romanis propulsatâ. Tandem cum obsessis pepigit Annibal, qui se pecuniâ redemere, Cumasque perrexere, adeo eorum virtus etiam hosti, alioqui crudeli, placuit.

Romæ creati Consules L. Postumius Albinus tertium, eoque mortuo Q. Fabius Maximus tertium, & T. Sempronius Gracchus. Postumius autem in Sylva Litana arboribus succisis, & artificiosè sustentatis implicitus à Boiis deletus ac cæsus est. T. autem Sempronius ad urbem Grumentum in Lucanis Hannonem vicit, atque in Bruttios compulit. Marcellus tribus continuis ad Nolam diebus cum Annibale pugnavit, tertio certamine victus Annibal, ac cæsorum spolia Vulcano cremata sunt, atque consecrata. Ad eundem Marcellum 1272. equites Numidæ Hispanique defecerunt, eique deinceps utilissimam navarunt operam, pari fide ac fortitudine, neque ab iis gentibus expectatâ.

OLYMP. CXLI. Mundi Urb. Cond.

ann. 4.

3840.

540.

Ab Antiocho Magno capiuntur Sardeis opera Lagoræ, qui per locum incustoditum militem immisit in urbem. In arcem refugit Achæus, sed tandem proditus à Bolide, & Cambylo venis in Antiochi manus miserabili stratagemate,

C 3

& quod

*Casilinum
se dedit.*

*Ro. à
Boiis vi-
cti.*

*Marcellus
in Anni-
balem pu-
gnat.*

*Antiochus
capit Sar-
deis.*

*Achæus
proditus
capitur &
caditur.*

& quod fabulam sapiat, sed venit tamen. Soffibus enim Alexandria Bolidi homini cauto, ac vafro suadet, vt ex arce inquâ obsidebatur eripiat Achæum, quem maximè saluum volebat Philopator eique decem talenta numerat. Hunc deinde mittit ad Nicomachum Rhodium, & Melancomam Ephesinum amicos Achæi, à quibus accipit tesseras, de quibus inter se conuenerant. Habebat Bolis in castris Antiochi cognatum Cretensem nomine Cambylum, ad eum mittit Arianum quemdam vtrique notum, & cum eo colloquium petit, & impetrat. Conueniunt; sed in colloquio statuunt viuum Achæum Antiocho tradere. Inducitur ergo conscio Antiocho in arcem Arianus: Achæus excussis omnibus, exire statuit ex arce, sed ignotus Bolidi; fingit enim se tres aut quatuor e suis velle emittere, qui explorarent an in tuto essent omnia: sed ille ex iis vnus erat qui tamen agnitus est à Bolide, ob nimia comitum in eum officia, & victus est traditus Antiocho, vix captum esse credenti. Damnatus est autem neci Achæus à proceribus, & membris extremis mutilato resectum caput quod in vtræm Asinum infurum est, corpus in crucem actum. Iadice vxor Achæi, & Aribazus dum sibi inuicem diffidunt, arcem Antiocho tradunt. Ita proditor sui principis, prodicione captus interit.

*Philopat.
se iserū lu-
mū reddit.*

Philopator contentus vrbibus suis in Syriâ receptis, se totum rursus in luxuriam immergit: ac se Agathocliæ meretrici regendum permittit, vile Veneris scortique mancipium.

*Vincitur
Annibal à
Marcello.*

Consules huius anni creati Q. Fabius Maximus Verrucosus quartum, & M. Claudius Marcellus tertium. Hic ad Nolam victus semel, bis vicit Annibalem, & reposita tum fuisset pœnis clades Cannensis, si emissus Claudius Nero cum equitatu tempore adfuisset; quare grauitè est increpitus à Marcello, aut tarditatis, aut imprudentiæ.

Q. Fa-

Q. Fabius Maximus Cassilinum oppidum per Marcum Marcellum Nolā euocatum capit. sed stratagemate potius, quā vi. Campani ad Fabium confugiebant ut tutō ex pacto Capuam deducerentur, dum exeunt Marcellus occupauit portam, indeque subiuit urbem. Posthac idem Marcellus Nolæ ægrotus decubuit. Fabius Samnium ingressus hostium viginti quinque millia cecidit, aut cepit: inter eos perurgæ 370. deprehensi Romam missi virgis cæsi & de saxo dejecti, se plusquam hostium haberi loco didicerunt.

T. Sempronius Gracchus cum suis Volonibus, seu seruis armatis, egregiè pugnauit contra Hannonem ad Beneuentum, vbi pugnatum obstinatissimè; Pœni multos è suis amiserunt, Volones omnes libertate donati, quam eo prælio egregiè promeriti sunt.

*T. Sempr.
Gracchus
Flannorum
vincit.*

Misera erat id temporis Sicilia facies, miserius Syracusarum, occiso Hieronymo, vbi demum in familiam Hieronis acerbè sæuitum: ab Annibale missi Legati etiam Prætores facti, quare vrbs à Romanis omninò defecit, quam Marcellus obsedit, & oppugnauit vehementissimè; sed quominus caperetur obstiterè machinamenta Archimedis, quem Romani meritò nouum Eriareum nominauere.

*Marcellus
obsidet Sy-
racusas
resistit ei
Archimedes.*

Philippus malè acceptus est à M. Valerio Læuino prætore Brundisinae classis præfeco. Ad hunc enim venere legati ex vrbe Epiri Orfeo, questi sibi præsidium à Philippo impositum: eò profectus prætor Macedonas expulit. Legati quoq; Apolloniates accesserè rogantes auxilium aduersus eundem Regem, urbem suam obsidentem. Missus à Valerio Næuius Crispus mille viros per occultos tramites in urbem induxit, qui die sequenti in Philippum incautum erumpentes eum tantum non cepèrè viuum: immò superueniens cum classe Valerius eum in porta obsedit. Quare Rex incensis nauibus cum egen-

*Philippus
malè ac-
cipitur à
Rom.*

te, ac spoliato exercitu pedestri, itinere repetiit Macedoniam, tumque intellexit nondum Annibalem, Romanos obtrivisse.

*Philippus
vallis ve-
neno Ara-
cum.*

Idem Philippus paulò post turbantibus Messeniis Peloponnesum, eò venit. Hic Aratum decies septies apud Achæos praturam cum laude perfunctum veneno sustulit, quod improbasset ab eo contra Messeniosperperam gesta. Sic Philippus ex humano faciliq; Rege, efferatus suiscladibus in Tyrannum sensim degenerabat.

*Pœni, &
Rom. in
Hispania
dubia for-
tuna pu-
gnant.*

In Hispaniâ variè res à Scipionibus gesta. Primùm enim visi suntrespirare Carthaginenses fufis Hispanis per tres duces suos. Postea Castulo se Romanis tradidit. Ad Illiturgim cæsi quoque Pœni, & ad Mundam ubi vulneratus est Cn. Scipio, tum ad Aurigem, & paulò post majori quoque clade affecti. Denique Saguntum receptum, ac veteribus incolis, qui inuenti sunt redditum; adeò vt Carthaginensibus omnia in Hispaniâ, præter animum, & spem, deesse viderentur.

CAPVT V.

DE CAS QVINTA.

Ab anno 3840. ad 3850.

OLYMP. CXLI. Mundi Vrb. Cond.
ann. 4. 3841. 341.

*Philippus
Ro. diffi-
nere nitun-
tur.*

Philippus in Illyrio Lissum ocepit, eiusque arcem Acrolissum: Agebat tum ætatis annum vigesimum secundum multum ab eo mutatus quem tam diligenter Antigonus Tutor excoluerat. In eum porrò inuigilabat Læuinus Prætor ne auxilio esset Annibali. Tentati quoque à Romanis Ætoli, vt bello Philippum aggrederentur, sed recentius erat fœdus, quàm vt

ut tam citò solueretur, & hoc ut seruaretur Macedonia omni curâ prouidebant.

Consules Romæ fuerunt Q. Fabius Maximus filius, & T. Sempronius Gracchus secundum. Fabius ad se accedentem patrem equitem, ex equo per lictorem descendere iussit, & à Patre, quod Consulem agere nosset, laudatus est. Alitinius ad Romanos fugit, & quia transfuga datus in vincula, ejus autem liberos & uxorem Annibal viuos exussit. Fabius Arpos nocte pluuiâ occupauit, & junctus Arpinis Pœnos oppressit; tum & Hispani mille Annibalici se Romanis dediderunt, in quibus hi leuitatis nihil, multum fortitudinis experti sunt.

*Coff. C^{or}
Annibal
fuit inuicem
nocens.*

Romæ incendium atrox multas ædes sacras, & prophanas absumpsit. Tum lex Oppia sanctissimè, & opportunissimè lata de sumptu muliebri, quâ cautum ne qua mulier plus semiuncia haberet auri, ne veste versicolori vteretur, ne juncto vehiculo in vrbe veheretur, aut propius mille passus, nisi causâ factorum; quæ lex his temporibus à comodatissima iudicata est, & quam tum duram nulla sæmina putauit.

*Lex Oppia de
cultu muliebri.*

Initatum à Scipionibus cum Syphace societas qui & vnum de Legatis à se missis retinuit Q. Statorium, ut suos pedestrem, & statariam pugnam edoceret. Carthaginenses ab eo victi, huic opposuere Gelam cui filius erat Massinissa annorum septemdecim: is junctus Punicis pedibus Syphacem semel iterumque vicit; ita Numidis inter Pœnos Romanosque distractis, ne pars alterutra præualeret.

*Syphax
Rom. conciliatur à
Scipionibus.*

*Massinissa
Pœnos
vincit.*

OLYMP. CXLII. *Mundi* Vrb. Cond. *ann. 1.* 3842. 542.

M. Valerius Latinus non modo sibi deuinxit Ætolos, sed & Attalum sibi jam ab Antiocho, sublato Achæo, reformidantem; duos insuper regulos Illyrios Pleuratum, & Sardiletum; Eleos denique & Spartanos fœdere cum Ætolis conjunctos. Acarnanes à Philippo disiungi

*Rom.
multos à
Philippo
disiungit.*

non potuerunt ; tum inchoatum est bellum in Philippum , cuius maximè his societatibus petebatur caput .

*Capua
obsidetur à
2. Consu-
libus &
Pratore.*

Romæ Coss. creati Q. Fulvius Flaccus tertium & Appius Claudius Pulcher ; qui dum agrum Campanum populantur à Mangone malè accepti sunt : iis perturbatis animos reddidit Crispinus Romanus de Badio Campano singulari certamine ex prouocatione victor . Iterum ergo consules cum Annibale certarunt ad Beneuentum , sed Sempronianus exercitus visus ab vtrisque copiis , & hostis creditus certamen abruptit . Tum etiam obsessa est ab Appio Capua deluso Annibale , qui tamen Romanos in Lucanis , & Apuliâ cecidit . Capuani porro obsidendi com meatum ab Annibale petierant , & impetrarant ; sed cum perdiderant socioriâ suâ , Hannone profligato , & captis eorum curribus , quæ clades certum iis interitum attulit . Aliunde Metapontini , Thurij , & Lucani sese Pœnis dediderunt . Capua obsessa est tribus exercitibus duorum Consulum , & Prætoris Neronis , in quorum castra tantum com meatus conuectum , vt nulla re in Hibernis Romanus miles egeret .

*T. Sem-
pronius
Gracchus
caditur .*

Flavius quidam Lucanus T. Sempronium Gracchum hospitem suum , euocatum a Consulibus , deduxit in insidias ipsi à Mangone collocatas ex condito ; Gracchus fortiter pugnans exsus est . Demortui corpus etiam ab Annibale honoratum ; Volonum exercitus duce sublato dissolutus est , cuius ipse animus erat .

*Tarentini
deficiunt
ad Anni-
balem .*

Tarentini deficiunt ad Annibalem propter obsides suos fugitiuos Romæ , quamquam iustè , seuerè tamen necatos . Proditores fuere ciues Nico , & Philomenes specie venationis cum Annibale collocutus , & cui porta vt venatori semper patebat . Admissi igitur noctu in urbem Pœni , trucidati Romani , direptæ eorum domus : Liuius seminudus refugit in Arcem quæ statim accepit à Metapontino præsidio auxilium .

frum. Itaque eam Annibal frustra occupare conatus est, traductis per urbem nauibus, majori labore, quam fructu.

Linus in A. cem fugit.

Syracusæ post trium annorum obsidionem à M. Marcello captæ in festo Dianæ, quando noctu scalis admotis ad humiliorem muri partem in eam Romani subierunt; captæ urbi illacrymatus est Marcellus, luxitque crudelitatem, & rapinam quam imperabat. Fugit Bomilcar Carthaginem cum 35. nauibus, unde reuexit urbi auxilium, sed irritum, & intempestiuum. Archimedes quem maximè seruatum Marcellus optabat, dum lineas in puluere describit, neque satis attendit ad imperium militis, ab eo cæsus est. Honorificè ergo sepultus est, quo tantum modo poterat ejus celebrari memoria. Multum prædæ in hac urbe inuentum est, & aliquanto plus quam in deleta Carthagine. Compositis Siciliæ rebus Marcellus Agrigentum venit, ubi Hanno, Epicles, & Hipponiates collegerant copias suas. Absente Hipponiate duo alii victi à Marcello, quam cladem secuta Numidarum defectio, Romanis Siciliam asseruit.

Syracusæ Marcellus capit, caditur Archimedes.

Scipiones Publius, & Cneus deserti à Celtiberis, exagitati à Massinissa, proditi à sociis ambo caduntur. Ac primò Publius ab Asdrubale, & Mangone circumfusus à Numidis interfectus est, ejusque delatæ copiarum. Mox altero Asdrubale euocato junctis omnibus copiis Pœni aggrediuntur Cneum; sed ille fugit in collem, ubi dissipato exercitu, in turri ad quam confugerat exustus est. Tum perierant Romanis Hispaniæ, nisi L. Martius, Septimij filius, Eques Romanus militem collegisset ex fuga. Hic statim ab exercitu suffragij prærogatiua creatus Imperator, Asdrubalem Gisconis filium ad castra sua probè munita incautiùs accedentem deleuit. Insuper vnâ eademque nocte gemina Pœnorum castra expugnauit, & tum rem Ro-

Caduntur ambo Scipiones in Hispaniæ

L. Martius rem Rom. hic restituit.

manam , non cunctando , sed accelerando vir
fortis , & suo dignus nomine , restituit.

OLYMP CXLII. *Mundi* Urb. Cond.

ann. 2.

3843.

543.

*Antiochus
fils Iuda-
am afferis*

Antiochus Magnus deuicto Philopatore sibi
Iudæam sociat , jampridem Ægyptio propter
impietatem , & improbos mores intensam .

*Vincitur
Philippus
ab Æto-
lis .*

Bellum cum Philippo gestum ab Ætolis qui-
bus Romani occupatam Zacynthum attribue-
runt ex fœdere . Is nuncius Philippum perculit ,
ac Pœnorum , Annibalis , & Italiz cogitationem
huic excussit.

*Annibal
Romam
venit , &
ve infecta
discedit.*

Hoc anno quo consulatum iniere Cn. Fuluius
Centimalus , & P. Sulpitius Galba , Annibal vt
auerteret Romanos à Capuâ , perrexit Romam ,
Appio ægro in obsidione remanente , eum inse-
cutus est Q. Fuluius , & pugnassent duo exerci-
tus cujus victoriæ præmium fuisset Roma , nisi
iterum effusus imber pugnam inhibuisset ; ita-
que ingemiscens Annibal ex Anienis ripa vnde
Romam videbat , & Cannas identidem repe-
tens , in Bruttios est regressus Tum Capua se de-
didit ; viginti septem Senatores hujus vrbis sua-
dente Vibio Virio venenum in epulis haufe-
runt , reliqui 80. jussu Fuluij necati , Appio ,
immo & Populo Romano renitente : vrbs auro ,
argentoque omni spoliata . Vicinæ quæque vrbes
receptæ , vbi sciztum vbique in autores rebel-
lionis ; tumque intellexere Campani quàm pa-
rum Pœnis fidendum esset , quàm metuendi Ro-
mani , seu victi , seu victores .

*Capua se
Ro. dedit*

*Q. M. Marc'io
de Sicil.*

M. Marcellus redit ex Sicilia Romam vbi
negatus est ei triumphus , ouatio concessa , sed
triumpho nobilior , ob signa , diuitias , machi-
nas allatas Syracusis ; tumque Myrthus Lauro ,
& tibiz tubis visæ sunt præualere .

Claudius Nero missus est in Hispaniam vbi
recepit exercitum à L. Martio , cujus res gesta
laudatæ , improbratum Propratoris nomen sibi
tantum à milite datum , ac suis litteris ad Sena-
tum

tum

tum perperam adscriptum . Inde quaesitus ad bellum Hispanicum Imperator : mustantibus omnibus , & offerente se nemine , ex superiori loco P. Cornelius Scipio Publij cæsi in Hispania filius , hanc sibi prouinciam depoposcit , ad quam statim electus est communibus Urbis suffragiis . Hic confectis statim copiis Empurias venit, inde Tarraconem , ubi à Nerone recepit exercitum , atque ita se primo aditu in prouinciâ gessit , ut omnia ab eius prudentiâ & fortitudine fausta sperarentur .

*P. Corn.
Scipio of-
fert se ad
bellū Hi-
spanicum.*

OLYMP. CXLII. *Mundi* Urb. Cond.

ann. 3.

3844.

544.

Antiochus Arsacem Parthorum Regem expulsum ex Mediâ , ad Hyrcaniam vsque persequitur , & finem insequendi fecit , quod laboribus effeteius attritus exercitus . Satis igitur victor duxit tunc temporis , virum tam fortem fugisse .

*Antiochus
M. Arsa-
cem fugat.*

Legatio à Romanis ad Reges Africæ , & potissimum ad Philopatorem missa cum muneribus Rege , ac ejus vxore dignis , ut Africa ab hac parte Pœnis incommodaret, & vires eorum distineret.

*Legatio
Rom. ad
Philopa-
torem.*

Philippus auspicaturus bellum aduersus Ætolos , in Oricinos , & Apolloniatas mouet, vastat Illyricorum agros , inde pergit in Thraciam & Mardos populos Macedoniam populari solitos . Interea Aetoli prætore Scopæ Acarnanes amicos fautoresque Philippi aggrediuntur ; hi ex desperatione resistere parant, & conjurationem dignam viris fortissimis ineunt. Valerius cum classe junctus Aetolis Naupactum expugnat, & tradit Aetolis , prædâ ex condictione Romanis reſeruata . Hic litteras accipit quibus se Consulē designatum discit cum M. Marcello quartum . At diuturno implicitus morbo tardius consulatum inijt , quàm res Romanæ postularer.

*Philippus
Ætolis
parat res-
istere.*

Duo Romani duces accusati sunt in Senatu ,
Mar-

*Accensasi
duo Coss.
Marcellus
a Siculis
Fulvius à
Cāpanis.*

Marcellus à Siculis, Fulvius à Campanis. Hæ causæ à Læuino, Senatuque finitæ sunt: Siculi cum Marcello reconciliati in ejus quoque clientelam transiere: Campani durius habitis, maxime cum incendium Romæ excitatum per interfectorum parentes deprehensum esset: acerbius enim accepti à Senatu, quam ab ipso Fulvio fuerant. Edixit enim ille bona eorum publicanda, ipsos cum liberis, & conjugibus vendendos. Ita dum Scyllam Q. Fulvium fugiunt in Carybdim Senatum Romanum infelices inciderunt.

*Rom. cum
Anniale
vario cū-
tu certant.*

Marcellus Consul Salapiam per Blusium primarium ejus ciuem recepit, cæso præsidio Punico. Maroneam quoque Meles vi Samnitibus eripuit, ubi multos Carthaginenses occidit, amplissimum comæatum cepit. Sed eodem tempore Cn. Fulvius se, & duodecim Tribunos militum, & tredecim millia Romanorum perdidit ab Annibale victa. Ab eodem Annibale malè habitæ Herdonia, quia ad Romanos inclinare videbatur: cum eo quoque Marcellus ad Numistronem incerto eventu bis pugnavit, sed tacite discedens Pœnus, se fassus est inferiorem.

*Ad Ta-
rentum
vario exi-
tu quoque
pugnatur.*

Ad Tarentum quoque non semper feliciter pugnatum. Nam T. Quintius in arcem comæatum immittere parans, à Nicone Tarentino rebellionis autore cæsus est in prælio, victa tamen classis illius aufugit cum onerariis. Livius autem erumpens opportunè ex arce multos è Tarentinis ad populandum effusos cecidit, ac nihil propius abfuit, quam ut Tarentum reciperet.

*Agrigen-
tum à Læ-
uino reci-
pitur.*

In Sicilia Agrigentum à Læuino confuse diu expectato, captum. Urbem Romanis prodidit Hipponiatares dux, aliter Mutines dictus, aperta iis per Numidas porta, quod ab Hannone exautoratus esset. Fugere per adversam portam Hanno & Epicides, cæsi Pœni ac Siculi, præcipui Agrigentini virgis cæsi, securi percussi sunt, reliqui venditi, pecuniâ in ararium relata.

Dein-

Deinde tota est recepta Sicilia, proditis oppidis 20. vi captis sex, deditis 40. Siculi terram arare iussi, qui turbas concitare possent ad Bruttios populandos immissi, ad perpetuam insulæ pacem, & tranquillitatem.

In Hispaniâ P. Cornelius Scipio Nouam Carthaginem vi simul, & consilio capit cum arce; Hic inuentos obsides Hispanis ciuitatibus reddit, cum insigni laude moderationis in Mandonij vxorem, & liberos Indibilis; liberalitatis, & castimonix in virginem pulcherrimam Allucio Celtibero desponsatam, cui insuper a parentibus oblatum pretium redemptionis dedit in dotem. Ingens præda, ex vrbe tot prædarum receptatrice collecta. Tum præmia viris fortibus distribuit, ac multiplicat sapienter, vt studium partium in terrestri, & maritimo exercitu tolleset, quorum vterque sibi gloriam captæ arcis arrogabat; totamque sic composuit Hispaniam, vt jam Pœni in eâ de rebus suis diffiderent, & vasa colligere viderentur. Punica classis in Sardinia Olbiensem, & Calaritanum agros depopulata, fociis damnosior, quàm Romanis fuit.

*P. Scipio
Cartha-
ginem Nouam capit*

OLYMP. CXLII. *Mundi* Vrb. Cond.

ann. 4.

3845.

545.

Natus est hoc anno Philopatori ex Eurydice sorore sua & conjugē (alii Arsinœm vocant) Ptolemæus postea Epiphanes dictus, annis quinque antequam pater interiret, & paulò antequam mater Philopatoris iussu propter Agathocliæ amores insanos caderetur.

*Nascitur
Ptol. E-
piphanes.*

Messala in Africam missus agrum Vticensē depopulatur, ac cum multâ prædâ in Siciliam tendit. Per hunc & per C. Lælium discitur magnum apparatus Carthagine fieri, cui dum similem Romani opponere volunt 12. Colonia Latini nominis querantur; duodeviginti offerunt omnia bona sua; hæ laudatæ, illæ præteritæ, hoc silentio castigatæ sunt, & ad officium reuocatæ.

*Appara-
tus ma-
gnus Pæ-
norum, &
Rō.*

Lu-

*Lustrum
Romæ
aſum.*

Lustrum hoc anno conditum Romæ Censoribus M. Cornelio Cethego ; & P. Sempronio Turditano exhibuit tantum civium capita 127107. signum vrbs Romanæ hoc belli Punici secundæ anno decimo vehementer attrita.

*Marcellus
distinet
Annibalē*

Consules creati sunt Q. Fabius Max. Quintum & Q. Fulvius Flaccus quartum : ad hunc multa deſecere, tantum verbis increpiti, vt reliqui inuitarentur ; ille Tarentum oppugnare parat, ideoque Marcello mandat vt acerrimo bello distineat Annibalem ; paret Marcellus, & primo certamine neuter victor, altero Annibal

Accusatur, & f. Consul.

tertio Marcellus abscedit, quo magna strage Pœni concisi sunt. Idem Marcellus sub anni finem accusatus à Bibulo Trib. plebis ejus inimico, non est absolutus modo, sed & in annum sequentem, consulatum præmium suæ innocentia meruit.

*Fabius
Maximus
Tarentum
cepit.*

Fabius Maximus Manduriam urbem capit, inde & Tarentum, quâ vi, quâ proditione, inquam consensit præfectus Punici præsidij Carthalo, captus amore mulieris cujus frater in castris Fabij militabat. Ejus opera perfractis portis Romani subeunt urbem: duces duo Nicæ & Democrates fortiter pugnantes cæsi, Philomenes quondam proditor cum equo in puteum insilit, Carthalo, dum securus pergit ad Consulē, trucidatur, alijque multi armati, inermesque, vt vrbs vi capta diceretur, quæ etiam direpta est, statua decorum viratorum Tarentis relicta, vnus elatus Hercules. Nec ita multo post idem Fabius, Metaponti sibi paratas insidias siue prudentiâ, siue cunctatione sibi innatâ vitauit, quæ tum huic, vt antea, Romanis profuit.

*In Hispania res
Pænicum
collatisur*

In Hispaniâ passim omnes ad Scipionem deficiunt. Hic ad Bætulam urbem cum Asdrubale confligit, eumque vincit, captis etiam ejus castris, in quibus inuentos obsides parentibus gratis restituit, inter reliquos Massiuam puerum nepo-

nepotem Massinissæ, quem splendidè vestitum in equo ad auunculum remisit, quod primum ejus in Romanos, ac Scipione incentium amoris fuit. Fugit ad Pyrenæum Asdrubal, ad cujus auxilium seriùs veniunt Asdrubal Gisco- nis, & Mago ex Ulteriore Hispaniâ, atque sic inter se statuunt, vt Asdrubal transeat in Ita- liam cum Hispanis deficere parantibus, alij duo in Hispania Ulteriore consistent, Massinissa Ci- teriorem cum suis Numidis equitibus depopu- letur, sed ijs consilijs fortuna Romana, ac virtus Scipionis præualuit.

OLYMP. CXLIII. *Mundi Vrb. Cond.*

ann. 1.

3846.

546.

Antiochus Magnus in Bactrianâ regione, ad Arium amnem de Euthydemo rebelli nobilem victoriam refert, in quâ regio equo occiso Rex pedes pugnare compulsus in ore accepit vulnus, quo ei excussi sunt aliquot dentes, atque ita pu- gnauit, vt strenui militis etiam laudem merere- tur.

*Antiocha
M. forti-
tudo.*

Philippus Achæis fert opem contra Ætolos Attali & Romanorum præsidio fultos, item & aduersus Machanidem Lacedæmoniorum Ty- rannum Achæiæ fines vastantem. Atque Æto- los Philippus adeo fortiter repulit, vt se Lamiâ inclusi continerent. Inter eos & Regem, Ægy- ptij, Athenienses, Rhodij, Chij pacem con- ciliare conati sunt, ideoque triginta dierum induciæ à Philippo concessæ; sed hæc omnia Æto- lorum audaciâ, & temeritate discussa sunt, audito maximè Attali, & Romanæ classis ad- uentu. P. Sulpitius agrum inter Corinthum, & Sicyonem vastauit, vnde tamen repulsus à Phi- lippo, excussâ prædâ, qui tùm Nemæis ludis vacabat, & vbi se parum pudicum ostendit.

*Philippus
in Ætolos
pugnat
quos Ro-
manant.*

Postea idem Philippus contra auxilium Ro- manum pro Eleis, & in Achæos eorundem fautores pugnavit ad Dymam, vbi excussus est ex equo, & agrè Romanis ereptus. Redintegra- tum

*Philippus
in Achæos
pugnat
vario cū-
ta.*

tum postea certamen ad Messenen, vbi Eleos victores Linius scribit, Plutarchus & Pausanias Achæos opera Philopæmenis, cum hic Demophontem magistrum equitum Eleorum ex prouocatione interemisset, Porro statim redijt in regnum Philippus ob Dardanos illud depopulantes, qui cum mortuum crediderant: sed ijs viuere se magnâ impositâ clade victor ostendit.

M. Valerius Africanus populum populat.

M. Valerius Proconsul cum centum nauibus ex Sicilia in Africam transmisit, vbi ad Clypeam exscendens prohibente nemine omnia depopulatus est. Hinc raptim recurrit ad naues cum prædâ audito Punicæ classis aduentu cum octoginta tribus nauibus. De eâ autem victoriam retulit, auctusque spoliis terrestribus ac maritimis Lilybæum læliciter repetiit.

Scipio mittit naues in Sardiniam.

Scipio ex Hispaniensibus nauibus quas habebat 50. mittere in Sardiniam iussus est, quia iis minùs indigere victor credebatur. Et verò fufum Asdrubalem ex Hispania fugere compulit, nusquam satis fortunatum.

Marcellus ædem honoris, & virtutis ponit.

Consules creati M. Marcellus quintum, & T. Quintius Crispinus. Marcellus inspicere iussus est Etruriam vnde aliquid timebatur; & verò Arerio præsidium impositum est. Hic autem bello Gallico vouerat ædem Honoris, & Virtutis: sed negarunt Pontifices idem templum duos capere Deos posse, addita est ergo ædi Honoris Virtutis ædes, verum opere approperato, & fanis ita conjunctis (sic quidam ferunt) vt per templum Virtutis, ad templum Honoris aditus esset. Sed neutrum templum dedicauit Marcellus morte præuentus, & magis pius, quam fortunatus.

Causa Tarentinorum, & Lini agitur.

Agitata Romæ Tarentinorum causa, quos defendebat, qui ceperat Fabius Maximus, accusantibus multis, eosq; Campanis vti rebellionē, sic & pœnâ æquare volentibus. Verum hoc iudicium prudenter dilatum donec Italiæ reddita

tran-

tranquillitas esset. Agitata quoque C. Liuij Macati præfecti causa, quia perdiderat Tarentum incuriâ suâ, sed suâ item constantiâ & fortitudine diù seruarat arcem, aliis præmio, aliis penâ hominem dignum, esse vociferantibus. Hic etiam Liuius à Fabio repressus est: cum iactaret operâ suâ Tarentum receptum esse, *neque enim recepissem, inquit, nisi tu perdidisses.*

Hoc denique anno Marcellus, & Crispinus ad tumulum Petellæ dum exploratores agunt non Consules, ab Annibalico equitatu oppressi sunt. Marcellus interfectus est, filius eius ægre effugit, Crispinus vulneratus. Annibal cæsum Consulem honestissimè cremari iussit, & in urna argentea reportari ad collegam: sed Numida equites urnam rapuere, ossa projecere; eos quidem multauit Annibal, sed Marcellus mansit insepultus qui tanto ambitu, viuus honorem, & gloriam quæsierat. Marcelli annulo Annibal ad Salapiam uti callidè voluit, sed præuentus à callidiorè Crispino cladem accepit. Idem Crispinus ex vulneribus mortuus est Capuæ, dicto comitiorum causa Dictatore L. Manlio Torquato: sicque Reipub. curis vir fortis immortalus est.

*Marcellus
cæsus, eius
collega
vulneratus.*

OLYMP. CXLIH. *Mundi* Vrb. Cond.

ann. 2.

3847.

547.

Pergebat cum Euthydemo pugnare Magnus Antiochus lente tamen procedebat, dum ille cum suis Bactrianis fortiter resisteret Syris, & diutius quàm res Syriacæ postularent.

*Antiocho
fortiter res-
istit Euthy-
demus.*

Pugnatum à P. Sulpitio proconsule aduersus Philippum. Romani in Eubœa Oreum cepere, Chalcidem frustratentauere: Opuntem quoque occupauit Attalus, quia utriusque vrbi Philippus tardius est auxiliatus. Hic tamen Toronen cepit, & Machanidam Lacedæmoniorum Tyrannum inhibuit, ne noceret Eleis dum Olympici ludi celebrarentur. Recepit & Oreum. ciuibz fugâ dilapsis, ne Romanis parere cogerentur,

*Philippus
& Ro-
mani com-
missi.*

vbi

vbi & exules restituit ; & Cassandreæ classe ædificari iussâ in Dardanos mouit , regnum suum , dumabesset , depopulari solitos . Tumque se victorem putauit , quoniam à tot hostibus , & Romanis maximè , non esset superatus .

*Ierû Leg-
ninus ve-
nat Afri-
cam .*

M. Valerius Lævinus hoc anno Uticensem , & Carthaginiensem agrum populatione vexauit ; dumque cum prædâ Siciliam repetit incidit in Punicam classem , cuius naues quatuor demersit , septemdecim cepit , reliquis fugatis , & Lilybaeum , vt anno superiore , auctus multis spoliis feliciter tenuit .

*Asdrubal
Barbino
transit
Italiam .*

Massiliensium legati monuere Romanos venisse cum exercitu in Galliam Asdrubalem Barbichonem , eiusque aduentu Gallos excitatos . Et verò mox ille in Italiam transiit , atque ambulando magnum exercitum ex Gallis , & Liguribus , Romanorum hostibus , confecit , eumque Annibali fratri conjungere conatus est , certò Reip Romanæ interitu .

*Coss. Ne-
ro & Li-
uius oppo-
siti Anni-
bali , &
Asdruba-
li .*

Consules creati sunt Romæ M. Liuius postea dictus Salinator (quem malè aliqui cum C. Liuius Tarenti præfecto confundunt) jam ab annis duodecim ex consul , & in causâ cognati C. Liuij , Senatum agrè repetere coactus . Recusauit initio magistratum , & vt id acciperet vi propè compellendus fuit . Datus est ei collega C. Claudius Nero , inimicissimus , sed statim eos donasse patriæ inimicitias ferunt . Alij inimicos mansisse putant , allaborasse tamen patriæ , vt amicos . Liuius Asdrubali , Nero Annibali oppositus , amboque totâ Italia diuisi . Sed cum interceptæ essent Asdrubalis litteræ ad fratrem , copias collegæ suo jungendas esse in Vmbria credidit Nero , etiam non expectatâ voluntate Senatus . Itaque relicto in castris T. Quintio legato , qui speciem totius exercitus ostentaret Annibali , ipse cum sex peditum milibus , & mille equitibus , occultis itineribus , diligenter ad collegam pergit . Ab eo autem iac

exce-

exceptus est ut Dux Ducem, tribunus tribunum, centurio centurionem, miles militem hospitio exciperet, castris nihil dilatatis. Sed Asdrubal visis equis strigosioribus, suspicatus est auxilium auxiliis Livium; itaque recessit; verum ad Metaurum flumen pugnare compulsus, & Elefantos, & exercitum, & vitam amisit. Itaque Neronis industriam maximè, & virtute reposita Pæno Cannensis clades: quinquaginta sex millia cæsi, capti quinque millia quingenti: Gallos & Ligures aliquot Livius fugere permisit, ut superessent victoriæ suæ testes. Porro iisdem itineribus, atque adhuc diligentius rediit in castra sua Nero, & Annibali casum sui fratris, oblato eius capite, ac missis captivis indicavit. Vtrique consuli oblatus est triumphus, recusavit Nero, quoniam in Prouincia collegæ relata esset victoriâ; ipse equestriumphantem in curru Livium secutus est, nobilior modestiâ suâ quàm victoriâ.

In Hispaniâ successus est Asdrubali in Italiam transgresso, Carthagine missus Hanno. Hunc cum Celtiberis M. Syllanus à Scipione legatus, celerrimè assecutus, nec opinantem aggressus vicit, ac viuum cepit, Magonem ad Asdrubalem Gisconem fugere compulit. Ad vtrumque oppugnandum, Syllano collaudato, ipse Scipio pergit. Verum ii per oppida suum sparserunt exercitum. Itaque urbem Oringem per L. Scipionem oppugnat, & vi capit; multi etiam dextram tendentes iugulati. His peractis Publius mittit Romam fratrem Lucium cum Hannone, ut quo statu Hispana res esset, ex nobili captiuo demonstraret.

OLYMP. CXLIII. Mundi Urb. Cond.

ann. 3.

3844.

544.

Philopæmen Achæorum Prætor & Imperator Machanidam jam ferè potitum victoriâ, & repulit, & suâ manu interemit. Quo facto Spartani libertatem consequuti sunt, sed non diu-

tur.

Nero vadit ad Livium, ut cum eo Asdrubali cadit.

Scipio Pænos in Hispania saepe vincit.

Philopæmen Machanidam vadit, ei succedit Nabis.

turnam . Nabis enim ei mox suffectus est, neque sublata tyrannis, sed tyrannus .

In Hispaniâ Asdrubal Gisconis filius profectus à Gadibus, & Mago Amilcaris filius quinquaginta millia peditum, equitum quatuor millia, & quingentos parant, & ad Salapiam urbem, aliter Elingam, copias ducunt. Polybius 70. millia peditum, equitum 4. millia, & elephantes 30. numerat. Commissa pugna in qua ducem egregium se Scipio præbuit, recedentes Pœni se victos fassi sunt: & verò eos insecutus Scipio sic profligavit, ut pecudum more fugerent cum ducibus, neque quiescerent nisi ad Gades, & donec mari à Romanis separarentur. Tum primum tentatus à Syllano Massinissa, tentatus & ab ipso Scipione Scyphax, cui se periculosè Scipio commisit in Africâ, cum apud eum ageret Asdrubal. Et verò hic cum illo in eodem lecto ad mensam accubuit. Scipionis autem tanta virtus tanta humanitas erat, ut Asdrubalem ipsum in admirationem, Syphacem in Romanorum partes nullo negotio raperet. Redux ex Africâ Mityrgim capit, atque in eam ut rebellem, & crudelem atrociter sævit. Idem erat expectandum Castuloni, nisi hæc se dedidisset: Astapenses eiusdem sceleris rei, in se crudeliores, quam fuissent ipsi Romani, extiterunt; nam se cremarunt viuos, pauci erumpentes ferarum more concidendi fuerunt, aut mactandi. Gadeis quoque proditioe tentatæ, à Lælio, sed hæc proditio à Magone impotentissimè vindicata est.

*Ægroas
Scipio,
recreatus
sediciosos
multas.*

Exinde periculosè decubuit Scipio, quando turbauere milites Romani, quos sanus multauit ut fortis Imperator, & bonus, præcipuis seditionis autoribus cæsis, aliis tantum territis oculo, & oratione. Mandonio quoque & Indibili Regulis pepercit magnificè, ac fortiter, atque ut Scipionem decebat; Massinissam autem allocutus à Carthaginensibus retraxit, sibi que

ac

ac Romanis asseruit . Mago autem cum non posset ultra in Hispania consistere , jubetur missâ pecuniâ in Italiam transire : & verò exclusus est Gadibus, exclusus ex majori Balearidum magno semper animo , sed semper deficiente fortunâ . Quibus peractis tandem Scipio Romam venit : Traditâ Syllano , & Marcio provinciâ , & venit cum C. Lælio amicorum suorum primario ; pecuniæ vim incredibilem in ærarium intulit , exceptusque est quo honore debuit , negatus tamen ei triumphus , qui nennisi constitutis in magistratu decernebatur . Subiit igitur urbem sine pompâ ipse omni triumpho major, dignumque totius Italiæ , adeoque orbis spectaculum .

*Scipio
Roman
redit La
nita Hi
spania .*

OLYMP. CXLIII. *Mundi* Urb. Cond

ann. 4. 3849. 349.

Antiochus cum Euthydemo Bactrianorum Satrapa componit fœdus, sequestro, & interprete Teleâ . Mittit Euthydemus ad Regem filium suum , cuius hic indole delectatus eum iudicavit idoneum regno , eique vnam ex filiabus suis despondet , patri reliquit regnum acceptis tantum ab eo Elephantis . Ingressus tum quoque Antiochus Indiam Caucaſo superato , inſit cum Cophogafeno Rege amicitiam , ab eo quoque suscepit Elephantes , adeo ut jam centum quinquaginta Indicos in suis copiis numeraret . Inde in Arachosiam venit , ex hac in Drangianam , ex hac in Carmaniam , eodem quo Alexander itinere , sed fœliciori , ac minus incommodo .

*Antiochu
cum Eu
thydemo -
fœdus icit*

*Antiochus
Indiam
intrat, &
fœlicite
redit .*

Romæ autem lectum in libris Sibyllinis Alienigenam (hoc est Annibalem) ejici ex Italia posse si Mater Idæa Pessinunte Romam devehretur . Missus itaque ad Attalum Pergami Regem M. Valerius , cum quatuor aliis legatis . Delphos adit, Apollinem de suo itinere rogaturus : respondet hic , rem per Attalum faciendam , parandum Romæ hospitium Deæ apud eum ; qui vix optimus esset , Deus autem est

*Mater
Deorum
evocatur
Romam .*

ergo

ergo Romam lapis ille sacer delapsus è cœlo, quem incolæ dicebant Deam. Verùm ad depellendum ex Italia Annibalem plus Scipio, quàm brutus ille lapis profuit.

*Mago Ita-
liam s.-
vis, &
Ro. terret.*

Mago ex Balearicis insulis transit in Italiam, ac primò impetu Genuam capit, Ligurum oram diripit, ac prædâ Sauone deposita, ex Gallis cogit exercitum. Quare eò Urbanæ, & Etruscæ legiones mittuntur, territâ plusquam par esset Romanâ ciuitate.

*Hispani
rebellere
pressi.*

In Hispaniâ absente Scipione Indibilis & Mandonius, populis ac vicinis regibus ad libertatem vocatis armant 30. peditum, equitum quatuor millia: sed mox oppressi sunt à L. Ientulo, & L. Manlio; Indibilis in prælio occubuit cum 13. millibus, capti 800. reliqui, dedito ad supplicium Mandonio, pacem obtinuerunt. Ita in Hispaniâ non tantùm bellum, sed & magni belli sementis sublata est.

*Scipio fa-
ctus Con-
sul. ei Si-
cilia de-
cernitur.*

Romam confluit ingens ciuium ex totâ Italiâ multitudo, non tantùm vt crearet Scipionem Consulem, sed vt videret. Et verò factus est Consul, cui P. Licinius Crassus de industriâ datus collega, vt hic in Italiâ, quia Pontifex Maximus erat, remaneret, Scipio bellum in Africam deportaret; itaque decreta est ei Sicilia. Fabius Maximus quantum potuit obstitit, & apparatus quidem belli imminuit autoritate suâ, bellum non discussit: sed satis erat Scipioni mandasse expeditionem, vt huic nihil deesset. Principiò igitur mittit in Africam C. Lælium vt inde prædas agat. Hic Hipponem Regium appulit, multas prædas abegit, omnia terre compleuit. Tum quoque ad eum Massinissa venit, de Scipionis tarditate conquestus; monet ne Syphaci confidat vxoris suæ deliciis dementato, ipse paucos Numidas spondet, sed offert sese magni instar exercitus.

*Massinissa
Rom.
iungitur.*

Interea Scipio accipit Locros se Romanis dedidisse, quibus ingens ab Annibale periculum

lum immineret . Itaque relicto fratre Lucio qui classem expediret in Sicilia , ipse trajicit in Italiam , ac Locros subit . Ed quoque venit Annibal , sed statim damno suo expertus est adesse Scipionem , qui & eum fortiter repulit , & arcem , quam reliquam habebat Pœnus occupavit . Plemminium legatum suum urbis præfectum reliquit , qui multa avarè , multa sacrilegè perpetravit , direptis etiam Proserpinæ thesauris . Cum ergo miles ex domo cujusdam poculum argenteam efferret , & ciuis cum eo luctaretur , astuere Tribuni qui prohibuerunt iniuriam , & poculum domino restituerunt . Rixa igitur inter milites Plemminij , & Tribunos orta , illi male habiti , & obliti sanguine præfecto se sistunt . Hic furore excandescens Tribunos nudari , ac virgas expediri jubet : implorant illi militum opem , ad arma concurritur , lictores malè mulantur , Plemminius ipse auribus nasoque mutilatus pro mortuo relinquitur . His acceptis Scipio Locros redit , Plemminium eximit noxâ , relinquitq; urbis præfectum , Tribunos conjicit in vincula , ad Senatum submittebat . At in eos Plemminius debacchatus impotentissimè , quàm potuit crudeliter interemit , ac præcipuos Locrensiū de ejus sceleribus apud Scipionem questos . Quæ crudelitas huic postea infamiam cum morte conjunctam , Scipioni multam calumniarum materiam peperit .

*Turbata
Scipionis
expeditio
à Plem-
minio eius
Legato .*

OLYMP. CXLIV. . *Mundi* Urb. Cond.

ann. I.

3850

550.

Antiochus Magnus , & Philippus societatem ineunt aduersus Philopatorem , & Ægyptum quam inter se partiuntur . Philopator enim ad extremum dementiæ , atque luxuriæ deuenerat , seque totum permiserat Agathocliæ psaltriæ meretrici & Agathocli eius fratri Catamito , & eorum matri Oenanthæ , utroque nequiori . Hi distribuebant magistratus , atque præfecturas , hi totius Ægypti arbitri omnium vitæ , atque

*Antiochi
& Phi-
lippi in
Philopa-
torem so-
cietas .*

. *Pars III. Tom. I.*

D

for.

*Moritur
Philopator.*

fortunis imminebant. Inter hæc supra, atque turbas Philopator moritur relicto filio quinquenni, vel quadrimo Epiphane. Sed mors eius diu celata est, dum mulieres eius thesauros rapiunt, postea cum fratre, & filio graues pœnas depensuræ.

Philippus cum Romanis componis pacem.

Ætoli jam ferè duobus annis à Romanis deserti, pacem cum Philippo facere compulsi sunt. Eâ vix denunciata adfuit P. Sempronius cum decem millibus peditum, ac mille equitibus, Dymatumque Illyrici urbem occupauit. Philippus Apolloniam accurrit, vt motus populorum inhiheret. Sempronius missis in Ætoliam quindecim nauibus pacem disturbare conatus est; sed adnitentibus Epirotis in vrbe Phœnice Philippus cum Sempronio collocutus pacem cum Romanis fecit, sociis vtrîque comprehensis. Quam pacem bellum Africanum, & Annibal hærens visceribus Italiæ, & Philippi cum Antiocho conjunctio suadebant.

Recipitur à Scipione Nasica mater Idæa.

Cum jam Terracina Idæa mater esset, quæ situm de eius hospitio, P. Scipio Nasica Cnei in Hispania cæsi filius adolescens nondum quæstorius vir optimus à Senatu iudicatus est, qui cum matronis, Deæ, cœstiam vsque processit. Cum nauis quæ Deam portabat hæsisset in Tiberi, Q. Claudia Vestalis eam zonâ facillè traxit, vt pudicitiam suam, quæ reuocabatur in dubium, testaretur. Dea reposita est primùm in æde Viætoriz in Palatio, quia aduentus eius de Annibale certam spondebat victoriam.

Claudia Vestalis probat suam pudicitiam.

Duo Coss. lxxv rem gerant.

Consules huius anni fuere P. Sempronius Tuditanus, & M. Cornelius Cethegus. Sempronius primùm ab Annibale juxta Crotonem victus, accitis Licinij Proconsulis copiis victor euasit, votâ æde Fortunæ Primogeniæ: cum eius collega Cornelius Etruriam ad Magonem inclinantem iudiciorum terrore compesceret.

Censura Liiij Sacerdotis, de Nerone infamia.

Censores creati M. Liuius, & Claudius Nero collega Consulatus. Ab his vestigal impositum soli

fali, quod populus inuentum Liuij putauit, quem olim damnauerat, innocentem, ideoque eum deinceps Salinatorem dixit. Censores duo quas Consules deposuerant, resumpserunt inimicitias: sibi enim inuicem publicum ademerunt equum. M. item Liuius triginta quatuor tribus ærarias fecit, quod se innocentem condemnassent, damnatum Consulem, & Censorem fecissent, Metiã solam reliquit intactam quod illa neque se absoluisset, neque damnasset. Sed hæc nota nihil tribubus nocuit, eum ridiculum populo, atque odij sui nimis tenacem docuit.

Locrorum causa in Senatu agitata est, quã Pleminius, & Scipio inuoluebantur, & huic maximè Q. Fabius conflagabat inuidiam. Tandem missi legati decem quorum Princeps T. Pomponius, ut visis Locris, Scipionis quoque copias inspicerent, cui socordię inurebatur nota. Per hos restituti Proserpinæ thesauri, Locris reddita pristina libertas, Pleminius eiusque socij 30 uincti Romam submissi. Inspectâ Scipionis classe in Sicilia, eum ita purgarunt, ut ad profligandum bellum Annibalicum, eo aptiorem iudicaret neminem.

Tum quoque Cato Major non Prætor, sed Quæstor fuit; sic emendandus Tullij locus, qui hoc anno eum perperam Prætorem facit.

P. Cornelius Scipio hoc demum anno in Africam appulit. Venit ad eum Massinissa cum 200. equitibus. Illis opponuntur Asdrubal toties victus in Hispaniâ, & Syphax cum centum millibus armatorum. Scipio Uticam frustra tentauit, & hoc anno satishabuit Carthaginem uidisse, atque terruisse.

*Causa
Locrorum
& Sci-
pionis a-
gitatur.*

*Catonis
Majoris
quæstura.*

*Scipio
appellat in
Africam.*



CAPVT VI.

DECAS SEXTA.

Ab anno 3850. ad 3860.

OLYMP. CXLIV. *Mundi* Vrb. Cond.
ann. 2. 3851. 551.

*Syria af-
 jeria E-
 piphani.*

Scopas Ptolemzi Epiphanis Princeps mili-
 tiz in Cœlesyriam profectus multas sub-
 egit vrbes, & Iudæam vniuersam Ægyptia-
 cò adjunkit imperio, potitusque Hierosoly-
 mis, eius Arci præsidium imposuit. Quæ fa-
 cta esse antequam tumultus Alexandrini exo-
 rirentur, prudenter suspicari licet.

*Coss in I-
 talia re-
 sinentur.*

Consules Cn. Seruilius Cæpio, & C. Serui-
 lius Geminus, aliis Cn. Seruilius Nepos, in-
 ter se Bruttios, & Etruriam sortiti sunt, vt
 viderent ne Respublica ab Annibale, & Han-
 none detrimentum pateretur.

*Mago vi-
 ctus, &
 vulneratus
 obit.*

In Liguriâ à Quintilio Prætoze, & Corne-
 lio Lentulo Proconsule pugnatum in Mago-
 nem Annibalis fratrem. Mago vulneratus vi-
 ctoriâ Romanis reliquit, sed cruentam, &
 fugit ad Ligures; vnde euocatus à suis Car-
 thaginem, dum cònauiat obiit ex vulnere,
 in eo, fratre Annibale scilicet, quod pa-
 triæ funeri non interfuit.

*Vincuntur
 à Scipio-
 ne Syphax
 & Pansi.*

In Africâ Syphax offert pacem Scipioni; hic
 eâ occasione vsus castra Syphacis, & Asdrubalis
 callidiùs explorat, & mox illa incendit, atque
 expugnat. Cæsi eo prælio 40. millia, aut cre-
 mati, capti sex millia Duces difficiliter effu-
 gère. Mox tamen iidem repararunt exercitum,
 adjunctis sibi quatuor millibus Celtiberorum;
 quos cum iterum aggressus esset Scipio, profligauit,
 iussitque C. Lælio eos insequi fugientes
 in Numidiam. At Scipio Tunetum occupat
 reli-

relictum à custodibus oppidum 12. passuum milibus distitum à Carthagine , & vnde in eam prospectus patet. Is locus diligenter à Scipione munitus, & quasi belli constituta sedes. Pugnatum deinde nauali prælio, in quo Scipio imparatus vinci poterat, nisi Pœni certamen distulissent, tempusque colligendi sui naucleris dedissent. Interim Lælius, & Massinissa iterum Syphacem vicere, quem in urbem Cirtham compulsum Massinissa viuum cepit; sed vicissim ab eius vxore Sophonisba captus est, quam eodem die duxit vxorem, vnde grauitè increpitus est à Lælio, grauius à Scipione. Cum ei vitam à Romanis impetrare non posset, venenum vti petierat misit, quod hausit confidentius, quàm eius cubile conscenderat. Desperatus propè Massinissa Scipionis laudibus, promissis, increpationibus ad sanam mentem reuocatus est. Lælius cum captiuo Syphace Romam præmissus. Tum pacem rogarant Carthaginenses, sed Romam remissi Annibalem ex Italia ad tuendam patriam reuocant, & dum fœdus loquuntur hostilia cogitant, quod legatis eorum exprobrauit Scipio, neque armis, neque virtute passus se à Carthaginensibus superari.

Captus Syphacem Massinissa, & à Sophonisba ipse capitur.

Obiit hoc anno Q. Fabius Maximus inuidus Scipioni, quâ malignitate plurimum gloriæ suæ detraxit. Hoc vno fœlix quod profligatum à Scipione bellum non didicerit; de Annibale vanus augur quem in patriâ suâ maiorem hostem, & formidabiliorem, quàm in Italiâ, malè vaticinatus erat.

Moritur Fabius Maximus.

Hoc quoque anno Næuius Vticæ mortuus est, Româ factione Metelli depulsus, Poëta iam solo notus nomine, fabulis nullo modo, quarum etiam fragmenta perierunt.

Næuius moritur Vticæ.

OLYMP. CXLIV. *Mundi* Urb. Cond.

ann. 3.

3852.

552.

Alexandriæ interfectus est Agathocles in seditione cui Motragenes quidam fugiens nudus

Seditio Egyptiaca ingens

D 3

etor.

è tormentis, dedit initium: Agatocles extra-
ctus est ex Syringe, in quam cum Rege confu-
gerat: Agathoclea quoque & Oenante à po-
pulo morfu, acubus, saxis, fustibus lacerantur,
& comminuuntur in frusta cum comitibus. Phi-
lamon, cui cædenda Eurydices, seu Arfinoës, v-
xoris Philopatoris cura demandata fuerat, à
puellis cum ipsa educatis saxis, & fustibus ma-
ctatus est: eius occupata domus, filius strangula-
tus; fugiens vxor in plateâ trucidata est. Sic me-
retricia domus absumpta, leuiores sceleribus
suis pœnas luit.

*Epipha-
nes Rom.
commen-
datus.*

Tum missi Romam ab Alexandrinis legati,
qui pupillum Ptolemæum Epiphanem Senatui
populoque commendarent, cuius regnum An-
tiochus & Philippus Romanorum hostes appe-
tebant. Amicè suscepti sunt, & vt pupilli susce-
pta defensio, quæ tum his Regibus multum do-
loris, postea damni plus attulit.

*Nero col-
lega Sci-
pioni da-
tus.*

Consules huius anni renunciati sunt M. Ser-
uilius Geminus, & T. Claudius Nero. Hic mis-
sus est in Africam cum classe, ejusque cum Sci-
pione æquatum imperium, certo hujus expedi-
tionis damno, nisi Scipio datis sibi collegis ni-
mium præcelluisset.

*Annibal
relinquit
Italiam.*

Recesserat tum ex Italiâ Annibal, eam idem-
tidem respectans, & Carthaginem, fortunam,
seque iustius incusans, quod Cannensi victoriâ
non esset vsus. Appulit ergo in Africam ad Lep-
tim auersatus ex omine locum, cui *Sepulchrum
dirutum* nomen, vnde magnis itineribus Za-
mam contendit. Venit & tum ad Scipionem Mas-
sinissa cum sex peditum, & quatuor equitum mil.

*Annibalis
cum Scipio
congressus.*

libus. Cum Scipione Annibal colloqui voluit,
& cum ad pacem inuitare, sed eam ferocius
Romanus rejecit, non satis demissè postulauit
Pœnus. Itaque vtrîque expediuntur acies, &
quàm scientissimè. Pugnatur acerrimè, hinc
pro libertate, hic pro belli fine atque coronide.
Victus Annibal, Pœnorum viginti milia cæsi,

*Vincitur
ad Zamâ
Annibal.*

toti-

totidem capti cum Elephantis vndecim, & 133. signis militaribus, cum vix 1500. ex Romanis cecidissent. Capta quoque eodem impetu Punica castra, vnde quidam scribunt fugisse Annibalem Adrumetum, inde ad Antiochum. Sed similis vero est cum accitum à ciuibus venisse Carthaginem, & factum se non tantum prælio victum esse, sed & bello, nihilque cunctandum admittere quibusvis conditionibus pacem, nisi urbem suam perditam vellent.

Rumor interea nunciauit adesse Verminam filium Syphacis, cum multo peditatu, pluribus equitibus Pars Romani exercitus, cum equitatu huic obuiam venit, funditur Numida, & quindecim millibus caesis, captis mille ducentis, ac mille Numidicis equis, Vermina rem Punicam deteriori reliquit loco, quam inuenerat.

*Vermina
vincit.*

Pœni itaque penitus victi triginta legatos Tunctum mittunt miserabiliore cultu (nam ante hanc ultimam pugnam miseri venerant oleæ ramos de more prætendentes) quibus pax, iis conditionibus oblata, omnia erepta Romanis redderent, captiuos, & transfugas darent, naues omnes adducerent, & Elephantos præter decem, nulli bellum inferrent iniussu populi Romani, omnia Massinissæ restituerent, quæ majorum suorum fuissent, darent frumentum Romanis, donec pax Romæ firmata esset, ducenta Talenta Euboica annis singulis per annos 50. persoluerent. Hæc cum dissuadere voluisset Gisco, cum detraxit ex loco vnde loqui volebat Annibal; quod cum populo displicuisset, prætexuit hic vitam suam 36. annis bello contritam, ac juris ciuilis oblitam. Inter hæc legati Carthaginenses cum L. Scipione, & L. Veturio Philone Romanam pergunt ad pacem firmandam tanto sanguine, annisque septendecim, vel potius virtute vnus Scipionis redemptam.

*Pax Pœ-
nis à Sci-
pione da-
ta.*

T. Claudius Nero Consul auditus Pœnorum clade moras traxit, maximè quod vnus Sci-
pionis

*Redit in-
glorius
Nero.*

pionis arbitrio permiffa pax effet. Tempeftate jactatus Caralim appulit in Sardiniam, vbi dum reficit naues annus Confularatus abiit, priuatusq; reducens claffem, & inglorius infectâ re, pœnas tarditatis, & ambitionis dedit.

OLYMP. CXLIV. *Mundi* Vrb. Cond.

ann. 4. 3853. 553.

*Legatio
Rom. in
Ægyptū.*

*M. Lepi-
dus datus
 tutor Re-
gi.*

*Vifi Ro.
per Gallos
Boios.*

*Ro. Phi-
lippe acce-
dit respon-
dens, is se
ad bellum
parat.*

Missi in Ægyptum legati tres Claudius Nero, M. Æmilius Lepidus, & P. Sempronius Tuditanus nunciantes bellum Punicum confectum esse, decretum Philippo bellum. Legati suscepti perhumaniter, & honorificè Regis nomine à Sosibio prioris Sosibij filio, & qui Regem in Agathocleanâ eade eripuerat. Quidam volunt Lepidum datum regi tutorem, alij negant, cum nulla sit eius facti apud Polybium & Appianum mentio. Creditur id tamen vulgò, quia plures Liuium quam Polybium, & Appianum legunt.

Hujus anni Consules creati Cn. Cornelius Lentulus, & P. Ælius Pætus. Hic in Boios per Vmbriam C. Appium præfectum misit cum copiis, qui à Gallis circumfusus, & se, & suorum septem millia perdidit. Neque Consul aliter hanc cladem vltus est, quam depopulationibus, solatio Romanis indigno.

A Philippo missi legati Romæ auditi sunt in Senatu excusantes Regem, accusantes M. Aurelium, quod Macedoniam bello vexasset, & captiuos in Africa sibi reddi postulantes. Quibus responsum, Philippum bis violasse fœdus, & socios Romanorum vexando, & Annibalem pecuniâ & copiis Duçe Sopatro ex regio eius sanguine, iuuando; ritè auxiliores à Scipione coniectos in vincula; M. Aurelium suis sociis benè auxilium tulisse. Sic e tacitè bellum denunciatum est. Sub finem autem anni missus in Macedoniam Læuinus cum 38. nauibus didicit quo apparatu Philippus susciperet bellum. Itaque majori classe opus esse denunciauit, ne

in

in Philippo Romani Pyrrhum alterum experi-
rentur.

Idem Senatus à Scipione pacem factam pro-
bavit, & legatos Pœnos satis liberaliter ha-
buit, atque potestatem eis fecit ducentos capti-
uos redimendi, qui gratis postea donarentur,
vbi conditiones pacis admittæ essent utrimque,
quod & factum. Itaque naues exustæ, elephan-
tes cæsi, per fugæ Latini securi percussi, Romani
in crucem acti, Massiniæ regnum Syphacis at-
tributum, vt ab hac parte Pœnorum excubitor
esset. His peractis Romam Scipio venit vbi ma-
gnificè triumphauit, producto Syphace, qui
paulò post obiit; quamquam aliqui ante trium-
phum velint periisse. Scipio ob eam expeditio-
nem dictus Africanus, quod nomen primum ei
impositum ab amicis ex adulatione, deinde huic
tam aptè conuenire iudicatum est, vt esset eius
posteris hæreditarium.

*Pacem
cum Pœnis
Rom. v. a-
t. m. ha-
lent.*

*Scipio
triumphat
& dicitur
Africanus*

OLYMP. CXLV. *Mundi* Urb. Cond.

ann. 1.

3854.

354.

Scopas Aetolus Ptolemæi dux in Aetoliam
veniens Alexandriâ cum magno auri pondere
sex millia peditum, & aliquot equites mercede
conduxit; nec vllum iuuenum reliquisset in pa-
triâ, nisi Damocritus Prætor delectum impediis-
set; adeò auri cupiditas Græcos vrgebat.

*Aetolus
Ægyptii
in auxiliũ
accersunt.*

Atheniensibus dare auxilium aduersus Phi-
lippum cupit Ptolemæus, & mittendi exercitus
facultatem à Romanis petit. Gratiæ huic habi-
tæ, legati exornati muneribus, Athenienses sibi
curæ fore Senatus respondit.

*Atheniën-
ses iuuare
Ptolema-
ni cupit.*

Abydeni in Hellefponto à Philippo grauer
oppugnati sunt; muro eorum cuniculis diruto
honestis conditionibus deditionem facere vo-
lunt, at sine conditionibus offerre se, vel defen-
dere se iubentur. Itaque matronas omnes in
templis, liberos in Gymnasio includunt. Seli-
gunt 50. viros crudæ senectutis, qui omnes in-
scrimant; pecuniam, & pretiosam vestem in-

*Abydeni
ad despe-
rationem
adiungunt
à Philip-
po.*

duas naues congestam projiciant in mare, eoque sacramento adigunt; reliqui fortiter, & non inulti parant occumbere. Muro diruto Macedones urbem subire volunt, sed toto die repelluntur. Sequenti nocte se quidam Philippo dedunt, & benignè suscipiuntur, reliqui se, suos, urbem perdunt, & eripiunt hosti, desperati magis dicendi, quàm fortes.

*Coss. huius
anni.*

Coss. huius anni notantur in fastis P. Sulpicius Galba, & C. Aurelius Cotta; huic Etruria, illi Macedonia obtigit, & utrique triumphorum seges.

*Tumultus
in Gallia
Cisalпина
& Liguria.*

In Gallia Cisalpina Insubres, Boij, Cenomani; Ligures duce Amilcare tumultum excitarunt, occupatâ Placentiâ, & obsessâ Cremonâ. L. Furius in eos processit, processit & Consul Aurelius: Sed antequam is adveniret, Furius pugnavit, & vicit. Cæsa sunt aut capta Gallorum 35. millia; Amilcar dux Pœnus cecidit; alij tamen negant, & iterum pugnasse volunt. Aurelius molestissimè tulit sibi materiam triumphi ereptam esse. Petiit sibi dari, & à populo triumphum Furius obtinuit. Pompa tamen vilis fuit, carens milite & captivis, quos Aurelius retinuerat. Sed tum genti Gallos vincere solitâ potius, quàm huic Furio videtur indultum esse.

*Verminæ
concessa
pax.*

Verminæ legati pacem, & fœdus petiere; illa oblata, hoc negatum. Missi tamen ad illum legati, quos liberaliter accepit. Pacis tum scriptæ leges Romam uti probarentur missæ sunt. Sicerat arbiter Regum Senatus Populusque Romanus.

Rom. Atheniensibus à Romanis auxilium datum, nauibus in Pyrræum missis adversus Philippum. Hoc bellum leuibus de causis exarsit; & hujus causa Philippus non satis prudens fuit, passus vastari fines Atheniensium, quibus fauerunt Attalus, Rhodij, & quod erat auxilij caput, Romani. Consul ergo Sulpicius C. Claudium Centonem cum viginti nauibus in Pyrræum mit-

tur;

tit ; hinc Chalcidem cum Rhodiis , & Attalo occupat , negligentius à Macedonibus custoditam , eamque incensam dimittit . Accurrit Philippus , & Athenas pœne occupat ; circa urbem semel iterumque omnia corrumpit , & vastat . Conatur idem Achæos Romanis frustra committere , quos Nabis Lacedæmonius vexabat . Quibus gestis redit in Hiberna Philippus in Chalcidem , acceptam parum honestè ultus injuriam .

Obiisse hoc anno M. Accium Plautum scribit Hieronymus . Hic mercaturam primùm fecit , ac decoquere coactus Romæ se versandis molis addixit : tumque fabulas aliquot scripsit , quas illiberalibus , & scurrilibus jocos aspersas nemo miretur , qui putauerit eas in pristino scriptas esse

*Moritur
Plautus.*

OLYMP. CXLV. *Mundi* Urb Cond.

ann. 2.

3855.

555.

Sub initium huius anni Sulpitius per legatum suum Macedoniam populatur , & prædas inde abigit nequicquam reclamante Athenagorâ . Philippus & Romani in Pantætolio , sibi conciliare conantur Ætolos ; sed sapienter cunctatur eorum Prætor Damocritus , & quo inclinet belli alea , prudenter expectat . Philippus semel , iterum , ac tertio pugnat cum Romanis , parum feliciter , quamvis sub initium cerraminum huic fortuna videretur arridere . Ad Oëtolophum autem excussus equo , pœne interfectus est , eo cæso qui huic equum suum tradiderat , victoque similis noctu abscedit . Pugnavit contra Dardanos per Athenagoram felicius , qui exeuisset eis Macedonicam prædam . Item & contra Ætolos , qui ad Romanos victores conuersi erant , quando & castra sua perdidere , immò & gloriam , cum fugisse in hoc prælio potius , quam pugnasse viderentur . Postea tamen iidem Ætoli receperunt animos ad Thumacon , seu Thamasiâ in Malliaco sinu , quam Philippus obsidebat

*Philippus
cum Rom.
& eorum
sociis pugnat.*

Flaminius (malè vulgò ex Plutarcho dictus
Flaminius) & Sextus Aelius Pætus. Hic in Gal-
liâ nihil gessit, tantum Placentinos, & Cremon-
enses in Colonias reduxit, vir pace quàm bello
melior. Sub huius tamen auspiciis L. Cornelius
Lentulus Prætor Urbanus feruilem tumultum
detexit, & oppressit, maximè exortum à Puni-
cis feruis, quibustum abundabat Italia: Ideò
Carthaginensium obsides centum adulescentes
à Scipione delecti, seruati diligentius, ne ab in-
geniis hæc conspiratio profecta, nouo bello
causam præberet.

*Consul
Pætus pa-
ce quàm
bello ap-
tior.*

*Tumultus
seruatus -
pressus.*

T. Quintius Flaminius in Macedoniam tran-
sit, & à Villio recipit exercitum. Ac primo Phi-
lippum vincit in faucibus Epiri, ad fluvium
Aoum, indicato itinere à pastore quodam, quem
Charopus princeps Epirotarum submiserat. Fu-
git in Thessaliam Philippus, immò eam popu-
landam obicit tribus exercitibus, Romano,
Aetolico, & Athamanico, cuius dux erat Ani-
mauder. Tres quoque classes in Philippi ditio-
nem irruerunt, Romana duce Lucio Quintij fra-
tre, Attalica 24. nauium sub Attalo, & Rhodia
viginti triremium sub Agesimbrotò. Attalica &
Rhodia circa Andrum insulam innotæ ad Eu-
bæam applicant, vbi frustra Carystum tentant.
Tum his iunctus Lucius Eretriam inuadit: dum
autem Philocles eius præfectus agit cum Attalo,
à Romanis capitur, atque diripitur. Carystus
quoque iterum tentata se dedit; Philippus ter-
rà marique infortunatus fuit.

*Flamin.
Philippum
superat.*

*Philippus
terram, &
mari in-
fortunatus.*

Consul quoque Romanis Achæos acquisiuit
& à Philippo distraxit, maximè oratione Ari-
stenis eorum Prætoris. Obsessa ergo Corinthus,
iis ex pacto tradenda, sed acriter adeò defensa
est, maximè à Italicis desertoribus, quos crux
aut securis manebat, vt obsidionem Romani,
Rhodij, Attalici soluere compulsi sint, & Cen-
chreas nauale relinquere, quod jam occupant.
Tum etiam Philippus per Philoclem Argos pro-
ditio-

*Corinthus
obsidetur
frustra.*

ditione occupauit ; Quintius in Phocide Blateam vi cepit, ne alterutri fortuna defuisse videretur

*Cato Sardiniam
sanctissime
regit.*

M. Porcius Cato Censorinus dictus, Prætor sanctissime Sardiniam administrauit, sublatis omnino, aut leuatis sumptibus sociorum in Romanos magistratus: adeo asper in fœneratores, ut ex eâ insulâ sponte diffugerent, genus hominum cæloterrisque detestandum, & ex aliorum inopiâ diues.

OLYMP. CXLV. *Mundi* Vrb. Cond.

ann. 4.

3557.

557

*Antiochus bene rem
in Syria
gerit.*

Antiochus hoc anno Scopam Aetolum Ducem Ptolemæi, ad Paneadem vicit, obseditque Sidone. Eum ut liberaret Epiphanes misit duces Eropum, Menecleam, & Damoxenum, sed nihil illi potuere; Scopas igitur cum suis spoliatus abiit. Exinde Antiochus multas in Cœlesyriâ recepit vrbes; Hierosolymis autem susceptus perhonorificè cum Iudæis obsedit arcem in quâ Scopas præsidium reliquerat; vnde optimè est affectus in Iudæos, quod eius copiis omnia affatim suggerissent, sed ex necessitate liberales.

*Flamin.
continua-
tur impe-
rium.*

Consulibus Cn. Cornelio Cethego, & Q. Minucio Rufo, continuatur imperium T. Quintio amicis eius adnitentibus, & huic fratrique nouum subsidium terra marique submittitur. Colloquuntur inter se Philippus, & Quintius, nihil agunt, quia hic nondum satis elatus, ille nondum satis depressus erat. Philippus Argos contredit Nabidi, qui eam urbem deprædatur, viros per se, fœminas per vxorem suam Apegam, & acerbius ac crudelius per eius Apegæ simulacrum, amplectendo sodicans ferreis veribus viros, & fœminas à quibus pecuniam extorquere volebat, modis omnibus crudeliter ingeniosus, & in alienis malis immaniter facetus.

*Nabis in
Argos fu-
rit.*

*Victus
Philipp.
ad Cynoscephalas
a Quintio.*

T. Quintius Flaminius ad Cynoscephalas in Thessalia cum Philippo prælium detestante ex-

occa-

occasione pugnat, diuque ambiguo Marte certatum. Tandem vicit Quintius, ac Philippum castris exiit: in hoc certamine Macedonum octo millia caesi, quinque millia capti, tantus reliquis injectus metus, ut ad pacem petendam Philippus impelleretur.

Neque segnius Lucius Fiti frater egit in Acarnania, ubi Leucadem urbem expugnauit: *Leucadem capta à Rom.* Hic mirabilis eluxit ciuium constantia, & fortitudo in reficiendis muris assiduo machinarum motu labefactatis. Et nisi exules quidam Itali Romanos receperunt, soluenda fuisset obsidio. Domestico igitur, externoque hoste pressi Leucadii se dediderunt, & secuta est primariam urbem tota Acarnania.

Tum quoque Rhodij Perœam regionem sibi à Philippo ereptam receperunt, depulso Macedonum praesidio, eorumque praefecto Dinocrate: immo & Stratonice urbem occupassent, si hanc eodem impetu inuasissent; sed tum egregie munitam à Dinocrate, postea nequicquam tentarunt. *Rhodii res suas agunt.*

Ne tamen Philippus planè desperaret Dardanos superiora Macedoniae depopulantes oppresfit, & tam malè multauit, ut se iis nequaquam deuictum à Romanis ostenderet. *Dardani à Philippo uicti.*

In Italia Q. Minucius Ligurum se viginti millia dediderunt, cum oppidis viginti. Cornelius Cethegus Boios, Cenomanos, Insubres à se inuicem distraxit, factaque in Insubres impressione eorum triginta quinque millia cecidit septingentos cepit, & inter eos alterum Amilcarem, quem Consul in triumphum duxit. Minucius Boios quoque ad deditionem compulit, & de iis tantum in Albano monte triumphauit; quia felicius quam fortius rem gessisse visus erat. *Coff. rem bene in Italia gerunt.*

OLYMP. CXLVI. Mundi Urb. Cond.

ann. 1.

3858.

558.

In Aegypto turbatum aliquid: Scopas enim Aetolus venit in suspicionem aliquid moliri *Scopas in Aegypto necatur.*

con-

Dicaarchus Paganus impietatis luit.

contra Regem, euocatusque per Aristomenem, venire recusat, vis in eum paratur; accedit, in carcerem conjicitur ab Aristomene, & veneno necatur. Tormentis quoque excruciatum circa idem tempus tollitur Dicaarchus præfectus nauium Philippo, qui Cycladas vexans duas aras statuerat Impietati, & Iniquitati, sic Diis & hominibus impudenter, & irreligiosè infultans.

Pax Philippo concessa.

Pax Philippo data missis decem legatis ad Quintium, qui eam componerent, & conditionibus quidem satis duris si Alexandri Magni successorem spectes, sed ferendis tamen quia victo datæ, & à Romanis victoribus. Cum etiam egit liberaliter Quintius: nam & imperatam ei pecuniam remisit, & filium Demetrium obsidem reddidit, ut primo victoriæ fructu etiam victus ipse frueretur. Tum de tribus urbibus Græciæ compedibus, deliberatum Corintho, Chalcide, Demetriade; Corinthus Achæis reddita, imposito tamen in Arce præsidio: alia duæ seruata, donec Antiochus nocere non posset. Denique promulgata est in Isthmiis ludis libertas Græciæ per præconem, iussu Quintij præsentis, tantâ lætitiæ significatione, & tantis acclamationibus, ut corui superuolantes concioni, deciderent, Quintius non jam ut Barbarus haberetur, sed ut propè Deus, à Græcis adulandi peritissimis, coleretur.

Græciæ in Quintium laudes.

Ææoti repressi.

Ææoti à Romanis defecere: sed ex turba nullo negotio compressæ sunt; tumultusque potius, & seditio, quam bellum fuit.

Semertis belli Ro. in Antiochum.

Antiochus in Asiâ multas subigit vrbes, Lyfimachiam in Europâ instaurat. Monitus à Romanis ut abstinere à vexandis Asiaticis, & vrbe muniendâ ferociùs responderet. Interim vulgato rumore falso de morte Ptolemæi Epiphanis, Aegyptum sibi parat asserere, eoque festinat. Verum cum viuere Regem accopisset in Lyciâ, omisâ Aegypto, cogitat Cyprum, ad quam sedum.

dum naufragium passus, nihil propius factum quam ut victoriis modum poneret. Venit igitur Antiochiam, ut animum reficiat, ac corpus; sed homini ambitioso diu quieto esse non licuit.

In Italiâ facti Consules L. Furius Purpureo, & M. Claudius Marcellus. Hic prosperè rem gessit contra Boios; mox Padum transgressus Insubres ac Comenses inuasit, eorumque 40. millia cecidit, ac de iis triumphauit. Furius etiam in Boios irruit, magnaue affecit clade, neque tamen eos debellauit; quare de iis non triumphauit, collegâ suo non minùs fortis, sed minus fortunatus.

In Hispaniâ C. Sempronius Tuditanus Proconsul in Citeriore prouinciâ prælio victus est, cæsi plures viri illustres, ipse Sempronius paulò post ex vulneribus acceptis obiit. Missi sunt ergo in Hispaniam tum Prætores duo Fabius Buteo, & Minutius Thermus: tumque diuidi verè cæpta Hispania in Citeriorem & Vteriorem, sublatotum Iberi fluuij limite, & Hispanis non jam pro Pœnis, sed pro suâ libertate pugnantibus.

OLYMP. CXLVI. *Mundi Urb. Cond.*

ann. 2.

3859.

559.

Nabidis Tyranni debellandi datur cura T. Quintio: Concilium Græcorum ille conuocat, ubi variæ sententiæ Atheniensium, Achæorum, Aetolorum. Bellum communibus suffragiis indicitur Nabidi. Argos primò circumuallatum, mox Spartam obsidere fatius putat Flaminius. Gytheum igitur inuadit, ac proditione capit. Mox obsidetur Sparta. Nabidi pacis conditio, nestum offeruntur, quas improbat. Sparta tantum non capitur, & tantum subiecto quibusdam ædibus incendio per Pythagoram liberatur. Hoc perfusus periculo Nabis, pacis condiciones recipit, Argos reddit, at Spartam retinet frementibus Aetolis, gementibus Achæis libertatis amantissimam urbem vnam in Græciâ à Romanis

Bellum in Boios feliciter gessit Marcellus.

Rom. in Hispaniâ victi.

Hispaniarum non limites.

Quintius Nabidem appetit bello, ei. que pacē concedit.

nis in Tyranni impotentissimi manu relinqui . Sed aliud Gracia , aliud Quintij res postulabant, metuentis ne sibi mitteretur successor, qui laborum suorum colligeret fructum; malum tum apud Romanos nimis familiare .

*Uccusa-
tur apud
Ro. An-
nibal.*

Annibal , quasi huic cum Antiocho conueniret , eumque in Romanos accenderet , Carthagine ab inimicis exagitur . Hi porrò peculatu diripuerant urbem , & vectigalia turpissime administrarant, quod detexerat Annibal, atque impedierat . Hi igitur ereptam sibi furandi occasione dolentes , indicem apud Romanos criminantur , quorum calumniis diu restitit Scipio . Tandem Senatus non putauit spernendum indicium, mittitque legatos Carthaginem, qui Annibalem speculentur . Hic sibi diffidens, & magis inimicos metuens Tapsum fugit , inde Tyrum, Antiochiam , & Ephesum ; ubi Antiochum nutantem, ad bellum contra Romanos impulit, ne sacramento quod puer ad aras ediderat , de fuisse putaretur .

*Fugit
Annibal
ad An-
tiochum .*

*Ver Sa-
crum Ro-
mæ .*

Consulibus M. Portio Catone , & L. Valerio Flacco, Ver Sacrum Romæ editum , votum olim per M. Aemilium Pratorem , præeunte L. Cornelio Pontifice ; quo videlicet nata à Kalendis Martij ad Kal. Maias licet profana Diis offererentur . Tum etiam propugnauit legem Oppiam Cato , de ornamentis mulierum , quam Tribuni plebis abrogare conabantur , & mulieres lapidem mouebant omnem , ut antiquaretur . Hanc autem Consul alter Valerius impugnauit & vicit , precibus , & concurfatione matronarum armatus .

*Lex Op-
pia abro-
gata .*

*Cato rem
Ro. in
Hispania
restituit .*

M. Cato in Hispaniam transiit ubi afflictissimum Romanorum statum reperit , quem industriâ suâ, fortitudine, continentia, æquitate vnus erexit . Exemplo suo restituit militari disciplinâ Celtiberos , Lacetanos , & alios sæpè vicit, ac deleuit , aliter jam pugnantis Romanis, quia aliter imperabatur . Eius quoque collega
Vale-

Valerius Boiorum octo millia interemit, reliquos sic fugauit, aut compescuit, ut Placentini, & Cremonenses coloni quiescerent.

OLYMP. CXLVI. *Mundi Vrb Cond.*

ann. 3.

3860.

560.

T. Quintius Flaminius ut Græciam omnino componeret, conuentu indicto, Corinthum venit, ubi omnia eius acta præterquam de Nabide, probata sunt: hæc ut potuit excusauit, videlicet ne Sparta periret. Inde Theſſaliæ quoque res ordinat: tollit insuper præſidia ex Acrocorintho, Chalcide, Demetriade, Oreo, Eretriâ, Græcis plaudentibus, & passim jactantibus, Romanos non prædæ, sed vnius honoris cupiditate moueri. Solutum captiui Romani quot quot inuenti sunt in Græciâ. Quibus peractis T. Quintius cum exercitu Romam venit, ibique toto triduo triumphauit. Nobile spectaculum fuerunt præter Quintium obsides illustres Demetrius Philippi, & Atmenes Nabidis filius, hic expressus, ille oblatus a patre. Neque minus gratiosam reddidere pompam Romani in Græcia ab Annibale venditi, qui capitibus rasis, ac pileati hunc triumphum Romanæ, Græcæque libertatis cohonestarunt.

*Quintius
Græciam
ordinat.*

*Quintius
de Phi-
lippo
triumphus.*

Creati Consules hoc anno P. Cornelius Scipio Africanus secundum, & T. Sempronius Longus, quando ludis curulibus ædilitiis loca Senatoria in spectaculis, a plebe secreta sunt. Ea res ut beneuolentiam Senatus, ita odium populi Scipioni creauit. Plemminius eius legatus, Locrensis præfectus in vinculis jam pridem detentus, partem vrbis incendere conatus est, ut in eotumultu carcer eius infringeretur. Quare in duriores carcerem compactus, paulò post necatus est; homo indignus tam diu viuere, nisi ut dilato supplicio, se mori sentiret.

*Scipio
Africa-
nus odium
populi in-
currit.*

In Galliâ Valerius Proconsul sæliciter pugnauit in Boios, & Insubres. Succedens ei Consul Sempronius magnitudine Boiorum exercitus

*In Italia
vario
cursu p-
gnant
Romanis.*

citus territus collegam in auxilium suum euocauit. Interimeius castra inuadunt Boij, vbi vario euentu pugnatum; Gallorum cæsa vndecim millia, Romanorum quinq; millia, neutrius partis, aut certè cadmeam fuisse victoriã arguunt.

CAPVT VII.

DECAS SEPTIMA.

Ab anno 3860. ad 3870.

OLYMP. CXLVI. *Mundi Vrb. Cond.*

ann. 4.

3861.

561.

*Legatio.
nes Rom.
& Antio-
chi.*

Hic annus celebris est legatione Antiochi ad Romanos, quam obiere Menippus, Hegesianax, & (vt volunt aliqui) Lysias. Auditi sunt in Senatu & à T. Quintio confutati. Tum admissa Græcorum legatio, meliùs accepta, vtpote quæ tantum gratias referebat. Missi quoque ad Antiochum legati P. Sulpitius, P. Villius, & P. Aelius qui eum Lysimachia repererunt, ita recepti vt solent qui parum gratos Regibus nuncios deferunt.

*Romani
in Pœnos
iniqui.*

Carthaginensium legati nunciant Annibalem belli agitare consilia cum Antiocho, & ciues suos per Aristonem ab eo missum sollicitatos, qui tentatis quibusdam fugerit. Idem de Massinissa questi sunt, eorum fines inuadente. Qui dirimere hanc controuersiam solo nutu poterat Scipio Africanus, integram reliquit, quod Carthaginenses Aristonem elabi permisissent. Itaque in hac causâ, vir alias æquissimus, non satis iustus fuit, & quorundam in Pœnos odio, suo in Nabidam amor nimis indulsit.

*Vario enī-
m in His-
pania pu-
gnauit.*

In Hispania rem malè gessit Sextus Digitius, & mediam partem sui exercitus perdidit. Melius pugnavit, & felicius P. Cornelius Scipio Cn. filius

filius, ad quem 50. oppida defecerunt: & Proprætor Lusitanos grassatores ad 12. millia cecidit, multos equites, & signa cepit. Flaminius Prætor non egit quod eius belli apparatus exigebat; Illuciam tantum Oretanorum occupavit. Melius se gessit Fulvius Nobilior; nam fudit hostem ad Toletum, & Hilermum Regem vivum cepit.

Consules huius anni fuere L. Cornelius Merula, & Q. Minucius Thermus. Huic obtigit Liguria, bellumque exorsus est prudentius quam fortius. Postea tamen ad Pisas novem hostium millia deleuit; castra oppugnauit interdusque noctu illi reliquerunt. Cornelio obuenit Gallia in qua 14 millia Boiorum coniecit, multos cepit cum signis 212, non obtinuit tamen triumphum, quia quinque millia suorum perdidit, multosque ordinum ductores; signum tamen non eius socordia, sed hostium fortitudinis.

*In Italia
rem varie
gerunt
Coss.*

OLYMP. CXLVII. Mundi Urb. Cond

ann. 1.

3852.

562.

Antiochus bellum suscipit in Romanos impulsoribus potissimum Thoante Aetolo & Annibale: huius sententia melior deseritur; de ipso mittendo cum classe in Italiam; illius admittitur de Græciâ per regem inuadendâ. Ac principio Antiochus imprudentiâ suâ Philip-pum à se auertit, dum sepelit ad Cynoscephalas corpora Macedonum insepulta, cum tacitâ Regis exprobratione. Filiam suam Cleopatram pulcherrimam Virginem uxorem tradit Epiphani Raphiæ, Antiochidem Ariaratho Regi Cappadocum, ultimam offert Eumeni Pergameno, quam ille sapienter recusat, ne cum eâ bellum dotale reciperet. Cleopatra autem dotis nomine detulit Cœlesyriam, Phœnicen, Iudæam, Samariam: sed his nuptiis sperabat Antiochus Aegyptum; in quo delusus est, cum Cleopatra maritum adteposuerit patri.

*Antiochus bellum
in Rom.
suscipit.*

*Das filius
suam uxorem
Ptolæ
mæo.*

Pisidas interea Antiochus oppugnabat, & expugna-

*An Sci-
pio lega-
tus ad
Antiochũ*

pugnabat, quando & recepit Legatos Romanos, quibus nonnulli malè Scipionem accensent, sicut & eius colloquium cum Annibale, & de viris magnis iudicium. Certè Villius hoc tempore sæpe cum Annibale de industriâ colloquium miscuit, vt aut traheret ad Romanorum partes, aut ei conflaret inuidiam. Denique ab Antiochi consiliariis quorum, insensissimi erant plerique Romanorum hostes, Romanis indicitur bellum, malum petenti consilium: consultoribus peius.

*Nabis,
& Achæi
commissi.*

Nabis Gytheum expugnat, & nauali prælio Achæos cum Philopœmene inexercitato vincit: sed vicissim terrestri ab eodem vincitur, & multis amissis Spartam redit victus; dum victor agrum Laconicum depopulatur, & Achæi maiora moliuntur.

*Nabis
eiusus.*

Demetriadem Achæi occupant per Dioclem, Spartam tentant per Alexamenem, qui urbem ingressus Nabim occidit; verùm dum non liberatorem sed grassatorem agit Alexamenes, à Spartanis occiditur. Erratum eius emendare conatus est Philopæmen, Spartamque adiecit Achæorum societati, damnato Alexamene. Thoas Aetolus Chalcidem frustra tentauit, quam præsidio Eumenis firmavit T. Quintius, qui & Demetriadem frustra quoque per Villium occupare voluit. Achæi se Romanis adiungunt, magno Antiochi dolore, qui iterùm tentat Chalcidem, & in eam admittitur. Capit præterea Pheras; Larissam autem dum oppugnat obsidionem soluere à Philippo, Romanisque compellitur. Chalcide autem hyemen exegit, ibique nuptias cum hospitis sui filia contraxit, nec Rege, nec sene, nec bellatore satis dignas.

*Achæi se
Ro. adiũ-
gunt.*

*Scipionẽ
morem in-
uifum ple-
di.*

Consules Romæ creati sunt: T. Quintius Flaminius, & Cneus Domitius Aenobarbus, re-
jecti P. Cornelius Scipio Cnei filius qui nuper in Hispaniâ tam fortiter bellum gesserat; item & C. Lælius licet vtrique faueret impensè Afri-

canus

tanus : sed discretæ ab eo plebis sedes à Senatoribus , & fautori, & candidatis illis nocuit .

OLYMP. CXLVII. *Mundi* Urb. Cond.

ann. 2.

3863.

563.

Consulatum inierunt Romæ P. Cornelius Scipio Nasica , & M. Acilius Glabrio : huic Græcia , illi Italia sorte obuenit. Adjectus Glabrioni T. Quintius , & forte M. Portius Cato , quem aliqui Tribunum militum faciunt. Romanis obrulere auxilia Ptolemæus, Philippus, Carthaginienfes, Massinissa ; sed suis tantum viribus Antiochum debellare voluerunt . Consul Acilius venit in Macedoniam , cui se dedit Iarissa , & aliquot aliæ vrbes . Philippus sibi vindicat Athamaniam, supit eius regulus Animander , cum conjuge & liberis Ambraciam . Antiochus egressus Chalcide, intelligit se delusum esse vanis pollicitationibus Ætolorum : itaque Thermopylas adit , vt se non satis magnis circum copiis naturæ loci tutaretur . Sed Glabrio emittit L. Valerium , qui Tychiuntem , & M. Catonem qui Callidromum montem ab Ætolis seruatum occuparent . Valerius repulsus est ; Cato Ætolos dormientes , & incautos oppressit ; descendensque ex monte commissio jam per Consulem prælio , & non expectatus , victoriæ causa fuit. Fugit Antiochus ictus saxo in facie , & dentibus excussis ; obiit ex vulneribus Alexander Acarnan. Accessit & ad terrestrem , maritima clades . Aulus enim Atilius classem regiam ferentem Antiocho commeatum , aut depressit, aut cepit . Romam mittit Acilius Consul huius victoriæ præcipuam causam Catonem , (præmisso tamen ante L. Scipione) & obsidet Heracleam quam tuebantur Ætoli, atque caput . Philippus autem relinquere iubetur obsidionem Lamiae ne nimium ex Romanâ victoriâ proficeret . Ætoli se dedere volunt , sed irritati à Consule iterum cogitant bellum; obsidetur ergo Naupactus in qua se inertissimè gerunt. Tandem

*Vincitur
ab Acilio
Antioch.
huc.*

mi

miseretur eorum Quintius, & Romanis eos reconciliat qui sibi alias vtilem nauarant operam. Philippo quoque qui se iis non inimicum prae-
buerat, Antiocho hostem, redditus est filius Demetrius, sed ex institutione, conuictuque Romano melior, quam datus erat.

*Vellut
iterū mari
Antiochus*

Iterum nauali praefixo conflixit Romana clas-
sis cum Antiochenā ad Corycum; vbi Poly-
xenidas ductor victus est à Lūio, & Eumene;
qui cum insecuti sunt Ephesum vsque. Post cer-
tamen adfuere naues Rhodiæ, quæ ante portum
steterunt; sed regiis exire non audentibus, dimissæ
Rhodiæ naues, dimissus Eumenes: quia ad con-
ficiendas belli huius reliquias Romana classis
satis erat.

*Fului
anatio.*

Fuluius Nobilior urbem est ingressus ouans
aurique multum, & argenti præ se tulit, gratif-
simum tum Romanis spectaculum, ex quo cor-
rumpi cœpere mores.

*Scipio
Nasica de
Beisariū
phas.*

Scipio Nasica deuicit Boios, eorumque vi-
ginti octo millia interemit: capti 3400. signa
militaria 124. equi bellici 1230. carpenta 247.
pax petentibus data, sed agri adempta dimidia
pars, quod Romani si vellent colonias deduce-
rent. Itaque de iis triumphauit, neque auditus
est reclamans Sempronius Blæsus Tribunus ple-
bis; quia ex odio repugnabat.

*Vitii à
Minucio
Inf. lres.*

Q. Minucius Proconsul contra Insabres feli-
citer quoque pugnavit, qui lege sacratâ coacto
exercitu, eius castra sunt aggressi, conjuncti
Liguribus. Ea cum defendisset fortiter duobus
diebus, erupit in fessos, ac palantes fudit, qua-
tuor millibus interfectis; timorem simulans, ut
certius vinceret.

OLYMP. CXLVII. *Mundi Urb. Cond.*
ann. 4. 3864 564.

*Consulis
Scipionis
Legatus
Africanus*

Datus demum hoc anno Consulatus L. Cor-
nelio Scipioni, & C. Lælio, quem aliqui inep-
tissime Scipionis nepotem vocant. Scipioni as-
signatur Græcia à Senatu, quia ei se legatum
Africæ.

Africanus obtulit; Lælio igitur relicta Italia, quando ostendit Scipio sibi pluris esse fratrem, quàm amicum.

Ætoli Antiochi socij in Romano Senatu exagitati sunt; ac demùm ita iis responsum ut intelligerent sibi Romanos iratos esse. Iis itaque in patriam regressis paratur bellum. Acilius Lamiā capit, Amphissam obsidet. Athenienses coram Scipione Aetolos Romanis reconciliare conati sunt nequicquam, neutris cedere aliquid de iure renuentibus.

*Ætoli
Ro. infest*

Antiochus reparat classem euocatis per Annibalem Phœnicum nauibus. Romani ad Hellepontum nauigant, ut Scipio transeat in Asiam. Polyxenidas Pausistratum Rhodiæ classis præfectum (aliter Pausimachum dictum) decipit, profligat, ac necat; quā clade impedita Abydi deditio. Rhodij reparant classem suam, & huic præficiunt Eudamum cautiorem, non fortiorē ducem.

*Rhodiā
visti.*

Liuius attrahere ad pugnam juxta Ephesum nititur Polyxenidam; ubi successorem accipit Aemilium Regillum. Eripit nihilominus Antiocho multas vrbes in Asiā. Tandem post tempestatem ad Lyciam venit ad Scipiones in Græciam, inde in Italiam nauigaturus, plus relaturus gloriæ, si huic relictum esset classis imperium.

*Liuius re-
necatus.*

Seleucus Antiochi filius Eumenem vexat: Elzā occupat, & dimittit. Eumeni auxilium Romanis, Rhodij, Achæi, eumque tutum, & incolumen præstant. Antiochus iterum de pace cogitat, sed ut nondum satis domitus rejicitur.

*Antiocho
negata
pax.*

Contigit & tum naualis pugna ad Eurymedontem Pamphyliæ fluuium inter Annibalem, & Eudamum. Rhodij vicere; fugit Annibal, in terrestri quàm maritimā pugna exercitior, & melior.

*Victus à
Rhodiis
Annibal.*

Antiochus Prusiam Bithyniæ Regem à Romanis conatur auertere, sed hic litteris Africani

*Rom. &
Rhodij
classe vi-
siores.*

confirmatur. Repulsus Antiochus à Bithynia, per Polyxenidam Notium Colophoniorum urbem oppugnat. Accurrunt Æmilius, & Eudamus: Verum in Teiorum portu dum Polyxenidam viuum intercipere volunt, nihil propius factum, quam ut ipsi caperentur: sed Æmilij audacia, & dexteritate Eudami discessum periculum. Victus deinde Polyxenidas ad Myonesum, fugit Ephesum, amissis 42 nauibus. Inde secuta Phocææ Antiocho dedita, & à Romanis oppugnata deditio. Antiochus imprudentissime deserit Lyfimachiam quam Consul occupat rerum omnium copia circumfluentem, & moram belli in Europa, si eam Rex defendere ausus esset.

Traiecit demum per Hellespontum in Asiam operâ Eumenis L. Scipio; remanet in Europa, & loco ubi festus inciderat dies Africanus 30. dies, quia Salius. Pacem petit Antiochus, sed ab eius spe responso Consulis abducitur. Remittit tum ad Africanum ægrum Blææ, filium suum captum, à quo gratiarum loco monetur, ne pugnet antequam ipse sanus in castra redeat. Romanistamen urgentibus, prælio decernit ad Magnesium cum 70. peditum, equitum 12. millibus, ac multis falcatis curribus. Romani vix 30. aut 28. millia armatorum numerabant. Inita pugna vicit Antiochus in dextro cornu; sed ab hac parte pugna ab Æmilio restituitur. Itaque victus fugit Antiochus, caesis 50. peditum, 4. equitum millibus: capti tantum 1400. cum elephantibus quindecim. Hunc ei fructum approperata pugna peperit.

*Vincitur
ad Magnesium à
Scipione
Antiochus*

*Antiocho
data pax
durior.*

Antiochus victus pacem serio petit, & duris admodum conditionibus, & ante ferociter rejectis; videlicet ut abstineret penitus Europam, Asiam omni eis Taurum decederet, 5. millia Talentum Euboicorum pro belli impensis persolueret, Eumeni ablata & debita redderet, Annibalem & Thoantem belli incentores dederet, & alia eius-

eiusdemmodi, quibus se penitus victum fateretur.

Amynder ex Athamaniâ pulsus restituitur, ob præfectos Philippi hic acerbis imperantes. Aetoli quoque varia recuperant loca, quibus & sese Dolopes dedidere. Legati Aetolorum dum Romam pergunt ab Epirotis in carcerem dati, & se redimere iussi sunt. Dum de pretio disceptatur Romanorum iussu sine pretio liberati sunt; quando eorum vni Alexandro seni, & avaro suæ sordes profuere.

*Ro. Gra-
cie arbi-
tri.*

Minutio negatur de Liguribus triumphus, toties triumphatis: conceditur Acilio Glabrioni de Antiocho, & Aetolis. Damocritus tamen Aetolorum dux, ab eo triumpho abfuit, qui fugâ elapsus ad Tiberim sese gladio interemit.

*Acili
Glabrio-
nis trium-
phus.*

Aemilius Paulus primò rem malè in Lusitaniâ gessit amissis sex millibus suorum: sed eam maculam mox suâ virtute deleuit, fecitque milites ex damno suo cautiores, & generosiores.

*Aemilius
Paulus
Ligures
vincit.*

OLYMP. CXLVII. Mundi Urb. Cond.

ann. 4.

3865.

385.

Roma hoc anno habuit Consules, M. Fulvium Nobiliorem, & Cn. Manlium Volsonem: huic Asia, illi Aetolia sorte obuenit. Tum enim Aetoli reiecti erant à Senatu, atque hostes iudicati. Legati deinde ab Eumene, & Rhodiis disceptantes auditi. Sic eorum sapienter composita lis, ut urbes quæ Attali fuissent, ab Antiocho occupatz, Eumeni redderentur; quæ Antiochi fuissent, Rhodiis cederent. Denique affuere Antiocheni, quibus pax confirmata est 12. conditionibus satis acerbis. Aetoli denuo adhibere deprecatores Athenienses, & Rhodios, & agrè auditi Philippo eis resistente. Fulvius Consul interea Cephalleniam occupat, & Ambraciam capit, magno labore, nec sine periculo; tandemque dat Aetolis pacem conditionibus satis duris, sed quam iidem à Senatu non impetrassent: ita iis domitis esse subactisque profuit.

*Legatio-
nes audite
Roma.*

E a

Man-

*Gallia &
ci à Man-
lio victi.*

Manlius alter Consul Gallogracos aggreditur. Tolistobogij, & Trocmij refugerunt in montes Olympum, & Taganam; sed hic sagittis & jaculis confixi, tandem fugati sunt, eorumque cædes incredibilis facta; nihilominus quadraginta millia capta sunt. Deinde contra Tectosages Ancyram venit; ubi vxor reguli cuiusdam passa vim à centurione, dum se redimit auro, quod ferui detulerant stupratorem ab iis occidi iussit, eiusque caput ad maritum detulit, Tectosages autem dum pacis commercia simulant, Romanos inuadunt ex insidiis, atque vniuersostrucidassent, nisi à Tribunis malo subuentum esset. Tum ergo oppugnantur in monte, indequedeturbantur, funduntur, capiuntur; reliqui trans Halym fluvium fugiunt. Mittunt inde legatos ad Consulem, & Romam; mittit & Ariarathes Cappadox petiturus veniam ob auxilia Antiocho præstita; omnes mulctati pecuniâ, cuius jam audior erat Populus Romanus. Itaque iis non data, sed vendita pax.

*L. Scipio
de Antio-
cho trium-
phat.*

L. Scipio de Antiocho magnificè triumphauit pridie Kal. Martias mense intercalario, de quo consule Censorinum; huius non levis pars Africanus fuit, ut legatus Ducis & fratris pompam cohonestans, Antea quoque nauali triumpho inuectus erat Aemilius Regillus, Antiochusenim Magnus multiplicis triumphi materies esse debuit.

*Ælius à
Liguribus
caesus.*

Ælius Prætor dum proficiscitur in Hispaniam, à Liguribus cum supplemento deletus fugit Massiliam, ubi ex vulneribus obiit. Ei successus est ex Etruriâ P. Iunius Brutus.

*Aemilius
rem bene
gerit in
Lusitanos.*

Aemilius Paulus cladem anni superioris correxerat, & collecto raptim exercitu, Lusitanos aggressus eorum duodeviginti millia cecidit, cepit tria millia, & trecentos, eorum expugnauit castra; ita denique eos retudit, ut ab iis se quondam victum esse meritò posset inficiari.

Dissident inter se Achæi, & Lacedæmonij quia

quia hi ab illis eorumque duce Philopæmene vexabantur. Miseri ergo confugiunt ad Romanos, eorumque societari se cupiunt adungere; ideoque iis Achæi minitantur bellum: inhibuit Nobilior, & populum vtrumque Romam mittere legatos iubet; quo ipse quoque venit de Aetolis triumphaturus, quos ad petendam quamlibet pacem impulerat.

*Nobilior
de Aetolis
triumphat.*

OLYMP. CXLVIII. *Mundi* Urb. Cond.

ann. 1. 3866. 566.

Consulibus M. Liuius Salinatore, & M. Valerio Messala, Manlius Proconsul ordinatis in Asiâ rebus, & pace Antiochi cum decem legatis recognita, conficissaque aut incensa eius classe ad terrorem, & Elephantis traditis Eumeni, redit Romam. Verum in itinere eius impedimenta Thraces adoriuntur, vti creditur, non inconsulto Philippo; in hoc tumultu Q. Minucius Thermus, vnus ex legatis decem, cæsus; nocte superueniente Thraces, non metu, sed quia prædæ satis collegerant, recesserunt.

*Manlius
rediens
male ac-
ceptus à
Thracibus*

Legati Achæorum, atque Spartânorum Romæ disceptarunt; Senatus ita respondit, vt vtrique populo videretur adjudicasse litem; sic Achæi sibi permisos Lacedæmonios, Lacedæmonij in se Achæos nihil posse crediderunt. Itaque Achæi creant Prætorem Philopæmenem, qui ducto in Laconicam exercitu multos interemit, muros Sparta dirui iussit, leges Lycurgi abrogauit, substitutis Achæorum institutis, quæ postea à Romanis improbata sunt, & prouisum deinceps ne quid simile aut auderent Achæi, aut Lacedæmonij paterentur.

*Achæi &
Lacedæmonij
commisse.*

OLYMP. CXLVIII. *Mundi* Urb. Cond.

ann. 2. 3867. 567.

Hoc anno Antiochus Magnus moritur, sed quo mortis genere non liquet. Plerique casum esse volunt cum exercitu, dum templum Didymæi Iouis, aut Beli apud Elymæos in Susianâ conatur diripere, concursu in eum ab oppidanis

*Moritur
Antiochus
Magnus.*

facto. Alij à sodalibus quos in conuiuio tumultuosus pulsauerat. Eo viri huius qui Orientem armis, Occidentem metu terruerat, magnitudo recidit.

*Succedit
patri Se-
leuco. Phi-
lopatoro.*

Successit ei filius natu major Seleucus cognomento Philopator, Iosepho *σαυαδρ*, Antiochi Epiphanis frater, tum Romæ obsidis. Seleuci huius regnum inglorium fuit, bellicque à patre in Romanos imprudenter suscepti pœnas luit.

Consules huius anni M. Aemilius Lepidus, & C. Flaminius Nepos, ambo ad bellum Ligusticum destinantur. Intercessit Aemilius indignum vociferans Consulem vtrumq; in Ligurum compingi valles, dum Proconsules in Asiâ, Græciaque regnarent. Nihil tamen immutatum, iussi sunt tantum Fuluius & Manlius exercitum reportare in Italiam, ne meritò Consules questi esse viderentur.

*Triumphat
Manlius,
& Ful-
uius.*

Manlius ergo redux petit triumphum: sed repugnauere legati, & quod bellum inconsultò Senatu gessisset in Gallogræcos, & quod impedimenta in Thracia perdidisset. Aegrè igitur triumphum obtinuit. Petiit quoque triumphum Fuluius, sed huic intercessit Tribunus Plebis M. Abutius, & aduentum Consulis Aemilij, Fuluius inimicissimi voluit præstolari. Sed tamen triumphauit; immò & è pecunia quam illaturus erat in ærarium ex Senatusconsulto votos à se celebravit ludos, non de hostibus modo, sed de inimicis victoriam consequutus.

*Accusatur
Scipio A-
fricanus.*

Duo Quinti Petilij Tribuni plebis P. Scipioni Africano dixere d. e. m., eumque accusauere peculatus, & quod filium suum sine pretio recepisset ab Antiocho, & ab eodem plurimum cultus esset. Adfuit Scipio, & vt aduersarios refutaret, à se gesta commemorauit. Sequenti quoque die adfuit, sed concionem monuit eo die se in Africâ viciisse Annibalem; quare Romanos in Capitolium ad gratias inuitauit; itaque à populo Romano per omnia Deorum templa circum-

cumductus est , majori propemodum gloriâ,
quàm cum triumphauit. Postea tamen , dilato
iudicio , exosus hæc Tribunitias tricas sponte *Sponte ex-*
Linternum exul abiit. Repressit etiam Tribunos,
& magno pulsauit conuitio Tiberius Sempro-
nius Gracchus , licet Scipioni priuatim inimi-
cus; quare huic à bonis omnibus actæ gratiæ;
indeque reconciliati ambo, & Gracchus Corne-
liam filiam Scipionis duxit; ex quâ duæ Reip.
faces, ac propè funera duo Gracchi prodire.

Africani quoque frater L. Scipio , accusatus *Accusatus*
est à Catone, damnatusque interuersæ pecuniæ: *quoque L.*
cum duceretur in carcerem , intercessit quoque *Scipio.*
eius inimicus Gracchus , idque factum , ac vim
oratione suâ Scipio Nasica discussit : cum tamen
quaestores ex Prætoris sententia inuolassent , in
eius bona, innocens ex paupertate apparuit, ma-
gnâ cum infamiâ Q. Terentij Culeonis iudiciis,
majore in Catonem inuidiâ.

Ligures hoc quoque anno cis & trans Apen- *Ro. equi-*
ninum à duobus Consulibus domiti , & armis *tas.*
exuti. M. Furius materiam belli, ac gloriæ quæ-
rens cum quietos , & insontes Cenomanos spo-
liasset armis , hi apud Senatum questi , iudice
Æmilio Consule arma receperunt , cum inno-
centiæ suæ publico testimonio.

OLYMP. CXLVIII. *Mundi* Urb. Cond.

ann. 3

3868.

568.

Annus hic Consules habuit Sp. Postumium *Marcus*
Albinum , & Q. Marcium Philippum . Hic pro- *Philippus*
gressus in Ligures Apuanos , eos dum quærit in *Consul rē*
saltibus suis, quatuor suorum millia amisit , & *malè gerit*
aliquot signa; atque ex eâ expeditione nihil re- *in Ligu-*
tulit , nisi quod ex eius nomine ad perpetuam *res.*
infamiam, hic saltus est Marcius appellatus.

C. Catinius in Hispaniâ Vltiore Lusitanos *In Hispan-*
vicit semel, & iterum; sed ad Astam oppidum *nia Rom.*
dum muros subit incautiùs, lapide ictus paulò *bene bella*
post obiit. L. Manlius in Citeriore cum Celtibe- *succedunt.*
ris, bis pugnavit, primū incertâ victoriâ, deinde

ad Calagurrim tam insigni, vt tum hostes debellari potuerint, nisi successoris expectatio conatus eius repressisset.

Bacchanalia Roma abolita.

Tum Bacchanalia Græcum sacrum nocturnumque multis flagitiis infame abolitum Romæ. Multi hic ingenui pueri multæ matronæ ad vlulatus, & Cymbalorum, Tympanorumque pulsus inuitis stupris corrumpebantur: hæc initiandi primùm patiebantur, mox infanda faciebant. Qui autem minus dedecoris, acturpitudinis patientes erant, vt victimæ cædebantur, postea sic abrepti machinis, vt eorum nihil extaret, & quasi rapientibus Diis exterminabantur. Res detecta est ab mulierculâ Eburio adolescenti, ab hoc, Senatui, qui negotium diligentius inuestigauit, detectos meritis suppliciiis affecit; multi tamen fugere, aliqui etiam sibi intulere manus; sicque hæc nequitia, ac improbitatis officina penitus sublata est.

OLYMP. CXLVIII. Mundi Urb. Cond.

ann. 4.

3869.

369.

Legationes Romæ in Philippum.

Consulibus Appio Claudio Pulchro, & M. Sempronio Tuditano Legati Eumenis, itemque Thessalorum, ac Perrhæbiorum in Senatu de Philippo questi sunt, hi quod eorum vrbes possideret, ille quod Ænum, & Maroneam in Thracia ambiret. Criminationes diluere conati sunt legati à Philippo missi; nihilominus Senatus in Thessaliam legatos ire iussit, quorum Princeps Q. Cæcilius Metellus, à quibus ad Thessalica Tempe res agitata est, Philippo etiam intente minas, quas legati moderatione sua ac sapientiâ prudenter eludere.

Ligures domiti à L. Coss.

Consules duo in Ligures profecti, incendio sibi viam in saltus aperuere sine periculo, bellicque autores deprehensos securi percusserunt satis fuit, hoc supplicium ad eos continendos, jam incendio sylvarum suarum territos.

Tumultus in Apulia repressus.

In Apuliâ L. Postumius Prætor pastorum, seruorumque tumultum seuerâ quæstione, &

ani-

animaduersione repressit, & paucorum poena, multorum vitæ, ac sanguini pepercit.

L. Manlius ex Hispaniâ redux, Triumphum petiit, obtinuit tantum Ouationem, ob res præclare gestas triumpho dignissimus; sed huic in Hispaniâ bellorum & victoriarum obfuit multitudo, & nimis crebra materies triumphorum.

*Manlij
Ouatio.*

In eadem Hispaniâ Prætores duo L. Calpurnius, & L. Quintius primum infeliciter ad Toletem pugnauerunt: postea ad Tagum nobilem retulere victoriam, castris etiam hostium potiti, ex quorum 35. millibus vix quatuor milia in propinquum collem effugerunt. Ita non tantum bellum, sed etiam belli materiam sustulerunt.

*Dubio
parte in
Hispaniâ
Rom. pu-
gnas.*

OLYMP. CXLIX. *Mundi* Urb. Cond.

ann. 1. 3870. 570.

In hunc annum quartum Seleuci Philopatoris cadunt Heliodori plagæ quarum meminit sacer textus cap. 3. libri secundi Machabæorum. Simon quidam præpositus templi de Tribu Benjamin vir sceleratus & audax cum Oniâ tertio Summo Pontifice litigans, ab eo ejectus ex vrbe, venit ad Apollonium Cœlesyriæ ac Phœnices præfectum, eique indicauit in templo thesauros esse, qui fisco commodè possent adjudicari. Ea re ad Seleucum delatâ mittit Hierosolymam Heliodorum negotiis suis præpositum. Is licet admoneretur ab Oniâ thesauros illos esse Dei, pauperum, & quorundam priuatorum, pergit nihilominus, & Regis mandata per satellites suos exhauriri curat. Veritus seditionem Pontifex & ciuitas vniuersa squaliore luctuque confecta recurrunt ad Deum, qui neque sibi, neque suis desuit. Ecce enim equus terribilis cum sessore specie humanâ angustiore in Heliodorum irruit, & equi calcibus obterendum obijcit. Aderant & pedites duo eiusdem cum equite majestatis, qui in prostrati Heliodori latera locis acerbè sauiuerunt. Eruptus ex eorum manibus

*Heliodo-
rus diuini-
tus multatus, & e-
mendatus.*

à Pontifice prædo exanimis & gestatus in sellæ mortui potius quàm viuentis speciem exhibebat. Verùm cum pro eo Pontifex orasset, valetudini restitutus est, & admonitus ab iisdem iuuenibus quibus dederat pœnas, vt gratias ageret Oniz, verbera & plagas præmij loco duxit, qui mortem certissimam expectabat. Itaque Heliodorus rediens ad Seleucum Dei Hebræorum factus est præco, orauitq; Regem vt similem suis hostibus committeret prouinciam. Verùm hoc portentum reddidit Simonem deteriores; iacta uitenim hæc à Pontifice conficta esse, plusque in illum malevolentia in Oniam potuit, quàm hominis Ethnici vapulantis, vimque diuinam in suo supplicio admittentis, testimonium.

*Philippus
in Maro-
nitas sa-
nit.*

Romæ Consulatum inierunt P. Claudius Pulcher & L. Porcius Licinius, hic Plebeius, ille patricius à fratre suo Appio Claudio magna prensatione & ambitu promotus. Idem Appius Exconsul Princeps Legationis missus est in Macedoniam à Senatu, vt Philippus ad vrbes reddendas compelleretur. Rex furore percitus in Maronitas iram suam effudit, & Thracibus in hanc urbem cum Cassandro Maronita sed sibi acceptissimo, & Onomasto oræ maritimæ præfecto immisissis, in principes ciuitatis sibi aduersantes sœuit multosque trucidauit. Cum id factum Philippus inficiaretur, & eluderet, Appius Cassandrum, & Onomastum cædis autores dedijubet Romam submittendos. Rex offert Cassandrum, negat Onomastum penes se esse, legati ab eo quasi facinoris reo discessere.

*Spartani
Achæorum
iugo exi-
mantur.*

Inde uti iussi erant, legati veniunt in Peloponnesum, & ad conuentum Achæorum, vbi Prætor Lycortas factum in Lacedæmonios probare conatus est, & quædam de Romanis dixit, quæ à suis, non ab aliis probarentur. Verùm Appiuseum monuit, sponte vt faceret, quod per vim adigendus esset; quod cum gemitu audierunt Achæi, & rogarunt Romanos vt de

Spar-

Spartanis prout liberet statuerent, facti jam ex necessitate iusti, atque obsequentes.

Gessere hoc anno Romæ censuram M. Porcius Cato, & L. Valerius Flaccus, plurimis metuendam. Et verò septem mouerunt Senatu, & in iis L. Quintium Flaminium T. Quintij fratrem, quia Consul in Gallia orante scorto Placentino (alij Catamitum Pœnum substituunt) in conuiuioreum, aut transfugam securi percussisset. Alij cœsum illum volunt fuisse nobilem Boium transfugam cum liberis ad Romanos, & eorum opem implorantem ipsâ Consul manu interemptum. Sed quid opus amplificare factum, quod ex se satis habuit atrocitatis? Cato insuper L. Cornelio Scipioni Asiatico publicum ademit equum, dum equites recognoscit; ex quâ tamen sententiâ plus dedecoris iudex, quam damnatus tulit.

*Censura
Catonis
& Valerij
Flacci
metuenda.*

Scipio Asiatico equus ademptus à Catone.

Annibal à Romanis petitur ab Antiocho. Monente Rege ille fugit in Cretam, vbi quietè vixit, repositis amphoris plumbo deaurato plenis in Templo Dianæ quasi pignoris loco. Sed aurum suum in statuas callide infuderat quas ipse secum extulit. Pergit itaque ad Prusiam Bithynum qui tum cum Eumene gerebat bellum. Terreſtri prælio Eumenes victor fuit, naturali victus est ab Annibale, qui fictiles lagenas serpentibus plenas in naues Eumenianas iniecit; dum ergo sibi milites à reptilibus cauent, Prusiæ victoriam reliquere, & de Annibale admirationem.

Annibal fugit in Creta, inde ad Prusiam.



CAPVT VIII.
DECAS OCTAUA.*Ab anno 3870. ad 3880.*OLYMP.CXLIX. *Mundi* Urb Cond.
ann.2. 3671. 571.*Onias
Pontifex
Simonem
exagitas.*

ONias Pontifex adit Seleucum Regem vt Simonille publica religionis pestis Hierosolymis ejiceretur, neque sultus autoritate præfetti Cælesyriæ popularium suorum conatus eluderet. Id videtur Onias per Heliodorum obtinuisse, & hunc ei fauisse apud Regem, cuius precibus vitam impetrarat.

*Legationes
Romæ
in Philippum
audita*

Legationes hoc anno multæ missæ sunt Romam aduersus Philippum, quas Senatus putauit non negligenter audiendas esse. Querebatur supra reliquos eminens Eumenes, non esse deducta ex Thraciâ præsidia, immò Prusiæ eius viribus adiutum esse; alij multa eiusdemmodi in eum congeriebant, quibus permotus Philippus Demetrium filium Romam misit in cuius gratiam multa Senatus condonauit patri, sed ita condonauit, vt hic intelligeret se hæc filio suo debere, quod demum adolescentem optimum, in vltimam perniciem impulit. Missi quoque ad Prusiam Legati T. Quintius Flamininus, & P. Scipio Nasica, qui eius controuersias cum Eumene componerent, & dedi sibi postularent Annibalem, cuius odium nullis cladibus, neque suis, neque alienis comprimebatur.

*Cæsar
Philopomenum
à
Messeniis.*

Postremus hic annus Philopomenis fuit, isque Achæorum Reip. tanti viri iacturâ luctuosus. Dinocrates cum Messeniis Coronam occupare moliebatur; eam vt defenderet perrexit, sebre licet implicitus Philopomen, cum ciuium suo.

suorum nobilissimis. Et primo impetu Dinocratem auertit in fugam; sed pluribus in eius agmen irrudentibus, recipit sese, & ne circumfunderetur agmen, recipit se per impedita loca. In hoc regressu dum claudit agmen, ac saepe vultu conuerso hostem repellit ac derinet, ab equo suo effusus est, & captus Messenem est pertractus in vinculis & cum contumeliâ: inde datus in carcerem teterrimum, quem Messenij Thesaurum vocabant, vbi iussu Dinocratis venenum haurire compulsus est annos natus 70. vir cuius fortitudine Acheorum Resp. stetit, & si hæc tulissent tempora, toti Græciæ imperasset.

Obiit & hoc anno P. Cornelius Scipio Africanus Linternis, vbi & sepeliri voluit, & tumulum ei ab vxore excitari, ne eius ossibus ingrata patria frueretur. Huic Roma debuit in eolumnitatem suam, & extractum ex Italiæ visceribus Annibalem, cui eiciendo debellandoque par vnus fuit, & quem si vicisset Annibal, vt ipse fatebatur, se Alexandro Magno anteposisset.

Rediit ad patrem Demetrius cum Q. Marcio legato, omniumque in se Macedonum oculos conuertit, ac beneuolentiam, ob impetratas gratias, jam Philippo denegatas. Hæ Persei fratris in eum odia concitarunt, qui licet natu maior (quod tamen aliqui negant) erat tamen eo Demetrius illustrior, ac vultu patrem referens, vtpote susceptus ex legitimâ, nobilique matre, cum ille susceptus esset ex Gnathenio Argiuâ saltatrice, & nihil similis patri. Veritus ergo Perseus ne sibi frater dignior anteponeretur, suspiciones de eo patris, fouit & auxit. Philippus autem vt Demetrium deprimeret de fratris eius nomine Perseidem urbem in Thraciâ condidit, ostenditque passim, quam in senso esset in Romanos animo, qui filium odisset amore dignissimum, quod à Romanis amaretur.

Consules huius anni fuere Q. Fabius Labeo & M.

*Moriur
Linternis
Africanus*

*Demetrius
Ro. accep-
prior fr-
inuisus
patris per-
fratrem -
Perseum.*

*Ro. in
Gallos
Transal-
pinos ex-
quiritas.*

& M. Claudius Marcellus . Hic in Gallos Alpes transgressos , & jam statuantes urbem mouit ; at illi non expectata vi , se Consuli dediderunt ; pacem orantes . Eis erepta sunt arma , & postea vnde venerant redire iussi . Quæsti sunt illi in Senatu ; respondere Patres inconsulto Populo Romano urbem ab iis condi non debere ; reddi tamen eis arma iussere , & in patriam per legatos reduci ; quos muneribus cumulatos Galli remisere , sapientiâ Romanorum ac æquitate collaudatâ .

OLYMP. CXLIX. *Mundi Urb. Cond.*

ann. 3.

3872.

572

*Roma
varia le-
gationes
audire.*

Auditæ sunt in Senatu Eumenis , Pharnacis , Rhodiorum , Achaorum , Lacedæmoniorum ac Philippi Legationes . Prouisurum se Eumeni promisit Senatus , missis legatis : Achæos paulò durius habuit , & vicinis populis ab iis deficienti quasi potestatem fecit : laudatus Philippus quod paruisset , admonitus , ne quid eiusdemmodi tentaret . Exinde hic odiosus suis cœpit esse cum ob populorum transmigrationes , tum ob crudelitatem quâ in sibi suspectos sæuit , nec in nec eorum liberis parcens . Eam porro mulier Thessala Philoxena famosam reddidit , & in Philippi familiam suis imprecationibus diras accersit , quas inanes non fuisse ostendit euentus .

*Philippus
suis odio-
sus .*

*Perseus
Demetriū
patri su-
spectum
reddidit .*

Eodem anno Perseus Demetrium patri suspectum reddidit ; quasi illum interimere voluisset in lustratione exercitus Macedonici . Quare deinceps Philippus Perseum vti regni successorem , Demetrium vti exclusum respexit ; immò & Legatos Romam misit qui de eo curiosius inquirent ; qui à Perseo labefactati pecuniâ , jam præcipitem iuuenem impulere .

Achæi Prætorē ac duce Lycortā in Messeniorum agrum irrumpunt , eorumque fines scdissimè vastant , actandem eos ad deditiōem compellunt . Dinocrates , & quotquot in necem

Phi-

Philopamenis consenserant, sibi mortem com-
seuerunt; qui vinxerant, compedi bus astricti
sunt. Corpus Philopamenis magnâ pompâ com-
bustum, cineres repositi in vrnâ pretiosâ relati
sunt in patriam, adeo vt non pompa funebris,
sed triumphus videretur. Denique totum eum
honores congesti, vt ne diuinis quidem parce-
retur, quibus mortis ejus deleteretur infamia.
Tum quoque Sparta in concilium Achæorum
recepta, quod ei fauere Romani viderentur,
eamque magis habere sociam, quàm à se distra-
ctam Achæi maluerunt.

*Archai de
Messeniis
penas ex-
igunt ob
casum Phi-
lopamenis.*

Consulibus L. Emilio Paulo, & Cn. scilicet M.
Porcio Tamphilo mortuus est Annibal, quem
à Prusia, T. Quintius Flaminius repetebat. Eum
offerre Romanis Pausias recusauit hospitem
suum, capi tamen ab iis permisit. Struxerat hic
ille in terrâ quæ Libyssa dicebatur domum, cui
septem exitus essent, & ex iis quidam occulti.
Cum igitur accepisset à puero suo, omnes illos
exitus armatis septos esse, venenum quod sem-
per gerebat sub anuli gemmâ, statim hausit; alij
iussisse volunt seruum ipsi constringere gulam,
eumque suffocare, alij taurinum sanguinem
calidum ebibisse. De annis ejus vitæ dubitatur;
cum ei quidam 70 tribuant, alij meo judicio
verius 64. Vir dignus orbis imperio si aliam à
Carthagine patriam, aut alios à Romanis ho-
stes nactus esset, neque posthabendus Pyrrho,
aut Alexandro, vt sentiebat ipse, sed longo jis
intervallo anteferendus.

*Moritur
Annibal
in Bithy-
nia.*

OLYMP. CXLIX. *Mundi* Urb. Cond.

ann. 4.

3873.

573.

Bellum in Asiâ gessere Eumenes, & Ariarathes, cui Pharnaces adjunctus est. Induciæ mox
inter illos initæ quando Attalus alijque fratres
Eumenis Romam perrexere, vt ejus causam
tuerentur, Romanorum vti Demetrius fecerat,
prenarent amicitiam, quæ illis longè quàm
Demetrio felicius cessit.

*Bellum
Regum
Asiatico-
rum.*

Obiit

*Moritur
Ptol. E-
piphanes.*

Obiit hoc anno in Ægypto Ptolemæus Epiphanes, ministrorum suorum, ambitione, & exitu, quam regno suo, ac morte celebrationi. Huic successit Ptolemæus Philometor, ita dictus quod cum mater odisset, ac paulò ante mortem patris in Cyprum relegasset, anteposito huic fratre Alexandro. Sed ille ab Alexandrinis in unità matre Cleopatram reuocatus est, dataque ei vxor de more soror; neque patre suo melior, neque fortunatior.

*Ingauni
visti ab
Æmilio
Paulo.*

Ingauni Ligures in Proconsulem Æmilium Paulum bellum mouent, cumque primò specie legationis decipiunt, & oppugnant castra, non sine eius periculo. Sumit ille animos ex desperatione, cum obsessus à nemine iuuaretur. Remittente ergo oppugnatione in hostem erumpit, eorum 15 millia cædit, capit 2500. & intra tres dies ad deditionem omnes cogit. Emisæ circa idem tempus ex ora Ligustica 32. Piratarum naues, à C. Matieno captæ, terrâ marique pacata Liguria; sic de eatriumphauit Paulus, vt nullus deinceps ex eâ triumphus speraretur.

*Libri
Numæ
inuenti
combusti;*

Consulibus P. Cornelio Lentulo Cethego, & M. Bæbio Tamphilo, seu Pamphilo, superioris Consulis fratre, in agro L. Petilij scribæ inuenti sunt vel à fossoribus, vel eluuiæ, libri Numæ (eius corpore nusquam comparente) in duabus arculis lapideis, cum plumbeis operculis. Ros libros cum legisset Q. Petilius Prætor jurauit eos perniciosos esse, irreligiosos, atque comburendos, & huic juranti à Senatu habita fides. Itaque à victimariis cremati, aut omnes, aut saltem Græci; erant enim 7. Græci torideique Latini. Hos magicos fuisse suspicio est, ex quibus de eorum autore iudicium ferer.

*In Hispania
Romani
rem bene
gerunt.*

Res quoque bene gesta à Q. Fulvio Flacco contra Celtiberos, multa eorum millia cæsi, capta Contrebia, iterumque victi hostes. Neque minùs feliciter pugnavit aduersus Lusitanos

nos

nos Manlius, ut Pinarius in Corfos. Bellum etiam inter Pœnos atque Massinissam terminatum Romanis autoribus; quorum urbem adeo tetra lues afflixit, ut ægrè milites conscriberentur, vix tumulandis mortuis, viui pares essent.

OLYMP. CL. Mundi Urb. Cond.

ann. I. 3874. 574.

Exules Lacedæmonij apud Romanos de Achæis queruntur, illorum suscipitur causa, & ab Achæis facta damnantur. Itaque horum Res. publica declinare cœpit, orbata suo Philopæmene, qui dum vixit Achæorum vita fuit.

*Achæorū
resp. de-
clinat.*

Demetrius quibus potest modis patrem sibi placare ac demereri studet; frustra, obluſtante Perſeo. Philippus comite Perſeo Æmum montem editissimum conscendere cogitat; ut inde viam per Illyricum, & Istriam in Italiam exploraret; remittitur in Macedoniam Demetrius, cui datur comes, & excubitor Didas. Huic incautus juvenis confidit, & fugæ suæ ad Romanos consilium aperit, de quâ statim Philippus fit certior. Interim falsas litteras quasi à T. Quintio in patrem Perſeus confingit, his miserè Philippus adhibet fidem. Herodotus Demetrio fidelissimus in quæstione necatur; hic jussu parentis Heracleæ in conuiuio venenum accipit, & patrem incusans atque fratrem, ingestis rapetibus suffocatur. Mortis eius nuncius tantum lætitiæ tum Philippo dedit, quantum postea reſecta fraus, mæroris inducet.

*Demetrius
jussu Phi-
lippi to-
litur.*

Consolatum huius anni obtinere A. Postumius Albinus Luscus, & C. Calpurnius Piso. Hunc Quarta Hostilia vxor occidit, ut per Vicrici mortem Q. Fulvius Flaccus jam tertium repulsam passus in comitiis fieret Consul. Impertuna mulier affecta supplicio, filium suum Consulem non vidit.

*Hostilia
maritum
Conf. ne-
cat.*

Hoc anno translati sunt in Samnium Apuani Ligures, datæ eis à Senatu pecuniâ, & commea-
tu, per Proconsules Cornelium, & Boëbium.
His,

*Translati
in Samnium
Ligures.*

His, licet bellum confecissent sine sanguine, de Apuanistamen domitis, nouo more triumphus concessus est: hoc anno primum non fortitudo tantum, sed & prudentia à Senatu digna triumpho iudicata est. Iisdem paulò post in Samnio comites dati Apuani alij ad fluvium Macram, quos Postumius armis positus ad deditionem compulerat. Iis quoque externus diuisus est ager, vt rebellionis, sicut & patriæ obliuiscerentur.

*In Gentium
gueralia.*

Q. Fuluius Flaccus de Celtiberis triumphauit. Tumque perlata in Gentium Illyricorum Regem querelæ ob latrocinia, & multis Romanis atque Latinis factas injurias. Dicebatur hic in Coreyra eorum quosdam retinere in vinculis, & legatis negasse adeundi sui facultatem. Cum hic misisset legatos qui facta ista excusarent, instarentque accusatores, nihil certi Gentio responsum, donec eius pateret innocentia.

OLYMP. CL. Mundi Vrb. Cond.
ann. 2. 3875. 575.

*Eumenis
fratres
Romæ
magnifice
suscepti.*

Eumenes recreatus ex morbo periculoso mitxit fratres omnes suos Romam, vt eius cum Pharnace, & Ariarathe controuersias dirimerent. Suscepti sunt Romæ magnifice, & à priuatis qui eos bello Antiocheno nouerant, & à Senatu qui eis legatos pollicitus est magnos huius pacis arbitros, & si hi nihil conficerent, Populum Romanum auxiliatorem.

*Lacedæ-
moni exu-
les restitui.
vi.*

Calliorates Prætor Achæorum exules Lacedæmonios restituit, quos opprimi Romani non sinebant, idque sponte præstare visus, quò mox necessario adigendus erat.

*Ligures
triumpha-
ui.*

Consules huius anni creati sunt L. Manlius Acidinus, & Q. Fuluius Flaccus. Hic de victis Ligustibus triumphauit, & is honos gratiæ potiùs, quam merito rebusque gestis concessus est.

*Censura
in Abris.*

Censores electi M. Æmilius Lepidus Pontifex Maximus, & M. Fuluius Nobilior inimici, opera Q. Cæcilij Metelli reconciliati illustrem multis.

multis egregiis monumentis Censuram reliquerunt, quæ sanctæ huius concordiae, & suique victoriae fructus extitere.

Bellum feliciter administrarunt in Hispania Proprætores L. Postumius, & T. Sempronius Gracchus. Ille bis fortiter cum Vaccæis pugnavit: hic oppida Celtiberorum trecenta deleuit, quatuor nobiles ciuitates cepit. Quando & Galli Alpes transgressi locum quem incolerent à Senatu petierunt; sed per Q. Fulvium remissi sunt pœna insuper iis imperata qui transmigrationis autores extitissent. Tantâ erat id temporis etiam apud Barbaros Romanæ nominis auctoritas, & potentia.

OLYMP. CL. Mundi Urb. Cond.
ann. 3. 3876. 376.

Demetriade hibernans Philippus sui Demetrii seriùs agnouit innocentiam, quam Antigonus, Antigoni Tutoris ex fratre nepos tandem detexit. Litteræ falsæ quasi à T. Quintio datæ per Xychum scribam patefactæ sunt, Philocles questione tortus omnia aperuit, Apelles in Italiam fugit. His agnitis Perseus à patre quantum potest recedit & in Thraciam se recipit non fugiens sed similis fugienti, & speciem timentis tantum præ se ferens, quia res suas collocarat in tuto. Philippus tamen Antigonom sibi successorem destinavit, & percurrentes vrbes Macedoniae, eum omnia commendat. Sicque Antigono cessisset regnum, Perseo exautorato, nisi maturiùs quam par esset Philippus obijisset. Is enim Amphipoli diem clausit extremum; at salus eius deposita à Calligene medico statim denunciata Perseo, immò tantisper cælata mors, dum ipse adesset. Igitur ille non expectatus adueniens fautores Antigoni oppressit; Hic autem iam à Philippo ad Bastarnas præmissus erat. Iraque Perseus partum fratricidio regnum, etiam contra patris voluntatem inuasit; quod sibi à Romanis confirmari petiit, nec hi recusarunt, quia

In Hispania feliciter Ro. pugnant.

Demetrius seriùs agnita innocentia.

Philippus omisso Perseo sibi Antigonom successorem designat.

quia nonnisi maximo conflato bello , poterat denegari .

*Bellum in
Istros .*

Romæ Consulibus M. Iunio Bruto , & A. Manlio Volsone bellum ab eodem Manlio susceptum est aduersus Istros . Is ad fluuium Timauum castra posuit , adjunctus nauibus C. Furij eò commeatum deferentis . Sed Carmelus Regulus cum suis Istreis intentus vt noceret Romanis , eorum castra nocturno , ac repentino in cursu turbauit . Ea sunt à Romanis flagitiosè deserta , rebus omnibus plena ob commodissimam subuectionem . In iis ergo castris dum pergræcantur victores , Romani in eos irruunt , & eorum octo millia cedunt . Rex temulentus equo impositus ægrè auffugit . Nunciûs primæ cladis turbauit Romam , & magnam Manlio conflauit inuidiam , quod inconsulto Senatu bellum Istreis intulisset : sed ad victoriæ nunciûm omnia placata , ei insuper prorogatum imperia , quia ignominiam cum sænore sarcisse videbatur .

*Græchi
& Postu-
mi de
Celtiberis
& Lusitaniis triu-
phus .*

*Repressa
Rhodiorum
in Lycios
dunitas .*

Sempronius Gracchus , & L. Postumius de Celtiberis ac Lusitanis triumpharunt : Gracchus etiam urbem Gracchurim de suo nomine condidit nobile victoriæ suæ monumentum , vnamque tot euersis reposuit .

Motus etiam in Sardinia ad Senatum relatus , ad vicinos magistratus rejectus est . Scriptum autem pro Lyciis ad Rhodios quibus erant contributi , non placere sibi eorum in subditos dunitatem , ideoque legati missi qui rem inspicerent , summo dolore , & iracundia Rhodiorum .

... OLYMP. CL. Mundi Vrb Cond.

ann. 4.

3877.

577.

Consulibus C. Claudio Pulchro Gallia , T. Sempronio Graccho Sardinia obtigere . Concitatus enim fuerat in hac insula motus , de quo T. Ebutius Prætor retulerat . In Prouinciâ suâ & in Istriam cum præceps aduenisset Appius ,

Appius; & inauspicatò, redire in urbem compul-
 sus est, neque militi, neque Senatui probatus.
 Rediit tamen & comitator & sapientior,
 ac Nesatiam urbem obsedit, à quâ fluvium, stu-
 peptibus accolis, auertit: qui ex muro coram
 Romanis uxores liberosque suos jugulabant.
 Urbem tandem vi capta, Rex sibi intulit manus,
 duæ urbes Mutilia, & Faueria continenter occu-
 patæ, reliquis deditis oppidis tota Istria paca-
 ta est. Inde victor progressus est in Ligures re-
 bellantes. Quorum 15. millia interemit, ac to-
 tam provinciam pacavit, de gente duplici ma-
 gnificentissimum triumphum consecutus, & læ-
 tiore belli fine, quàm principio.

In Sardinia Sempronius duodecim millia
 Iliensium, & Balarorum fudit, exiit castris,
 eorum arma Vulcano consecrauit. Ei tamen
 imperium prorogatum, quia utraque gens victa
 erat, non debellata.

Legati Romani veniunt Rhodum, ad quorum
 aduentum ciues tumultuantur. Remiserunt sta-
 tim legatum Lycophronem qui Senatum dedo-
 ceret, multum veriti, ne Lycij, quod erant in-
 terminati, rebellarent, & à Romanis eorum ar-
 ma non improbarentur.

OLYMP. CLI. Mundi Urb. Cond.
 ann. 1. 3878. 578.

Seleucus Asiae Rex reuocat fratrem suum Epi-
 phanem Romam, eiusque loco filium suum
 Antiochum submittit, ut sub Romanis assuesce-
 ret, & insinuaret se in eorum gratiam tum Re-
 gibus necessariam. Susceptus ergo Demetrius,
 remissus Epiphanes; sed hic in itinere Athenis
 audit fratrem suum per Heliodorum casum esse.
 Hic affectabat regnum unde tamen depulsus est
 ab Eumene, & Attalo, qui Antiochum in fra-
 tris regnum restituerunt. Hic autem moderatio-
 nis affectans laudem non se Regem, sed Deme-
 trii tutorem dixit; atque ob res placare gestas
 Epiphanes dictus, seu Illustris, à quibusdam ta-
 men

*Istria do-
 mita &
 pacata à
 C. Clau-
 dio pul-
 chro.*

*Sempro-
 nius Sar-
 des vicit.*

*Legati
 Rom. ve-
 niunt
 Rhodum.*

*Seleuco
 casus nec
 dit frater
 Epipha-
 nes à n-
 tiochus.*

men *Epimanes* ob importunam crudelitatem , Iudæis notio- rem .

*Iasō emit
Sacerdo-
aiū Onia
fratris.*

Iason , aliter dictus Iesus Oniæ summi Pon- tificis frater, emit eius Sacerdotium, & potesta- tem constituendi Gymnasij Epheborum , aut ad corporis exercitationem , aut ab abominandam libidinem , vnaque jura ciuitatis Antiochenæ talentis argenti 590 hoc est 2433000. Turoni- cis libris . Onias fugit Antiochiam secus Daphnem , non satis Hierosolymistutus vir op- timus , ab homine qui tot crimina, vno crimine implicuisset .

*Dardani
de Perseo
queruntur.*

Dardani Romæ queruntur de Perseo , quod bella iis sereret aduersus Bastarnas , Gallicam gentem , sibi que ac Romanis metuendam ; sed Perseum ostentabant longè magis vtrisque re- formidandum , quod & legati Thessalorum confirmarunt . Itaque missi A. Postumius , & aliquot alij , qui de hoc negotio diligentius in- quirerent , atque ita prouiderent Dardanis , vt suis rebus magis præcauerent .

*Moritur
Roma
vterque
Consul .*

Romæ Consules electi Q. Petilius Spurius , & Cn. Cornelius Scipio Hispalus : Hic ex Al- bano monte rediens toto corpore debilitatus, ad aquas Cumanas delatus, ibidem obiit . Bi suffe- ctus est Valerius Læuinus . Petilius in Ligures mouet, eosque primo impetu delet sed dum eos insequitur vulneratus est ad Balistæ , & Leti juga, ac paulò post ex vulnere mortuus est. Fuit igitur hic annus gemini Consulis morte luctuo- sus .

OLYMP. CLII.

Mundi Urb. Cond.

ann. 2.

3879.

579.

*Conueniūt
Pani, &
Perseus .*

Perseus Carthaginem legatos mittit , quibus Senatus est noctu datus in Æde Æsculapij ; le- gatos quoque Carthagine ad se missos Perseus fassus est ; qui miserant inconstanter negarunt . Quare Romani censuerunt legatos mittendos in Macedoniam , qui consilia Persei subodoraren- tur, quod præstitero C. Lælius , M. Valerius

Messala ,

Messala, & Sextus Digitius; neque se frustra mis-
sos esse probauerunt.

Romæ tum Coss. erant M. Aemilius secun-
dum, & P. Mutius Scauola, qui ambo tumultus
Gallicum, & Ligusticum facile oppresserunt.
Sed Romanos major futuri belli quam præsentis
vexabat cura. Bastarnas enim & Dardanos in-
ter se committebat Perseus, eorumque damnis
aut victoriis uti conabatur. Legati etiam ab eo
missi excusandi causa, cum non satis esse inno-
centem ostenderant; atque ab eius ingenio
quam potentia (quamquam hæc negligenda
non esset) sibi merito Romanus Populus refor-
midabat.

*Perseus
Dardanos
& Bas-
tarnas com-
mittit.*

OLYMP. CII. Mundi Urb. Cond.

Ann. 3. 3880 580.

Antiochus Epiphanes mittit in Aegyptum
Apollonium, qui tutelam nepotis sui Philome-
toris exigeret, sed repellitur. Rex itaque Hie-
rosolymam venit, ubi ab impio Iasone cum
multo honore suscipitur. Inde diuertit in Phœ-
niciam, ut ibi pararet classem aduersus Aegy-
ptios, regnumque sibi pararet armis, cuius ad-
ministrationem non potuerat precibus impe-
trare.

*Antiochus
receptus
Hierosoly-
mis.*

Perseus Dolopum quosdam sibi parere recu-
santes, & de controuersijs Romanos appellan-
tes, vincit, & jugum Macedonicum subire co-
git. Deinde cum exercitu sine cuiusquam dam-
no per Græciam habet iter, inuitat Græcos om-
nes saltem litteris, & legatis ut deponant ini-
mitias, & secum ineant armorum societatem.
Ita multorum sibi beneuolentiam parit, quo-
rumdam etiam amicitiam, & conjunctionem.

*Perseus
Dolopes
subingat.*

Tum etiam nisus est componere Athenien-
sium & Achæorum cum Macedonibus inuetera-
ta dissidia. Iampridem enim erant hostili in se
inuicem animo, ac sese finibus suis excludebant,
recipiebantque reos, ac fugitiua mancipia. Scrip-
psit ad utrumque populum accuratè Perseus, ac

*Componere
nisi ut
Græcorum
dissidia.*

pri.

primus ipse fugitiuos omnes remisit. In Achæorum Senatu lectæ litteræ quibus societas petebatur, à plerisque probatæ sunt; sed obstitit Callicrates, docuitquæ sua Repub. esse à Romanis numquam diuelli. Postea in conuentu Megalopolitano licet ab eo exclusi essent, qui offensio-nem Romanorum nimis verebantur, nihilominus decretum antiquatum non est de arcendis Achaiâ Macedonibus. Venerunt tum quoque in Macedoniam Romanorum legati, quos rejicere non est ausus Perseus, iis tamen adeundi sui potestatem numquam fecit, homo fallendi, actergiuersandi scientissimus.

*Magna
pestis in
Italia.*

Consulibus Spurio Postumio Albino Paululo, & Q. Mutio Scæuolâ grauis Pestilentia sæuit, primum à bobus exorta, quæ mortales plurimos, & maximè seruos sustulit. Insepulta ubique jacebant cadauera, canum ac vulturum præda, sed plura tabes absolvebat, noua pestilentia futura materies.

*Onera ci-
uitatibus
à Magistr.
Rom im-
posita.*

Postumius huius anni Consul cæteris deinceps Magistratibus præluxit, ad onera imponenda ciuitatibus ad quas diuertebant. Prænestinis enim quibus erat infensus imperauit, ut sibi de hospitio, jumentisque prouiderent; unde cæteris deinceps præbita est occasio furandi, atque prædandi.

*Censura
grauis.*

Censores huius anni Q. Fuluius Flaccus, & A. Postumius Albinus, Senatu mouerunt L. Cornelium Scipionem, tum Prætorem Urbanum immò & L. Fuluium Censoris fratrem. Cum iidem primi vias in Vrbe silice sternendas, & extra Urbem firmandas glareâ atque marginandas curassent, Romam & pulchriorem & aditu faciliorem reddidere.

*De Celti-
beris Ona-
tio Appi.*

Appius Clæudius Celtiberos rebellantes deuicit, quindecim millia interemit, reliquos pacauit: quibus gestis Ouans ingressus est urbem, quia Romanos pudebat de eodem hoste toties triumphari.

CAPVT IX.

D E C A S N O N A.

Ab anno 3880 ad 3890.

OLYMP. CLI. Mundi. Urb. Cond.
 ann. 4. 3881. 581.

EVmenes ipse hoc anno Romam venit, denunciau-
 itque; quanto apparatu, Perseos bel-
 lum in Romanos moliretur. Itaque Legati Per-
 sei auditi sunt jam infensis animis. Odium et-
 iam in eum auxit Harpalus feroci oratione sua
 in Senatu, quâ Perseum nec optare bellum, nec
 timere professus est, statimque fugienti similis
 regressus est in Macedoniam, tam exitu suo
 bellum minitans, quàm oratione.

*Eumenes
 venit Ro-
 mam.*

*Perseus
 bellum in
 Ro. cogi-
 tat.*

Consulibus L. Postumio Albino, & M. Po-
 pilio Lænati attributa est Liguria. Lænas Li-
 gures rebellantes vicit, victi sine ullâ con-
 ditione dediderunt sese; sed ille iis ademit
 arma, urbem diruit, eosque ac eorum bona
 vendidit. Hæc seueritas in dediticios à Se-
 natu improbata est; itaque ab eodem restitui
 in libertatem iussi antequam inde deportaret
 exercitum; quia semper parcere subiectis Ro-
 manorum consuetudo fuit.

*Ligures se
 dedunt, &
 malè acce-
 pti resti-
 tuuntur.*

OLYMP. CLII. Mundi Urb. Cond.
 ann. 1. 3882. 582.

In Ægypto moritur Cleopatra; quâ sublata
 Philometoris tutores ab Antiocho repetunt Sy-
 riam, Cælesyriam, Phœnicem, & Iudæam;
 hic contra spe Ægyptum deuorarat. Quare
 primam expeditionem suscepit in hoc regnum,
 & cum iis copiis quæ hosti metum iniicerent;
 itaque Ptolemæi duces primo impetu vicit,
 quam victoriam secuta est multarum urbium
 deditio, nominatim Memphis, atque Pelusij.

*Epipha-
 nes Ægy-
 ptum sibi
 vindicare
 parat.*

*Diffidium
in Ægy-
ptio.*

Accessit & externo bello domesticum: Nam duo fratres Ptolemæus Philometor, & Euergetes parum consenserunt; quorum ille fugit ad Antiochum, hic cum sorore Cleopatra se inclusit Alexandria. Antiochus statim hanc urbem obsidet: sed cum esset inuictissima, & com metu ac propugnatoribus abundaret, obsidionem soluere coactus est. Itaque Memphi, & reliquâ Aegypto, quæ se dediderant Philometori traditæ, Pelusio imposuit præsidium: quando aditu & quasi clauæ Aegypti seruata ostendit, se non omnem regni hujus subeundi, atque subjugandi posuisse voluntatem.

*Perseus
Eumenem
tollere co-
natur, &
Rom. le-
gatos.*

Perseus Eumeni redeunti in Asiam, & Delphis sacrificare volenti struit insidias, atque comprehensum in angusto loco per Cretensem vnum, & tres Macedonassicarios saxis obruit, ac seminiuum relinquit; vnde mors eius Romæ, & in Græciâ, Asiaque vulgata est. Id acriter Romanos pupugit, sed hoc etiam acrius. Conatus est enim corrumpere Rammium ciuem Brundisium Romanorum & Regionum legatorum hospitem, ut veneno quotquot posset Romanos tolleretur, submisso etiam veneno præsentissimo: sed Rammius hoc consilium aperuit C. Valerio, ac Senatui. Itaque Populus Romanus deinceps non putauit agendum cum Perseo, ut cum Rege, sed cum publico humani generis inimico.

*Ro. legati
malè ha-
bitiâ Per-
seo.*

Agebant etiam tum apud Perseum Romanorum legati Cn. Seruilius Cæpio & alij, qui diu exclusi, tandem obiter admissi sunt ut Regem in Romanos debacchantem audirent, eorumque societati impotentissime renunciantem: quæ jam inclinantem in bellum Macedonicum Populum Romanorum impulerunt.

Romæ Consulatum iniere C. Popilius Lænas, & P. Aelius Ligur, de quibus nihil præter nomen fastis adscriptum inuenimus.

Venerunt denique hoc anno Carthaginien-
sum

sum Legati, quærentes de Massinissâ, à quo sibi erepta esse intra biennium supra ducenta oppida vel castella contendebant. Aderat tum Romæ Gulussa Regis accusati filius; sed cum eâ de re nihil sibi à patre mandatum diceret, propterea quod ea clam à Pœnis esset missa legatio, remissus est in Numidiam, ut inde paratior ad patris causam defendendam rediret: sic amicè de Massinissâ, de Carthaginiensibus non iniquè Senatus statuit.

Pœni de Massinissâ queruntur.

OLYMP. CLII. *Mundi Urb. Cond.*

ann. 2. 3883. 583.

Menelaus Simonis huius frater, quem turbulentum eiecerat Onias, iussus à Pseudo Pontifice Iasone deferre pecunias Antiocho, eas suo nomine obtulit, additis 300. talentis, quibus emit summum Pontificatum, ipse non Leuites, sed ex tribu Benjamin. Verùm cum idem paulò post pactas pecunias non repræsentaret regiis præfectis exautoratus est, & ad tempus vicarius ei substitutus frater Lysimachus, donec stetisset pactis, & fisco debita persoluisset. Hæc rerum sacrarum nundinatio, majorum calamitatum prænuncia fuit.

Menelaus fit Iudeorū Pōif.

Interea euocatus Antiochus seditione Cilicum qui ferebant ægerrimè se Regis concubinz datos, eò perrexit, & præfectum Antiochiæ reliquit Andronicum. In eius amicitiam adulatione, & pecuniâ insinuauit se Menelaus, eique suavit, ut Oniam Pontificem interimeret. Ille sanctissimum virum datâ fide ex Asylo Daphnes extractum jugulandum curauit. Quam mortem cum accepisset, etiam cum lacrymis, rediens Antiochus (ei enim ob sanctimoniam Onias charus erat) Andronicum exutum purpurâ, scissisque vestibus per urbem imperauit circumduci, & eodem in loco quo ceciderat Oniam immolari. Hoc saltem in casu iniustus Princeps æquus fuit.

Cæsus Onias Antiochia.

Lysimachus interea templo potitus, & Hiero-

*Lyfimach.
Hierosol.
furens ca-
ditur.*

rusolymis, in utroque sædè grassatur, neque rebus sacris, neque profanis abstinet, conficio fratre Menelao. Quæ cum Iudæis intoleranda viderentur in eum surgunt armati; vicissim hic iis opponit tria militum millia, cum duce sene, sed amente, quem nonnulli Auranum vocant. At ciues exhausti bonis, maioribus animis & viribus restiterunt, & in cohortes iniquas, lapides, fustes, cinerem projiciunt, easq; multis cæsis, pluribus vulneratis, aut excæcatis expellunt. Quin etiam captus ad sacrum ærarium Lyfimachus interfectus est, ut intelligeretur ex loco mors huic potissimum propter sacrilegium irrogata.

Tum in Cœlesyriam cum exercitu profectus erat Antiochus; ad quem miserant Ptolemæi, jam de reconciliatione cogitantes, legatos suos, uti is abstineret bello, sed omnia amicè componerentur. Respondet ille se pacem admissurum, si Pelusium sibi, Cœlesyria, Cyprusque relinquantur. Re infectâ, factis tamen induciis legati proficiscuntur Romam. Interim Antiochus ut suis copiis uteretur, diuertit ad Arabas, quibus subjugatis, & induciarum tempore evoluto Ægyptum ingreditur, totaque potitus regione inter Pelusium & Alexandriam, hanc etiam urbem regiam obsidet. Iam autem Senatus precibus Ptolemæi motus in Ægyptum diligentissimè miserat C. Popilium Lænatem, cum aliis legatis. Hi statim aduolant ad Antiochum duce Popilio; cui cum Antiochus, ut aliàs amico manum offerret, ille prius tabulam obtulit, eamque legere iussit. Cum Rex legere tergiverfaretur, cum Lænas radio virgæ, quam tenebat manu circumducto, respondere imperat priusquam exiret è circulo. Rex ea denunciatione perculsus, respondit facturum se quidquid Romanis visum esset. Itaq; Popilius Antiocho ut amico suo atque Romanorum porrexit manum: Rex constitutâ per legatos die recessit ex Ægypto,

*Antiochus
à Popilio
iulatur
Ægyptum
ouultere.*

ptos, subdu&is nauibus Cyprum restituit: tantum vnus hominis in tantum principem constantia valuit.

*Ostenta
visa Hiero-
solymsis.*

Tum Hierosolymis visa sunt in cælo portenta per quadraginta dies magnæ cladis prænuntia; equites videlicet in aëre discurrentes, & exercitus inter se congressi, adeo vt reapse hic bellum geri videretur; cuius repræsentatio tantum terroris, quantum postea bellum ipsum attulit damni.

Hoc etiam anno susceptum est contra Perseum hostem Populi Romani denunciatum graue bellum, cura demandata est P. Licinio Crasso Consuli, dum huius collega C. Cassius Longinus in Galliâ Cisalpinâ moraretur. Ac principio pugnatum in Thessaliâ, vbi equestri certamine Perseus superior euasit; qui tum si victoria usus esset, bellum profligarat. Sed Euandro Cretensi nimium credidit, qui eum specie pacis auertit. Eodem tempore victa ad Oreum Romana classis & naues multas, & commæatus plurimum perdidit. Verum aliunde Lucretius Prætor Haliartum urbem Bæotix, quamuis resistentem fortiter vi cepit, obuios sine discrimine cecidit, dedititios in arce vendidit, urbem à fundamentis destruxit. Facilius captæ Thebæ, ideo exilibus redditæ, Romanorumque fautoribus, reliquis sub coronâ venditis, vt hoc exemplo pænæ, atque gratiæ reliqui Græci in officio continerentur. Inter hæc Consul acceptis auxiliis Numidarum duce Misagene filio Massinissæ, resumpsit animum, & cum Macedonibus ad Crannonium iterum confligit; vbi superiores Romani vsi sunt aut certè repressus hostium ardor. Cæsum Regi duces duo Sospater, & Antipater cum octo millibus armatorum, capti bis mille quadringenti, Pompeius Tribunus cum præsidio octingentorum legionariorum à Rege obsessus, tum retractus incolumis, victoriam à Crasso stetit demonstrarunt,

*BEL-
LVM
aduersus
PER-
SEVM.*

*Varia e-
uentu in-
choatum.*

*Cassius Gracchus in-
pium con-
siliū.*

Consulū alter C. Cassius in Galliā nihil di-
gnū memoriā egit, & consiliū temeritatis
plenum inconsulto Senatu suscepit, in Macedo-
niā videlicet per Illyricū suas copias tradu-
cendi. Quod cum Senatu renūciatū esset,
iussus est statim retrocedere, ne ferocibus po-
pulis viam in Italiā aperuisse videretur. Neq;
melius confecit iter, quā suscepit: multo-
rum enim sociorum expilauit agros; quare
multæ ad Senatum delatæ querelæ, meliorem
eius causam nequaquam reddiderunt.

*Querela
de Rom.
Magistra-
tibus.*

Eodem etiam tempore delatæ sunt populorum
aliquot accusationes de magistratuum exactio-
nibus & rapinis in Hispaniā, quas sibi displicere plurimū conflatū licet ex multis viris
iniquissimis, Senatus ostendit.

*Fulvii
Flacci
Pontificis
mors.*

Obiit denique hoc anno Q. Fulvius Flaccus
Pontifex, qui non ita pridem regulas ex tem-
plo Lætinæ Iunonis in Bruttiiis exportarat,
ad obtegendam ædem Fortunæ Equestris à se
votam, atque consecratam. Et quamquam
Senatus eas reportari iussisset, ipse Censor
anno superiori hoc demū intellexit sibi gra-
ue aliquid imminere. Audiuit enim vnum
ex filiis in Illyrico militantibus obiisse, al-
terum periculosè decumbere; quibus acceptis
nunciis, è mente dimotus, quā parum con-
stabat, jam ex quò sacrilegium admisisset,
sequenti die à seruis suspensus inuentus est
ex trabe, dignā planè poenā sacrilegio.

OLYMP. CLII. Mundi Urb. Cond.

ann. 3. 3884. 384.

*Duo fra-
tres Ægy-
ptii recon-
ciliantur.*

Ptolemæi Philometor, & Euergetes, adniten-
te sorore Cleopatrá in gratiam redeunt, Antio-
chi metu; qui eos inter se committebat, vt attri-
tis superueniret, eorumque ditione potiretur.
Itaque Alexandriæ recipitur Philometor. Mit-
tunt quoque illi fratres ad Achæos qui petant
auxilia, & promittuntur duobus Lycortæ, atque
Polybio. Tum etiam iidem Achæi in gratiam
Euer-

Euergetis celebrauere Anacleteria, in Ægypto celebrari solita, quando Reges ad legitimam regnandi ætatem peruenissent. Quæ omnia Antiocho ingratiſſima acciderunt; tumque personam tutoris, & auunculi, quam hætenus assumpserat, deposuit, induit inuasoris.

Anacleteria ab Antiocho celebrata.

Iason vulgato rumore falso de morte Antiochi, mille viris stipatus Hierosolymam occupat, ab amicis inductus, Menelao in arcem cum Sacerdotibus refugiente. Mutæ tum perpetratæ cædes, multa sacra prophætaque direpta: sed cum ciuibus rediisset animus, fugatur Iason, & in Ammonitum vnde venerat redire compellitur. Inde pergit ad Arabas, vbi seditionis reus datur in vincula, ex quibus elapsus fugit in Ægyptum, vbi, absoluto bello, veritus ne reposeretur, Lacedæmonem venit, ac in eâ miserrè perit, sine sepulturâ abiectus, & post mortem etiam durante calamitate.

Iasonis in Iudæos furor, & fuga, & mors.

Hæc cum essent Antiocho denunciata Hierosolymam cum exercitu venit, quasi ea ad Ægyptios defecisse videretur, & latata mortis eius audito nuncio. Resistere nonnihil ciues, tandem occupata ciuitas, in quam triduo sæuitum est ferro: quadraginta millia cæsi, totidem venditi, multi in Ægyptum fugerunt. Inter eos Onias fuit, Oniæ iusti minimus filius, qui sibi beneuolentiam Ptolemæi, atque Cleopatrz conciliavit. Tum Antiochus ingressus templum duce Menelao, aurea vasa rapuit, sacramque suppellectilem, quibus sacrilegiis & criminibus onustus Antiochiam rediit, etiam postea grauius in Iudæos, & periculosius sæuiturus. Vtrum autem inter cætera ornamenta templi caput aureum Asini repererit, quod scripsit Apion, credat cui cor Asinum erit.

Epiphanes Hierosolymam ingreditur & in eam sæuit.

Templum spoliatur.

Romæ Consules erant A. Hostilius Mancinus, & A. Atilius Seranus; quibus Coss. delata sunt quoque ad Senatum de magistratuum auaritiâ grauiores querelæ Græcorum, & Ab-

Querela de auaritia Romæ magistrat.

deritarum contra Crassum Consulem, & Lucretium, atque Hortensium Prætores, Carnorum, Istrorum, Iapydum aduersus Longinum, quæ compescenda furta Senatus iudicauit, numquam ferenda, sed hoc tempore multò minus; cum Pop. Rom. graui bello implicitus esset, & eorum socij vbique ab hostibustentarentur.

*Serani
Consulis
moderatio.*

Seranus Consul cui obtigerat Liguria, cum omnia pacata reperisset intra 60. dies ex quo venisset in prouinciam dimisit exercitum, magnam laudem moderationis, atque modestiæ consequutus.

*Appius
Claudius
male rem
gerit ad
Vscanam,
max bene
rem gerit.*

Alter Consul Hostilius in Macedoniâ sapienter militem sub disciplinâ continuit, socios eum fide coluit, atque ab iis omnem arcuit injuriam, virtute hisce temporibus non vulgari. Misit quoque in Illyricum Appium Claudium qui eam prouinciam aduersus Gentium terrâ tutaretur; nam C. Furius Issensibus jussu Senatus cum octo nauibus erat præsidio, contra regem eundem. Verùm Appius Claudius suis copijs non contentus confecit exercitum ex socijs, quo Vscanam urbem inuasit, ad quam perfidiosè inuitabatur. Eò profectus, etiam incomposito agmine magnam accepit cladem. Capta nihilominus Vscana fuit, eamdemque recepit postea Perseus licet Romano præsidio munitam; quâdo Romanos armis exiit, Vscanenses, & Illyrios vendidit. Quâ expeditione, & sælicitate multas recepit vrbes. Sed eo fortunæ prospero flatu Rex elatus est, ut postea grauiore casu attereretur.

OLYMP. CLII. *Mundi* Vrb. Cond.
ann. 4. 3885. 585.

*Legation.
ad Rom.*

Hoc anno legationes multæ susceptæ sunt à Romanis, Gallorum, Pamphyliorum, Bithynorum offerentium auxilia aduersus Persen. Pamphyli nobilem coronam obtulere Ioui Capitolino; Bithyni etiam preces offerebant ad conficiendam inter Romanos, & Macedonas pacem;

pacem; at Rhodij minas, quæ Senatui vehementer displicuere. Ideò Cares, & Lycij liberi renunciati sunt. Oblatum tamen Agesipoli & Cleombroto legatis Rhodiis à Senatu munus, quod ij recusarunt. Quæ legatio postea Rhodiis magni stetit.

Consules Romæ creati sunt Q. Martius Philippus, & Cn. Seruilius Cæpio. Martio commissa est cura Macedonici belli, in quam gnauiter, & fortiter incubuit. Ac primum omisâ Thessaliâ Macedoniam per loca difficillima ingreditur, in quibus victus esset, si Perseo mens non fuisset laxa. Tandem cum ad urbem regiam propius accessisset Consul, ita Perseum turbauit, ut hic de fugâ potiùs, quàm de prælio cogitaret, se victum sine certamine miserabiliter, & muliebriter quirigans. Martius quoque Diu cepit, deditione tam inexpectatâ, ut infidias meritò suspicaretur; sed paulò post inopiâ com meatus regredi coactus est. Tum solutus metu Perseus resumpsit animos, sed à se abjectiùs facta crudeliter emendauit: cum enim Naualia Thessaloniciæ Rex imprudens per Andronicum iussisset incendi, tergiuersatus est ille sapienter, & stolido principi suo classem conseruauit. At Nicias incautior Pellæ seruatas pecuniâs iussus in mare projicere, citiùs paruit, quàm regni negotia flagitabant; ita sparsæ sunt in mare pecuniæ, quæ mox per vrinatores collectæ sunt. Quorum ita Perseum pudit, ut præfectum verumque cum vrinatoribus curaret interficiendos. Hic igitur hæsit Romanorum fortuna, atque hi frustra Thessalonicam, & Cassandriam tentarunt, fortissimè propugnatas. Quæ quidem animos fecerunt Perseo, ut cum iis auderet congredi, ac victoriam, ac se mox triumphandum Romanis offerret.

Gentium Illyriorum Regem callidè bello suo implicuit Perseus, ei pollicitus 300. talenta, quæ Pellæ numerari legatis eius iussit, decem præ-

*Martius
Perseum
fugere co-
git &
omnia de-
sperare.*

*Perseus
resumpsit
animos*

*Perseus
Gentium
callidè
implicat
bello.*

sentia misit, aliis lentè subsequi iussis. Gentius acceptis talentis decem sollicitatus à Pantaucō Macedonē, ut aliquid auderet in Romanos, M. Perpennam, & L. Petilium legatos Rom. conjicit in vincula. Quo audito Perseus 290. talenta reuocauit, non necessaria Gentio, jam bello aduersus Romanos impicito.

*Persei
vires Ro.
denunciā-
tur.*

Legati tum Romam ex Macedonia reuerſi, docuere quo statu res essent Persei: qui nuncius suspensos Patres tenuit, ut digni Consules crearentur, qui his bellis pares essent.

*Rom. so-
piunt bel-
lum inter
Ptol. &
Antioch.*

Missi quoque in Ægyptum Popilius Lenas, Decimus & Hostilius qui bella inter Antiochum, atque Ptolemæos sopirent; ne amici populi Romani Reges in sese absumerent vires, quorum auxilijs indigere videbatur.

*Moritur
Ennius.*

Obijt tum Ennius Calaber Rudijs natus, anno ætatis septuagesimō, & sepultus in Scipionis Africani sepulchro, vbi statua eius, iussu Scipionis, posita: vit cui rudimenta sua Latina Poëſis debet, & cuius versustanti Virgilius fecit, ut eorum aliquos suæ alligaret Æneidi.

OLYMP. CLIII. *Mundi* Urb. Cond.

ann. 1.

3886.

586

Tam funestus hic annus Iudæis fuit, quàm Romanis lætus. Hi enim Persen cum Macedonia in suam potestatem redegerunt; illi libertatem, & quod grauius est, propè religionem perdiderunt.

*Diripitur
ab Apol-
lonio Hie-
rosolyma.*

Atque ut ab Hebræis, rebusque sacris ordiamur, hoc anno Græcorum 145. die 15. mensis Casleu, seu 16. Nouembris, Antiochus misit Apollonium Quæstorem suum cum 20. armatorum millibus qui in urbem Hierosolymam, rapinis, ferro, flammaque sæuit, in eam ingressus pacificè, mox facta suis potestate, furandi, atque cædendi. Inter hos tumultus & cædes multi fugerunt, atque inter reliquos cum suis liberis Mattathias. Tumque aboleri iussa Moſaica lex, ad eam rem instituto præfecto, quodam

*Tubetur
aboleri
Moſaica
lex.*

dam Antiochano sene, vetita sacrificia, ciborum delectus, & circumcisio, sublatis festi dies, sacri Codices lacerati, combustique, Templum Olympio Ioui consecratum, eius Idolo in altari Thymiamatis collocato, Iudæi ad ritus gentium traducti, propositi illis morte, qui non obtemperassent. Contempserunt nihilominus aliqui sacrilega iussa; & matres aliquot ob liberos circumcisos flagris laceratae, in crucem aeternae sunt suspensae collo filijs; aliae cum iisdem precipitatae de muro, quidam in speluncas religionis causa secedentes exusti, non ausi ob festorum religionem resistere; tam miserabilis fuit facies Hierosolymae, ut non urbem sanctam, sed lanienam Scytharum repraesentaret.

Reuersus Antiochiam Antiochus, in Iudaeos hic quoque crudeliter desecuit. Eleazarum enim senem porcinam edere, immo eius sceleris simulationem recusantem, flagris interemit. Hic etiam septem Macchabæi fratres ætate pueri, sed constantia viri, teterrimis suppliciis excarnificati coram Rege, adhortante Salomonâ matre, gloriosum agonem consummarunt. Hos secuta mater octies martyr, omnes de Tyranno fremente nobilem triumphum retulerunt, etiam ad mortem pro lege occumbere parati, antequam eos Christus Deus pro lege mori docuisset. Et verò pro martyribus deinceps à Christianis habiti sunt, primumque eorum Lipsana Antiochiæ, mox etiam eorum capita Coloniae venerationem consequi meruerunt. Dicti porro sunt Macchabæi, vel quia eorum primogenitus ita dicebatur, vel quod Macchabæos & Assamoneos affinitate contingerent, iisdem virtute, ut sanguine conjunctissimi.

Contigit & hoc anno Mattathia cum suis liberis quinque Ioanne, Simone, Iudâ Macchabæo, Eleazaro, atque Ionathâ ab Antiocho Rege defectio. Iosephus scribit Mattathia proavum Assamoneum dictum esse, cuius nomen

Antiochus in Eleazarum, & Macchabæos saue

Mattathias cum liberis ab Antiocho defecit; & constituitur Iudaeorum apud.

ad familiam Macchabæorum transiit. Mattathias porrò elapsus Hierosolymis in suâ ciuitate Modino degebat, in quam missus præfectus aut Bacchides, aut Apelles dictus, edictum impium Regis proposuit Modinitis. Id non modo contempsit bonus senex, sed & Iudæum publicè sacrificantem in arâ trucidauit, eodemque impetu filiorum cinctus agmine præfectum intemit. Hoc impiorum sanguine quasi sacro oleo inunctus Iudæorum Dux & summus Pontifex, populum ad religionis defensionem vocauit, ac primùm cum viris Deum metuentibus in loca deserta secessit. Quosdam eorum insecuti Regij duces, die Sabbathi non resistentes intemere. Quod cum ad vltimam gentis perniciem vergeret, edixit Mattathias summus iam arbiter religionis, vt hoc quoque die Iudæi resisterent inuadentibus, quod deinceps gloriosè atque sæliciter præstitere, & labor ille in hoste inuadente, cædendo, deinceps religiosus apud Iudæos habitus est.

*Aemilio
Paulo cō-
missa Ma-
cedonia.*

Romæ creati sunt Consules L. Aemilius Paulus secundum, & C. Licinius Crassus. Aemilio forte obtigit Macedonia, cui adjunctus Cn. Octavius classis præfectus; bellum contra Gentium Amicio Prætori demandatum, omnes ob virtutem electi, quia sic periculosa negotia postulabant.

*Eumenes
sepe iungi-
tur Perseo.*

Tum Eumenes à Perseo sollicitatus oblati mille quingentis talentis, pœnè oblitus est sui ac Romanorum amicitia. Hæc talenta præsentia sibi dari volebat Eumenes, Perseus cum hic defecisset, meritò de se inuicem dissidentes. Ita nihil effectum; Eumeni tamen hæsit infamia, & inconstantia nota. Rhodij sese Perseo conjungere audito Gentij cum eo fœdere, & Gallorum auxiliis in Macedoniam euocatis; Hi porrò Rhodij confectæ pacis gloriam sibi superbius ambiebant, verùm & eam, & Romanam insuper amicitiam perdi derunt. Ita Antenor,

*Rhodij
iuncti Per-
seo.*

nori , & Calippo Macedonicae classis praefectis cum Creteusibus comitibus suis adjuncti sunt. Gallos quominus haberet auxiliores, avaritia Regis impedit, dum stipendia ab eorum Rege postulata Perseus recusavit, maluitque pecuniam suam hostibus reservare, quam in suos usus impendere. Sed haftenus de mercimoniis, jam ad manus veniendum est.

Anicius primo impetu Gentium Regem fudit, ideoque vrbes Illyrici passim se Romanis dedit. Tandem ad Scodram gentis caput ventum est, quae se Rex incluserat. Ad huius urbis mœnia iterum victi Illyrij, Gentius inducias petiit, & tribus diebus frustra expectato fratre suo auxiliatore, se cum uxore, liberis, fratre, ac regni principibus dedit, futurus illustri materiestriumpho, atque belli intra dies triginta confecti.

*Gentius
ab Anicio
captus.*

Huius victoriae nuncio perculsus est Perseus, sed Rhodij multo magis; qui statim legatos ad Paulum Consulem miserunt; verum hi prope sunt precipites e castris eiectioni. Tum Scipio Nasica cum Milone Persei duce pugnavit feliciter, & mox se Aemilio ad Pydnam conjunxit. Oblatam nihilominus à Perseo pugnam detrectavit Paulus, quia iniquiore loco ac tempore certandum fuisset. Itaque permunita diligenter castra, perfectumque ut non nisi commodè pugnaretur. Nocte quae pugnam decretoriam praecessit, Luna est Ecclipsin passa, quam cum futuram praedixisset Sulpitius Gallus Tribunus militum, e iussuque causam Romano militi exposuisset, visa excitavit eius animos, Macedonas contra inexpectata terruit, eisque cladem portendere credita est. Sequenti ergo die praelium commissum ex occasione jumenti Thracis, ad alteram fluminis ripam transeuntis; quod cum Romani abducerent, reliqui Thraeces in auxilium accurrere, & ita sensim totus exercitus. Pugnam utrimque acriter, donec Macedonica Phalanx à fron-

*Praeliu
q. o. vultu
Perseus. n.*

à fronte inuicta, per latus lancinata, & dissipata est. Fugit Rex transmissâ Pieriâ syluâ, amissis viginti suorum millibus; sex millia cum Pydnâ capti, errantium ac dissipatorum quinque millia. Perseus interea fugiens cum intempestiuè admonentes Euctum & Eudæum aulicos pugione confecit, quo factò à se amicos omnes suos abalienauit. Itaque desertus ab omnibus Macedonibus, ac veritus ne Romanis dederetur cum 300. Cretensibus Amphipolim fugit. Hic in concione populi dum neque ipse loqui præ lacrymis; nec Euander eius comes, iussi sunt facessere, ne clade suâ urbem inuoluerent. Quare cum duobus talentum millibus, lembis in Samothraciam fugit; inde milit legatos nescio quos cum litteris, quas lacrymans recepit Consul; sed reiecit quia Regis præferebant nomen, quod numquam Perseus obliterare voluit, etiam cum regnûm omnino perdidisset.

*Fugit
Perseus in
Samo-
thraciam.*

*Omnia se
Paulo de-
duat.*

Peraçtâ pugnâ recepit Paulus filium suum adolescentem, quem credebat periisse in prælio, postea dictum Scipionem Æmilianum Pellam deinde, mox Amphipolim venit, utrobique amicè receptus, atque magnificè: inde Roman legatos mittit, & inter alios filium suum Q. Fabium Maximum Æmilianum; excepti sunt à Senatu cum singulari gaudio, simul & admissi legati Rhodiorum, ut iis vanitas exprobraretur, statimque cum indignatione remissi, quia victoriam ore tenus gratulabantur, ipsi in Persei parribus.

Interea Octavius ad Samothraciam cum classe appulit, in quâ Perseus se religionem templi tutum putabat. Questus tum L. Atilius apud magistratum insulæ templi sanctitatem violari, quod Euander Eumenis homicida in eo seruaretur, & dedi postulat. At Rex veritus ne secreta sua proderet cum clam iussit interimi, vulgarique sibi manus intulisse: amici tamen, qui factum nouerant, ab eo fugere, maximè ybi de-

nun.

nunciata est omnibus libertas, etiam Regiis pueris. Rex itaque fugere conatur opera Oroandri Cretensis, qui acceptâ Regis pecuniâ fugit, eumque reliquit in insulâ. Ita miser Perseus ab omnibus desertus aut proditus, se Octavio dedit, statimque missus Amphipolim ubi à Paulo magnifice exceptus, sed reprehensus quod hanc victoriam suam animi dejectione deterere videretur. Is exitus Macedonici regni fuit, quod ad tantam potentiam peruenerat, quâ major sperari nequit; ad tantam decidit infamiam, quâ turpior non potest deformidari.

*Perseus se
dedit Æ-
milio.*

OLYMP. CLIII. *Mundi.* Urb. Cond.

ann. 2.

3887.

587.

Anno regni Græcorum 146. (non vitæ) obiit Mattathias, ita dispositis Iudæorum afflictissimis rebus, ut Macchabæus populum regeret (quem & sua manu in Ducem & Pontificem creditur inunxisse) Simon ei esset à consiliis; & filiis suis in Deum benè sperare iussis, iisque bene precatus spiritum reddidit: vir ejus spes magna, atque zelus in eius postea liberis à Deo præmium recipere.

*Moritur
Mattathias.*

Romæ Consulibus Q. Aelio Pæto, & M. Iunio Penno legatio Eumenis Attalo fratri sapienter demandata, benignè suscepta est propter legatum, alias propter mittentem rejicienda. Et verò Attalus fratris loco Rex electus esset, & urbibus à Romanis donatus, nisi à Strato medico, quem huic comitem Eumenes addiderat, deterritus esset; idè propter modestiam, & amorem in fratrem ipsis deinceps Romanis acceptior. Susceptus quoque Masgabus filius Masfinissæ, eâ magnificentia, quæ & patrem ejus, & victores Romanos decebat. Rhodij primùm vti candidâ veste quasi gratulaturi victoriam, mox ut rei Senatorum domos concurrere compulsi sunt, ne hostes populi Romani dicerentur: iis insuper adempta Caria, & Lycia; ita responsum, ut neque socij neque hostes di-

*Eumenes
odio Ro-
manis.*

*Rhodij à
Ro. mul-
tati.*

cerentur. Hi verò qui grauiora expectabant, oratione ad tempus accommodatâ vfi sunt; vifi ofeulari manum, quâ grauius feriebantur.

*Diuisio
Macedo-
nia, &
ordinatio.*

Legati ad Anicium missi qui cum eo Illyricum componerent: missi & decem ad Paulum Consulem, qui cum eo Macedoniam ordinarent, eam in quatuor partes diuiderent, liberas facerent vrbes, remissâ parte dimidiâ vectigalium quæ Regi pendebantur, iisque esset commune Amphipoli concilium. Sed antequam legati aduenirent multas vrbes Macedoniæ militi diripiendas ducibus Q. Fabio filio, atque L. Postumio, obiecerat Consul, liberalior, quàm iustior. Postea tamen cum legatis tam bene Macedoniam disposuit, vt non hostilis prouincia, sed socia videretur. Quidam procerum in Italiam venire iussi, ne turbarent, pœna mortis iis propositâ qui patriâ confisterent. Neque tamen spoliis Macedonum milites contenti fuere, adiungendæ fuerunt 70. Epiri atque Illyrici vrbes eorum cupiditati, & rapinis obijciendæ; adeo vt Pauli victor exercitus inde centum quinquaginta mancipiorum millia abduxerit. Ita videlicet impleta voluntas Senatus fuit, vt in Macedoniâ vrbes liberæ relinquerentur, quarum tot ciues in vincula rapiebantur.

*Macedo-
nia dire-
pta.*

*Trium-
phus Ae-
mili ma-
gnificen-
tissimus.*

Anicius Prætor nullo negotio, de Gentio quem habebat in catenis triumphauit, inde cum conjugē ac liberis hic Spoletij in custodiam datus. Majori eum difficultate triumphum obtinuit Æmilius, contradicente milite, rapinis nequaquam satiato, & Sulpitio Gallo Matheſeos, quam honestatis peritiore. Solus Paulus egens ex locupletissimâ prouinciâ rediit: neque pauper tantum, sed & infortunatus. Nam diebus quinque ante triumphum, filium duodennem perdidit, triduo post alium annorum quatuordecim; sicque auditi preces viri boni rogantis, vt sit tanta sceleritas calamitate aliqua temperanda Diis videretur, id priuata potius de mus suæ

cla-

elade, quam publico Reip. infortunio fieret. Perseus post triumphum omnium quos Roma vidit magnificentissimum. Albam perductus, liberâ custodiâ vsus deprecante Paulò, inediâ spontaneâ vitam finit, qui Consulem ante triumphum ad mortem cum inuitantem dicere-riis, audire noluerat; vt plures maioresque mi-ferias degustaret, quas omnium maximâ cumu-laret.

*Perseus
mors.*

OLYMP. CLIII. Mundi Vrb. Cond.

ann. 4. 3888. 388.

Iudas Machabæus collectis sex Volonum millibus in hostes Iudæorum irruit, a cprimum Apollonium ducem cum Samaritis in se erum-pentem vicit, & interfecit, eiusque gladio deinceps vsus est. Apollonij necem successor Sero vlscisci voluit; cui Iudas occurrit ad Be-thoron cum suis de viâ fessis, & ex jejuniò reli-gioso languentibus: sed Deus his suffecit vires; itaque octingentos hostes interemerunt, reli-quos in terram Philisthinorum fugarunt. Hæc prima tanti ducis militiæ fuere rudimenta, eo-dem tempore & fortis militis, & boni Impera-toris.

*Iudas se
tueatur
egregiè.*

Romæ facti Consules M. Claudius Marcellus, & C. Sulpi ius Gallus: huic Gallia, illi Li-guria obtigit; & vtrumque rem benè gessisse, tantùm ex eorum triumphis intelligimus.

*Duo Coss.
triūphans*

Venit tum Romam Bithyniæ Rex Prusias, turpissimus si quis fuit vñquam inter Reges Ro-manorum adulator, seruum se Populi Romani professus, Senatores verò Deos suos seruatores, & alia eiusdemmodi, quæ Polybius narrat, & irridet. Venit igitur gratulaturus Romanis vi-ctum Persen, cuius tamen sororem habebat vxo-rem, & Nicomedem filium suum Senatui com-mendaturus. Qui ei obuiam Capuam vsque pro-cesserat L. Scipio Quæstor, eundem vsq; ad ma-re reducere iussus est, multis ornatù beneficijs; adeò magnis nonnumquâ vitis placet adulatione.

*Prusias
turpiter
Ro. adu-
latur.*

Eume-

Eumenes
malè Ro-
ma susci-
pitur.
Ideo eis
quoque
surpiter
adulatur. Eumenes contra pessimè acceptus est, nequè Romam accedere permissus, edito priùs aduersus omnes Reges ne Romam venirent Senatus consulto; quod ei plurimùm in Gallogræcos bellum molienti nocuit; sic dubia fides e ius bello Macedonico mulctata est. Cum autem eundem Eumenem Tiberius post obitum ad Antiochum legationem adisset, adeò comiter, & magnificè hic exceptus est ut ei Rex non tantùm Palatium, sed propè diadema reliquisse videretur; tam formidabiles Regibus Romanos fortuna Macedonica fecerat.

OLYMP. CLIII *Mundi Vrb Cond.*

ann. 4. 3889. 389.

Antiochus
be lum in
Iudæa
parus. Antiochus auditâ suorum in Iudæâ clade, grandem exercitum, hoc est octoginta millia deditum, equitum quatuordecim millia scribit, quibus omnibus annum stipendium numeravit, quod eius thesauros exhaustit. Veritus ergo ne sibi deinceps pecunia deesset ad sumptus regios, & munera in quibus hætenus protusus fuerat, statuit in superiores regni partes, Persidem, & reliquas intactas bello prouincias proficisci, ut hic pecunias conficeret. Reliquit autem in Syriâ Lyssiam nobilem virum, & de sanguine regio, cui & filium Antiochum Eupatorem instituendum tradidit, & belli Iudaici, atque gentis Hebrææ penitùs exscindendæ curam commisit cum dimidiâ tanti exercitus parte. Nec mora Lyssias seligit aduersus Macchabæum tres egregios duces Ptolemæum, Nicanorem, & Gorgiam, quibus tradit quadraginta peditum, septem equitum millia, ut Iudam obtinerent. Præmissus igitur Nicanor cum viginti armatorum millibus, qui ineptissimâ confidentiâ sibi informauit animo regionum nominum dissolutionem ex mancipiis Iudaicis, ideoque acciuit vndicumque mercatores, quibus vilissimo pretio seruos Hebræos addixit. At Iudas septem millia suorum eduxit, ac fretos magis oratione;

& in

& in Deum fiduciâ quam armis , tantis copiis opposuit . Nicanoris autem eomes Gorgias vir bellator, statuit sine eade Iudam opprimere: quare assumptis sibi quinque peditum millibus , & equitibus mille ducibus præfidiariis Sionis , & Apostatis, ad inuadenda noctu Iudæ castra clam proficiscitur . Iudas captatâ occasione diuisi exercitus , deserit & sua castra , pergitque ad Emmauentem contra Nicanorem , & cum eo non expectatus confliit: victus Nicanor & multos ex suis , & sua castra perdidit, in quibus mercatores omnes amiserunt pecunias suas, plerique etiam vitam . Hæc suos continuit Iudas, & superesse Gorgiam indicauit, belli ducem non imperitum. Et verò is statim cum suis apparuit: in quem progressus Iudas cum suis victoricibus copiis , tantum ei terroris iniecit, vt is fugeret in vicinam Philistæorum regionem, aliquot è suis , & victoriam plenam Iudæis relinqueret . Hi Sabbatho collegerunt spolia , eaque inter se partiti, aliquid etiam, inopibus, viduis, & orphanis asperferunt . Nec ita multò post Ptolemæus Cælesyriæ , ac Phœniciæ præfectus misit in Iudæos Timotheum , & Bacchidem, vt acceptam à Nicanore , & Gorgiâ facerent cladem, ac dedecus; ac commisso iterum prælio, ex eorum copiis, Iudas viginti millia cecidit, reliquos dissipauit, auctâ jam, cum cæsorum numero, ignominia .

*Iudas vin-
cit Nica-
nores, &
Gorgiam.*

*Item Pi-
mothem,
& Bac-
chidem.*

Neque Lysias suis , quàm Ducum auspiciis scilicetior fuit : certus enim Iudæos excindere , & infamiam abolere , 60. peditum , quinque equitum millia in eos deduxit ad Bethoron : sed Iudas eadem fortitudine ac in Deum fiduciâ cum adortus in fugam egit, cæsis quinque milibus armatorum , ac Lysiam cum reliquis copiis repetere compulit Antiochiam, quasi quæsiturum auxilia , reuerâ vt suam ignominiam occultaret .

*Lysia quo-
que vincit
Iudas.*

Is peractis statuit Iudas reparare Dei cultum
Hiero-

*Templum
purgat Iu-
das, &
celebrat
Encœnia.*

Hierosolymis, at uti Pontifex curare religiō-
nem, qui uti Dux administrarat bellum. Ita-
que purgat templum idolis euersis atque commi-
nutis. Altaria sancta restituit sacramque supel-
lectilem, ac celebrat Encœnia, & Scœnopegias
mensis Casleu 25, hoc est 22. Nouembris, per-
petuo deinceps ritu à Iudæis recolenda, à Scœ-
nopegiis Molis, & Encœniis Salomonis, atque
Zorobabelis diuersa, diuersisque mensibus Tisri
scilicet, & Adar quotannis vsurpanda. Muniit
insuper Iudas Templum muro firmissimo, &
contra Idumæos Betsuram; reparandos etiam
curauit libros sacros Antiochi iussu laceratos, &
exustos, atque ita restituit apud Hebræos veri
Dei propè abolitum cultum, ut ab hoc anno,
duntaxat plerique credant eum verè gessisse
Pontificatum.

*Templum
in Aegy-
ptio condi-
tum.*

Cadere videtur in hunc annum ædificatum in
Ægypto ab Oniâ Oniæ, sanctissimi viri ac Pon-
tificis filio, templum. Suasitenimtum Cleo-
patræ cui charus erat, & Philometori cui gra-
tiosus, ut simile extrueret Hierosolymitano,
quod profanarat Antiochus, eoque pacto Iudæi
meliùs in res Ægyptiacas afficerentur. Quare
assignatus est ei locus 180. stadiis à Memphi dis-
situs in tractu Heliopolitano apud Leontopolim,
vbi statutum est sanum dispar quidem magnitu-
dine Hierosolymitano, sed huic quoad orna-
menta geminum ac simile. Id ad tempus vsque
Vespasiani perdurauit annis 237. quæ tamen fa-
brica religionis specie procurata, magnæ inter
Iudæos dissensionis causa fuit.

*Pestis
Romæ &
querelæ in
Eumenum.*

Roma, Consulibus Cn. Octauio, & T. Manlio
Torquato, pestilentia atque fame vexata, insu-
per multis portentis territa est. Tum Pytho ali-
que Legati Prusiæ regis de Eumene questi sunt
quod Bithyniæ popularetur fines, non abstineret
à Galatiâ, Senatui non pareret, Romanorum fau-
tores opprimeret; quibus insuper adiungebant
facitam cum Antiocho societatem, Senatus non

spre-

ſpreuit indicium , ſibiſque ab utroque Rege cauendum putauit . Quâ occasione uſi Rhodij per Aſtymedem legatum ſuum uirum induſtrium ſocietatem obtinuerunt , bello Macedonico ſua ſuperbiâ abruptam , ac nonniſi multo labore , multisſque concoctis opprobrijs impetratam .

*Rhodij
ſocietatem
à Ro ob-
tinent .*

Putant & quidam tum Philometorem regno pulſum à minore ſuo fratre Alexandro (ſic Euergetem Pauſanias vocat) qui matrem tum etiam interemit ; quare ut impius ab Alexandrinis ejeſtus , reſtitutusſque Philometor . Is ſtatim Thebanos (Thebzos melius) qui ab eo deſecerant tam grauiter mulſauit ut ex mortaliſſimis , pauperrimos redderet . Florus putat tum Ægypti Regem à Romanis , reſtitutum . Quæ cum de ſe valdè confuſa ſint , ſiunt etiam tempore ipſo turbatiora .

*An Phi-
lometor
tum pulſus
Ægypto .*

OLYMP. CLIV. *Mundi Vrb. Cond.*

ann. 1.

3890.

390.

Antiochus Epiphanes aduerſus Artaxiam Regem Armenorum bellum geſſit , quem & uiuum cepit . Sed inſuper quærebat pecunias quibus plurimùm egebat . Audit ergo in vrbe Elyma , quæ Perſepolis quoque dicta , templum eſſe locupletiſſimum jam ab Alexandri Magni temporibus variis donariis auctum ; id diripere parat , atq; ex eius diuitiis ærarium ſuum reficere . Sed cum ſacrilegum eius conſilium innotuiſſet Elymitis , arma hi corripunt , & religione , quam animis fortiores Antiochum re infectâ abire cogunt . Itaque verſus Babylonem mœſtus intendit iter . Ad Ecbatana cum diuertiffet didigit acceptas à ſuis in Iudæâ clades , ac Hieroſolymam templumque reparata . Spirans ergo furorem & minas , feſtinabat in Iudæam ut eam penitus exſcinderet , cum repente tam in-credibili viſcerum cruciatu tortuſeſt , ut in eo diuinam manum poſſet agnoſcere . Quo quidem ſanatus non eſt , immò diligentius currum ſuum agitari iubet , ut ad deſtinatum furori ſuo locum citius

*Templum
Iouis diripi-
pere cona-
tur Epi-
phanes .*

*Diuinu
multatur
Epipha-
nes .*

citius accederet; verùm ex eodem graui casu excussus, toto corpore debilitatus est, adeò vt in humili fellâ militibus inuicem succollantibus ferri cogeretur. Sed malum vehementius subsecutum est; sanguis enim è venis casu excussus, & sparsus per vniuersum corpus computruit, ac mutatus in saniem, deinde in yermes, cutem abrupit, cum fœtore tam intolerando, vt hic jam neque se, nec eum exercitus ferre posset. Hic demùm Antiochus ultorem agnouit Deum, cui mira pollicitus est si valetudini restitueretur; verùm exauditus non est qui tot miserorum quærelis aures occluserat. Itaque desperatus, & dolore amens Philippum ad se vnum ex amicis vocat, anulum ei, purpuram, ac diadema committit, atque imprudentissimè inter eum & Lysiam filij sui nutritium, magnum discordiæ fomitem excitat. Sic extorris Antiochus Epiphanes vermibus arrosus, & fœtens viuum cadauer, animum de fœtenti corpore fœtentiorem euomit, magnum in blasphemos, crudeles, ac sacrilegos Principes diuini furoris atque iustitiæ monumentum.

*Moriuntur
Epipha-
nes.*

*Multa
illa pro-
spere gerit
Iudas.*

Interea multa bella prosperè Iudas in Syria gessit, primum contra Idumæos Acrabatanos, deinde in Bœanitas, quos in turribus suis inclusos combussit; adhuc in Ammonitas eorumque ducem Timotheum; denique in Gallaaditas. misso in Galilæam fratre Simone aduersus Tyrios, & Sidonios. Inde tamen Iudæos putauit Macchabæus transferendos, scilicet è medio gentium, cum vt tutiores essent, tum religiosiores, & insuper Iudæam incultam colerent. Cum Ephronitæ ei transitum denegassent, & portas etiam obturassent suas, expugnata vrbe Iudas mares omnes interemit, suosque incolumes Hierosolymam reduxit simul & bonus, & fortis, ac iustus Imperator. Hæc tamen fœlicitas clade Iosephi, & Azariæ turbata est, qui æmuli gloriæ Assamonæorum, dum in eius quoque partem

partem venire volunt, ad Iamnam à Gorgia fugati sunt, aliquot cæcis, Statim tamen Iudas rem Hebræam erexit, ereptâ Idumæis Hebrone, & aliquot in Samaritide ciuitatibus, Cephe & tam aliquot Philistinorum vrbeculas, & nobilem Azotum, in quibus tam se religiosum in destruendis aris Sacerdotem, quam fortem in muris transcendendis Ducem præbuit.

Interea Philippus corpus Antiochi referens & insignia regia, veritus Lysiam, non est ausus venire Antiochiam, sed fugit in Ægyptum, ut cum inimiciâ ab Ægyptiis in Syros susceptæ præstarent incolumen.

*Philippus
venit in
Ægyptum.*

Antiochus puer aliunde regnum adiit dictus Eupator à Lyliâ in gratiam patris, qui de filio tam benè meritus erat, à quo etiam omnibus regni negotiis præpositus est. In Cypro autem Ptolemæus quidam cognomento Macer, qui insulam sibi à Philometore commissam tradiderat Epiphani, cum sperneretur ut proditor, & aliunde Cypris odiosus esset, atque Syris hostibus Iudæorum, quibus in calamitate compassus erat, ad mortem voluntariam impulsus est, hausto sponte veneno, digno prodicionis supplicio.

*Antiochus
Eupator
pari successit.*

Neque otiosus in Iudæâ Machabæus vixit. Gorgiam enim elatum victoriâ suâ cum Idumæis viciteorumque viginti millia trucidauit. Tum ex Timothei copiis viginti quinque millia, & sexcentos equites confecit, quando duobus stipatus bonis Geniis non humano tantum, sed diuino fultus auxilio depugnauit. Eandem quoque caelestem opem mox expertus est aduersus Lysiam, qui cum octoginta millibus armorum Bethsuram oppugnabat. Nam eques specie humanâ maior, & augustior Iudæ præcedere copias visus est, cuius aspectu animati Iudæi peditum vndecim millia, equites mille sexcentos ceciderunt, reliquis fugâ dissipatis. Hinc Lysias Iudæ obtulit præem, quam & Iudas accepit.

*Iudas alia
res præclaras
regisse.*

*Iudæi Ro.
sociantur.*

accepit, litteris super eâ re à Philopatore datis. Verùm vt hæc esset diuturnior confugere ad Romanos Iudæi, qui per Q. Memmij, & Manilij (collegas C. Sulpitij, & M. Sergij, quos tantùm Polybius nominat) euocati sunt Antiochiam ad res suas cum Antiocho componendas. Nihilominus pax illa diuturna non fuit. Tum enim Ioppitas & Iamnitæ, suis insultantes, reprimere compulsus est Iudas. Pugnavit quoque aduersus Arabas grassatores, & Timotheum, atque Gorgiam; in qua tamen expeditione suorum aliquos perdidit. Eos autem dum sepelit, reperit inter eorum vestes occulta donaria idolorum, mortis eorum certissimam causam. Eos nihilo secius sepellit, & pro iis, Hierosolymis orandum curavit, ne qui in hac vitâ erroris sui luissent pœnas, in alterâ quoque grauiore pendere diutius cogerentur.

*Censura
Pauli
Æmili.*

Romæ Consulatum gessere A. Manlius Torquatus, & Q. Cassius Longinus: hic in suo consulatu obiit, neque tamen huic alius successus legitur. Celebris est quoque hic annus censura L. Æmiliij Pauli, & Martij Philippi quando censa sunt ciuium capita 337458. vel 327022. Princeps Senatus lectus quintum M. Æmilius Lepidus, singulari indubitata virtutis testimonio.

CAPVT X.

DECAS DECIMA.

Ab anno 3890. ad 3900.

OLYMP. CLIV.

ann. 2.

Mundi Vrb. Cond.

3891.

591.

*Eupator
Iudæ ag-
grediuntur.*

PRæsidium Sionis erat Iudæis graue, propter frequentes Syrorum eruptiones. Id igitur obsedit Iudas; obsessi ab Eupatore petunt

tunt auxilium; Rex cum Lyfiâ ingenti coactio exercitu venit in Iudæam; cui occurrens Menelaus Pseudo pontifex, quasi malorum omnium causa, autore Lyfiâ à Rege Berœam amandatur, ibique ex turre in subiectos cineres præcipitatus interiit, minori utique pœnâ, quàm eius sacrilegia, ac cædes exigebât. Iudas ne iniquo loco certare cogeretur, Hierosolymam relinquit. Rex Bethsuram obsidet; at huius propugnatores acriter resistunt, & machinas regias incendunt. Intereâ Iudas noctu præsidium Eupatoris aggreditur, & quatuor millia armorum cædit: sequenti die Eupator v'turus injuriam Iudam inuadit cum suis omnibus copiis & elephantis: verùm in eo conflictu sexcentos perdidit, Iudas fratrem suum Elcazarum. Hic ratus maximo elephanto insidere Regem, ad eum sibi ferro limitem aperuit, & sub ventrem belluæ succedens, eam confodit ferro, sed morientis pondere interceptus, & oppressus interiit, morte non indignâ virtute Macchabæorum. Recedere tamen tum compulsus est Iudas, non animo, sed exercitu inferior: Itaque sese dedidit Bethsura ob alimentorum inopiam; idemque templo contigisset, nisi accepisset nuncium Antiochus, Philippum occupasse Antiochiam, & regni negotia, exautorato Lyfiâ, suscepisse. Itaque Lyfiâs, cuius maximè res agebatur, persuasit Regi, ut pacem cum Iuda faceret. Is virum fortem complexus donauit præfecturâ, & in templo obtulit sacrificia: mox tamen perfidiosè templi munitiones dirui iussit, reliquas fœderis conditiones satis accuratè seruauit. Immò Lyfiâs tumultuantes Ptolemæenses ob Iudæ datam vr̄bis suæ præfecturam, oratione suâ compefcuit. Quidam scribunt Iudæos adiuuissè Eupatorem, ut recuperaret Antiochiam, ac Philippum perderet; ideoque necatum Menelaum Regis iussu. Certè pacem minùs expectatam, non suis armis, sed Deo, Iudæi

*Capit
Bethsurâ.*

*Cum Iudâ
pacem fa-
cit.*

Pars III. Tom. I. G acce-

acceptam referre debuerunt.

*Leptines
Octauium
Legatum
Ro. nec.*

Missi in Syriam legati Cn. Octauius, Sp. Lucretius, & L. Aurelius, adito Ariarathe, & compositâ Cappadociâ venerunt Antiochiam. Hic cum plures naues, & elephantes inuenissent, quam optabat Senatus, illas comburendas, hos interficiendos curauerunt. Miserabile fuit Antiochenis spectaculum, quo concitatus Leptinus quidam confidenter furiosus, Octauium in Bilio interemit, & deinceps Laodiceâ apparuit in publico, paratus Romam, ad causam dicendam, proficisci. Inuentus queque Isocrates Rhetor, Leptine stultior, qui hanc eadem oratione defenderet, & assereret reliquos quoque legatos interimendos esse, ut modestius imperare Romani discerent: qua oratione nihil contexit, quam ut se morte dignum demonstraret. Lysias autem statim legatos Romam misit, qui docerent hanc legati eadem, nihil ad Regem pertinere; at Senatus nulla prolata sententiâ eos remisit, atque ita dubios Eupatorem, & Lysiam tenuit; hac lite, ut eorum innocentiam semper pendente.

*Demetrius
regnum sibi
debitum
occupare
nititur,
sed retinetur
Romæ*

Hoc accepto nuncio Demetrius Seleuci filius, & auditâ patrui sui Antiochi morte, qui debitum sibi regnum occupabat, à Senatu petiit ut in Syriam, ac regnum suum remitteretur. Sed cum hic esset annorum viginti trium, Antiochus puer, iudicauit Senatus à Republica esse Demetrium Romæ detinere, & Eupatori fauere. Ita Demetrius quos appellabat Senatores Romanos patres suos, ne & quos quidem iudices expertus est.

Ro. iniuria.

Vtriusque Ptolemæi legati egerunt pro dominiis suis in Senatu, de insulâ Cypro. Hæc ad iudicata Euergeti, uti Philometor minùs posset. Sic Romani tum in suis sententiis plus Reipublicæ, quam æquitatis habuere rationem.

Consules huius anni proponuntur T. Sempronius Gracchus secundum, & M. Iuuentius Thasius.

Thalna. Gracchus meritis est hunc magistratum ob egregiam cum collega suo consentionem. Iuuentius cum re bene gesta in Corsicâ sacrificaret, acceptis à Senatu gratulatoriis litteris, eas dum legit, præ voluptate obiit; vitâ quasi pereius oculos in hanc gratissimam epistolam, deuolante.

OLYMP. CLIV. *Mundi Vrb. Cond.*

ann. 3

3892.

592.

Demetrius cognomento Soter (quod postea nomen huic à Babyloniis inditum est, Timarcho rebeli occiso, qui eorum regionem sædissime administrarat) monitus à Polybio, ne bis in eundem lapidem impingeret, operâ Menithylli Philometoris legati, qui ei pararat nauim, tam occultè fugit, vt ante quartum diem de eius exitu nihil Romæ resciretur. Scripsit ergo ex Lyciâ ad Senatum. Inde Tripolim Syriæ appellit, vbi Rex salutatus, coactis copiis potitus Apameâ, Antiochiam venit, vbi se ei dedit exercitus, eius gratiam morte Antiochi, ac Lysie consecutus: quidam tamen scribunt, procedentes obuiam Demetrio, Romanorum metu, ab eodem esse interemptos. Sublato ergo æmulo Demetrius nihil potius habuit quàm Romanos, arbitros Regum, placare. Magnificè igitur excipit legatum Tiberium, sibi amicum, & cuius operâ maximè consecutus est regnum. Ac principio, ex eius consilio professus est, se Eupatorem, & Lysiam sustulisse, Octavianæ necis autores: deinde Leptinem & Isocratem Romam misit, hunc visis vinculis in amentiam versum; illum liberum, quia id se fecisse Diis impellentibus profitebatur. Denique coronam auream ingentis ponderis Romam deferri iussit, simulque Romanæ superbiz, atque auaritz satisfecit.

*Demetrius
Soter suū
regnum re-
cipit.*

*Se. Rom.
submitit
demississimè.*

Statim Demetrius tentatus est muneribus ab Alcimo, qui multa de Iudâ questus obtinet summum Pontificatum, eique adjungitur Bac-

*Alcimus
obtinere à
Demetrio
Pontificatū*

chides, qui cum cum ingenti exercitu Hierosolymam reduceret. Hic primum Iudam insidiis tollere conatus est; sed eæ sagaci Pontifici suboluerunt; sublatis ergo Iudæis aliquot autore Alcimo, relictisque huic copiis, ac collectitiâ facinorosorum manu, recedit Bacchides, & Alcimum Pontificem, fugatum Iudam Demetrio renunciat. Sed statim rediit Iudas, atque satellites illos Pseudopontificios ita dissipat, ut Alcimus ad Regem iterum abire compelleretur. Mittitur ergo cum eo Nicanor; sed is agnitum Iudam sic amavit, ut cum eo iniret amicitiam, eique Alcimum posthaberet. Tertium igitur redit ad Regem Pseudopontifex; iubeturque Nicanor exterminato Macchabæo, Alcimum restituere dignitati. Ille Iudam comprehendere nititur, sed hunc, amicum licet, prudenter ille declinavit; quare missæ sunt Antiochiâ ingentes copię, ut vi Nicanor perageret, quod dolo præstare non potuerat. Igitur cum magno exercitu Hierosolymam subit; frustra quoque questum fraude Macchabæum, apertâ vi capere destinat. Collatis ergo signis, de Syris quinque millia perierunt, ceteri in arcem compulsi. Tum Nicanor dedi sibi postulat Iudam, quod nisi fiat, æquaturum se templum, aut Libero consecraturum minatur. Verum minas, Sacerdotes suis precibus in caput eius conuerterunt. Tum quoque Nicanor Raziam vulgò populi parentem dictum, apud quem latere putabat Iudam; capi iussit: at is satellitibus Syris restitit fortiter, effraâque demum januâ incubuit gladio, atque ex solarie, se præcipitavit in turbas; semianimisque exsurgens in eas viscera ac sanguinem sparsit, generosiùs moriens, quam diuina lex vulgaris patiebatur. Inde Nicanor sequitur Iudam, qui cum tribus armatorum milibus, in agro Samaritano versabatur: at nocte priusquam pugnaretur, vidit in somnis Macchabæus Oniam mortuum expansis manibus pro populo

*Razia
for itudo.*

pulo deprecantem ; cuius visi narratione milites hausere plurimum alacritatis. Initur ergo pugna circa Bethoron ; ubi triginta quinque Syrorum millia , vel in acie , vel in fugâ ceciderunt : jacuit inter reliquos Nicanor cui amputatum caput , ut Sionitis præfidiariis ostentaretur ; item & furiosa manus in templum elata , ante templum affixa est , denique lingua blasphema particulatim conscisa a uibus objecta est . Ideo festus dies mense Adar huius prælij memoriam deinceps apud Iudæos seruauit , docuitque impune in Hebræorum Deum locutum esse neminem , multò minus minas intentasse.

*Nicanor à
Iuda uin-
citur , &
ceditur.*

Hoc anno Consulatum inierunt P. Cornelius Scipio Nasica , cognomento Corculum , eius filius , qui Cybelen receperat , & C. Martius Figulus. Sed cum Tiberius Gracchus in iis eligendis vitiosè tabernaculum cepisset , re ad Augures delatâ , Figulus è Gallia , Scipio ex Corsicâ reuocati , abdicarunt ; & in eorum locum suffecti P. Cornelius Lentulus , & Cn. Domitius Ænobarbus . Ita circulatorum illi Augures uiris honestissimis illudebant , & quod mirum , id patiebantur uiri , alioqui sapientes.

*Coff vitio-
creati se
abdicant.*

OLYMP. CLIV. *Mundi* Urb. Cond.

ann. 4.

3893.

393.

Consulibus M. Valerio Messala , & C. Fannio Strabone lata Fannia lex , sumptuaria , quâ verum ne plus quàm centeni & viceni æris , hoc est quinquaginta circiter solidi Turofici in cœnis publicis insumerentur . Tum etiam editum putant Senatusconsultum , de Philosophis , ac Rhetoribus vrbe pellendis , quod etiam in belatrici ciuitate , vix speciem rationis habuit.

*Fannia
lex sum-
ptuaria.*

Tum Iudas Macchabæus , suo atque fratrum nomine confugit ad Romanos legatione , quâ functi sunt Eupolemus , & Iason . Ij benè suscepti sunt , & amici , armorum societas inita cum Iudæis à iugo Demetrii Regumque Syriæ liberatis ; adjectis etiam minis , si quis amicos

*Iudas con-
fugit ad
Rom.*

Populi Romani lacefferet . Quam cum Ethnicis amicitiam , quidam nimis superstitiosè redarguunt , & qui de rerum euentis potiùs , quàm de consilijs iudicant .

*Bacchides vincit
& cadit
Iudam.*

Demetrius auditâ Nicanoris clade , atque eade , Bacchidem remittit in Iudæam cum Alcimo , ac numeroſo exercitu . Tum Iudas relinquit quoque Hieroſolymam , cum tribus millibus armatorum ; eumque inſequitur Bacchides cum viginti , peditum , ac duobus equitum millibus . Quo viſo exercitu , panico terrore correpti Iudæi , diſſipati ſunt , tantùm oſtingenti viri ſlagitio duxere , deſerere ducem . Et ſuadebant ji quidem Iudæ , vt ſe reciperet , ac temporì cederet , at ille confidens Deo , ac ſatum viris militaribus , de more , inculcans , prælium commiſit . Dextrum cornu , cui præerat Bacchides , ipſe cum fortiffimis ſuorum inuadit , ac vincit ; & inſequitur fortàſſe longiùs , quam rei militaris ratio pateretur : hunc enim læuum cornu à tergo aggreditur ; vbi cum fortiter pugnat , & totâ die , vulneribus conſectus occubuit , cadauer ramen à ſuis fratribus relatum , Bacchides cruentâ , & Cadmzâ victoriâ potitus eſt . Luxere Hebræi Iudam , quo luſu decebat Principem , Pontificem , atque Patrem ; qui cum viderent improbos inſoleſcere ſub Alcimo , & Bacchide , elegêre Ionatham , vt is locum occuparet fratris , cui fortitudine ſimilis ac geminus eſſet . Quod cum Bacchides accepſſet , eum intercipere cum fratribus conatus eſt . Sed fugere illi in deſertum Thecæ , miſſis priùs impedimentis ſuis ad Nabutheos amicos ſuos , duce Ioanne . Hæc intercepte filij Iambri ex Madabâ Arabes & diripuerunt , etiam Ioanne interfecto . Verùm hi diu impunè non tulere rapinam atque eadem . In conjugio enim Principis Medabeni , quod maximitumeſt , Ionathas cædis fraternæ memor , in pompam nuptialem ex inſidiis irruiſit , quadriagentos occidit , & pa-

*Ionathas
ſufficitur
Iuda , &
rem Iudaicam
reſtituit.*

ratos

ratos ad voluptatem, luctu, doloreq; consperfit. Quod cum Bacchides didicisset, eum inuasit die Sabbathi; sed Iudæi hunc religioso prælio consecrarunt, quo mille Syros trucidarunt. Natus tamen Iordanem mox cū suis Ionathas transiit, ne multitudine opprimeretur, non tantum fortis, sed & prudens Imperator.

OLYMP. CLV. *Mundi* Urb. Cond.

ann. 1.

3894.

594.

*Moritur
Alcimus*

Hoc anno Regni Græcorum 153 Alcimus Pseudopontifex murum templi extructum à Prophetis Aggæo, & Zacharia, Gisonem dictum dirui iussit. Huic operi dum intendit, repente perdidit vocis usum, tactusque paralyti inter magnos cruciatus obit, qui maioribus, æternisq; præluere.

Consules Romæ creati L. Anicius Gallus, & M. Cornelius Cethegus, quo anno L. Æmilius Paulus Macedoniæ domitor è vitis abcessit, etiam morte suâ, quàm vitâ, atque factis illustrior. Nam cultus est mortuus à iis quos viuis deuicerat, iuuenesque Hispanorum, Ligurum, Macedonum, vltro feretrum eius subierunt, & ad bustum deportarunt. Obiit autem tam inops, vt vix ex bonorum eius auctione satis iuentum sit ad dotem vxoris conficiendam. Certè si fides iis adhibenda est scriptoribus, qui eum paulò ditiozem efficiunt, vix octo Francorum millibus bona eius æstimata sunt; cum tamen ipse locupletasset ærarium. Filios tres reliquit illustres, duos ab aliis adoptatos, Q. Fabium Maximum, & P. Cornelium Scipionem Æmilianos; atque Æmilius sanguis tribus nobilissimis familiis Romanorum sustinendis, & illustrandis fatisuit.

*Moritur
Paulus
Æmilius
inops.*

OLYMP. CLV. *Mundi* Urb. Cond.

ann. 2.

3895.

595.

Bacchides tum agebat apud Demetrium, nullo Hierosolymis constituto Pseudopontifice, Ionathas trans Iordanem errabat; erat miser

*Ionathas
in desertis
errat.*

Reip. Iudaicæ status, cum in ea improbi possem omnia, legitimus eius rector exulare cogere-
tur, ac suis latebris deberet vitam.

*Censura
rigida
Scipionis
Nasica.*

Consulibus Cn. Cornelio Dolabellâ, & M. Fulvio Nobiliore, Censuram egerunt P. Scipio Nasica, & M. Popilius Lænas; Hi cum vidissent in translatione equitem bene curatâ cute, cuius equus strigosus esset, & causam reddidisset, quod curaret ipse se, equum suum Staius famulus, ut parum reuerens, neque loco ac tempore ~~et~~ equum perdidit, & relatus est inter Ærarios. Idem quoque Censores statuas omnes circa forum sustulerunt, sine autoritate Senatus, aut Populi facultate positas, ut ambitio in ære viuere volentium, tolleretur. Idem quoq; Scipio Nasica tum primus Romæ diuisit horas, & Horologium dedicauit sub tecto; tandiu scilicet Romanis indiscreta lux fuerat; videlicet Sole nubibus obducto.

*Horologiū
Romæ.*

*Moritur
Terentius.*

Obit hoc anno P. Terentius Afer, olim seruus, at manumissus, ac liberalibus disciplinis excultus, ideo Scipioni, ac C. Lælio percharus. Quare teste Tullio plerique fabulæ eius à Lælio scriptas esse putauerunt, quidam etiam à Scipione. Mortuus est autem in oppido Stymphalo Arcadiæ quo secesserat, aut naufragio dum rediret Romam cum centum octo fabulis ex Menandro Latinè conuersis, maximo rei litterariæ damno, seu vecturam, seu vectorem spectaueris.

OLYMP. CLV. Mundi Urb. Cond.

ann. 3.

3896.

596.

*Demetrius
coronam
offert cum
reli. cedis
Octauia-
væ.*

Coss. M. Æmilio Lepido secundum, & C. Popilio Lænate, legati Demetrii venerunt Romam cum coronâ aureâ magni ponderis, & simul aduexere Leptinem, & Isocratem Octavianæ necis autorem & approbatorem. Senatus coronam recepit, dimisit reos, ut cum vellet de jure gentium violato statueret, neque tan-
tū

rum Demetrium, sed & Syriam in officio contineret.

Tum quoque Romam venit Attalus ab Eumene fratre missus, ut populo Romano faceret satis nomine fratris, cui veniam ab eodem propter singularem benevolentiam impetrauit. Neque ultra hoc tempus Eumenes vixit, regni que sui annum quadragesimum primum, relicto paruulo filio sibi cognomine, cuius tutelam Attalus, postulante patre, suscepit, seruauitque annis vno & viginti, tam gratus Romanis, quam Eumenes suspectus fuit; cui tuebasse semel in amicitiam populi Romani bello Macedonico, ultimam ferme perniciem intulit.

*Moritur
Eumenes,
Attalus
inter Eu-
menis ne-
potis sui.*

Ariarathes Rex Cappadocum, operam Demetrii Syriæ Regis à fratre Oropherne pellitur regno. Hic Orophernes adoptatus erat ab vxore Ariarathis sterili; sed cum ea postmodum peperisset, adoptiuus ob suspicionem insidiarum pulsus est regno. De qua historia certi aliquid statuere non licet; ita depugnantibus de illa scriptoribus, ut nequeant post tam diuturnum tempus conciliari.

*Turba in
Cappado-
cia electa
Ariarathe*

OLYMP. CLV. *Mundi* Urb. Cond. *ann. 4.* 3897. 597.

In Iudæa anno Græcorum 156. renouatum est bellum: Bacchidem enim impij sollicitarunt ut Ionatham insidiis interciperet. Itaque ad eum comprehendendum perrexit Syrus, & omnia disposuit ut hic in suas veniret manus. Verum Ionathas ex proditoribus quinquaginta interemit, fugitque in tutum locum Bethbessam agri Hiericontini, quem adeo diligenter communiit, ut non facile posset expugnari. Eo nihilominus venit cum copiis Bacchides. At Ionathas relicto Simone qui locum tueretur, militem cogit, & identidem inuadit Syrorum castra, ac viros primarios aliquot interimit. Simon aliunde frequenter erumpebat, & iam ma-

*Bacchi-
des Iona-
tham in-
uadi, &
eum co-
percutit
fædus.*

chinas oppugnantium incenderat. Ancipiti ergo hoste distractus Bacchides, pac. m. cum Ionatha fecit, impiosque Israëlitas, consultores malos interfecit; ipse regressus Antiochiam Iudæam magnâ ex parte liberam reliquit. Ionathas autem secessit Machmas, unde jus populo dixit, religionisque desertores sic excepit, ut exemplo suo saltem aliis non nocerent.

Ariarathes nihil obtinet Romæ.

Roma Consules habuit Sex. Iulium Cæsarem, & L. Aurelium Orestem, quibus Ariarathes Cappadox ejectus Regno venit in urbem, & venit fordidatus, ac eo habitu, qui causam eius peroraret. Sed Demetrius præmiserat legatum Miltiadem, Orophernes Timotheum; & Diogenem, qui miserum Regem mendaciis suis & calumniis obruerunt. Videtur tamen paulo post restitutus, ac rebus eius obscurissimis & turbatissimis à Senatu reddita lux, atque tranquillitas.

Bellum in Dalmatiam susceptum.

Tum quoque C. Fannius legatus missus in Dalmatiam omnia inimica retulit, oclusas paci inuentas aures, superbè responsum, nullum sibi hospitij signum, nullum humanitatis datum; insuper equos comitibus ademptos; se, ne vis adhiberetur, silentio discessisse. Itaque magna animorum consensione indictum Dalmatis bellum, quo etiam vicini terrentur, ne quid simile auderent. Quid autem tum Romæ fuerit pecuniæ in arario non est facile statuere; novies decies centies mille libras Turonicas fuisse quidam asserunt; nos certè quidquam pronunciare non audemus, quia hic Plinianorum codicum vacillat fides.

OLYMP. CLVI. Mundi Urb Cond.

ann. r.

3898.

398.

Bellum Dalmaticum malè inchoatum bene terminatum.

Consulibus L. Cornelio Lentulo, & C. Martio Figulo secundum, bellum Dalmaticum susceptum est; ac primo impetu repressus Figulus, adeo, ut copiarum eius fuga, fluio tantum Narone cohiberetur. Sed resumptis animis Roma-

RUS

nus Dalmatas oppressit, dissipatos, & eorum reliquias compulit in urbem Delminium unde regioni nomen. Urbis huius tam erant edita, tam firma mœnia, ut nec aquari vallo, nec labefactari machinis possent. Itaque Consul bicubitales iudes, pice, & sulphure cum stappâ illitas, in urbem spargendas curavit; quæ etiam accensæ motu, magnam perniciem ciuibus intulerunt. Hic est Figulus cuius filius vir consularissimus repulsam consulatus passus, postea se consulentem Populum acerbius repulit; neque tamen aut prensatione, aut intempestius suâ iracundiâ, hunc magistratum est unquam consecutus.

OLYMP. CLVI. *Mundi* Urb. Cond.

ann. 2. 3899. 599.

Consulatum huius anni gessere P. Cornelius Scipio Nasica secundum, & M. Marcellus item secundum: hic triumphasse dicitur, sed de quibus hostibus, non liquet; ille sine dubio de Dalmatis, cum ei se Delminium dedidisset. Scribitur tamen recusasse triumphum, & nomen Imperatoris, magna laude moderationis, quia Figuli laboribus usus erat, & alienæ messis fructum collegisse videbatur.

Marcelli singularis modestia.

Auditi sunt hoc anno legati Attali, Athenæus eius frater, & P. Lentulus ob Prusiæ viâ gloriam. Missi legati in Asiam, qui Prusiâ vi reuocarent. Excepti quoque Massiliensium legati, quos vexabant Ligures, illorumque urbes Nicæam, & Antipolim obsidebant. Missi Flaminius, Lænas, & Puppius experti sunt se ad barbaros legationem suscepisse.

Legatio à Rom. audita, & missa.

OLYMP. CLVI. *Mundi* Urb. Cond.

ann. 3. 3900. 600.

Creati sunt hoc anno Romæ Consules Q. Opimius, & L. Postumius Albinus. Postumio Lusitania sorte cecidit, ad quam dum proficiscitur inauspicato (nam in pluribus victimis percussu inuentum non erat) intra dies septem Ro-

Postumius Consul moritur.

mam relatus expirauit ; eique suffectus M. Acilius Glabrio magistratus , & expeditionis successor fuit .

Legati Rom. ab Oxybiis male tractantur. Opimio Liguria obuēnit, in qua bellum atrox licet breue, concitatum est. Legati Romanorum Æginitam in agrum Oxybiorum appulerant ; cum accepissent incolæ venisse eos ad impedendam duarum urbium obsidionem , vetant eos exscensionem facere . Flaminius jam expositis in littore sarcinis , vulneribus afficitur , ac direptis impedimentis prope semiuiuus à suis Massiliam deportatur ; vbi curatus est eâ diligentia quæ & Romanum , & amicum , & Legatum decebat .

Eos vici- scitur O- pimus. Opimius itaque eos aggredi iussus Æginitam vi capit & euertit , ciues eius vendit , autores seditionis vinclis graues Romam mittit . Oxybij & Deceatæ ita pugnarunt quasi veniam vitamque desperarent . Tandem plerisque cæsis, arbitrio se victoris reliqui permiserunt quibus adempta arma , agrietiam pars Massiliensibus contributa ; amicis , & hostibus factum satis .

Euergeti fauens Rom. & Cyprum ei donant. Tum Iunior Ptolemæus Euergetes Romam venit ostentansque cicatrices in insidiis acceptas , vulnere autorem Philometorem dixit . Itaque huius legati ne sunt auditi quidem , illi attributa Cyprus , permissumque Græcis ; & Asiaticis illum iuuare contra fratrem . Has plagas fortè acceperat ad Cyrenen, vbi victus erat , & vti Tyrannus expulsus ; præmium nihilominus vulnerum , quæ jure promeruerat , magnam insulam tulit .

Alexander Balas à Ro. scriptus. Pertinet ad hunc annum Heraclidis legatio adducentis filios Antiochi Epiphanis Alexandrum & sororem eius Laodicen , qui licet essent supposititij, atque nothi (erant enim filij concubinæ à quâ Alexander iste , ante Prompænes dictus , Veles vel Balas postea vocatus est) gratiam tamen inuenere in Senatu operâ huius

vetigatoris, cuius ingenio texta est Demetrio-
tela, quam disfluere non potuit.

Iisdem Consulibus gessere censuram M. Va-
lerius Messala, & C. Cassius Longinus, qui
autores fuere extruendi theatri ex lapide. Ve-
rùm intercessit sapienter P. Scipio Nasica, &
contra bonos mores docuit esse, spectaculis,
& otio certam ac stabilem Romæ stationem in-
ædificari.

*Theatro
repugnans
Nasica.*





LIBER VII.

SÆCVLVM MVNDI

TRIGESIMVM.

Ab anno mundi 3907. ad 4000.

CAPVT PRIMVM.

PRIMA DECAS.

Ab anno 3900. ad 3910.

OLYMP. CLVI. Mundi Urb. Cond.
ann 4. 3901. 601.

*Coff in
eunt ma-
gist-erū à
Kal. Iu-
nuari.*



Consules Q. Fulvius Nobilior, & T. Annius initium fecere magistratus ineundi à Kal. Ianuarij, cum antea ferè semper à Kalend. Martiis inciperent, ob bellum Celtibericum hoc anno inchoatum.

Hispania porrò obtigerat Fulvio, qui Segedæ urbis amplificandæ studium deicere conatus, contra Carum ducem pugnavit æquatis ferè damnis. Ce tiberi Caro mortuo Ambonem, & Leuconem duces crearunt, & Numantiam munierunt. Hos adortus Fulvius cum decem Elephantis Massinissæ, grandem accepit cladem, cuius causa bellum fuerunt; accepit & alia minutiora damna, quibus ab eo abalienatæ sunt vrbes, & inter reliquas Ocilis, ubi Romanorum commeatus, & pecuniæ; quare

infe-

*Fulvius
cladem
accepit ad
Numan-
tiam, &
perdit O-
cilim.*

infelix Fulvius rediit in hiberna, cladibus
quàm nomine Nobilior.

Neque in Lusitaniâ feliciter pugnatum; L. *In Lusitania quoque
&c. male
rem gerens.*
enim Mummius perduces suos clades accepit,
quas ipse emendare non potuit. Satisque fuit
Hispanis hoc anno Populo Romano ostendere,
cum ubique non esse victorem.

Benevolè suscepti sunt Romæ Attalus Eume- *Amicè su-
scripti At-
talus, &
Demetr.*
nis filius, & Demetrius filius Soteris; sed ma-
gnificè etiam Attalus, & urbibus Graciæ com-
mendatus; Demetrio & pueritia, & com meatu
parum splendidus nocuit.

Heraclides Patribus sibi conciliatis Senatus- *Heracli-
des pro
suo Alex-
andro de-
cretum ob-
tinet à
Pop. Ro.
Alexan-
der insur-
git in De-
metrium.*
consultum abstulit, in gratiam sui Alexandri.
Eo fretus militem scribit, ac sibi Epiphanis a-
micos adjungit. Populo Romano dissimulante,
cui discordia horum principum magis, quàm
pax ardebat. Alexon itum ergo Velem, vel
Balam, Heraclides deducit Ptolemaidem; ubi
statim receptus est à militibus qui Demetrium
oderant ob socordiam cum superbiâ conjun-
ctam. Demetrius ei resistere paratus; & conatur
sibi devincire Ionatham, remissis obsidibus. Hic
tum rediit Hierosolymam, urbem ordinavit, &
aptavit; fugere ex Arce Apostata, ac se mun-
itione Bethsuræ continuerunt. Aliunde Alexan-
der Ionathæ coronam, & purpuram cum Ponti-
ficatu obtulit; & in eum potius propendere lu-
dæi, à quo nihil acceperant damni, Demetrio
inens, quem acerbissimum hostem erant expect-
ti. Hic frustra promissis ingentibus eos retinere
conatus est; sed nimis multa, magnaue polli-
cebatur, ut huic haberetur fides.

*Ei Iona-
thas fau-
cet*

OLYMP CLVII. *Mundi* Urb. Cond.

ann. 1.

3902.

602.

Consulibus M. Claudio Marcello, & L. Va- *Marcellus
melius rem
in Hispania
gerit.*
lerio Flacco in Hispaniâ continuatum est bel-
lum. Marcellus Nobiliori successit, prudenter
que vitatis insidiis Ocilim ad deditionem com-
pulit. Et quoque se submittere sponte Nectobri-

ges,

ges, sed statim bello appetendi fuere; mox tamen iterum se subiecissent, & alios ad eamdem deditionem induxissent, quod Marcellus postularat; verum à Senatu est improbata illa pax, neque satis visa ex Romanâ dignitate.

*Lusitani
se dedunt
Atilio
mox rebel
lant.*

In Lusitaniâ successor Mummiij, M. Attilius 700. Lusitanos interemit, maximam eorum urbem cepit, & excidit, quibus reliqui territi se dediderunt. Sed cum mox se recepisset in hiberna, rebellant; adeò vt pacem fecissent tantum ad animos viresque colligendas viderentur.

*Prusias
cum Atta
lo pacisci
cogitur.*

In Asiâ Prusias per tres Romanos legatos duris satis conditionibus cum Attalo de pacisci compulsus est; sed quid aliud ageret, cum de eo statuerent jam arbitri pænè totius orbis terrarum?

*De bello
Pœnis in
ferendo
Ro. cun
ctantur.*

Non adeò se faciles præbuere Pœni. Cum enim Cato iis bellum denunciari vellet, peruicit sententia Scipionis Nasicæ, vt legati potius mitterentur. Ij componere pacem inter illos & Massinissam studuerunt, nec inhonestam Pœnis, Rege iis agrum controuersum credente, eam probabant sapientes quique; sed Gisco Amilcaris homo seditiosus ac potens, & præterâ armatus autoritate sui magistratus, populum concitauit; quare nihil propius factum quam vt Legati discerperentur. Qui nuncius Catonem affecit voluptate, quam temperauit eius filij mors in Præturâ. Is cum tenui sepulturâ, & pro sua paupertate, fortiter constanterque donauit, vir & diuitiis, & omni calamitate superior. Neque tamen ideo indictum Carthaginensibus bellum, sed denuo legati missi qui rem diligentius exquirerent, & viderent vtrum tempore sanati essent multitudinis concitatae motus, quibus nihil facilius excitari solet, nihil facilius quiescere, si ratione regantur.

*Catonis
filius mo
ritur.*

OLYMP. CLVII. *Mundæ* Vrb. Cond.

ann. 2.

3903.

603.

Conflixerunt hoc anno Demetrius, & Ale-

ex. 2.

xan.

xander Balæus vel vno, vel duobus præliis. In altero fortiter dimicans Demetrius interemptus victoriam, regnumque suum reliquit Alexandro. Is ut partum solium affinitate firmaret, petit à Philometore filiam suam Cleopatram, cuius nuptiæ Ptolemaide celebratæ sunt. Iis interfuit Ionathas indutus purpurâ, & Iudææ prorex constitutus, Regibus ac nouæ sponsæ acceptissimus. Quo aspectu territi impij Iudæi qui eum accusaturi conuenerant, statim diffugere, & de pœnâ potius suâ, quam de Ionathæ iudicio cogitarunt.

*Alex ader
vincit &
cædit De-
metrium.*

*Ionathas
amicè ex-
ceptus ab
Alex.*

Romæ Consules L. Licinius Lucullus, & A. Postumius Albinus militem acerbiori conquisitione scribebant; inde sunt concitatæ turbæ, inter quas Tribunorum plebis iussu tantum non in carcerem detrusi sunt. Milites enim abhorrebant ab Hispanico bello, quia Nobilioris milites de eo formidolosâ referebant, & mendaciis suam excusabant ignauiam. Marcellus quamquam nihil timeret, tamen ut triumphum obtineret, timere videbatur. Cum ergo belli omnes munera defugerent, P. Scipio Æmilianus obtulit se sponte, & sua fortitudine magistratum sollicitudinem leuauit, tum exscindendæ Numantiæ candidatus.

*Rom. mi-
lites refu-
giunt His-
panicum
belli m.*

Dum autem Lucullus festinat in Celtiberos, Marcellus prudentiâ suâ bello finem imponit, facitq; ut populi fortissimi sua omnia eius arbitrio permitterent, quod neque recusauere Numantini. Ita videtur de iis triumphasse, cum ter triumphum egisse scribatur. Idem, sed quo tempore nescitur, paulò ante Punicum tertium bellum naufragio ad Africam periit; Romanis carus, & adhuc Celtiberis acceptior quorum cædes inhibuerat, si consiliis eius sequentes Imperatores acquieuisent.

*Marcellus
belli Cel-
tibericum
componit.
Ociit nau-
fragio.*

Lucullus inops & superbus, quærebat vnde sibi gloriam, nummosque conficeret; itaque Vaccæos innoxios aggreditur, sine autoritate Senatus.

*Lucullus
belli reno-
uat.*

*Scipio
Barbarū
ex prou-
actione
cedit.*

natus. Cumque eorum urbem Caucam dedi-
tione accepisset, receptis centum talentis, &
obsidibus, eam ingressus, contra pacta scēdē de-
populatu est cum ingenti non tantum suo, sed
& Populi Romani dedecore. Ad Intercatiam res
melius proc. ssit; nam Scipio Barbarum Roma-
nos omnes ad singulare certamen prouocantem
interemit, & Intercatios qui se dediderant for-
titudine suā incolumes præstitit. Pallantium
item Lucullus obsedit; à quā re infectā disce-
dere compulsus, at in Turdetaniam profectus
multos Lusitanos cecidit, multos cepit. Sic à
Romanis spargebatur bellum, non finiebatur,
Lucullus non Populo Romano, sed sibi prælia-
batur.

*Galba
perfidē
caus. ho-
stem.*

At Galba Prætor, Atilij successor, dum audis
pugnæ, atque prædæ cum milite fatigato pugnat,
septem millia suorum amisit: at fraude, seu ve-
rius perfidiā, aboleuit ignominiam. Cum enim
hostes ad eum legatos de fœdere misissent, ille
iis regionem opimam pollicitus est, si se autore
demigrare vellent. Cum acquieuisent miseri,
in tres turmas distributos, ut facilius irent,
omnes concidit, Deorum hominumque fidem
implorantes. Pauci tamen effugerunt, inter
quos Viriathus; qui perfidiosam hanc cladem
multo sanguine Romano vindicauit, ostendit-
que se fortitudine Romanis nonnumquam pa-
rem, calliditate semper superiorem. Galba au-
tem ditissimus, & avarissimus in iudicium tra-
ctus, accusante etiam Catone, ex iudicium mā-
nibus pennis aureis euolauit, ostenditque Romæ
nocentem futurum neminem, qui sibi ac suis
iudiciis prædatus esset.

*Viriathus
fugit.*

*Galba ac-
cusatus
absoluitur.*

*Leniē fe-
finare ad
le. lū Pn
nicū Ro.*

Tum quoque Gulussa Massinissæ filius renun-
ciauit classem, & exercitum à Pœnis parari,
bellum omnium votis expeti: rursusque autore
Nasica missi legati, qui certiora referrent ne
hosti tantum Carthaginensium fides habita vi-
deretur. Sic ad bellum tanti momenti lentō
festi-

festinandum Romani sapienter putauere.

OLYMP. CLVII. *Mundi* Urb. Cond.
ann. 3. 3904. 604.

Macedonia turbata est ab Andrisco quodam Adramyteno, qui se Philippum Persei filium mentiebatur. Cum in Macedonia reciperetur à nemine, fugit in Syriam ad Demetrium; sed ab eo captus, Romam missus est. Verum per contemptum dimissus, rediit in Macedoniam, collectoque ex Thracibus exercitu, negotij multum Romanis exhibuit, neque se contemnendum fuisse, factis ostendit.

*Andiscus
se Philip-
pum men-
titur.*

Consulatum huius anni inierunt L. Quinctius Flaminius, & M. Acilius Balbus, quando Celtibericum bellum quasi jam sopitum Viriathi virtute, & industriâ renouatum est. Connenerant Hispanorum decem millia, qui Turdetaniam incursionibus vastabant. In eos processit C. Vetilius Prætor, pabulatores illos vicit, deinde in angustum compulit locum, ubi deditio facienda, aut pereundum fame. Viriathus eorum vnus illam fieri prohibuit, objecta suis commitionibus Galbæ, Lucullique perfidiâ. Quare statim ab omnibus Dux electus, mille equites optimos elegit, reliquos variis itineribus Tribolam equis consensu confugere jubet, quos mox ipse secuturus esset. Non est ausus Prætor dissipatos insequi, maximè cum ei immineret Viriathus cum lectissimo globo. Cæteris dilapsis, ipse demum, postquam variis cursibus, ac recursibus Romanos delusisset, Tribolam venit, atque ita incolumen præstitit exercitum. Pergit ad eum Vetilius; sed in itinere inuenit structas insidias, in quibus cum quatuor suorum millibus, incognitus interiit; alij tamen capti, & gladio casum volunt extra pugnam. Vetilij Quæstor fugitiuos recepit, misitque Viriatho obuiam si ciorum quinque millia, quos ille sic deleuit, vt ne nuncius quidem cladis superesset.

*Viriathus
renouat
bellū Cel-
tibericum.*

Romani

Romani ergo sese vrbibus continere coacti sunt donec auxilia submitterentur C. Plancio duce: verum paulò tardiora, quàm Romana dignitas, atque potentia flagitarent.

Legati Carthagine redeunt cum Gulsâ, nunciantque se hic vidisse classem cum exercitu. Tum fides in Senatum tulisse dicitur Cato, vt Patres accenderet; sed prævaluit Nasica decretumque abstinere bello, si classis exureretur. Bellum interea gestum inter Massinissam & Carthaginienses à Boëtarcho Asdrubale, qui post aliquot velitationes, in locum iniquum compulsus, præsentem Scipione, iniquissimis conditionibus sese cum suis dedit. Qui cum abirent inermes, & à Numidico equitatu assidue carperentur, quinquaginta octo millia (paucis cum Asdrubale fugâ, elapsis) ferro, aut inediâ periere.

OLYMP. CLVII. *Mundi Vrb. Cond.*

ann. 4. 3905. 605.

*Andrisens
Rom. vin-
citur.*

Romani permoti Andriseci successibus miserunt in Græciam Nasicam, qui tumultus illos autoritate suâ compescere conaretur. Sed præterea missus P. Iuuentius cum copiis, aduersus Regem illum Theatralem. At hic Prætorem aggressus & interemit, & ex eius copiis omnes, nisi quos gladio victoris nox eripuit: magnâ Romani nominis infamiâ, victam esse gentem cui Alexandri successores pares non fuissent, & victam ab eo qui nihil Regis præter nomen haberet, & audaciam.

*Viriathus
v. Hispani-
cam eri-
git.*

In Hispaniâ Viriathus C. Plancium Prætorem semel iterumque vicit, ac in sua hiberna frigidum compulit. Tum in aliam Hispaniæ partem transgressus cum Quintio primum iniquo Marte, deinde feliciori confligit, atque utrobique rem Hispanam erexit, Romanam afflixit.

*T E R.
T I V M
B E L.
L V M
P V N I.
C V M.*

Consulibus L. Marcio Censorino, & M. Manilio

nilio inchoatum est TERTIVM BELLVM PV-
NICVM, Carthaginis excidio terminatum; ei-
que ambo Consules præfecti vt hic pedestribus,
ille naualibus copiis imperaret. Tum autem
Pœni afflicti clade à Massinissâ sibi allatâ, modis
omnibus Romanorum animos demulcere conati
sunt, negantes publico consilio gestum esse
bellum in socios Populi Romani, sed à priuatis,
qui iam exilio mulctati essent. Cum res fluctua-
ret, & agrè Romani plenum periculi suscipe-
rent bellum, eos iam nutantes impulit Vticen-
sium deditio, tam Romanis utilis, quàm Car-
thaginensibus perniciofa. Itaque hi quasi de-
positis rebus suis legatos cum summa potestate
miserunt Romam, qui quàm possent honestis
conditionibus, & minùs grauibz deciderent.
Sed iam peruenerant in Africam sub utroque
Consule octoginta peditum, equitum quatuor
millia multis ad id bellum tam utile, quàm
gloriosum, properantibus. Itaque legati Pœni
se suaque omnia arbitrio Populi Romani permi-
serunt. Laudati sunt à Patribz qui polliciti sunt
agrum suum, leges, libertatem, eâ lege vt 300.
obsides principum ciuitatis liberos, intra tri-
ginta dies Lilybæum mitterent, & facerent quæ
Consules imperassent. Obsides statim missi, le-
gati veniunt Vticam imperia Censorini Consulis
excepturi. Hic arma omnia tradi iussit, & in-
cendi naues: vtrumque, agrè licet, peractum,
arma de uicta plaustris, classis incensa, gementi-
bus omnibus. His exhaustis iussionibus, aliam
superesse addidit Consul, vt quo vellent loco à
mari octoginta stadiis remoto, urbem suam
transferrent; eo loco stare Carthaginem, maris
speculam Senatui non placere. Hic miserrimi
ciues atque in ultimam perturbationem adducti,
vociferari se proditos à Romanis atque suis, le-
gatos suos discerpere, Italos ad supplicia rapere,
præstare omnia quæ sanatici solent atque despe-
rati. Vbi non nihil deferbuit furor; serui vocan-
tur

*Pœni se
arbitrio
Populi
R. dedunt*

*Intentur
Pœni da-
re obsides,
arma de-
ferre, clas-
sem incen-
dere.*

*Urbem suâ
dirigere.*

*Statuunt
potius om-
nia expe-
riri.*

tur ad militiam, arma vbique producuntur, mulieribus etiam crines suos ad machinarum funes sufficientibus; accersitus denique Asdrubal Massinissæ ex filia nepos, hic t exul, cum suis viginti millibus armatorum. Romani autem quicquid tantisper, donec Pœni ad se rediissent; vbi crescere furorem vident verberant muros; sed vnde ita repelluntur, vt intelligerent non esse facilem Carthaginis expugnationem. Adhæc Himilco eorum naues, scaphis ardentibus secundo vento immixtis, incendit. Quibus facti animosiores oppidani obsessi eruperunt, absente Comitiorum causa Censorino, & Manilij castra cepissent, nisi eos Scipio cum equitatu in urbem repulisset, quod iterum præstitit dum naualia conati sunt inflammare, quæ fortitudo magnam illi apud hostes laudem, magnam apud suos benevolentiam comparauit; Aliunde Himilco equitum præfectus obsidentibus multas intulit clades; & Asdrubal Manilium in iniqua loca compulsum fermè oppressit; quibus Romani demiserunt animos, vt Carthaginenses extulerunt.

OLYMP. CLVIII. *Mundi Urb Cond.*

ann.

3905.

606.

*Demetrius
in Syria
tarbat.*

In Syriâ Demetrius filius Demetrii Soteris turbas concitauit. Miserat eum pater in insulam Cretam ad Lathenem apud quem educabatur; excitatus autem à nutritio suo, & socioriâ Alexandri Balæi inter scorta turpiter ætatem conterentis, milite Cretensi stipatus in Ciliciam venit, vnde ab Antiochenis, nouarum rerum semper cupidus, euocatus est. In Cælesyrie ducem Apollonium constituit, qui Ionatam bis aggressus, bis superatus est; quando idem Ionathas Ioppen ad deditionem compulit, Ascalonem, & Azotum cepit, succenditque sanum Dagonis; quâ in expeditione tam ferro quam incendio Apollonius octo millia suorum perdidit. Ideoque Ionathas ab Alexandro aureâ fibulâ,

*Ionathas
bis Apol-
loniũ vin-
cit.*

lâ, seu torque donatus est, quod erat rum insignie cognatorum regis; factumque fortitudinis insignie, quod antea tantum sanguinis erat.

Massinissa æger Scipionem Æmilianum autum amicum euocat, ut in eius complexu animum reddat, & de eius regno, ac liberis statuât. Missus illic Scipio à Consule Manilio, inuenit eum mortuum, sed suis omnibus relictis in arbitrio Scipionis, cuius voluntas pro testamento liberis esset. Nonagenario maior obiit, viribus tamen adhuc firmis, & equitans de more gentis. Suscepisse scribitur ex variis vxoribus liberos quinquaginta quatuor, quorum decem reliquit viuos. Spuriis Scipio munera dedit, legitimorum autem natu maximo Micipsæ regia insignia cum vrbe regiâ Cythâ, Gulussæ arma, Mastanabali viro litterato iurisdicundi potestatem. Ita mortuus est Massinissa vir p'ânè fortis & scëlix, Romanorum primùm hostis, deinde constans amicus, ac fautor, & cui hoc vnum defuit, aut Carthaginem excisam, aut eius saltem expugnatorem videre.

*Massinissa
Scipionem
ad se vocat, & moritur.*

Scipio in castra Manilij redux cum Gulussâ in suas partes traduxit Himilconem cognomento Phameam, cum suis militibus: quæ de e-ctio multum Romanis profuit, sine dubio penitus profligandis, si in conflictu cum Asdrubale inito, qui malè Manilio cessit, Phameas cum suis equitibus adfuisset. Præterea idem cum Gulussa & Scipione, comæatus copiam intulit in castra, quo Romani caruissent. Nihilominus Scipionem cum Phamea mox Romam misit: illi abeunti Consulatum miles apprecatus est, huic Romam appulso & multa Senatus dedit, & plura, maioraque promisit.

*Scipio in
Rom. partes
Himilconem
trahit.*

Romæ Consules creati Spurius Postumius Albinus, & L. Calpurnius Piso: huic Africa commissa cum L. Mancino classis præfecto; qui tamen non sunt ausi tentare Asdrubalem, aut Carthaginem, sed bellum per oppida Punica
cir-

*Consules
novi Car-
thaginem
attingere
non audere*

circumtulcrunt. A Clypeâ repulsi sunt: Neapolim cepere; ad Hippogretam (quidam Hipponem vocant) mediam inter Vticam, & Carthaginem tota æstate nequicquam steterunt; quando & quidam Numidæ à Romanis & Gulsis defecere, liberique Massinissæ visi sunt explorare, quam in partem se belli huius fortuna daret, eam secuturi.

*Andriscus
Rom. ii.
mendus.*

Q. Cæcilius Metellus Prætor in Macedoniam mouit: hic cum suas copias ineptissimè bifariam diuississet, nullo labore victus est. Voluit & reparare exercitum, sed proditus à Byzo Thrace pœnas dedit amentix suæ, ac temeritatis. Idem Metellus alium Alexandrum se Pertei filium mentientem, ad Dardanos vsque insegurus est. Tum quoque semina jacta sunt belli Achaici, cum in Græciam missi legati, quorum princeps erat Aurelius vitæ periculum adiissent; adeo nothus ille Macedonum Rex Andriscus Græcos efferarat.

*Achai
Ro. sper-
nunt.*

Missi sunt ergo legati qui eos emollirent Fannius, Gabinius, Papyrius, & qui Lacedæmonios & Corinthum à cætu Achæorum separare niterentur, quia societas illa Romanis incutiebatur metum. Sed Achæi, præsentibus legatis Romanis, Spartanos in vincula coniecerunt; Bæotos, grandi pecuniâ damnatos à Metello, in belli societatem adsciuerunt constituto sibi duce Critolao; qui contemptus atque defectio, Corinthi euersione mulctata sunt.

*Vitii à
Viriatho
Romani.*

In Hispania C. Plantio successit Claudius Vnimanus, cuius exercitum pœne ad interuersionem deleuit Viriathus. Hic trophæa sua Romanorum trabeis, & fascibus illustrauit, ut eorum infamia ac dedecus eminens videretur.

*Nascitur
Lucilius.*

Hoc anno natus creditur Lucilius Poëta Patricius Auruncanus, primus Satyræ Latinæ scriptor, quæ hæc tempora, propter corruptos mores, indiguerunt.

OLYMP CLVIII. *Mundi* Urb. Cond.
ann.2. 3907. 607.

Pertinere videtur ad hæc tempora controuersia Alexandria excitata inter Iudæos, & Samaritanos coram Philometore pœnâ mortis propositâ huic parti quæ lite cecidisset. Quærebatur vtrum esset legitimum templum Hierosolymitanum, an Garizitanum, hoc propugnabant Sabbæus, & Theodosius, illud Andronius. Victoria Iudæo cessit; res visa est clarior, quam ut caderet in controuersiam.

*Lis inter
Iudæos &
Samaritanos in
Ægypto.*

Ptolemæus Philometor quasi suppetias laturus Alexandro genero suo in Syriam venit cum luculento exercitu, & honorificè in omnibus urbibus susceptus, præsidium ijs Ægyptiacum imposuit. Occurrit ei quoque Ionathas ad fluuium Eleutherum, cum magnifico apparatu, ideoque benignè susceptus est à Rege. Cum demùm Philometor Seleuciam peruenisset ostendit quo sua spectarent consilia: vnde Alexander cum per Ammonium amicum suum Ptolemaide curauit interficiendum, irrito tamen conatu, Quare Ptolemæus, ei filiam eripuit suam, eamque obtulit Demetrio, patri suo filiam, quam maritis uxorem accommodatiorem.

Philometor Syriam occupat, & Alex. filiam suam eripit.

Romæ lecti Consules P. Cornelius Scipio Æmilianus, & C. Iulius Drusus; & Scipioni à Populo Africa sine sorte data, solutusque lege anni Consularis, quâ erat decennario minor, tantumque prensabat Aedilitatem; sed obicem huius magistratus res præclaræ eius gestæ perfringere. Vbi primùm venit in Africam Scipio Mancinum circumclusum cum 3500. eripuit certissimæ neci, eumque remisit Romam, Serano ei substituto. Tum accessit ad Carthaginem, vbi Asdrubal ut suis adimeret pacis voluntatem, Romanos captiuos, in Romanorum oculis pro mœnibus crudeliter enecauit. Deinde grandibus saxis Scipio portum occlusit: at Pœni mox alium portum effoderunt, & ex domibus euer-

*Consuli
Scipioni
commissum
est bellum
Punicum.*

*Oppida
vicina ca-
pit Scipio*

lis construxerunt naues; itaque certatum pugna
nauali, pari vtrimque damno. Sed aggerem
mox occupauit Scipio vnde urbem machinis,
quateret, vbi certatum obstinatissime, machinis
etiam Romanorum quibusdam incensis; verum
tandem hunc locum 4. armatorum millia occu-
parunt, vnde in urbem machinis & jaculis con-
tinuò propè jactu sœuit. Occupauit mox & vi-
cinam urbem Nephirim, vnde commeatus suffi-
ciebatur vrbi, vbi incredibilem hominum mul-
titudinem occidit, aut cepit; & reliqua inde
oppida compulit ad deditiōem. Quibus rebus
gestis prælusit ad Carthaginis excidium.

*Romani
in Hispani-
a v. c. l. i.*

Viriathus in Hispaniâ C. Migidium Vniman-
i successorem pariter oppressit; nouique Præto-
res Romani, totidem erant huius Prædonis
triumphi.

OLYMP. CLVIII. *Mundi* Urb. Cond.
ann. 3. 3908. 608.

*Ceditur
Alexan-
dervictus,
moriatur
Philome-
tor.*

Alexander Bala cum paucis copiis occurrit
Philometori: certatum vtrimque fortiter, nu-
meroque tantum Ptolemæus superior fuit. Fugit
ergo victus in Arabiam, vt à Zebdiele Dynastâ
defenderetur; sed proditor amicū Regem, &
hospitem interemit, eiusque caput ad Ptole-
mæum misit. Neque sœlicius Philometori cessit
expeditio; nam excussus equo, & grauitè in
capite sauci, paulò post obiit, viso Alexan-
dri capite cum ingenti voluptate, ex quâ in-
ferri putatur, dum ei medici terebrâ caput ape-
rissent: homo luxuriâ marcidus, & indignus
qui inter viros bellatores ex vulnere moreretur.
Sic etiam Alexander, per fraudem occupati re-
gi, pœnas dedit, quod etiam perdidit, ante-
quam morte desungeretur, quo indignus erat
ob genus, ob turpissimos mores indignior.

*Succedit
Philome-
tori Euer-
getes seu
Phyſcon.*

Philometori successit frater eius Euergetes
Phyſcon seu Ventriosus, ab aqualiculo, seu ven-
tre prominente sic dictus; item ab aliis Philo-
logus, ab Alexandrinis Cacergetes. Alexandri
item

item occupauit solium Demetrius cognomento Nicator (non autem Nicanor , vt aliqui scribunt) dignus vterque qui inter tumultus ad regna promoueretur .

*Demetrius
Nicanor
Syriam
obtinere .*

Consulibus L. Cornelio Lentulo, est L. Mummius , prorogatum est Scipioni in Africâ imperium. Primo vere hic in Carthaginiense forum irrupit ; inde in Byrsam ascendere per tecta conatus est, nouas sibi per tecta molitus vias, dum infra obuij quique jugulabantur . Templum Apollinis tunc direptum , tam diues , vt præda eius fuerit mille talentum ; erat enim fastigium eius obductum laminis aureis. Tandem septimo die Arx se dedit , ac mulierum viginti quinque, virorum triginta millia : transfuge in templum Æsculapij cum Asdrubale se receperunt, ynde & in summam eius crepidinem paulo post ascendere, ac se defendere, donec Asdrubal sese Scipioni dederet . Eius vxor animosior , secuta transfugas in eius conspectu, liberis occisis, Scipioni bene precata, se cum iis in subiectos ignes coniecit ; transfugæ quoque incenso templo se cremauerunt . Vrbs incensa , diruta , permixti- que mortuis viuentes, spirantes extinctis, omnes equorum ungulis , aut fossorum lignonibus tam triste spectaculum exhibuerunt , vt ipsi qui hæc imperabat , lacrymas eliceret Scipioni : prædæ pars incensa , pars seposita reddita est Siculis, vicinisque populis quibus erepta fuerat , restituta . Deinceps ordinata est per decem legatos Prouincia ; Scipio ad magnificentissimum triumphum venit, cohonestatus nomine Africani ; quod cum hæreditarium acceperisset , proprium sibi effecit fortitudine, auo suo tantum tempore inferior .

*Scipio
Carthagi-
nem capto
Æsculapi-
dis .*

*Scipio
triumphat*

Bellum Achaicum demandatum est Metello Prætori , qui Macedoniam administrabat , ei prorogato in omnem Græciam , extensoque imperio . Is ad Thermopylas primum feliciter conflixit , & Achæos iunctos Bæotiis , & Chal-

*Bellum
Achaicum
Metello
mandatum .*

*Mummius
Cons. in
Achaiam
mittitur.*

*Corinthi
capit.*

*Æ. Co-
rinthium
quid?*

cidentibus profligauit; quando & victus Crito-
laüs Dux sibi consciuit necem. Ei tamen suc-
cessit Diæus collectoque ex Arcadiâ milite, re-
parauit bellum. Itaque Lucium Mummiū
Consulem cum nouis copiis eò Senatus misit.
Is principio re parum feliciter cum Dizo gestâ,
eundem postea profligauit, & ad mortem com-
pulsit. Diæus enim rem Achaicam restituere de-
sperans, domum suam incendit, vxorem à se
casam in ignes mittit, ipse venenum haurit bis
parricida. Corinthij hoc ter riti spectaculo suam
vrbem deseruerunt, quam Consul ex Senatus-
consulto exscidit, & inflammauit, quia in eâ
legati fuerant violati. Vtrum ex metallis tum
confluentibus natum sit æs Corinthiacum, pu-
tauerunt aliqui, alij doctius negauerunt. Omnia
huius vrbs donaria, tabulæ, statuæ, arma elata.
Ita alter Græciæ oculus effusus, quæ jampridem
cæca præcipitabat in ruinam. Dirutæ quoque
sunt eodem tempore Thebæ ac Chalcis auxilia-
trices vrbes. Mummijs pater ad Achaiam ordi-
nandam missus, Achæos omnes liberos iussit
esse, Corinthios tamen omnes sub coronâ ven-
didit; ad eò altè Ro. animis legatorum infidebat
contumelia, vt non tantum suam, sed & publi-
cam totiùs orbis terrarum, cuius se dominos ap-
pellabant, existimarent injuriam.

OLYMP. CLVIII. Mundi Urb. Cond.

ann. 4.

3909.

609.

*Jonathas
neceps
Demetrio.*

Jonathas, inter hos tumultus Regum Syriæ,
rem suam promouere nititur, & Hierosolymi-
tanam Arcem expugnare. Præfidiarij petunt sibi
auxilium à Demetrio; hic ad se Ionatham ve-
nisse jubet Ptolemaidem, & perhumaniter ac-
cipit. Soluta tamen Arcis obsidio, tum quia dif-
ficilis, tum quia non probabatur à Rege. His
compositis rebus Demetrius militem vetera-
num dimittit, tantumque retinet peregrinum.
Veteranis copiis præerat Tryphon, qui ex auto-
ratum se molestissimè tulit, perrexitque in Ara-
biam,

biam, ac suavit Emalcueli Arabi, nutritio pueruli Antiochi (qui Philopator, & Θεοφιλέτης est) filij Alexandri Balæ, dare hunc sibi regno paterno restituendum, quod magnos in Syriam concitauit motus.

Interea Demetrius graui quoque Antiochenorum seditione vexatus est. Is confugit ad Ionatham, à quo tria millia Iudæorum accepit. Cum ergo Rex in arcem confugisset, Iudæi irruentes Antiochenos fortiter exceperunt, eorum centum millia trucidarunt, succensaque urbis parte, spoliis locupletes in patriam suam redierunt. Verum perfusus periculo Rex ingratus Ionatham contempsit, factas ei promissiones elusit, illaturus bellum, nisi Tryphon impedisset. Is enim Antiocho Rege Syriæ coronato, Demetrium fugauit in Ciliciam, obtinuit Antiochiam, & pepigit fœdus cum Ionatha, quem cum Simone fratre constituit ducem Palestine. Hac occasione vsus Pontifex Bethsaram munitissimam per Simonem occupauit, ac Duces Demetrii, in agro Azor, paucis instructus copiis cecidit, fugauitque; ita denique Iudæam constituit, vt omnino jam sui juris esse videretur.

*Iunat Demetrium
Ionathas
Antiochia*

*Tryphon
Antiochia
opponit
Demetrio.*

*Ionathas
rem suam
gerit.*

Celebris quoque est hic annus. renouato fœdere Ionathæ cum Romanis & Spartanis, quorum hoc erat honestum, illud etiam Iudæorum rebus adhuc fluctuantibus necessarium.

*Ionathas
cum Ro.
renouat
fœdus.*

In Hispania C. Lælius Prætor cognomento Sapiens, qui in Africa cum Scipione amico suo militarat, Viriathum ita fregit, vt eius edomaret ferociam, & bellum Celtibericum secuturis Prætoribus expediret. Is antequam in Prouinciam veniret suam, rogationem dissuaserat quâ nonnulli Sacerdotum electionem à collegis ad Populum transferre nitebantur. At ille sapienter ostendit nullos melius statuere posse de Sacerdotij candidatis, quàm qui Sacerdotium profiterentur.

*Lælius Vi-
riathum
vincit, &
Celtiberos
abiicit.*

*Fabii
comitas.* Consules hujus anni fuere Q. Fabius Maximus Æmilianus, & L. Hostilius Mancinus. Fabius erat filius Pauli Æmilij, Scipionis frater, qui obtinuit hanc dignitatem comitate sua; cujus repulsam passus est Q. Cæcilius Metellus; quia ut sibi debitam arrogabat.

*Fabius
emendat
militarem
disciplinā.* Hic Fabius Consul oppositus Viriatho, & parcens veteranis jam diuturno bello fatigatis, duas tironum legiones secum deduxit, has diligenter exercuit, correxitque autoritate consulari jam laxatam militarem disciplinam: neque prius est congressus cum Viriatho, quod hic urgebat, nisi paratissimum ad prælia militem haberet, ac dignum qui legionarius exercitus diceretur.

*Mummii
triumphus.* Cadit & in hunc annum L. Mummij de Achaia, & deleta Corintho triumphus, quo stans & tabellistotam impleuit Italiam, nihil sibi de tot exquisitis ornamentis retinens, siue ex animi moderatione, siue quia rudis erat ingenio, ac imperitus harum æstimator; siquidem conducentibus eas Romam devehendas prædici jubebat per præconem, novas reddituros, si antiquas perdidissent.

OLYMP. CLIX. *Mundi* Urb. Cond.

ann. 1.

3910.

610.

*Ionathas
Hierosoly-
mā munit.* Demetrianos iterum Ionathas fugere compellit metu territos ad Epiphaniam. Vincit & Zabudæos Arabas, ex rapto vivere solitos; dum Ioppen ad Demetrium inclinantem Simon frater retinet. Quibus confectis aggreditur muros Hierosolymitanos, ne sancta ciuitas, Syrorum semper incursionibus pateret. Tum quoque Iudæi rescribere ad fratres suos in Ægyptum, & inuitarunteos ad celebritatem mensis Casleu, qua die templum à Iuda instauratum erat, & Antiochi sordibus repurgatum. Hastenus omnia Ionathæ fluébant ex voto, sed hanc felicitatem Tryphonis improbitas abruptit. Cum enim Tryphon iste exuere regno pupillum suum de-

*Tryphon
Ionatham
capit.*

cre-

creuisset, sibi veritus à Ionathâ viro forti, & iniquitatis inimico, cum Scythopolim inuitauit. Adiuit hic sed cum quadraginta hominum millibus. Quibus perterritus Tryphon, qui statuerat vi agere, cum dolo perdere statuit; suadet ei dimittere exercitum, & cum paucis venire Ptolemaidem, quam ei traditurus erat. Remittit copias suas Ionathas imprudentissime, missis tantum duobus millibus in Galilæam, ipse mille stipatus cum Tryphone Ptolemaidem ingreditur. Verum statim, clausis portis, datus est in vincula; comites eius cæsi, missique equites qui bis mille in Galilæam dimissos cæderent. At ij admoniti de periculo suo ita se paratos ad vltionem commilitonum suorum, & prælium ostenderunt, vt visi sint omittendi tanquam desperati, & quorum à partibus, propter audaciam, stare posset victoria.

Romæ Consules Seruius Sulpitius Galba, & L. Aurelius Cotta non sunt in Hispaniam missi, quia huic omnia deerant; illi nihil satis erat. Continuata ergo Fabio præfectura qui Virathum vicit, ac fugere compulit. Tumque ostendit Romanos milites inuictos esse, cum militarem disciplinam, à maioribus acceptam, seruarent.

Coss. Romæ resti.

C A P V T I I.

D E C A S S E C V N D A.

Ab anno 3910. ad 3920.

OLYMP. CLIX. Mundi Urb. Cond.
ann. 2. 3911. 611.

Vbi respirare Iudæi cœperunt Simonem Ionathæ loco Pontificem esse voluerunt, ac ducem. Tryphon enim collegerat exercitum, vt Mattathiæ reliquum germen tolleret, siquæ Iudæis, quod excusserant jugum, repone-

*Simon
sufficitur
loco Ionathæ.*

ret . At Simon ita disposuit omnia, vt Tryphon sibi potiùs dolo quàm vi , agendum censeret . Habebat hic in vinculis Ionatham, quem dimittere spondet, sicutum talenta fisco debita persoluantur , & duo filij Ionathæ obfides offerantur . Præuidebat Simon fraudem; veritus tamen maledicorum linguas, pecuniam, & obfides misit . Verùm perfidus Tryphon retinuit omnia , ac paulò post in oppido Bascaman Ionathan, & filios eius interemit, quorum corpora ad sepulturam non negavit , eaque magnificentissimo funere elata sunt, solatio Simonis tristissimo, sed hoc tempore necessario .

*Ionathas
cum filiis
reditur .*

*Claudius
triumphat
propriis
sumptibus.*

Consulatum Romæ gessere Appius Claudius , & Q. Cæcilius Metellus . Claudius aduersus Sallastos bellum gessit , cladibus aliquot illatis , & acceptis . Itaque eum ei negaretur triumphus , priuatis sumptibus triumphare instituit . Sed eum in ipsa pompâ Tribunus plebis de curru detrahare conatus est ; fecissetque nisi Quintiæ Claudia Virgo Vestalis soror eius (aut vt voluit alij filia) sese interposuisset . Hæc detrahi fratrem de curru passa non est, neque est ausus Tribunus plebis obistere ; tanta erat Romæ virginum sacrarum reuerentia . Tumque dubitatum quis plus gloriæ retulerit , quibusdam fratrem in Capitolium , quibusdam sororem in Aedem Vestæ deducantibus .

*Viriathus
bellum re-
nouat.*

In Celtiberiâ Viriathus cum Quintio Præto- re signa contulit , & victus Montem Veneris repetiit : inde iterum in Romanos conuersus , eorum mille cecidit, aliquot eripuit signa, reliquos in castra computit . Tum Itucæ præsidium deiecit, & Bastitanorum regionem depopulatus est , Quintio Itucæ incluso, & C. Marcium, per eruptiones emitente . Quare Metellus Consul eò venire compulsus est, vbi aliquot seueritatis, aliquot humanitatis exempla edidit , quibus & fortio- rem militem reddidit , & hostem ad recipiendos amicè Romanos paratorem .

Hoc

OLYMP. CLIX. *Mundi* Urb. Cond.

ann 3.

3912.

612.

Hoc anno Simon Gazam quæ mortuo Ionathâ rebellarat obsedit, & machinis acerrimè verberatam, ad deditionem compulit. Hanc purgatam idolis, & seditiosis, elegit sibi sedem, utpote ad bella peropportunam. Arx quoque Sionis, post triennij obsidionem, fame compulsa se dedit. Quare in ea deinceps habitavit Simon, Gazâ filio suo Ioanni bellicorum negotiorum præfecto relicta; quia sic belli rationes, & pacis exigebant.

*Simon
Gazam
& arcem
Sionis ea-
pir.*

Censuram gesserunt Romæ P. Cornelius Scipio Africanus Aemilianus, & L. Mummius Achaicus, ex æquo moderati; ac fortes: Lustrum exhibuit Romanorum civium 328342. Consulatum inierunt L. Cæcilius Metellus, & Q. Fabius Maximus Seruilianus. Hic in Celtiberiam profectus cum 16. millibus peditum & equitibus mille sexcentis, additis à Micipsâ elephantis decem, & 300 equitibus: his fretus copiis primùm sustinuit fortiter Viriathum, mox & repulit; sed dum eum sequitur turbatis ordinibus, tria millia suorum amisit, & in castra repulsus, ea potius noctis beneficio, quàm virtute militum defendit. Tandem remigrare Itucam coactus, paulò post in Bæturiam, translato bello, quinque oppida, quæ hostis fuerant, diripuit, & Cuneos hyematurus venit, victori quam victo propior.

*Censores
Scipio &
Mummius.*

*Seruilianus male
rem in
Hispania
gerit.*

Metellus in alterâ parte Hispaniæ se egregiè gessit, & maxime ad Contrebiâ; quæ tamen corrupto odio, quo in Pompeium successorem exarsit. Horrea enim diripi passus est, submotis custodibus, arcus sagittasque Cretensium fregit, elephantes fame amisit, quibus triumphum, quem promeruerat, perdidit. Neque enim Patres cum dignum iudicarunt illâ gloriâ, qui se tam turpiter suâ cupiditate, ac invidia, vinci passus esset.

*Metellus
odium in
Pompeium
successorem*

*Pseudo-
Philippus
Macedo-
niæ turbas*

In Macedonia tumultus est exortus à quodam pseudo-Philippo, qui se Persei filium mentiebatur, & jam hominum septendecim millia cogerat. Hunc aggressus Trebellius Quæstor, vno ei prælio & exercitum, & Regis larvam eripuit.

OLYMP. CLIX. *Mundi* Urb Cond.

ann 4.

3913.

613

*Tryphon
Syria
Rex æsq
pupillo
suo.*

Diodotus Tryphon pupillum suum Antiochum vix decennem calculo laborare finxit apud populum; itaque medicis corruptis eum secandum obtulit, à quibus puer infelix dirè tortus interiit. Eo mortuo sibi tyrannus imposuit diadema; quare Simon ab eo defecit; missisque legatis ac maneribus ad Demetrium, eum legitimum Principem agnovit. Ab hoc vestigalibus exempti Iudæi, sui juris esse cœperunt, nec jam Regum Syriæ subditi, sed socii dicti: quare deinceps hoc anno quasi principio suæ libertatis, in contractibus visi sunt.

*Simon
Demetrii
Regem
agnoscit.*

*Demetrius
à Parthis
captus.*

Paulò post Demetrius Nicator profectus in Mediam ac Persidem, & superiores regni sui partes ad auxilia contrahenda, temerè Phraatem Parthorum Regem aggressus est. Inuitatus enim crebris legationibus Græcorum atque Macedonum Asiaticorum, quos opprimebant Parthi, eò perrexerat cum paucis copiis, sperans eorum auxilia à quibus euocabatur. Sed immisit in eum è principibus suis vnum Phraates cum valido exercitu, à quo victus Demetrius, in castra compulsus, ac iisdem mox exutus est. Immo & mox venit in Parthorum manus, iussusque traduci ad ludibrium per omnes ciuitates qui eius implorarent opem. Postea tamen sic immutatus est in eundem Phraatis animus, ut ei dederit uxorem suam Rhodogunam, & regio cultu exornarit; felicem si sorte suâ & inuentâ conjugè contentus esset.

*Demetrius
ducis Rho-
dogunam.*

Consulatum hujus anni gesserunt Cn. Seruius Cæpio, & Q. Pompeius Rufus Auli filius, ante-

antecessoribus suis, neque consilio, neque fortitudine pares.

Seruilianus Proconsul insequitur Viriathum, sed in itinere à duobus prædonum ducibus Curio, & Apuleio turbatus est: tum periit Curius, alter prædam Romanis ereptam abduxit, quam tamen mox Proconsul recuperavit. Tum multa oppida cepit, multos item hostes, quorum quingentos securi percussit, alios sub coronâ vendidit, quibusdam amputavit manus, in signum rebellionis. Verùm cum Erisanem urbem aggrederetur, eam subiit noctu Viriathus, unde erumpens, non modo fossores expulit, sed & Seruiliani copias in loca iniqua deduxit. Hic cum delere posset Romanum exercitum, & capere Seruilianum, honestis tamen maluit conditionibus cum eo de pacisci; quod sædus non modo probatum à Senatu, sed & dictus amicus Viriathus, eiusque sociiis agri relictî. Dignus est enim visus Romanâ amicitia vir fortis, qui virorum fortium amicitiam, eorum internecioni prætulisset.

*Viriathus
Re. par-
cit, & cū
eis sædus
init.*

Bellum Numantinum tum exortum, quando Numantini socios suos Segidenfes, ex Romanorum manibus elapsos, neque reddere voluissent, nec arma deponere. Immo eadem contra Metellum expedierunt, & cum Romanorum summo dedecore, diutius quàm par erat, retinuerunt.

*Belli Num-
antini
exordium.*

OLYMP. CLX. Mundi Urb. Cond.

ann. 1.

3914.

614.

Cleopatra tum Seleuciam cum filiis suis tenebat, & utcumque Syriæ regnum turbatum, discerptumque administrabat. Ve ergo accepit maritum suum, captum à Parthis, & quod eam pungebat magis, Rhodogunæ amoribus implicatum, eiusdem fratrem Antiochum Siderem (aliis Soteren) euocat, eique regnum, ac thalamum offert. Sideres sub initium regni sui lites ad Simonem dedit, eique immunitates

*Cleopatra
Sideri nu-
bit.*

*Side-
res Syriæ
Rex facit
Simonem.*

11 6

omnes

omnes à fratre concessas confirmavit , quas libenter accepit Simon, quasi à legitimo Rege, & Tryphonis hoste condonatas.

Consulatum inierunt Q. Servilius Cæpio & C. Lælius cognomento Sapiens. Cæpionicommissa Hispania cum proconsule Pompeio. Sed Cæpio factam à fratre Serviliano pacem sæpe criminatus, Senatum adduxit, ut eam abrumperet. Itaque de industriâ fugientem Viriathum ille sequi batur, cui pax cum Serviliano magis placebat, quam cum Cæpione bellum. Quare misit amicos suos ad Consulem ut cum eo renouarent fœdus; sed hic muneribus, promissisque eos corripuit, ut ducem suum interimerent: & verò mox eum dormientem interfecerunt, gloriosum planè, ut quem Romanorum fortitudo non perdiderat, & qui non nisi suorum perfidiâ, ac scelere potuit exterminari. Successit ei successus Tantalus, quem subsequutus Cæpio ad conditiones pacis perpulit. positis tamen armis, & regione non infertili ei, ac suis assignatâ, in quâ bonos agricolas ex malis prædonibus effecit.

Q. Pompeio locum suum Metellus dederat, sed non reliquerat ei fortitudinem, & industriam suam. Supererant tantùm vrbes duæ expugnandæ Numantia, & Termantia, reliquis à Metello captis. Dum ergo ad Numantiam Pompeius ignauiter sedet, locum munitum, & generosis propugnatoribus plenum, eorum eruptionibus ita fatigatus est, ut iis omissis Termantiam aggrediretur. Ad hanc cum malè quoque pugnasset, rediit ad Numantiam; ubi cum fluvium deriuare conatur, multos è suis perdidit. Itaque cum suos insuper vrgerent morbi, pacem cum Numantinis fecit, à Senatu improbatam, utpote quàm Imperatoris sui socordia, & metus expresserat.

Floruit circa hæc tempora Accius Poëta Tragicæ scriptor, cuius carminibus ad-

tus

tus templorum , & monumentorum propylææ
Decius Brutus exornauit , melioribus utique,
quàm tempora illa incultiora patiebantur .

OLYMP. CLX. *Mundi* Urb. Cond.

ann. 3

3915.

615.

Numenius & Antipater cum Clypeo aureo
minarum mille, seu centum millium aureorum,
à Simone missi ad Romanos hoc anno rediere
cum litteris L. Calpurnij Pisonis (alij vocant
Gaium , alij etiam eius loco substituant L. Cæ-
cilium Metellum) ad diuersos Principes in
gratiam Iudæorum . Iis prohibebatur aliquid
eis inferri damni , jubebantur reddi transfugæ .
Simon in Iudæâ legitimè rerum potiri significa-
batur . Quæ quidem tantum terroris intecerunt
improbis , quantum Simoni , bonisque omnibus
attulere voluptatis .

*Simon res
nouas fac-
tus cum
Rom.*

Tryphonem Diodotum desertum à suis An-
tiochus insequitur , & obsidet in vrbe Dorâ
maritimâ , cum centum viginti peditum ,
equitum octo millibus , & aliquot nauibus , ne
elabi posset ; duos annos tenuit obsidio ; quibus
euolutis fugit Tryphon sparsis per iter pecunijs ,
quas dum colligunt Demetrianj equites , ipse
venit primum Orthosiada , vel Antaradum : inde
Apameam patriam suam , quæ captâ , aut inter-
fectus est , aut violentas sibi inulit manus ,
& leuiori supplicio tot patricidia , ac perduc-
tiones luit .

*Tryphon
obsidetur &
co- tantum
ceditur .*

Consules Romæ dicti L. Calpurnius Piso , &
M. Popilius Lænas . Huic Celtibericum com-
missum est bellum , & à Quinto Pompeio cor-
rigenda pax . Negabat à se pacem factam Pom-
peius ; sed eum reuincebant multi testes omni
exceptione maiores ; itaque Romam ad iudicium
remissus est ; decretum à Senatu bellum Numan-
tinis , in hoc tantum nocentibus , quod de Pom-
peio victores extitissent , ac nimis fortes .

*Pacem à
Pompeio
cum Nu-
mant. Se-
natus im-
probat .*

OLYMP. CLX. *Mundi* Urb. Cond.

ann. 3.

3916.

616.

*Ioannes
Simonis
filius vin-
cis; Cen-
debeum.*

Antiochus Sidetes jam potitus totius Syriæ regno, interfecto Tryphone, mittit ad Simonem legatum Athenobium, qui ab eo repetat Gazam, Ioppem ac arcem Sionis, regia, vt aiebat, loca, cum mille talentis. Obtulit centum talenta Simon exosus bellum, quæ legatus recusauit. Rex ergo mittit statim in Iudæos Cendebeum, quem & Gedorem urbem firmare iubet. Egressus Ioannes Simonis filius ex urbe Gaza eum aggredditur, transmissio etiam in eius conspectu torrente, congreditur ac vincit, multis hostium interemptis: sed in eo prælio Iudæ eius frater vulneratus, victoriam minuit. Gedorem cum expugnare desperaret Ioannes, in agrum Azotium deflexit, vbi hostium turres, ac munitiones exussit, quibus fortiter gestis Hierosolymam rediit, principatus Iudaici, hoc belli rudimento, candidatus.

*Scipionis
N. f. a
auctoritas.*

Consulibus P. Cornelio Nasica Serapione, & Decio Iunio Bruto, multæ turbæ Romam exagitarunt. Volebant Consules curare rem frumentariam, Tribuni plebis obfistebant, Scipio Nasica auctoritatis tantæ fuit, vt hanc legem contemptu reiecerit, alii tantum propositis, & plebi obstrepenti silentium imposuerit. Propterea ei Curiatius Tribunus plebis cognomen indidit turpæ Serapionis, hominis nequam, & mancipij cuiusdam Suarij, quem vultu non malè referebat. Edidit autem tum Curiatius illes utile seueritatis exemplum, a duersus C. Matienum, militæ in Hispaniâ desertotem: diu enim virgis sub furcâ cæsum, sestertio nummo venire iussit. Sed parum constans idem Tribunus in recto fuit. Nam mox Consules acquiescere nolentes vt decem milites, ex iis quos vellet Tribuni plebis, delectu eximerent, in carcerem ignominiosè detruxit, cum summo primi Magistratus dedecore, quod tamen postea meritò

*Scueritatis
exemplū.*

merito in autorem recedit.

Bellum gessere in Hispaniâ Popilius Lænas Proconsul, & Consul Iunius Brutus: hic aduersus Lusitanos inchoauit bellum quod Proconsul pari felicitate, ac fortitudine confecit; ille contra Numantinos perrexit. Quos dum obsidet continent hi se muris, nec aciem dirigunt, adeo ut in eorum muros Popilius erigeret scalas. Verum dum hic recedit, veritus insidias, eruptione illi factâ recedentem vicerunt, fugaruntque. Quo facto docuerunt causam suam meliorem esse quam Romanorum, à quibus post initam pacem bello iniusto vexabantur.

*Numantini Romæ
vincunt.*

Hoc item anno Attalus cum aulam suam cædibus amicorum, & cognatorum funestasset, nunc matrem suam, nunc sponsam Berenicem eorum maleficiis extinctas criminatus, ex iis postea tantum doloris hausit, ut insanire videretur, ac mortuis pœnas dependere. Tandem furiis quasi exagitatus obiit cum annis vno, & viginti regnasset sub nomine Tutoris, tumque imperium reliquit inuitus Attalo Eumenis filio ad annos quinque. Cuius regni initium felicius quam finis fuit.

*Attalus
moritur.*

Referunt quidam ad hunc annum legationem P. Cornelij Scipionis Æmiliani, cum L. Metello, & L. Mummiō. Lustrauere tum hi legati Ægyptum, Syriam, Asiam, Græciam. Ægyptum Ptolemæi Physconis sæuitia vexabat, qui suos ad exilium voluntarium compellebat, accitis peregrinis, homo turpis vultu, & sagina ventris belluæ, quàm homini similior. Attalus quoque cædibus grassabatur in suis, in Macedonia Pseudoperseus turbabat. His motibus compendiis missi sunt tres viri, quos toti Senatui Romano præualuisse merito dixeris.

*Legatio
Scipionis
illustris.*

*Causæ
huius
legationis.*

OLYMP. LX. Mundi Urb. Cond.

ann. 4.

3917.

617.

Romæ Consules creati M. Æmilius Lepidus,

*Mancinus
rem man-
et Numā-
tiā gerit.*

duſ, & C. Hoſtilius Mancinus . Hic aduerſus Numantinos miſſus Popiliꝝ loco, & rem Roma- nam, ſatis infelicem, reddidit deſperatam. Et verò inauſpicatò hoc ſuſceperat bellum : nam eo ſacrificante puli ſacri ex caueâ euolarunt; & conſcendenti nauem audita vox *Mancine mane*. Congreſſus itaque cum quatuor Numantino- rum millibus, ipſe cum triginta Ro. millibus victus, ac ſæpe iterata clades, donec in ſua caſtra compulſus eſt. Vbi cum falſo rumore jacta- tum eſſet venire contra eum Vaccæos, & Can- tabros, fugit in deſertum locum, vbi imparatus ab omnibus, pacem minantibus Numantinis dedit, & ad eam ſeruandam ſponſione ſanctiſ- ſimâ ſe obſtrinxit. Quæ pax Senatū vehemen- ter afflixit: quare ſtatim ei ſuffectus Conſul ab- ter Æmilius, vt facinus emendaret, Man- cino Romam euocato, quem Numantini le- gati ſecuti ſunt, pace bis per vim extortâ, fe- roces.

*Pacē tur-
piſſimam
ſcit.*

*Viſſi à
Vaccæis
Romani.*

Interea, Lepidus dum expectaret ab vrbe re- ſponſum, Vaccæos appetiit bello, & Palentiam obſedit. Iunio Bruto in ſocietatem expeditionis accito. Hanc prohibuit Senatus per legatos ſuos Cinnam, atque Cæcilium; nihilominus duces obſtinati perſtiterunt, quaſi de gloriâ Romani nominis ageretur, donec inopiâ coacti réceſſere; eoſque adorti Palentini multis affecere damnis, adeò vt in eâ obſidione intempeſtiuâ perierint ſex millia Romanorum. Quare Æmilius vt priuatus reuocatus eſt, atque inſuper multatus pecuniâ, quod inuſto bello jam occupatum Populū Rom. implicuiſſet, cum damno, at- que dedecore.

OLYMP. CLXI. Mundi Urb. Cond.

ann. n. 3918. 618.

*D. Iunꝝ
Bruti in
Gallias
expeditio.*

D. Iunius Brutus Proconſul aduerſus Calæ- cos ſcèliciter pugnauit. Veniebant hi in auxi- lium Luſitanorum, cum ſexaginta millibus ar- matorum, circumuentos oppreſſit Brutus acce-

FINIS

rime prælio ; quo quinquaginta millia cepit , pauci fugere ; vnde Callæci retulit nomen . Transiit quoque fluvium Lethen à Romanis superstitiosè formidatum , quasi rerum omnium obliuionem induceret , sed ostendit Brutus audaciâ suâ , fabulosa esse quæ de his aquis jactabantur , & ipse memoriæ , ac gloriæ plenus Romam ad nobilem triumphum rediit .

Coss. P. Furio Pilo , & Sexto Aurelio Serano causa Mancini in Senatu exagitata est . Hic primum autorem fœderis sui turpissimi jactabat esse Pompæium , qui militem ignauum ei , & contumacem tradiderat : adhuc iniustitiæ Senatui insimulabat , qui sancitum fœdus sæpe turpiter abrupisset . Tandem ex lege , quam ipse Mancinus tulerat , deditus est Numantinis nudus , vincis post terga manibus , à Furio Consul : neque tamen receptus ab hoste , & desertus à suis vsque ad noctem concubiam constitit ; spectaculum suis , adeoque hostibus lacrymabile .

*Mancinus
deditur
Numantinis .*

OLYMP. CLXI. *Mundi Urb. Cond.*
ann. 2. 3919. 619.

Ptolemæus filius Aboli vir ditissimus , cui Simon filiam suam uxorem dederat , præpositus Hiericentinæ Prouinciæ fœderum suum Simonem cum filiis suis Iudâ , atque Matthathiâ , dum hanc Prouinciâ lustrat , in munitione Docho conuiuio exceptum perfidiosè interemit , mense Seebat seu vadeccimo . Statim ergo significauit Sideti , vt ad se mitteret exercitum . Ioannem quoque tollere conatus est , missis percussoribus , & Hierosolymam occupare submisso milite ; sed præmonitus Ioannes , eos interfecit , sibi que Hierosolymam , & huic Pontificem conseruauit . Is Ioannes ab expeditione in superiorem Asiam cum Sidete postea dictus Hyrcanus , populum annis vno , & triginta rexit , primusque successor fratrum Macchabæorum , quasi hæreditarium regnum suscepit & Pontificatum .

*Simon &
Ptolemæus
ceditur .*

*Ioannes
Simoni
succedit .*

catum. Hic potèrò sacrorum Codicum veteris instrumenti definit historia, cuius certissimâ luce deinceps, magno etiâ humanæ fidei damno, carebimus.

*Ioannes
pultum
Ptolemæi
et pietate
fuit.*

Statim; si qua Iosepho fides, Ioannes Ptolemæum obsidet, cum annus Sabbathicus immi-neret; cumque munitiõnem jamiam expugnaturus esset; Ptolemæus matrem eius in muro curabat acerrimè verberari; quo aspectu miserabili permotus filius militem reducebat; idque præstitit crudelis Tyrannus donec Sabbathicus aduenit annus; tumque Ioannis matrem, ac duos eius fratres interemit; nulloque insequente recedens, pœnam suis sceleribus debitam calidissimâ crudelitate defugit.

*Sidetes
Hieroso-
lymam ob-
sides.*

Eodem anno Antiochus Sidetes senis castris Hierosolymam obsedit; eamque diu circumuallatam tenuit. Fante vrgente, emissâ est ex vrbe imbellisturba; repulsa tamen à Syris; miserabiliter conficiebatur. Tandem adueniente festo Scenopegiæ recepta est in vrbem; & à Rêge impetratæ induciæ; qui & victimas, & aromata addidit; quare inde nomen Pij consecutus est apud Iudæos. Hinc quoque natâ pacis occasio; honestis conditionibus data, acceptaque, oblato fratre Ioannis obside; numeratisque quingentis talentis; quamquam ad excindendam inso-ciabilem gentem Rex ab aulicis impelleretur. Sed cogitabat hic Parthicam expeditionem; maioris momenti; neque potèrat extinguere Iudæos; sine ærarij sui damno; ac Romanorum offensione. Metu ergo; cupiditate; & gloriâ deter-ritus est ab excidio Iudæorum.

*Ioannei
honestis
conditio-
nibus pa-
ciscitur.*

*Ro timens
Numantia-
nos.*

Consulatam inierunt hoc anno Seruius Ful-
sius Flaccus, & Q. Caspurnius Piso. Hic in
Hispaniam profectus non attingit Numantiam;
sed Palentinum agrum popula us cum magnâ
cautione, maturè se recepit in hibernâ; exem-
plo Pompei & Mancini sapere doctus. Eius
collega Fulvius; cui Illyricum obuenerat sortita-
tior

natior fuit : cum enim finitimæ gentes Illyrios vexarent , nec missis legatis facerent satis omnes subactæ victori triumphum nobilem pepererunt .

Hic annus in Sicilia incendio Æthnæ montis famosus fuit, sed longè magis Seruili bello, quod Eunus seruus natione Syrus concitauit ; & seruorum septuaginta millia, ex suis ergastulis traxit, præstigiis suis inuitatos. Sola urbs Messana ; ubi serui humaniter habebantur, incendiij huius immunis fuit . Ab his mancipiis victi Prætores Manilius , Lentulus , Piso , Hipsæus , adeò vt sequenti anno Consuli fuerit hæc Prouincia , cum bello Seruili, demanda ; magno opprobrio Romanæ gentis , apud quam tot Prætores satis non erant ad furcæ mancipiis imperandas.

OLYMP. CLXI. *Mundi Urb. Cond.*

ann. 3.

3920.

620.

P. Cornelius Scipio Africanus Æmilianus hoc anno suo tempore factus est Consul secundum, ætatis suæ anno 49. sed solutus lege, quam Cato tulerat ; ne quis iterum fieret Consul . Et verò à quinto Consulatu M. Claudij Marcelli anno v. c. 545. ad secundum Consulatum C. Marij v. c. 649. nemo bis Consul præter hunc Æmilianum legitur. Datus est ei collega C. Fuluius Flaccus ; at sine sorte data Hispania Scipioni, qui vnus exscindendæ Numantiæ par videbatur . Hic maturè progressus in suam Prouinciam ; militarem disciplinam correxit , mulerculas, lixas, calones, sacrificulos, ariolos ex castris expulit ; militem omni die in opere exercuit , & ad 30 dierum frumentum septenos vallos ferre iussit ; pollicitus se amoturum vallos , cum se ferro nossent defendere . Extra ordinem se militem deprehenderet ; Romanum, vite, extraneum virgis cadebat. Ium nta omnia vendi iussit ; ratus legionarios his non indigere. Vbi patientem , & obsequentem militem nactus est , eum in hostem deduxit , & Vac-

*Bellum
Seruile in
Sicilia
sub Euno*

*Secundus
Scipionis
Consulatus.*

*Numanti-
num bellū
ei cum
missum .*

*Militarē
disciplinā
corrigis .*

cæos Palentinoſque populatus commeatum in caſtra tranſtulit; reliquum corruptit. Denique vitatiſemel iterumque inſidiis, receptoque Iugurthâ cum duodecim Elephantis, & ſagittariis, quantus eſſet Imperator oſtendit, quem mali reformidarent, amarent boni, hoſtes atque ciues ex æquo venerarentur.

CAPVT III.

DECAS TERTIA.

Ab anno 3910. ad 3930.

OLYMP. CLXI. . . . Mundi Urb. Cond. .
ann. 4. . . . 3921. . . . 621.

*Attalus
Pop. Ro.
ſcribit hæ-
redem.*

Conſulibus P. Minueio ſcæuola, & L. Calpurnio Piſone obiit Attalus Pergami Rex dum matri ſuæ ſepulchrum parat, cui operi dum aſſiduus intendit, ex ardore ſolis morbum contraxit, quo intra ſeptem dies elatus eſt. Is populum Ro. regni ſui ſcripſit hæredem, eiſque pecunia Romam conueſta cum tabulis ab Eudemo Pergameno. Statim Tiberius Gracchus legem tulit vt ea pecunia diſtribueretur iis, qui ad nouos agros incolendos mittebantur, ſed interceſſit & fortiter obſtitit collega Octauius, quem magiſtratu exautorauit. Volebat & alias Agrarias perferre leges, quibus totam turbabat Italiam. Tum P. Cornelius Scipio Naſica nepos cui Matrem Idæam receperat, conſobrinus Tiberij Gracchi, ſed patriam cognitioni præferens, implicata læuo brachio togæ lacinia, bonos omnes ad audendum impulit. Hac impreſſione fugatus cum ſuis ſeditioſis Tiberius, & in cliuo Capitoliij fragmine ſub ſelij iſtus, vitam quam patriæ debebat, ſeditioni proſudit. Protraſtum eſt eiſ cadauer cum aliis in Tiberim, ne terra communis omnium parens cum

*Tiberius
Gracchus
à Naſica
æditur.*

eum gremio susceperet, qui contra patriam ingratus insurrexisset.

Bellum in Sicilia fortiter Piso gessit, aduersus seruos, quos captos patibulis suffigebat. Quam fuerit is accuratus in seruandâ militari disciplinâ docet Titij Præfecti, quod loco cecidisset, ignominia publica; eius exemplo reliqui fortius pugnare didicerunt. Docet quoque collatum filio virtutis causa præmium, quod tamen non à Repub. sed à patre post eius obitum expectare iussus est; ut à patriâ honorem, à patre pretium reciperet.

Interea Scipio Æmilianus fame domare Numantinos decreuit; ac principio duobus castris urbem sepelit, vnus Fabium fratrem præfecit, altera sibi reseruauit; coactoque exercitu sexaginta millium armatorum, urbem 24 stadiorum ambitu, duplici munitione circumclusit, vallo vtrunque excitato cum loricis, & turribus aduersus Numantinos, & auxiliatores. Tentant obfessi Scipionem de pacis conditionibus per legatos quinque, quos sine pace redeuntes, desperati ipsi discerpserunt. Pressi fame ne cadueribus quidem Romanorum, & suorum abstinerunt. Tandem se Scipioni sine conditionibus dederunt, vnum tamen impetrarunt diem, quo qui vellēt, in libertate emori possent; reliqui sub coronâ venierunt; quinquaginta tantum ad triumphum reseruati. Quidam tamen scribunt nec viros, nec prædam, nec arma incendio Numantino superfuisse, & de solo nomine triumphatum. Quomodo igitur Scipio 17. pondo argenti militi distribuit, si prædâ omnis periit incendio? Numantia autem à victore penitus excisa est, magnâ eius ciuium gloriâ, ut qui Romanorum armis & duce Scipione, sed tantum fame potuerint edomari. Huic obsidioni interfuit Iugurtha Romanis propter fortitudinem, & industriam acceptissimus, ideoque inter liberos suos à Miçipsâ scriptus hæres; sed vipera

Bellū Siculū bene administrat Piso.

Scipio Numantiâ obsidet.

Numantiâ excisitur.

Iugurtha in initia.

vipera ingressa domum, legitimos hæredes sustulit.

OLYMP. CLXII. *Mundi* Urb. Cond.

ann. 1.

3922

622.

*Bellum
Seruile
conficitur
in Sicilia*

Consules Romæ delecti P. Popilius Lænas, & P. Rupilius Nepos: huic Seruile bellum in Sicilia demandatum est, quod & penitus sustulit. Ac primum obsedit Taurominium, vbi serui neque liberorum, neque vxorum, neque suis ipsi cadaueribus pepercerunt, dum alter alterum vorat. Tandem prodita per Serapionem Syrum arce, omnes in potestatem Consulis venerunt, omnes præcipientes dejecti perierunt. Inde tentata quoque Enna, vbi Cleon dux fortiter pugnans captus, mox ex vulneribus interiit. Eâ quoque vrbe Rupilius potitus est; sed fugit Eunus cum sexcentis stipatoribus, quos assequutus est Consul in præruptis locis, vbi sibi inuicem ceruices præsciderunt. Eunus cum quatuor famulis inuentus in carcerem datus est, ac paulò post ex Phthiriafi abiit, supplicio quod rebellè, & fugitium decebat. Inde percurrrens insulam Rupilius cum delectâ militum manu, eam sic purgavit, & ordinauit, vt in eâ paulò post seruos excitasse bellum ambigeretur.

*Eunus ex
Phthiriafi
moritur in
carcere.*

*Scipionis,
& Bruti
triumphi.*

Hoc quoque anno triumpharunt de Hispaniâ duo Imperatores; de Numantinis Scipio, Iunius Brutus de Callæcis, & ex utroque triumpho suo cognomen Numantini, & Callæci suis titulis addiderunt.

OLYMP. CLXII. *Mundi* Urb. Cond.

ann. 2

3923

623.

*Bellum in
Aristonicum*

Consulibus P. Licinio Crasso, & L. Valerio Flacco bellum gestum est aduersus Aristonicum. Is Eumenis filius erat ex Ephesiâ pellice; Eumenes autem Attali frater, qui testamento suo Populum Romanum hæredem scripserat. Nothus ille, sibi subjunctis multis vrbibus Romanorum sociis, se Regem Pergami dixit. Aduersus eum missus est Crassus Consul, qui sollicitior prædæ, quam

quàm militiæ, dum inordinate pugnat, victus est; ac propè captus, virgam quâ regebat equum in oculum Thracis, cum comprehendere volentis impegit; Barbarus dolorem suum vltus, Crassius latus gladio hausi. Sic obiit vir sui temporis di-
tissimus, nobilissimus, eloquentissimus, iuris-
consultissimus, ac Pontifex Maximus, & vitam
tam illustrem avaritiâ perdidit; caputque, Ro-
manæ gentis oraculum, Barbarus ad ludibrium
securit.

*Crassus in
prælio cap-
turus à
Thracis,*

OLYMP. CLXII. Mundi Vrb. Cond

ann. 2. 3914. 624.

Mouet contra Parthos Antiochus Sidetes, &
ad Lycum Assyriæ fluuium Indatam Parthorum
ducem superat, & eo loco prælium statuit.
Hic biduum hæsit ad preces Ioannis Hyrcani
ob festum Pentecostes. Tumque vrbes Parthi-
cum jugum exosæ, sese Sideri tradiderunt, Tri-
bus demum confectis præliis occupata Babylon,
exercitus commodissimè per nouam ditio-
nem distributus, adeò vt Antiochus non pu-
gnaturus, sed occupaturus regnum venisse vi-
deretur.

*Sidetes
Parthi cū
occupat
regnum.*

Consulatum Romæ inierunt Appius Clau-
dius, & M. Perperna: huic bellum in Aristoni-
cum demandatum; qui & statim adortus pu-
rium Regem, ac vertit in fugam. Cum Strato-
nicem urbem, ad quam confugerat, fame ad de-
ditionem compulisset, captum Romam misit,
vbi iussu Senatus in carcere huic sunt elisæ fau-
ces. Perperna autem Pergami dum regnum or-
dinat morbo interiit, non diu victoriæ fructu,
ac vitâ potitus.

*Perperna
Aristonicū
capit.*

Censuram gessere Q. Pompeius, & Q. Metel-
lus Macedonicus, quando censa sunt ciuium ca-
pita 368800. Paulo post C. Atinius Labeo
Trib. Plebis Q. Metellum, à quo in legendo
Senatu preteritus esset de Saxo præcipitari ius-
sit, & homo furore amens ad id suos compulsi-
set, nisi reliqui collegæ impediissent, hominis
infa-

*Censura
Metelli
Macedo-
nici,*

insaniam, atque potestatem execrati.

*Scipionis
Nasice
exilium,
& mors.*

Hoc anno videntur intentata fuisse Scipioni Nasicæ, ob Tiberij Gracchi eadem, iudicia; quando huic licet summo Pontifici, inuidiæ vitandæ causa, à Senatu commissa est libera in Asiam legatio. Is quasi deploratis rebus suis, ad Aristonicû se contulit; cuius vbi regnum & fortunam labefactatam vidit, sibi violentas intulit manus, ac morte æumnas finiit, quæ parum Scipionem, & summum Pontificem decebat.

OLYMP. CLXII. *Mundi* Urb. Cond.

ann. 4. 3915. 625.

*Sidetes
Parthicû
regnum &
vitâ per-
didit.*

Phraates in superiore Asia tantum non oppressus ab Antiocho, Demetrium cum copiis remittit in Syriam, vt hoc pacto Sidetes ex Parthico regno retraheretur. Interim exercitus Syrus per vrbes sparsus, indigenis grauis esse cœpit; quare hunc diuisum aggrediuntur, & cedunt. Antiochus dum suis opem parat, incidit in Phraatem, cum quo congressus copiis imparibus, occubuit in prælio. Alij volunt ex desperatione sibi intulisse manus: Quidam arbitrantur eum in templo Nannæ per Sacerdotes lapidibus obrutum esse, dum Dez eius nuptias ambiret, sed magis eius diuitias, dotis nomine. Ita dum Parthicum regnum affectat; & Syriacum, & vitam perdidit.

*Demetrius
recipit Sy-
riæ regnû,
& Cleo-
patram.*

Hoc metu liberatus Phraates, mittit qui Demetrium retrahant; sed hic illud subodoratus, magnis itineribus jam peruenerat in Syriam. Hic cum regnum humanitate, & comitate sibi retinere debuisset, multa turpiter, multa crudeliter fecit, iterumq; duxit fatalem illam Cleopatram, multorum maritorum vxorem. Primum enim nupserrat Alexandro Balæ ex quo genuerat Antiochum Philopatorem, aliter *Θεῖον*; deinde huic Demetrio Nicatori cui dederat Seleucum; & Antiochum Grypum. Tum Antiocho Sideti, cui pepererat Antiochum Cizycenum; ac demum iterum Nicatori ex Parthia reduci, quem

tamen

tamen capitaliter oderat , propter superinductam Rhodogunam . Incitatus ergo Demetrius partim innato furore, partim ab hac furia, multa præstitit , quibus se Parthicum animum ex carcere suo retulisse demonstravit.

Eodem tempore turbatum in Aegypto; Euergetes enim incensâ ab Alexandrinis regiâ suâ, exul fugit in Cyprum; filium suum ex Cleopatrá interemit, cuius manus, & caput remisit ad matrem, quam repudiarat, mulieris impotentissimæ crimen ipse ultus patricidio.

*Euergetis
expulsi
crudelitas*

Coss. huius anni notantur M. Aquilius, & C. Sempronius Tuditanus. Aquilio commissâ est Asia; vbi reliquias belli Pergameni confecit celerius, quam Româ virtus patiebatur. Veneno enim fontes aliquot infecit, vt iis vñtes vrbes ad deditionem compelleret; legitur tamen veneficus iste triumphasse; ita tum triumphus rebus gestis, non virtuti tribuebatur. Consul alter Tuditanus aggressus dirimere lites de agris obortas, deterritus earum difficultate perrexit in Illyricum, vbi primum rem malè gessit, mox tamen sæliciter operâ vsus D. Iunij Bruti Calpurni; & tandem inde triumphum retulit, vbi prius inuenerat ignominiam.

*Coss huius
anni parvè
digni suo
magistra-
tu.*

Hoc item anno sublatus est Scipio Africanus Aemilianus, non sine suspitione veneni quod ei miscuerat Sempronia vxor eius, & Gracchorum soror. Huius mortis causa Carbo Tribunus plebis fuit. Is cum obsistentem haberem sibi Scipionem, eum interrogavit in concione, quid de Tiberij morte sentiret. Ille nihil tergiversatus respondit, *si is ruinam Reip. molitus esset, iure casum videri*; & obstrepenti populo; *si leant*, inquit, *quibus Italia Nouerca est, non mater*; ac paulò post Scipio, sine suspitione morbi, inuentus est in lecto mortuus. Nihilominus detanti viri morte non est instituta quaestio, Tribunitiis cōtrouersis, ac legibus Agrariis pœne pessundata Republica, cuius nullum

*Aemilia-
nus Scipio
inuictus est
morsus.*

potest argumentum proferri certius, quam Scipionis Carthaginis ac Numantiæ. euerforis inulta nex.

OLYMP. CLXIII. *Mundi* Vrb. Cond.

ann. 1. 3926. 626.

*Io: Hyrcanus Idumæi sub-
ingrat.*

Ioannes Hyrcanus hoc anno Adoram, & Marissam vrbes Idumæorum cepit; & omnes Idumæos subjugauit; mox his circumcisionem imperauit, nisi patriam malleut relinquere. Illi ergo regionis amore potiùs quam religionis, sibi secure præputia, & Iudaicis moribus vivere decreuerunt. Tum quoq; idem Hyrcanus misit tres legatos Romam, Simonem, Apollonium, & Diodorum qui societatem renouarent; tum a principibus, votis omnibus, atque muneribus expetitam.

*Renouat
fœdus cum
Rom.*

*Orit Car-
neades.*

Carneades autor Academix Nouæ, patria Cyrenæus mirabili celeritate ingenij, ac singulari præditus eloquentia, hausto sponte veneno obiit: tum maxime indigens Elleboro, quo sæpe ad purgandum cerebrum, dum vixit, utebatur.

Consolatum Romæ consecuti sunt, Cn. Octavius, & T. Annius Rufus, seu Luscus, solo nomine cogniti.

OLYMP. CEXTII. *Mundi* Vrb. Cond.

ann. 2. 3927. 627.

*Caio
Gracchi
inopia.*

Consulibus L. Cassio Longino Raula, & L. Cornelio Cinna, spectrum Tiberi Gracchi apparuit fratri suo Caio, otiosam vitam respectanti, ac defugienti Tribunicios tumultus, a quo monitus est, in fatis esse, vt eodem cum fratre exitu, pro populo defungeretur. Quo spectaculo, quasi quodam stygio furore afflatus, ad turbandam Rempub. exitumque suum præcipitauit.

OLYMP. CLXIII. *Mundi* Vrb. Cond.

ann. 3. 3928. 628.

*Iudi Sa-
culares
quarti
Romæ.*

Sub Consulat. M. Æmilij Lepidi, & L. Aurelij Orestis Iudi saculares quarti, teste Censorino

rino Romæ celebrati sunt; quando mons Æthi-
na magno primùm motu concussus, postea globos
igneos ingentes, scopulis ignitis permixtos,
euomuit. At paulò post mare circa Liparam
insulam sic effervuit, vt adustas rupes dissol-
uerit, nauium ceram, picemque liquefecerit,
exanimarit pisces, atque nautas, nisi qui statim
effugerunt, cum ingenti insulanorum metu, ac
stupore.

Tum profectus est in Sardos Orestes Consul
Quæstore vsus C. Graccho, qui se omnium vir-
tutum exemplar ostendit. Quanta autem elo-
quentiâ floruerit, inde constat, quod ab urbi-
bus, hyeme militi vestes constanter recusanti-
bus, oratione suâ expresserit. Cum Micipsa id
temporis frumentum in Sardiniam misisset, id se
in gratiam Caij fecisse rescripsit ad Senatum;
quæ litteræ Patres offendere, iam in Gracchum
malè affectos. Atque hæc causa fuit cur Oresti
in triennium propagaretur imperium, Quæstu-
ram tamen suam Gracchus ad biennium contra-
xit, accusatusque deserti sui Proconsulis fa-
ctum suum è Republica fuisse Populo demon-
strauit, metuentibus meritò bonis omnibus, quò
tanta potentia vergeret.

*C. Grac-
chus quæ-
stor omniū
virtutum
exemplar.*

OLYMP. CLXIII. Mundi Urb. Cond.

ann. 4.

3929.

629.

Demetrius Nicator euocatus à Cleopatrá
uxore Euergetis in Ægyptum venerat, eam quasi
dotem accepturus: quando ad Euergetem exu-
lantem in insulâ Cypri miserunt Syri qui pete-
rent aliquem sibi ex genere Seleuci, qui Syriæ
regnum occuparet. Misit ille statim Ægyptum
quemdam filium Protarchi negotiatoris, adole-
scentem acrem, & ad hanc sabulam idoneum.
Is magno ardore susceptus est à Syris, quemuis
modò is Demetrius non esset, regem exoptan-
tibus. Alexander Zebina dictus est præstigiator
iste, cuique copiæ Ægyptiacæ adiunctæ sunt non
contemnendæ. His auditis Demetrius reliquâ

*Alexāder
Zebina
Rex Sy-
ria.*

*Vincitur
Demetrius
ac caditur.*

Aegypto, reuolat in Syriam. Cleopatra quoque Aegyptia eum mox sequitur, impositâ nauibus gazâ Aegyptiaca; meritò enim furorem Euergetis, quem offenderat grauitèr, mulier scelestâ reformidabat. Tandem commissum est certamen decretorium inter Alexandrum, & Demetrium, quo hic victus dum fugit ad suam vxorem Cleopatram ab eâ cæsus est in odium Rhodogunes. Alij tantùm ab eâ exclusum scribunt, Tyrumque appulisse, & ab inimicis captum, diu vexatum interiisse: alij venisse Tyrum volunt, vt se templi religione, Asyloque tueretur; sed egredientem è naui, ab eius præfecto cæsum esse. Certè scribunt omnes consentiente Cleopatrà, fatali maritis suis furiâ, interfectum esse.

*Zebina
Iudæis
fauct.*

Demetrio mortuo Alexander Zebina vsurpauit diadema, à quo & Hyrcanus multa obtinuit: nam in eius quoque partes Iudæi transierunt. Demereri enim eos conatus est rex insititius, & cui odium duntaxat Demetrii pepererat regnum.

*Bellum in
Gallos
Transalpinos.*

Hoc quoque anno; quo Consules fuerunt M. Plautius Hypsæus, & M. Fuluius Flaccus, bellari cœptum contra transalpinos Gallos, Salyas, & Allobrogas: neque iam inde Romani timere bellum, sed duce Fuluius Consule quæsiere. Idem Consul se in magistratu suo seditiosè gessit, & Italos spe ciuitatis concitauit, quo factò suæ patriæ pessimè consuluit.

*Fregellæ
Colonia
capta.*

Eodem anno Fregellæ Colonia rebellis, ab Opimio Prætore addeditionem compulsâ est. Pulli cuiusdam Numitoris prodicione. De Fregellanis tamen non triumphauit Prætor, quia triumphus non seruata, sed amplificata Reipub. munus erat.

OLYMP. CLXIV. *Mundi Vrb. Cond.*

ann. 1. 3930. 630.

Seleucus Quintus, Regum Syriæ decimus quintus, inconsultâ matre Cleopatram occupavit imperium, ideoque ab ea interfectus est sagittâ: hæc enim non tantum venena, sed & tela spargere nouerat. Substitutus est ei frater Antiochus, à magnitudine Nasi cognomento Grypus, qui tum Athenis versabatur, unde à matre reuocatus est, vt nomine filij imperaret mulier crudelis ex æquo, & ambitiosa.

*Seleucus
quintus à
matre ca-
ditur.*

*Antiochus
Grypus ei
substitu-
tur.*

Aliunde Alexander Zebina magnâ Syriæ potitus parte, ex insolentiâ regni vix mentis compos negligere cœpit Ptolemæum, cuius operâ regnabat. Itaq; Rex neglectus ad Grypum conuertitur, eique filiam Gryphinam mittit vxorem & copias. Exercitu quoque Syriaco ab Alexandro sensim diffuente, cum Antiochus aggreditur ac vincit. Fugit victus Antiochiam, vbi egens pecuniæ, victoriam auream ex templo Iouis rapuit, jocatus sibi superato a Ioue datam esse victoriam. Sed cum paulò post Iouis quoque ipsius statuam reuellere conaretur, deprehensus in sacrilegio, à multitudine obrutus fugit; verum in fugâ deprehensus à grassatoribus, ad Grypum perductus, ejus jussu vitam, & Regis laruam posuit.

*Zebina
Sperneni
Ptolemæu
exantora-
tur, & ef-
ditur.*

*Zebina
sacrilegus.*

Coss. Romæ dicti C. Cassius Longinus, & C. Sextius Calvinus, Sextius penitus debellauit Salyas, Coloniam Aquas Sextias deduxit, quam urbem voluit esse perpetuam victoriæ suæ ac nominis monumentum.

*Aqua Sex-
tia Co-
lonia Ro-*



CAPVT IV.

DECA S QVARTA.

Ab anno 3930. ad 3940.

OLYMP. CLXIV.	Mundi	Vrb. Cond.
ann. 2.	3931.	631.

*Bellum
Baleari-
cum.*

COS. Q. Cæcilio Metello, & T. Quintio Fla-
minio susceptum est Balearicum bellum à
Consule Metello, aduersus Piratas, inconditis
nauibus pugnantes, sed fundarum iactibus ter-
ribiles. Primo impetu latrones illi deuicti, re-
pressique in insulas suas, quærendi fuerunt, vt
subjugarentur.

*Moritur
Polytius*

Obiisse creditur hoc anno Polybius Megalo-
politanius, anno ætatis suæ 81. Scipionis perpe-
tuus hic comes fuit, cum Panætio Philosopho,
& vtriusque consilio omnia sceleriter Scipioni
cesserant; quia semper magna fuit inter armay
litterasque cognatio.

*Colonia
deducta
Carthagi-
nem autore
C. Grac-
cho.*

Tum Carthaginem deducta est Colonia; an-
nis 22, ab eius excidio autore C. Graccho, qui
eò etiam nauigauit, & diebus 70. substitit in
Africâ. Sed inauspicatò vrbs condita videtur
fuisse. Stipites enim terminorum indices Lupi
reuulserant; vnde injecta hæsitatio, quæ etiam
perterritæ Gracchum ipsum, nihil solitum re-
formidare.

OLYMP. CLXIV.	Mundi	Vrb. Cond.
ann. 3.	3932.	632.

*Roma
vrbe ob
C. Grac-
chum.*

Consules Romæ fuerunt Cn. Domitius Aeno-
barbus, & C. Fannius Strabo; huic Consulatum
dedit Gracchus autoritate suâ, immo eundem
deduxit in campum. Sed Fannius potitus ma-
gistratu, statim ad optimates transiit, & contra
perductorem habuit orationem de asciscendis
in ciuitatem Latinis. Senatus quoque Graccho
alium

*Drusnop-
positus C.
Graccho.*

aliū obiectit aduersarium Liuium Drusum hominem popularem; bonis omnibus intentis ad infringendam Gracchi potentiam; vnde certa Reip. perniciēs expectabatur.

Domitius in Aruernos, & Allobrogas mouit, quos deuicit, ita tamen vt aliis Romanis ducibus materiam relinqueret triumphorum.

*Aruerni,
& Allobroges
vici.*

OLYMP. CLXIV. *Mundi.* Vrb. Cond.

ann. 4. 3933. 633.

Cleopatra Grypi mater ambitiosa cum videret filium suum de Zebina victorem, quasi sui juris factum esse, cum tollere veneno destinat. At is de insidiis admonitus, eam ad poculum prægustandum inuitat, mox etiam cogit, mulierem propriā manu perire dignam, quæ tot sibi affinitate, ac sanguine iunctos sustulisset.

*Grypus
Cleopatram
venenū bi-
bere cogit.*

Consules hoc anno Romæ facti Q. Fabius Maximus, & L. Opimius Nepos; quotanta cœli serenitas, & calor extitit, vt his Consulibus, collecta vīna, ad annos ducentos seruariētur.

Vina Opimiana.

Fabius Maximus bellum confecit aduersus Allobrogas, quibus mixti erant Aruerni, eorumque Rex Bituitus. De huius exercitu cæsi cxxx. millia. Ipse sponte Romam vt purgaret sese profectus; Albæ in custodiā detentus est; eiusque filius Congentianus Romam mitti iussus. Pugnatum fuerat ad Isaram fluuium, & ferme ad eius confluentis in Rhodanum defixa tropheæ, seu faxeæ turres; contra Romanorum morem, qui numquam hactenus suis hostibus deuictis insultarant. Verum sapientius Narbonensem Galliam in prouinciā redēgerunt dixeruntque Romanorum prouinciā, cuius nobilissima pars etiamnum hodie retinet nomen. Fabius ex hoc bello triumphum, & nomen Allobrogici retulit; vt quoties appellaretur, rei tam fortiter gestæ recordaretur.

*Fab. M.
Allobroges
vincit.*

*Narbonensis
Prouincia
Rom.*

Opimius alter Consul in vrbe resedit ad tumultus Gracchi compescendos. Hic Consul vt vidit C. Gracchi languere gratiam, eam penitus

*Opimius
Consul arma
expedit in
Gracchum.*

nitus exterminare conatus est. Huius leges ple-
rasque iam antiquarat Minutius Tribunus ple-
bis, & tum turbabat Carthaginiensium Colo-
niam. Cum verba satis esse non putaret ad Grac-
chi potentiam fulciendam, Fulvius Flaccus an-
tea Consul, homo factiosus & præceps, eum ad-
vim, & ultima consilia impulit. Quo ergo die
Opimius regressurus erat Gracchus leges v-
traque factio primâ luce Capitolium insedit:
cumque rem diuinam faceret Consul, & licitor
eius aliud transferret exta, submouit Fuluij co-
hortem his verbis, *dare locum bonis, improbi-
cines*; nec mora longis stylis in eum usum para-
tis configitur. Hanc eadem statim refert ad Se-
natum convocatum Opimius, decerniturq; ma-
gnâ consensione, vt videret Consul ne Respub.
detrimentum caperet. Hic Senatores ferme om-
nes, omnes equites duobus singulos seruis stipa-
tos armati, & educit. Mittit Fulvius minorem
Filium suum, vt pacem à Senatu peteret, sed re-
missus est, ac redire prohibitus, nisi Fulvius, &
Caius ad iudicium subeundum descenderent.
Cum rediisset nihilominus, datus est in custo-
diam. Sic factâ impressio quâ dejecti Fuluijani,
Fulvius ipse captus, cum maiore filio in balneo
trucidatus est. Fuit ergo C. Gracchus in Dianæ
sanctum, inde in Lucum Furinæ, vbi se per fer-
uulum interficiendum curauit. Huius caput Sep-
timuleius retulit ad Opimium, eique repensum,
ex pacto, par auri pondus, licet pro cerebro in
hoc caput plumbum infusum esset. Exinde de se-
ditionis durior habita est quaestio, tria homi-
num millia caesi, abjecta pleraq; in amnem ca-
sorum cadauera, urbs lustrata, conditumque
Concordiæ sanum, ad facti huius memoriam,
non tam abolendam, quàm conseruandam, vti
Popul Rom. interpretabatur.

*Ceditur
Gracchus.*

OLYMP. CLXV. *Mundi* Urb Cond.

ann. 1. 3234. 634.

Consules Romæ P. Manlius, & C. Papyrius
Car-

Carbo: hic quamquam antea popularis esset, factus Consul ad optimates transiit, & L. Opimium fortiter defendit. Quintus enim Decius Tribunus plebis Exconsuli dixerat diem; sed ostendit Papyrius datam fuisse Opimio Dictatoriam potestatem à Senatu Populoque Romano. Itaque absolutus Lucius, probris tamen impetitus à populo: quare postea in causâ Iugurthinâ vocatus in iudicium, licet innocens, damnatus est, & solum vertere compulsus; adedò Gracchorum nex altè Populi mentibus inhaeserat.

*Opimius
egè ab-
solvitur.*

OLYMP. CLXV. *Mundi* Urb. Cond.

ann. 2.

3935.

635.

Coss. L. Cæcilio Metello, & L. Aurelio Cottâ factus est Tribunus plebis C. Marius, qui repulsarum patientiâ in Curiam potiùs irrupit, quàm venit. Is erat in Clientelâ Matellorum, & à Cæcilio Metello ad Tribunatum promotus erat: Cum tamen iniquam legem ferret de primorum suffragiis, repugnantem habuit L. Cottam, cui etiam Metellus assensus est. Marius utrumque rapi iussit in carcerem, nullo collegarum intercedente, pari audaciâ, & ingrati animi labe. Sic est iniusta perlata lex, Marius de Senatu, de Metello, de iustitiâ profligatis triumphavit.

*C. Marius
Trib. ple-
lis auda-
cissimus.*

Iam pridem exorti erant Numidici tumultus ex quibus bellum Iugurthinum enatum est. Iugurtha, Hiempsalis verbo, de adoptione suâ commotus, eundem in Palatio suo necat, vrbes occupat, Adherbalem alterum Micipsæ filium, vincit, ac Romam fugere compellit. Tum desperasset de rebus suis Iugurtha, nisi jam pridem didicisset omnia Romæ esse vana. Hoc igitur anno missus videtur L. Opimius ad inspicendam Numidiam, & motus illos sapientiâ suâ compescendos. Et sapienter id à Senatu factum, ut ab oculis populi Opimius odiosus amoveretur. Verùm eius sociis pecuniâ labefactatis

*Iugurthinâ
belli se-
mina.*

*Rom. le-
gatorum
iniquius.*

pars regni melior adjudicata est Iugurthæ, cui multa debuerat irrogari.

OLYMP. CLXV. Mundi Urb. Cond.

ann. 3.

3936.

636.

*Narbo
Colonia.*

Consules dicti sunt Romæ M. Portius Cato, & Q. Marcius Rex. Hic Narbonam Coloniam deduxit, quæ ab eo Narbo Martius dicta. Huius Martij fortitudo in filij sui vnici morte tolerandâ laudatur ab autoribus, vt cum non tantum in præliis fortem agnoscas.

*Cato Cō-
sul nepos
Censorini.*

Cato autem eius collega nepos fuit Censorini, & filius eius qui Prætor designatus patre viuo, obiit. Hic Cato vir eloquentissimus exitit, & in Africam Consul profectus ibidem obiit, cui suspectum fuisse Q. Aelium Tiberonem cum Piggio suspicari licet, qui commodus occurrit eius collocandi locus.

OLYMP. CLXV. Mundi Urb. Cond.

ann. 4.

3937.

637.

*Marius
Euergetes
Ptolem.*

Ptolemæus Euergetes, seu Physcon inuisus omnibus, tamque animo quam corpore deformis, hoc anno obiit relinquens filios duos Lathurum, & Alexandrum, ex Cleopatrá sorore & vxore, aliumque ex pellice dictum Appionem, cui regnum Cyrenarum addixit. Porro Euergetes iste jam reconciliatus Cleopatrá reliquit ei regnum, simulque potestatem collocandi in folio ex liberis quem ipsa mallet. Inclina- bat hæc in minorem Alexandrum; sed maiorem deligere à populo compulsæ est Lathurum, ita vocatum à Cicerculâ, quâ in facie notatus erat. Dictus est etiam à quibusdam & Soter, & Pothinus. Huic mater dato regno, vxorem suam & sororem Cleopatram eripuit, vt minorem Seleucen, seu Selenen substitueret, simulque ostenderet furiosa mater, quo odio iu maiores liberos flagraret, quos non nisi inuita regnare patiebatur.

*Lathurus
ei succedit*

*Sani à
Marcio
victi.*

Q. Martius Proconsul in Gallia Sarnos deuicit ad radices Alpium sitos, sed quo loco, nemo hæ-

hactenus pronunciare ausus est. Sarni cum Romanis impares viderent, occisis liberis atque coniugibus præcipitarunt in flammæ: præoccupati autem, & capti aut ferro, aut laqueo, aut inedia se necauerunt; superstitæ qui seruis vivere vellet nemine; tantus, & tam ferox in hac gente libertatis amor fuit.

Consulatam anni huius inierunt L. Cæcilius Metellus, & Q. Mutius Scæuola Augur, quo vtramque Aedilitatem prensauit C. Marius, eodemque die, vt ambiciosus bis repulsus est. Metellus Consul à denictis postea Dalmatis appellatus est Dalmaticus, item & Diadematus, quia diu prodiit obligata facie, propter vlcus. Is nihil delinquenti populo intulit bellum, & tantum ex triumphandi libidine; cumque in expugnanda Salonâ magnam anni partem contriuisset, triumphans in urbem rediit, supplicio quam triumpho dignior.

OLYMP. CLXVI. *Mundi* Urb Cond.

ann. 1. 3938. 638.

Consules huius anni fuere C. Licinius Geta, & Q. Fabius Maximus (aliis Q. Maximus Ebur nus) quando Adherbal videns sibi regnum relinquendum, aut armis defendendum, copias parat, & ad Cirtham castra locat; verum hæc inuadit noctu Iugurtha, & Adherbalis exercitum delect, aut fugat. Fugit Cirtham Adherbal, illic obfideretur, victore festinante rem conficere, antequam legatorum Romanorum aduentu aut prohiberetur, aut hostis Populi Romani diceretur.

OLYMP. CLXVI. *Mundi* Urb Cond.

ann. 1. 3939. 639.

Consules delecti M. Aemilius Scaurus, & M. Cæcilius Metellus. Scaurus bellum in Ligures fecit, ac de iis triumphauit, quanquam eius pater Carbonariam exercuisset, & maiores omnes habuisset inglorios; eloquentiâ tamen suâ emerfit ex sordibus, factus & Consul, & Princeps Senatus. Quam autem dignitatem solerter

*C. Ma-
rius reie-
ctus ab æ-
dilitate.
Metellus
Dalma-
ticus.*

*Adherbal
in Iugur-
thâ arma
expedit.*

*Consul
Scauri
constantia*

affectus erat, tam fortiter tutatus est: nam P. Decium Prætorem sibi non assurgentem surgere iussit, vestem eius conscidit, fregit sellam, edixitque ne quis ad eum in ius iret; ut quanta esset dignitas Consulatus, ex Prætoris magni pœna, atque dedecore omnes intellerent.

*Iugurtha
habetur
fratrem
emittere.*

Senatus admonitus de motu Numidico, mittit tres iuvenes in Africam, qui Iugurtham quiescere jubeant. Hic ludificatus Romanos variis in fratrem calumniis, obsidionem vrget, certus ubi cepisset Cirtham, ac Adherbalem sustulisset se pecuniis pacem, immò & amicitiam à Romanis impetraturum: usque aded huic explorati erant Romanorum mores.

OLYMP. CLXVI. Mundi Vrb. Cond.

ann. 3.

3940.

640.

*Catonis
Consulis
ignominiam
Prætor
Didius
corrigit.*

Hic annus Coss. M. Acilio Balbo, & C. Catone nepote Catonis Censorini, & Africani sororis filio, notatus reperitur in Fastis. Pugnavit is Cato contra pugnacissimos Thracum Scordiscos, qui feritati jungentes industriam, totum eius exercitum conciderunt. Didius tamen Prætor Consulis ignominiam correxit, ac liberâ populatione vagos Barbaros in suam repulit Thraciam, de quibus & triumphavit, tantâ Prætoris gloriâ, quanto Consulis dedecore.

*Iugurtha
auro cor-
rupis
Scaurum.*

Adherbal Cirthæ obsessus Romanorum fidem implorat, & auxilium. Mittuntur ad eum nobiles legati, ac inter reliquos Senatus Princeps M. Æmilius Scaurus. Hi cum appulissent Uticam, litteras ad Iugurtham mittunt, eumque nomine Senatus ad se vocant. Tergiversatur ille sperans se mox occupaturum urbem. Tandem quia Cirtha defendebatur animosius, venire compellitur, ubi & in Scauro se Romanorum integerrimos, pecuniâ labefactasse gloriatus est.

Lustrum conditum est à L. Metello, & Cneo Domitio, quo censa sunt civium Rom. capita 393326. crescente extra modum ciuitate, neque tot coloniis missis exhaustâ.

C A

CAPUT V.

DECAS QUINTA.

Ab anno 3940. ad 3950.

OLYMP CLXVI. Mundi Urb. Cond.
ann.4. 3941. 641.

ANtiochus Cyzicenus hoc anno contra Antiochum Grypum insurgit, ductâ Cleopatram Lathuri uxore, quæ huic dotalem exercitum in Cypro dedit. Hiscopiis auctus Cyzicenus Antiochiâ potitur, & in eâ vrbe cum vxore magnificè recipitur: Antiochenis semper ad rebellionem, novosque reges excipiendos paratissimis.

*Antiochus
Cyzicenus
in Grypū
insurgit.*

Cum legati Romam redissent, & Cirthæ oblidionem animosius vrgeret Iugurtha Italici milites quorum maximè virtute vrbs. defendebatur, Adherbalem inuitum ad deditiōem faciendam compulerunt, vitâ tantum impetratâ. Vrbe deditâ Adherbal statim excruciatu necatur, multæque patrantur in Numidiâ cædes, quibus permotus Senatus grauitè in perfidiosum Regem animaduertere decernebat, sed artibus suis & pecuniâ ministri Iugurthæ rem discussissent, nisi C. Memmius Trib. plëbis Populum incitasset, cuius tantum metu repressi Senatores æquitatem Romanam potiùs, quàm Numidicum aurum respectarunt.

*Iugurtha
caso Ad-
herbale
tantum
non Sena-
tum cor-
rumpit.*

Consulatum Romæ susceperunt C. Cæcilius Metellus Macedonici filius, & Cn. Papyrius Carbo. Metellus Catonis successor rē benè gessit in Macedonia ac de Thracibus irrupentibus triumphauit. Is postea repetundarum accusatus præclarum accepit à iudicibus suis innocentie testimonium, vtpotè cuius tabulas nunquam inspicere voluerint illi, ne de integritate tanti

*Metellus
integerri-
mus.*

viri

viri dubitasse viderentur.

*Cimbri &
Teutones
primum
visti.*

Eodem anno Cimbri ac Teutones Rhenum fluuium transgressi quod terras eorum Oceanus inundasset, iuncti Tugurinis nouos querebant agros. Alpibus ergo superatis sædam Romanorum, & sociorum stragem edidere. Quidam tamen à Cn. Papyrio victis scribunt, alij eos vicisse volunt Carbonem in Illyrico ad Nereiam oppidum. Verum quies ad annos aliquot, gentem inquietam nequaquam extitisse victricem, facilliter arguit.

OLYMP. CLXVII. *Mundi Vrb. Cond.*
ann. 1. 3942. 642.

*Cyzicenus
victus ca-
sa Cleo-
patra à
Gryphina.*

Antiochus Cyzicenus, a quibusdam Aspendios, seu Aspendos dictus, quod à fratre Grypo oblata fœdera recassasset, hoc anno victus est prælio, & ab eodem obsessus Antiochiæ. Ad hanc urbem iterum victus, fugere compulsus est. Gryphina urbem ingressa Cleopatram queri iubet, inuentamque, reclamante licet marito, interfici, quamquam hæc in templum confugisset. Itaque reginæ amplexanti Deæ simulachrum, primum abscissæ sunt manus, mox multis est confossa vulneribus; ne sorores fratribus crudelitate cecidisse viderentur.

*Liuius
Drusus
Thracas
vincit.*

Consules Romæ fuerunt M. Liuius Drusus, & C. Calpurnius Piso Cæsoninus. Liuius obtigit sorte Macedonia, unde Thracas ita retudit, ut Istrum transire prohiberet: quare de iis triumphauit, quos non timuisse, hætenus triumpho lucebatur.

OLYMP. CLXVII. *Mundi Vrb. Cond.*
ann. 1. 3943. 643.

*Cyzicenus
victor
Gryphinā
necat.*

Antiochus Cyzicenus repetito certamine Grypum vincit, eiusque uxorem Gryphinam viuam capit. Quare mox eius sanguine Cleopatraz suæ manibus parentauit; turpi utique vindictâ, sed hoc tempore, locoque necessariâ.

*Bellum in
Iugurthâ
decernitur.*

Romæ Consulibus P. Scipione Nasicâ, & L. Calpurnio Bestia iudicium est Iugurthæ bellum ob

ob crudelitatem in propinquos, & delusunt cum legatis Senatum. Africa obrigit sorte Calpurnio, homini ad hoc bellum minimè omnium idoneo, quod auri incredibili cupiditate flagraret. Hoc etiam malè, quod vnum ex comitibus suis delegit Scaurum, cuius oculos aurum Iugurthinum jam perstrixerat. Hi itaque ex fide de ditione Regis, & Elephantorum, pace non facta, sed vendita iniussu Populi Rom. ex Numidia recesserunt. Relictus exercitus in Africa grassationibus & rapinis, se sub duce grassatorum militasse nimis ostendit.

*Iugurtha
Bellum
Consul
vicit.*

OLYMP CLXVII. *Mundi* Urb. Cond.

ann. 3.

3944. 644.

Consules Romæ creati Spurius Postumius Albinus, & Q. seu M. Minucius Rufus, quando Memmius Trib. plebis Romanum Populum ad vindictam in Iugurtham incitavit. Ita missus in Africam L. Cassius Prætor, qui Regem adduceret Romam. Venit ille miserabili cultu, sed corrupto prius Bæbio Trib. plebis, quem opposuit Memmio; sicque, Populo fremente licet, accusatio tota deferbuit. Addidit & antiquis sceleribus novum crimen, & priora facinora, de more crimine obvelare conatus est. Cum enim Albinus Consul suavisset Massiæ filio Goluffæ, nepoti Massinissæ, ut regnum Numidiæ, quasi caducum peteret à Senatu, eum Iugurtha per Bomilcarem sustulit, & sicarium statim remisit in Africam. Quare Rex perfidus & crudelis statim Urbem, & Italiâ facessere iussus. Albinus cum exercitu properat in Africam, quod cum appulisset, ad eum se segniter gessit, ut suspicio injecta sit, cum quoque nummis Iugurthinis victum succubuisse.

*Accusatus
Iugurtha
corruptis
Trib. pleb.*

*Addit
crimina
crimini.*

*Albinus
Consulis
soccordia,
aut corruptela.
Scordiscos
victi
Minutio.*

Minucius sortitus Macedoniam Scordiscos ad Hebrum extensos vastavit: multos tamen è suis perdidit dum fluvium rigentem glacie cum exercitu transit incautus: quæ tamen clades ei triumphæ gloriam non ademit.

Ioan.

OLYMP. CLXVII *Mundi* Urb. Cond.

ann. 4.

3945.

645.

*Hyrcanus
captam
Samaritiam
æquavit solo*

*Frustrati
bis auxi-
liati co-
natur Cy-
zicenus.*

Ioannes Hyrcanus Samaritis infensus ob illas iniurias Marissenis, colonis Iudæorum, Samariam obsidet, eamque duplici muro, ac fossâ, per stadia 80. cingit, suisque castris filios Antigonom & Aristobulum præficit. Fame pressi Samaritani, jîmque in vetitos conuersi cibos, Cyziceni implorant opem: qui cum accessisset ad Iudæos ita repulsus est à duobus fratribus, ut ægrè effugerit eorum manus, victoribus eius tergo Scythopolim vsque seu Betzan constanter inhærentibus. Rediit tamen paulò post acceptis à Lathuro sex armatorum millibus, quibus tamen prædas agebat potiùs, quam aderat obsessis. Tandem veritus aduersam fortunam, copias suas tradidit Callimacho, & Epicrati, quorum ille dum pugnat incautius cum Iudæis, interfectus est; hic auro Iudaico corruptus Scythopolim, & alia oppida fratribus prodidit. Itaque Hyrcanus deditam Samariam sedidit, & æquavit solo, ut intelligeretur principem non tantùm suas, sed gentis suæ iniurias vltum esse.

*Cimbri
Syllanum
Consulem
vincunt.*

Consulibus Q. Cæcilio Numidico, & M. Iulio Syllano, exclusi Galliis & Hispaniis Cimbri, se in Italiam infuderunt, & à Senatu sibi dari postularunt agros; sed rejecti, armis obtinere conati sunt, quod precibus non impetrarent. Itaque Syllanum Consulem sibi obiectum primo impetu profligarunt, & docuerunt se facilius Romanis Senatusconsultis, quàm armis repelli.

*Albinus
sub iugum
missus à
Iugurtha.*

A. Albinus Proconsul, Proprætore in castris relicto fratre suo, statim incunte Ianuario copias educit ad urbem Suthul, in quâ Regij thesauri latebant. Verùm inde abstractus à Iugurtha, & in loca periniqua compulsus, sub iugum missus, intra decem dies ex Numidiâ præcepsejicitur. Frater eius P. Albinus ab olere medita-
ba.

batur ignominiam, sed militi solutissimæ disciplinæ confidere ausus non est: itaque metu propriæ cladis, fraternam patienter tulit. Romæ Mamilius Tribunus plebis autore instituta quaestio est de corruptis auro Iugurthino: Sed cum in hoc iudicium se Scaurus intrusisset, in ventos abiit; cum de latronibus, prædo pronunciatus esset.

Itaque una Populo Romano spes in Metello Consule fuit, cui sorte obtigerat Numidia. Is primum militarem disciplinam in suo correxit exercitu; quod cum didicisset Iugurtha, sicut & Ducis sibi objecti integritatem, de verâ deditione cogitavit. Sed cautè cum eo agebat Metellus, neque spem adimebat ei, neque injiciebat desperationem. Multa oppida cepit, inter cætera Vaccam; totamque regionem populatus, etiam Zamam Regiam urbem obsedit, irrito tamen conatu. Tandem Iugurtha suadente Bomilcarè deditionem veram fecit: at enim spoliatus viris, armis, pecuniâ imprudentissimè resiliit, & bellum de integro reparavit. In eo sese fortissimè gesserunt Rutilius, & Marius, qui tam egregiam operam navarunt Metello, quam Iugurthæ nocuerunt.

OLYMP. CLXVIII. Mundi Urb. Cond.

ann. 1.

3945.

646.

Consulibus Servio Sulpitio Galbâ, & M. Aurelio Scauro prorogatum est Metello in Numidiâ imperium. Marius ad Consulatum obtinendum cum Numidiâ, missionem petit à Metello, & tandem impetrat, cum ei jam utilis esse non posset propter invidiam. Vaccenses interea Romanum præsidium interficiunt; mox à Metello subacti atrociter castigantur. Iugurtha aliquot suorum cæsis, qui prodicionem moliebantur, de suis omnibus diffidere incipit. Metellus Thallam oppidum obsidet; victo prius in itinere Iugurthâ; sed urbs incenditur ab oppidanis cum omnibus divitiis ac ciuibus. Tandem Iugur-

*Frustra
iudicium
instituitur
de auro*

*Iugurthi-
no.*

*Metello
scite ob-
sigit Nu-
midia.*

*Dedit se
Iugurtha
& resiliit.*

*Metellus
urget Iu-
gurtham.*

*Reparat
copias Ju-
gurtha.*

Iugurtha fugit ad Getulos, inde ad Bocchum
socerum quos ad belli confortium inuitauit. Ab
iis instructus nouis copiis rediit ad Cirtam vr-
bem aduersus Metellum, jam segnus bellum
urgens; quia Marius expectabat successo-
rem, nec inimico suo materiam triumphi para-
re valde cupiebat.

*Scaurus
victus à
Cymbris.
Capio
Lusitanos
vincit.*

Scaurus cui obtigerat Gallia tertiam à Cym-
bris accepit cladem; victus ab iis; & exutus
exercitu. Melius Q. Servilius Capio pugnavit
in rebelles Lusitanos; de quibus Proprator
triumphauit. Ita Romanis fortuna lætis aduersa
permiscebat.

OLYMP. CLXVIII. *Mundi Urb Cond.*

ann. 2.

3947.

647.

*Marius
substitutur
Metello.*

Romæ Consulatum gessere L. Cassius, & C.
Marius; quorum hic sine sorte Metello subro-
gatus est, fremente totâ nobilitate. Quæ res sic
Metellum pupugit vt eius aspectu carere volue-
rit, parum fortiter sibi factam ferens iniuriam.
Receptus tamen Romæ magnifice; concessus-
que ei triumphus cum titulo Numidici, licet
Numidia nondum deuicta, quibus honoribus
Populus Romanus ei vtcumque satisfecit.

*Marius rē
benegerit.*

Marius bellum exorsus, duos Reges sibi infi-
diantes deuicit; Capsum oppidum cepit; ac di-
ripuit; Mulacham munitissimam urbem operâ
Liguri per saxa enitentis occupauit; Bocchum
denique & Iugurtham primum repulit, deinde
semisopitos deuicit ac profligauit. Tum L. Sylla
Quæstor in eius castra cum equitatu veniens;
quis aliquando futurus esset ostendit, eumque
Marius expectus est, qualem se in Metellum ipse
præstiterat.

*Cassius
casus à
Tigurinis.*

Consulum alter Cassius in Galliam rem pes-
simè gessit. Nam Tigurinos aggressus ab iis ca-
sus est cum magnâ exercitus parte; superstites
sub iugum missi; datis obsidibus, & dimidia
parte rerum suarum oblata, dimissi sunt inco-
lantes ad æternam ignominiam.

Con-

OLYMP. CLXVIII. *Mundi* Urb. Cond

ann. 3.

3948.

648.

Consulibus Q. Servilio Cæpione, & C. seu Q. Atilio Serrano; in Numidia continuatum est C. Mario imperium: Is Iugurtham, & Bocchum ad Cirtham diuicit, maximè opera Syllæ; quo tamen in prælio victoriam tantum non retulit Iugurtha, à se occisum Marium mentitus. Sylla deinde legatus missus ad Bocchum, ei persuasit, ut sibi generum traderet. Diu fluctauit Bocchus utrum Syllam Iugurthæ, an hunc Romanis traderet; tandem virorum fortium amicitiam, Numidicæ perfidiæ anteponendam duxit, victum Iugurtham obtulit Syllæ, ut is confecti belli Numidici gloriâ frueretur, quam ingratis Metello Marius abstulerat; sicque ingratulus per ingratum pendit pœnas.

*Iugurtha
à Boccho
traditur
Syllæ.*

Q. Cæpio cui obtigerat Gallia, Thesauros ex templo Apollinis Delphici raptos quondam à Gallis, & in Tolosates lacus, ad pestem arcendam projectos colligi iussit; ac tandem sublati custodibus sibi vindicauit, centum millia pondi auri, argenti centum decem millia, seu in genere ad quindecies centum millia talentum, hoc est sermè duodecim milliones librarum Turonicarum. Sed ea pecunia & Duci, & militibus suis fatalis fuit; hanc quisquis attigit, malè perijt, quare inter fatalia numeratum est *Aurum Tolosanum*.

*Aurum Tolosanum
Cæpioni
funestum.*

Hoc anno nata sunt magna duo Reip. Romanæ lumina M. Tullius Cicero Arpini, ex matre Heluia, patre equite, non ex genere Tulli Regis quod nonnulli fabulati sunt; neque enim vix appetentissimus gloriæ, id de se prætermisisset; immò negat se ad familiam M. Tullij patricij pertinuisse, qui decennio post exactos Reges cum Servio Sulpitio Camerino Consul fuit. Natus item nouem menses post Ciceronem Cn. Pompeius, cognomento Magnus, quò anno L. Crassus legem Servilianam suavit de communi-

*Nascentur
Cicero.*

*Nascentur
M. Pompeius.*

candis

candis Senatui, & equitibus, iudiciis. Horum sanè ortu hic annus notandus fuit, quorum nomine Romana deinceps historia personabit.

OLYMP. CLXVIII. *Mundi Vrb. Cond.*

ann. 4.

399

649.

*ades
Lusitani-
ca Rom.*

Consules huius anni fuere P. Rutilius Rufus, & C. Manilius, aliis Cn. Mallius, quando Romanam urbem magnus luctus impleuit. Cæsus est enim in Lusitaniâ Romanus exercitus; deletus est & in Galliâ in quâ Consules duo provinciam Rhodano fluuio partiti fuerant: sed dum inter se inuidiâ, & contentione potius quàm armis cum hoste pugnant, victi sunt ambo à Cymbris, Teutonibus, & Tigurinibus qui in excidium Urbis conuenerant. Cæsi sunt præter M. Aurelium Scaurum, duo Consulibus liberi, octoginta Romanorum, & sociorum millia, quadraginta millia lixarum, & calorum, atque ex tanto exercitu vix decem superfuere; adeò vt nihil prædæ victor, nihil misericordiæ victus agnosceret. Maxima odij pars in Cæpionem deriuata est, in quem C. Norbanus insurrexit, effecitque vt illi abrogaretur imperium, conjiceretur in carcerem, laceraretur carnificis manu, corpus in Gemonias Scalas abjiceretur. Alij in exilium abiisse malunt, & ab eo relicta bona filios eius inter scorta turpiter obliguriuisse. Is scilicet casus Auri Tolosani possessorem manebat.

*Maiores in
Gallia à
Cymbris
victis
Scauro,
& Cæpio.
Cæpio ce-
ditur, ma-
gnæ torioris*

*Marius
ordinat
Numidiâ*

Marius Numidiam provinciam ordinauit jam ante multis bellis concussam, exhaustamque, & in apparando triumpho temporis aliquid insumpsit, cum ei nobiliorem Populi Romani fortuna pararet.

OLYMP. CLXIX. *Mundi Vrb. Cond.*

ann. 1.

3950.

650.

*Hyrcanus
moriatur,*

Mortuus est hoc anno Ioannes Hyrcanus Pontifex, Dux & Prophetes Hebræorum, à quo primum Macchabæorum librum scriptum ferunt. Successit ei filiorum natus maximus Aristobulus, qui sibi primus imposuit Diadema. Hic

ma

matrem à patre sibi regni consortem relictam in
vinculis enecauit fame : fratrem suum Antigo-
num secundo loco genitum sic amauit , vt cum
vocaret in regni partem , reliquis fratribus de-
rentis in custodiâ. Hunc tamen paulò post , alie-
natus ab eo , per calumnias Salomes , seu Ale-
xandræ vxoris suæ , quasi is totum sibi affecta-
ret regnum , crudeliter sustulit. Aristobuli con-
silio , & fortitudine Ituræi accipere circumcisio-
nem , & Iudæis aggregati sunt , Tum cæsi fratris
cum cepit pœnitentia , & sanguinem suum , co-
euomuit in loco quo fratris sanguinem effude-
rat . Rex tantum vnus anni , & diuturniori po-
situs vitâ , quàm exigeret fratricida simul atque
matricida .

Romæ creatus est secundum C. Marius , eique
sine sorte decreta Prouincia Gallia , cum bello
Cymbrico , eius collegâ C. Flauio Fimbriâ nihil
reclamante . Eodem ergo die quo Consulatum
iniit , triumphauit de Iugurtha , quem Populo
Romano , cum duobus liberis proposuit , paulò
post in carcere strangulandum , vel sextidui fa-
me necandum . Is Romæ finis fuit huius Regis ,
qui pollicitus erat se venditurum Romam , si re-
periret emptorem .

Barbari victores in Hispaniam reflexerunt
iter , magno Marij commodo ; qui militem toto
hoc tempore indurauit , & exercuit ; quando &
magnæ æquitatis specimen edidit . Cum enim
Trebonius adolescens Lusium Marij ex sorore
nepotem à quo de stupro interpellatus erat in-
teremisset , eoram Mario vocatus in iudicium ,
non modo innocens iudicatus est , sed & coronâ
virtutis ergo donatus ; pudicitiam tum inter ho-
mines inquinatissimos triumphante : quæ æqui-
tas cum fortitudine , & castimoniâ conjuncta ,
iudici tertium peperit Consulatum .

*Aristobu-
lus ei suc-
ceat .*

*Antigonû
fratrē ne-
cat &
mercem .*

*Triumphat
Mario ,
datur Cō-
sulus cū
bello
Cymbrico .*

*Iugurtha
necatur .*

*Cymbri in
Hispaniâ
veniunt .*

*Marij
æquitas .*

CAPVT VI.

D E C A S S E X T A.

Ab anno 3950 ad 3960.

OLYMP. CLXIX. *Mundi Vrb. Cond.*
ann. 2. 3951. 651.

*Succedit
 Aristobulo
 Alex. Iā-
 naus.*

Aristobulo fratri successit Alexander Iannæus, quem statim Salome demortui Regis vxor, ætate ac modestiâ cæteris præcellentem vinculis soluit, Eum pater Hyrcanus ode-
 rat; quia huic oranti pro duobus aliis liberis Aristobulo, & Antigono, Deuseis Iannæum successorem indicarat, ideoque eum in Gallilæa, procul à suis oculis nutriendum curarat. Is sui principatus initio fratrem suum insidiantem sibi interemit (nomen Iosephus tacet) alterum Absalonem priuatâ contentum vitâ in deliciis habuit; ex æquo seuerus, & iustus.

*3. Marij
 Consulatu
 Barbari
 à Celtiberiis repressi.*

Romæ tertium Cōsulatum gessit C. Marius, cui adjunctus est collega L. Aurelius Orestes, eodem anno vitâ functus. Barbari in Hispania pugnantes à Celtiberis repressi, versus Italiam dirigunt iter, quam suâ fortitudine dignam sedem iudicabant.

*Sacerdotū
 electio Po-
 pulo data.*

Cn. Domitius Trib. plebis legem tulit vt Sacerdotes quos antea collegæ sufficiebant, Populus crearet; ipse primus Pontificatum Maximum noui huiusce tumultus præmium à Populo retulit.

*Bellum
 Seruile in
 Sicilia,
 sub Sal-
 pio, &
 Athenione*

Seruile bellum gliscebatur in Siciliâ partim Prætorum socordia, partim nequitia seruorum, partim dominorum feneritate. Itaque Saluius nescio quis se Tryphonem nominans, assumpsit regni insignia, & militiæ suæ Principem Athenionem alium seruum dixit. Mox tamen dum ab eo sibi timet, captum coniecit in vincula. In
 Sal.



Saluium missus à Senatu Lucullus cum septemdecim armatorum millibus, vt hunc tumultum compesceret. Hoc apparatu territus Saluius Athenionem soluit, eumque quadraginta suorum millibus praeficit. Pugna committitur, sed in eà Athenio 20. millia suorum perdidit, ipse multis debilitatus vulneribus, jacuit inter mortuos; reliqui Tricalam fugerunt; vbi frustra obsessi à Lucullo, qui melius hos incoauit bellum, quam gessit.

Turpilius Comicus mortuus est Sinuessæ. Neapoli item obiit Lucilius ætatis suæ 45, funere publico elatus, quamquam scripseret Satyras; quia tum malos mores carpere, periculosum non erat.

*Turpilij
Poeta mo-
ritur, &
Lucilius.*

OLYMP. CLXIX. Mundi Vrb. Cond.
ann. 3. 3952. 652.

Creatus est quartum Consul C. Marius fingens recusare consulatum, & à Saturnino Trib. plebis, histrionicâ collusione, patriæ proditor appellatus, nisi dignitatem oblatam acceptaret, quam vehementer exoptabat. Huic collega adiunctus est Q. Lutatius Catulus. Cumque bifariam diuisi essent Barbari, Cymbri per Noricum Italiam subirent, Teutones vero per Gallias; his Marius obiectus est. Statim ergo in Galliam prouinciam suam venit, castraque ad Rhodani ostium communis, fossâ ingenti ad commeatum ductâ. Hunc Teutones ad certamen prouocant, & pugnare detrectantem in castris adoriuntur, vbi tamen malè accepti, pergunt versus Italiam Romanis inclusis insultantes. Hostem mox insecutus Marius ad Aquas Sextias captato commodiore loco aggressus deuicit. In eo certamine virtus mulierum Teutonicarum enituit, quæ castra acerrimè defenderunt: miserunt & ad Marium legatos, vitam tantum deprecata, vt Vestalibus seruirent; sed repudiata priuselisis, aut trucidatis liberis omnes sese peremerunt. Reliqua pars Barbarorum cum

*4. Marii
Consula-
tus cū Ca-
tulo.*

*Teutonas,
& Ar-
brona
Marius
vici.*



*Catulus
Cymbris
impar re-
cedere co-
gitur.*

cum Marcello iniquiore loco congressa pri-
mum, mox etiam in patentibus campis, & æquo
marte, ita deleta est, vt plus ducentis millibus
perierint, octoginta millibus in seruitutem
abductis. Tantaque hieedita strages, vt diu
postea cæsorū ossibus vites suas indigenæ sep-
ferint.

In Italiâ Catulus par Cymbris non erat. Hi
enim Romanos terruerant audaciâ suâ, ex monti-
bus super clypeos suos inter niues deuoluti.
Frustra iis Athisonem fluium (quem malè qui-
dam cum Athesi confuderunt) Catulus obiecit:
eius enim fluminis perfregerunt pontem. Et tum
ne fugisse Romani tumultuariò recedentes vide-
rentur, Consul iis præmisit Aquilam, vt abire
iubente duce, non fugere metu compellente,
videretur. Ita regio fertilissima Barbarorum po-
pulationibus objecta est, tanta infamiâ, vt
Catulus à collegâ suo Mario auxilium postulare
cogeretur.

*Bellum Si-
culum re-
parat
Athenio
ob Præto-
rum socor-
diam.*

Lucullus ob ignauiam, aut avaritiam nihil
dignum laude deinceps gessit in Siciliâ; ideò
repetundarum accusatus, quasi plus Siculis,
quam seruis nocuisset. Neque sese meliùs ges-
sit Seruilius; ideò pœnas dependit exilio. Mor-
tuo inter hæc Saluio, seu Tryphone, Athenio
Rex substitutus oppugnauit vrbes, vniuersam-
que Siciliam depopulatus, tantâ potitus est præ-
dâ, vt regio more viueret, & administraret bel-
lum.

*Bellum in
Cilicia.*

M. Antonius Prætor in Ciliciam prædones
insecutus, eos ad fugam, quàm ad prælium ex-
pertus est aptiores.

OLYMP. CLXIX. *Mundi Urb. Cond.*

ann. 4.

3953.

653.

*Consul S.
C. Marius*

Consulatus quintus Mario tum quoque neces-
sario delatus est, eique adiectus Marcus, vel
Manius Aquilius collega. Huius dignitatis nū-
cium Marius accepit, cum deuictorum Teuto-
num armis facem subiecturus esset. Immo & in

Vrbem

Vrbem reuocatus, triumphare noluit, sed ad Catulum profectus, euocatis copiis cum Cymbris constituto loco ad Vercellas conflixit, eosdemque vicit. Ita tamen, vt ad eius milites præda, ad Catulianos spolia, signa militaria, tubæque pertinerent; vnde intellectum ab iis maximè relatum esse victoriam, Mario tamen huius facti attributa laus, dictusque est tertius vrbis conditor, & huic soli triumphus oblatum est, cuius voluit participem esse Catulum, minus ex modestiâ, quam ex timore Catulianorum militum, quos non credebat Ducis sui toleraturos injuriam.

*Cimbri
ad Vercel-
las profligati.*

*Triumphus
Marii,
& Catu-
li.*

Aquilius Marij collegâ Seruile bellum in Sicilia post quadriennium confecit seruis iugenti prælio deuictis, & Athenione singulari certamine prostrato, atque cæso, vbi tamen in capite luculentam plagam accepit. Multi ex seruis ad publicas aras sese ferro confecere, multi ad bestias damnati; adeo vt scribat Athenæus hoc bello centum myriadas seruorum interiisse.

*Aquilius
confecit
bellum
Siculum.*

Hoc item anno L. Apuleius Saturninus, homo nequam, & à Metello Censore alias merito notatus, A. Nonio competitore suo cæso, fit Tribun. plebis, cui se statim adiunxit spe sexti Consulatus C. Marius, dignum tali patellâ operculum.

*Apuleius
Trib. ple.*

OLYMP. CLXX.

Mundi Vrb. Cond.

ann. 1.

3954.

654.

Ptolemæus Lathurus à Cleopatrá matre pulsus Alexandriâ in Cyprum profectus est. Eripuit insuper ei mater Seleucen vxorem, ex quâ jam duos liberos susceperat: Sed & substituit eidem natum minorem filium Alexandrum, seu Alexan, improbæ matris amore scelerato dignissimum.

*Lathurus
Alexan-
dria pelli-
tur a ma-
tre.*

Romæ C. Marius sextum Consulatum magnâ vi pecuniæ per tribus pronunciata, consecutus est, quando & L. Valerium Flaccum assectam potius, quàm collegam obtinuit. Tum

*6. Marii
Cōsulatus
emptus pe-
cuniâ.*

Par. III. Tom. I.

K

autem

*Marius
Metellum
Numidi-
cū ei iū.*

autem decreuit euertere Metellum Numidicū, ex bello Iugurthino, aut verius ex virtutis odio inimicum, ideoque sibi Apuleium, & Glau-
ciam Tribunes plebis factiosos, & quondam a Metello Censore notatos adjunxit, Ab iis lata lex de diuisione agri Gallici, adjecta pœna, vt qui in eam intra dies quinque, non iuraret, 20. Talentis, pulsus ē Senatu, multaretur. Finxit se huic rogationi obistere Marius, sed mox præ-
uaticatus est: Metellus constans in proposito quamuis videret bonos omnes a se stare, veritus tamen eadem, Vrbe cessit, ostenditque ciues, sibi honore suo esse chariores. Hoc facto elati Apuleius, & Glau-
cias, adjuncto sibi Graccho nescio quo adscititio, qui se Tiberij Gracchi filium mentiebatur, Memmii Glau-
ciæ competitorē in Tribunatu per satellites suos in foro susti-
bus necant; sed mox ab ipso Mario in Capitolio obfessi, tegulis ē curiā projectis interfecti sunt; atrociori supplicio digniores.

*Quat A-
quilius.*

Quationem tantum retulit ex Seruili bello M. Aquilius, ne triumphi dignitas Seruili in-
scriptione vilesceret.

*Nascitur
Iul. Cæs.*

Tum quoq; natus est C. Julius Cæsar, de quo dubium an plus patriæ nocuerit quam profue-
rit; habuit enim in suis moribus aliquid simi-
le & geminum ventis, atque tempestati.

OLYMP CLXX. Mundi Urb. Cond.

ann. 2.

3955.

655

*Alexand.
Iannæus
Ptolemai-
dē oisidet.*

Alexander Iannæus bene vsus contentione Cyziceni atque Grypi ad Ptolemaidem copias
admouet, relatâque deciuibus victoria, eos intra mœnia compulso obsidet. Euocant illi in
auxilium suum Lathurum tum in Cypro re-
gnantem: sed autore Demeneto mox consilium
mutant, & venientem quoque excludunt Pto-
lemæum. Iannæus in Zoilum & Gazæos arma
conuertit: illi confugiunt ad Lathurum; sed
Iannæus eos præuenit, pacemque cum Lathuro
fecit eâ lege, vt agros Zoyli Iudææ attribueret,
quod

*Euocatur
Lathurus.*

quod & præstitit. Interea idem Iannæus perfidiosissimè Cleopatram ad Lathurum opprimendum aduocat. Quo agnito Lathurus cum proditore fœdus abruptit, & Iudæis insensissimus, ne Ptolemais veniret in Iudæorum manus, eam obsidet. Pacem etiam init cum Cyziceno, quod verita Cleopatra submittit ingens auxilium Grypo, & filiam suam Seleucen ereptam Lathuro. Sic crudelis mater, & impia liberorum suorum nuptiis turpiter abutebatur.

*Perfidè
agit cum
Lathuro
Iannæus.*

*Cleopatra
Grypo
fauet.*

Romæ sub Consulatu M. Antonij, & Auli Postumij Albinj, interemptis Tribunis plebis factiosis, Metellus acclamationibus populi reuocabatur ab exilio; & de eius reditu jam rogationem tulerat Q. Calidius Tribunus plebis; cum Marius opposuit Furium quendam, qui huic legi intercederet. Ad huius Tribuni plebis pedes abjectus Metelli filius, & lacrymans, nihil tumquidem obtinuit; sed à Populo Pij nomen accepit. Immò & mox accusatus coram Populo per Canuleium Tribunum plebis idem Furius, non expectata defensione à suis ipsis iudicibus discerptus, maiores pœnas Metellis dedit, quam ipsi peroptassent. Metellus itaque exul communibus Populi suffragiis, & gaudiis reuocatus est. Quam ob rem iratus Marius statim in Cappadociam nauigauit, specie ut Matridatum vota persolueret, reuera ut Metelli conspectum vitaret. Hæc quoque Marius semina belli Mitridatici iecisse dicitur, dum Regem monuit aut Romanos colere, vel delere; iisdemque vel plus posse, vel subesse: neque enim Romanos Mitridatem tam potentem, diu intactum laturos.

*Metellus
reuocatur
ab exilio.*

*Marius ex
cit ex urbe
& semina
iact belli
Mitrida-
tici.*

Tum Dolabella de Lusitanistriumphum retulit ex Hispania. Tum quoque primum in Ædilitate Claudij Pulchri pugnarunt elephantes in circo: ne deessent illæ feræ voluptati Romanj Populi, quæ alias huic tanto terrori, damnoque fuerant.

*Elephantes
in circo
pugnant.*

OLYMP. CLXX. *Mundi* Urb. Cond.
ann. 3. 3956. 656.

*V. Elus Iā-
 neni ā
 Lathuro.*

Ptolemæus Lathurus reliâis ducibus in obsi-
 dione Ptolemaidis, contra Iannæum ducit ipse
 copias suas, eiusque aliquot vrbes occupat. Oc-
 currit ei ad Iordanem Alexander cum 50. mil-
 libus Iudæorum, confertoque prælio, tam multi
 ab Ægyptiis confecti Iudæi, vt cedentium hebe-
 scerent gladij & præter captiuos, triginta mil-
 lia cæsi jacerent. Huius victoriæ luere fructus
 Ptolemæis & Gaza Ptolemæo redditæ; perfidiæ
 suæ pœnas ingentes Iannæus dedit.

*Cleopatra
 & Lathu-
 rus fraude
 certant.*

His acceptis nuncijs Cleopatra conftrato exer-
 citu cum Alexandro filio, Phœnicem appellit,
 & Ptolemaidem subire cogitat; verum a Ptole-
 mæi præsidio repellitur. Irata mulier urbem
 oppugnari iubet. Quibus auditis, Lathurus re-
 liâa Syriâ venit in Ægyptum quasi eam recu-
 peraturus. Sed inde fugatus est ab exercitu Cleo-
 patræ, & Gaze hyemare compulsus. Interea
 Cleopatra Ptolemaidem occupat, ad quam Ian-
 næus accessit cum muneribus, & in vrbe Scy-
 thopoli cum ea contraxit amicitiam, quæ inter
 infidos solet coalescere.

*Cleopatra
 ad hæc
 Iannæus.*

*Lex Cæci-
 lia-Didia*

Romæ consequutus est Consulatum operâ
 Metelli Numidici, reducis. Q. Cæcilius Me-
 tellus nepos, cui datus est collega T. Didius:
 horum opera lata lex dicta Cæcilia-Didia, de
 legibus non ferendis per Saturam, tum etiam de
 iisdem trinundino promulgandis; quibus im-
 proborum temeritas, quoad licuit, repressa est
 atque castigata.

*T. Didius
 in Hispania
 bene
 rem gerit.*

Hic est T. Didius, qui Thraces Prætor do-
 muerat; neque minùs in Consulatu felix fuit.
 Nam missus in Hispaniam Vaccæorum 20.
 millia deleuit; Termisum oppidum, semper
 infidum transtulit in planitiem, & sine mœni-
 bus iussit esse; Colendam aliam urbem 7. men-
 sium obsidione ad deditionem compulit, cuius
 ciues ex rapto viuere solitos partim vendidit,
 partim

partim trucidauit. Sub hoc Consule Sertorius rudimenta militiæ posuit, & quis aliquando futurus esset Imperator, tum miles ostendit.

*Sertori;
initia.*

M. Aquilius repetendarum accusatus à M. Antonio ita defensus est, vt suis vulneribus aliquid, cætera patroni sui deberet eloquentiæ.

M. Aquilius ab M. Antonio defensus.

OLYMP. CLXX. *Mundi Vrb. Cond.*

ann. 4.

3957.

657.

Iannæus nihil iam sibi à Lathuro reformidans ingreditur Cœlesyriam, ibique Gadaram post decem mensium obsidionem, & Amathunta capit; cum tamen prius suorum decem millia perdidisset & impedimenta, exitu latiore; quam principio.

Iannæus melius rem geris.

Iratus item Gazæis quod contra se Lathurum acciussent Raphiam & Anthedonem in eorum agro sitas occupauit: vnde intellexere Gazenses sibi cladem imminere, antemuralibus eorum excisis, aut occupatis.

Raphiam & Anthedonem capit.

Romæ Consules fuere Cn. Cornelius Lentulus, & C. Licinius Crassus: hic in Lusitania rem tam feliciter gessit vt triumphum mereretur. Censuram hoc anno gessere M. Antonius orator, & L. Valerius Flaccus, à quibus Senatu motus est M. Dronius, quod legem de sumptibus conuiuiorum Tribunus plebis abrogasset: sed postea vicissim ambitus postulauit Antonium tam malus ciuis, quam accusator.

*Censura
M. Ant.*

Tum quoque Romæ accuratè prohibita sunt humana sacrificia, & nefariæ Magorum superstitiones, illaque eiusdemmodi in perniciem humani generis à Dæmone, aut eius affeculis comparata.

*Magica
superstitiones Rom.
vetitæ.*

OLYMP. CLXXI. *Mundi Vrb. Cond.*

ann. 1.

3958.

658.

Ptolemæus Apion Lathuri nothus frater Rex Cyrenarum, moriens regni sui hæredem Populum Romanum scripsit: quare Senatus vt ostenderet legantis prudentiam, & quam sanctos hæredes elegisset, omnes huius regni ciuitates li-

*Apion Po.
Ro. relin-
quit hære-
di m.*

beras esse iussu. Quidam tamen hoc regnum tum in provinciæ formam redactum volunt; neque ex commodo regni, neque ex honore Romanorum.

*Gazam
occupat
Iannæus.*

Gazam obsedit Iannæus, & eam Lyfimachi cuiusdam proditione, occupavit. Primum enim pacatè urbem ingressus, deinde locis publicis poritus, in eam milites immisit cum omni licentiâ furandi atque cadendi. Sed Gazenses non inulti periere. Quidam enim incenderunt ædes suas, ne bonis eorum miles frueretur; quidam mactarunt liberos, uxoresque suas ne in servitutem abducerentur; denique Rex victor quingentos Senatores qui in Apollonis templi confugerant jugulavit; totam urbem diruit civibus vacuum & incensam; in quam dubitari possit, an victi, an victores atrocius sævierint.

*Iannæus
crudelis.*

Reducem in urbem Hierosolymam Iannæum excepit seditio, in quâ & Dux & Pontifex popularibus jocis appetitus est; quos tamen sex millium sanguine ultus est; ultione quæ neque Principem, multò minùs Pontificem saperet.

*Ceditur
Grypus,
succedit ei
filius Se-
leucus b.*

Antiochus Grypus insidiis Heracleonis cuiusdam interceptus finem regnandi, viuendique fecit. Successit ei filiorum natu maximus Seleucus sextus, hæres paternæ ditionis; & infelicitatis.

Romæ Consulatum inierunt Cn. Domitius Ænobarbus, & C. Cassius Longinus, quorum nomina duntaxat appellantur in Fastis.

OLYMP. CLXXI. Mundi Urb. Cond.
ann. 2. 3959. 659.

*Cyzicenus
à Seleuco
caditur.*

Antiochus Cyzicenus egens pecuniæ statuam Iouis auream cubitorum quindecim conflare iussit, aliamque ex viliori materia, inauratam tantum, Antiochiæ reponi, paulò antequam vitam amitteret, & regnum. Statim enim prælior cum suo nepotè Seleuco congressus, victus, atq; captus iussu victoris cæsus, & vitam, & pecunias perdidit. Parenti successit Antiochus Eusebes,

sebes, siue Pius, ita dictus, quod se paternæ necis vindicem professus esset; alij tamen sic ironice vocatum volunt, quod Selenen nuptam prius parenti Cyziceno, & patruo Grypo duxisset uxorem. Is Aradum ingressus imposuit sibi diadema: frustra eum perdere conatus est Seleucus; nam & eius vitauit dolos, & ad vim quoque arcendam copias comparauit.

*Cyziceno
succedit
Antiochus
Eusebes.*

Consules anni huius L. Licinius Crassus, & Q. Mutius Scæuola tulere legem quæ Licinia-Mutia dicta est, de redigendis in suas ciuitates sociis, qui passim se pro Romanis ciuibus gerebant. Quæ licet utilis, originem bello Sociali dedit. Crasso obtigit Gallia citerior, in qua grassatores Prouinciã infestantes sustulit; neque tamen de iis triumphauit; ei collegâ iure ac meritò repugnante. Asia verò Scæuolæ obuenit, quam tam sanctè, casteq; administrauit, uti etiam Prætor tribus ab hinc annis rexerat, ut vulgo in exemplum aliis magistratibus proponeretur, atque in eius honorem Mutia festa; totâ Asia celebrarentur.

*Licinia-
Mutia lex*

*Scæuole
in Asia
sanctimo-
nia.*

OLYMP. CLXXI. Mundi Urb Cond.
ann. 3. 3960. 660.

Antiochus Eusebes Seleucum vincit; atque expellit ex Syriâ, Hic delatus in Ciliciam à Mopsuestenis recipitur. Verùm dum tributa à ciuibus exigit, eorum concursu facto in Regiã, vel Gymnasio crematus cum amicis; nec satis cautus, neque satis fortis interiit.

*Seleucus
victus ab
Eusebe,
exuritur à
Mopsue-
stensis.*

Alexander Iannæus ob inauditam in suos crudelitatem Pisidis, & Cilicibus satellitibus latus suum vallat; deinde ne otium pareret ciuilem ac domesticam dissentionem, suscipit expeditionem in Arabiam aduersus Moabitas, & Galamitas. His igitur populis subactis, imperatoque tributo Amathuntem regressus; eius castellum diruit, quod non ita pridem Theodorus Zenonis filius cum decem millium Iudeorum cæde occuparat. His confectis vterius

*Iannæus
suis odio-
sus.*

*Reparas
copias Iu-
gurtha.*

Iugurtha fugit ad Getulos, inde ad Bocchum socerum quos ad belli consortium inuitauit. Ab iis instructus nouis copiis rediit ad Cirtham urbem aduersus Metellum; jam segnius bellum urgentem; quia Marium expectabat successorem; nec inimico suo materiam triumphi parare valde cupiebat.

*Scaurus
victus à
Cymbris.
Capio
Lusitanos
vincit.*

Scaurus cui obtigerat Gallia tertiam à Cymbris accepit cladem; victus ab iis; & exutus exercitus. Melius Q. Seruilius Capius pugnavit in rebelles Lusitanos; de quibus Proprætor triumphauit. Ita Romanis fortuna lætis aduersa permiscebat.

OLYMP. CLXVIII. *Mundi Urb Cond.*

ann. 3.

3947.

647.

*Marius
sublitur
Metello.*

Romæ Consulatum gessere L. Cassius; & C. Marius; quorum hic sine sorte Metello subrogatus est; fremente totâ nobilitate. Quæ res sic Metellum pupugit ut eius aspectu carere voluerit; parum fortiter sibi factam ferens iniuriam. Receptus tamen Romæ magnifice; concessusque ei triumphus cum titulo Numidici; licet Numidia nondum deuicta; quibus honoribus Populus Romanus ei utcumque satisfecit.

*Marius re
benegerit.*

Marius bellum exorsus; duos Reges sibi insidiantes deuicit; Capsum oppidum cepit; ac diripuit; Mulacham munitissimam urbem operâ Liguris per saxa erentis occupauit; Bocchum denique & Iugurtham primum repulit; deinde semisopitos deuicit ac profligauit. Tum L. Sylla Quæstor in eius castra cum equitatu veniens; quis aliquando futurus esset ostendit; eamque Marius expertus est; qualem se in Metellum ipse præstiterat.

*Cassius
casus à
Tigurinis.*

Consulum alter Cassius in Galliam rem pessimè gessit. Nam Tigurinos aggressus ab iis casus est cum magnâ exercitus parte; superstites sub jugum missi; datis obsidibus; & dimidia parte rerum suarum oblata; dimissi sunt incolumes ad æternam ignominiam.

Con-

OLYMP. CLXVIII. Mundi Urb. Cond

ann. 3. 3948. 648.

Consulibus Q. Servilio Cæpione, & C. seu Q. Atilio Serrano, in Numidia continuatum est C. Mario imperium: Is Iugurtham, & Bocchum ad Cirtham diuicit, maximè opera Syllæ; quo tamen in prælio victoriam tantum non retulit Iugurtha, à se occisum Marium mentitus. Sylla deinde legatus missus ad Bocchum, ei persuasit, ut sibi generum traderet. Diu fluctauit Bocchus verum Syllam Iugurthæ, an hunc Romanis traderet; tandem virorum fortium amicitiam, Numidicæ perfidiæ auteponeudamduxit, victum Iugurtham obtulit Syllæ, ut is confecti belli Numidici gloriâ frueretur, quam ingratis Metello Marius abstulerat; sicque ingratus per ingratum pendit pœnas.

*Iugurtha
à Boccho
traditur
Syllæ.*

Q. Cæpio cui obtigerat Gallia, Thesauros ex templo Apollinis Delphici raptos quondam à Gallis, & in Tolosates lacus, ad pestem arceudam projectos colligi iussit, ac tandem sublati custodibus sibi vindicauit, centum millia pondi auri, argenti centum decem millia, seu in genere ad quindecies centum millia talentum, hoc est ferme duodecim milliones librarum Turonicarum. Sed ea pecunia & Duci, & militibus suis fatalis fuit, hanc quisquis attigit, malè periit, quare inter fatalia numeratum est *Aurum Tolosanum*.

*Aurum Tolosanum
Cæpionis
funestum.*

Hoc anno nata sunt magna duo Reip. Romanæ lumina M. Tullius Cicero Arpini, ex matre Heluia, patre equite, non ex genere Tulli Regis quod nonnulli fabulati sunt; neque enim vix appetentissimus gloriæ, id de se prætermisisset; immò negat se ad familiam M. Tullij patricij pertinuisse, qui decennio post exactos Reges cum Servio Sulpitio Camerino Consul fuit. Natus item nouem mensibus post Ciceronem Cn. Pompeius, cognomento Magnus, quo anno L. Crassus legem Servilianam suavit de communi-

*Nascitur
Cicero.*

*Nascitur
M. Pompeius.*

candis

candis Senatû, & equitibus, iudiciis. Horum sanè ortu hic annus notandus fuit, quorum nomine Romana deinceps historia personabit.

OLYMP. CLXVIII. *Mundi Urb. Cond.*

ann. 4. 39. 9 649.

*ades
Lusitani-
ca Rom.*

Consules huius anni fuere P. Rutilius Rufus, & C. Manilius, aliis Cn. Mallius, quando Romanam urbem magnus luctus impleuit. Cæsus est enim in Lusitaniâ Romanus exercitus; deletus est & in Galliâ in quâ Consules duo provinciam Rhodano fluuiio partiti fuerant: sed dum inter se inuidiâ, & contentione potius quàm armis cum hoste pugnant, victi sunt ambo à Cymbris, Teutonibus, & Tigurinibus qui in excidium Urbis conuenerant. Cæli sunt præter M. Aurelium Scaurum, duo Consulibus liberi, octoginta Romanorum, & sociorum millia, quadraginta millia lixarum, & calonum, atque ex tanto exercitu vix decem superluere; adeò ut nihil prædæ victor, nihil misericordiæ victus agnosceret. Maxima odij pars in Cæpionem deriuata est, in quem C. Norbanus insurrexit, effecitque ut illi abrogaretur imperium, conjiceretur in carcerem, laceraretur carnificis manu, corpus in Gemonias Scalas abjiceretur. Alij in exilium abiisse malunt, & ab eo relicta bona filios eius inter scorta turpiter obliguriuisse. Is scilicet casus Auri Tolosani possessorem manebat.

*Maior in
Gallia à
Cymbris
victis
Scauro,
& Cæpio.
Cæpio ce-
ditur ma-
ximatoris*

*Marius
ordinat
Numidiâ*

Marius Numidiam provinciam ordinauit jam ante multis bellis concussam, exhaustamque, & in apparando triumpho temporis aliquid insumpsit, cum ei nobiliorem Populi Romani fortuna pararet.

OLYMP. CLXIX. *Mundi Urb. Cond.*

ann. 1. 3950. 650.

*Hyrcanus
moriatur,*

Mortuus est hoc anno Ioannes Hyrcanus Pontifex, Dux & Prophetes Hebræorum, à quo primum Macchabæorum librum scriptum fuit. Successit ei filiorum natu maximus Aristobulus, qui sibi primus imposuit Diadema. Hic

ma

matrem à patre sibi regni consortem relictam in
vinculis enecauit fame : fratrem suum Antigo-
num secundo loco genitum sic amauit , vt cum
vocaret in regni partem , reliquis fratribus de-
rentis in custodiâ. Hunc tamen paulò post , alie-
natus ab eo , per calumnias Salomes , seu Ale-
xandræ vxoris suæ , quasi is totum sibi affe-
ret regnum , crudeliter sustulit. Aristobuli con-
silio , & fortitudine Ituræi accepere circumcisio-
nem , & Iudæis aggregati sunt , Tum cæsi fratris
cum cepit pœnitentia , & sanguinem suum , co-
euomuit in loco quo fratris sanguinem effude-
rat . Rextantum vnus anni , & diuturniori po-
tius vitâ , quàm exigeret fratricida simul atque
matricida .

*Aristobu-
lus ei suc-
ceat .*

*Antigonâ
fratrē ne-
cat &
mercem .*

Romæ creatus est secundum C. Marius , eique
sine sorte decreta Prouincia Gallia , cum bello
Cymbrico , eius collegâ C. Flauio Fimbriâ nihil
reclamante . Eodem ergo die quo Consulatum
iniit , triumphauit de Iugurtha , quem Populo
Romano , cum duobus liberis proposuit , paulò
post in carcere strangulandum , vel sextidui fa-
me necandum . Is Romæ finis fuit huius Regis ,
qui pollicitus erat se venditurum Romam , si re-
periret emptorem .

*Triumphus
Mario,
datur Cō-
sulatus cū
bello
Cymbrico.*

*Iugurtha
necatur .*

Barbari victores in Hispaniam reflexerunt
iter , magno Marij commodo , qui militem toto
hoc tempore indurauit , & exercuit ; quando &
magnæ æquitatis specimen edidit . Cum enim
Trebonius adolescens Lusium Marij ex sorore
nepotem à quo de stupro interpellatus erat in-
teremisset , eoram Mario vocatus in iudicium ,
non modo innocens iudicatus est , sed & coronâ
virtutis ergo donatus ; pudicitia tum inter ho-
mines inquinatissimos triumphante : quæ æqui-
tas cum fortitudine , & castimoniâ conjuncta ,
iudici tertium peperit Consulatum .

*Cymbri in
Hispaniâ
veniunt .*

*Marij
æquitas .*

CAPVT VI.

DECA SEXTA.

Ab anno 3950 ad 3960.

OLYMP. CLXIX. Mundi Urb. Cond.
ann. 2. 3951. 651.

*Succedit
Aristobulo
Alex. Iā-
neus.*

Aristobulo fratri successit Alexander Iannæus, quem statim Salome demortui Regis vxor, ætate ac modestiâ cæteris præcellentem vinculis soluit, Eum pater Hyrcanus ode-
rat; quia huic oranti pro duobus aliis liberis Aristobulo, & Antigono, Deuseis Iannæum successorem indicarat, ideoque eum in Gallilæa, procul à suis oculis nutriendum curarat. Is sui principatus initio fratrem suum insidiantem sibi interemit (nomen Iosephus tacet) alterum Absalonem priuatâ contentum vitâ in deliciis habuit; ex æquo seuerus, & iustus.

*3. Marij
Consulatu
Barbari
à Celtiber-
is repres-
si.*

Romæ tertium Consulatū gessit C. Marius, cui adiunctus est collega L. Aurelius Orestes, eodem anno vitâ functus. Barbari in Hispania pugnantes à Celtiberis repressi, versus Italiam dirigunt iter, quam suâ fortitudine dignam sedem iudicabant.

*Sacerdotū
electio Po-
pulo data.*

Cn. Domitius Trib. plebis legem tulit ut Sacerdotes quos antea collegæ sufficiebant, Populus crearet; ipse primus Pontificatum Maximum noui huiusce tumultus præmium à Populo retulit.

*Bellum
Seruile in
Sicilia,
sub Sal-
uio, &
Aspersione*

Seruile bellum gliscebatur in Siciliâ partim Prætorum socordia, partim nequitiâ seruorum, partim dominorum seueritate. Itaque Saluius nescio quis se Tryphonem nominans, assumpsit regni insignia, & militiæ suæ Principem Athenionem alium seruum dixit. Mox tamen dum ab eo sibi timet, captum coniecit in vincula. In

Sal.



Salvium missus à Senatu Lucullus cum septemdecim armatorum millibus, ut hunc tumultum compesceret. Hoc apparatu territus Salvius Athenionem soluit, eumque quadraginta suorum millibus praeficit. Pugna committitur, sed in eà Athenio 20. millia suorum perdidit, ipse multis debillitatus vulneribus, jaceit inter mortuos; reliqui Tricalam fugerunt; vbi frustra obsessi à Lucullo, qui melius hos incoavit bellum, quam gessit.

Turpilius Comicus mortuus est Sinuessæ. Neapoli item obiit Lucilius ætatis suæ 45, funere publico elatus, quamquam scripsisset Satyras; quia tum malos mores carpere, periculosum non erat.

*Turpilii
Poeta moritur, &
Lucilius.*

OLYMP. CLXIX. Mundi Vrb. Cond.:

ann. 3.

3952.

652.

Creatus est quartum Consul C. Marius fingens recusare consulatum, & à Saturnino Trib. plebis, histrionicâ collusione, patriæ proditor appellatus, nisi dignitatem oblatam acceptaret, quam vehementer exoptabat. Huic collega adjunctus est Q. Lutatius Catulus. Cumque bifariam diuisi essent Barbari, Cymbri per Noricum Italiam subirent, Teutones vero per Gallias; his Marius objectus est. Statim ergo in Galliam provinciam suam venit, castraque ad Rhodani ostium communit, fossâ ingenti ad comitatum ductâ. Hunc Teutones ad certamen prouocant, & pugnare detrectantem in castris adoriuntur, vbi tamen malè accepti, pergunt versus Italiam Romanis inclusis insultantes. Hostem mox insecutus Marius ad Aquas Sextias captato commodiore loco aggressus deuicit. In eo certamine virtus mulierum Teutonicarum enituit, quæ castra acerrimè defenderunt: miserunt & ad Marium legatos, vitam tantum deprecatae ut Vestalibus seruirent; sed repudiatae priuselisis, aut trucidatis liberis omnes sese peremerunt. Reliqua pars Barbarorum cum

*4. Marii
Consulatus cū Ca-
tulo.*

*Teutones,
& Au-
brona
Marius
vici.*

Vrbem reuocatus, triumphare noluit, sed ad Catulum profectus, euocatis copiis cum Cymbris constituto loco ad Vercellas conflixit, eosdemque vicit. Ita tamen, vt ad eius milites præda, ad Catulianos spolia, signa militaria, tubæque pertinerent; vnde intellectum ab iis maximè relatum esse victoriam, Mario tamen huius facti attributa laus, dictusque est tertius vrbis conditor, & huic soli triumphus oblatum est, cuius voluit participem esse Catulum, minus ex modestiâ, quam ex timore Catulianorum militum, quos non credebat Ducis sui toleraturos injuriam.

*Cimbri
ad Vercel-
las profligati.*

*Triumphus
Marius,
& Catu-
lus.*

Aquilius Marij collegâ Seruile bellum in Sicilia post quadriennium confecit seruis ingenti prælio deuictis, & Athenione singulari certamine prostrato, atque cæso, vbi tamen in capite luculentam plagam accepit. Multi ex seruis ad publicas aras sese ferro confecere, multi ad beatias damnati; adeo vt scribat Athenæus hoc bello centum myriadas seruorum interiisse.

*Aquilius
confecit
bellum
Siculum.*

Hoc item anno L. Apuleius Saturninus, homo nequam, & à Metello Censore aliàs merito notatus, A. Nonio competitore suo cæso, fit Tribun. plebis, cui se statim adiunxit spe sexti Consulatus C. Marius, dignum tali patellâ operculum.

*Apuleius
Trib. ple.*

OLYMP. CLXX. Mundi Vrb. Cond.

ann. 2.

3954.

654.

Ptolemæus Lathurus à Cleopatrá matre pulsus Alexandriâ in Cyprum profectus est. Eripuit insuper ei mater Seleucen vxorem, ex quâ iam duos liberos susceperat: Sed & substituit eidem natu minorem filium Alexandrum, seu Alexan, improbæ matris amore scelerato dignissimum.

*Lathurus
Alexan-
dria pelli-
tur a ma-
tre.*

Romæ C. Marius sextum Consulatum magnâ vi pecuniæ per tribus pronuntiata, consecutus est, quando & L. Valerium Flaccum assecclam potius, quàm collegam obtinuit. Tum

*6. Marij
Cōsulatus
emptus pe-
cunia.*

Pars III. Tom. I.

K

autem

*Marius
Metellum
Numidici
cū ei iūit.*

*Apuleius,
& Glau-
cias
Mario
caſi.*

*Quat A-
quilius.*

*Nāſcitur
Jul. Cæſ.*

*Alexand.
Iannæus
Ptolemai-
dæ oſſidet.*

*Euocatur
Lathurus.*

autem decreuit euertere Metellum Numidicū,
ex bello Iugurthino, aut verius ex virtutis odio
inimicum, ideoque ſibi Apuleium, & Glau-
ciam Tribunes plebis factioſos, & quondam a
Metello Cenſore notatos adiuuxit. Ab iis lata
lex de diuiſione agri Gallici, adjecta pœna, vt
qui in eam intra dies quinque, non iuraret, 20.
Talentis, pulſus eſt Senatu, mulctaretur. Finxit ſe
huic rogationi obſiſtere Marius, ſed mox præ-
uaticatus eſt: Metellus conſtans in propoſito
quamuis videret bonos omnes à ſe ſtare, veritus
tamen eadem, Vrbe ceſſit, oſtenditque ciues, ſibi
honore ſuo eſſe chariores. Hoc factō elati Apu-
leius, & Glaucias, adiuncto ſibi Graccho neſcio
quo adſcititio, qui ſe Tiberij Gracchi filium
mentiebatur, Memmium Glauciæ competitorē
in Tribunatu per ſatellites ſuos in foro fuſti-
bus necant; ſed mox ab ipſo Mario in Capito-
lio obſeſſi, tegulis eſt curiā projectis interfecti ſunt;
atrociori ſupplicio digniores.

Quationem tantum retulit ex Seruili bello
M. Aquilius, ne triumphi dignitas Seruili in-
ſcriptione vileſceret.

Tum quoq; natus eſt C. Julius Cæſar, de quo
dubium an plus patriæ nocuerit quam profue-
rit; habuit enim in ſuis moribus aliquid ſimi-
le & geminum ventis, atque tempeſtati.

OLYMP CLXX. Mundi Urb. Cond.
ann. 2. 3955. 655

Alexander Iannæus bene uſus contentione
Cyziceni atque Grypi ad Ptolemaidem copias
admouet, relatâque deciuibus victoria, eos
intra mœnia compulſos obſidet. Euocant illi in
auxilium ſuum Lathurum tum in Cypro re-
gnantem: ſed autore Demeneto mox conſilium
mutant, & venientem quoque excludunt Pto-
lemæum. Iannæus in Zoilum & Gazæos arma
conuertit: illi confugiunt ad Lathurum; ſed
Iannæus eos præuenit, pacemque cum Lathuro
fecit eâ lege, vt agros Zoyli Iudææ attribueret;
quod

quod & præstitit. Interea idem Iannæus perfidiosissime Cleopatram ad Lathurum opprimendum aduocat. Quo agnito Lathurus cum proditore fœdus abrumpit, & Iudæis insensissimus, ne Ptolemais veniret in Iudæorum manus, eam obsidet. Pacem etiam init cum Cyziceno, quod verita Cleopatra submittit ingens auxilium Grypo, & filiam suam Seleucen ereptam Lathuro. Sic crudelis mater, & impia liberorum suorum nuptiis turpiter abutebatur.

*Perfidè
agit cum
Lathuro
Iannæus.*

*Cleopatra
Grypo
fauet.*

Romæ sub Consulatu M. Antonij, & Auli Postumij Albinj, interemptis Tribunis plebis factiosis, Metellus acclamationibus populi reuocabatur ab exilio; & de eius reditu jam rogationem tulerat Q. Calidius Tribunus plebis; cum Marius opposuit Furium quendam, qui huic legi intercederet. Ad huius Tribuni plebis pedes abjectus Metelli filius, & lacrymans, nihil tum quidem obtinuit; sed à Populo Pij nomen accepit. Immo & mox accusatus coram Populo per Canuleium Tribunum plebis idem Furius, non expectata defensione à suis ipsis iudicibus discerptus, maiores pœnas Metellis dedit, quam ipsi peroptassent. Metellus itaque exul communibus Populi suffragiis, & gaudiis reuocatus est. Quam ob rem iratus Marius statim in Cappadociam nauigauit, specie ut Marti Deum vota persolueret, reuera ut Metelli conspectum vitaret. Hic quoque Marius semina belli Mitridatici jecisse dicitur, dum Regem monuit aut Romanos colere, vel deicere; iisdemque vel plus posse, vel subesse: neque enim Romanos Mitridatem tam potentem, diu intantum laturos.

*Metellus
reuocatur
ab exilio.*

*Marius ex
uit ex urbe
& semina
iactat belli
Mitrida-
tici.*

Tum Dolabella de Lusitanis triumphum retulit ex Hispania. Tum quoque primum in Ædilitate Claudij Pulchri pugnarunt elephantes in circo: ne deessent illæ feræ voluptati Romanæ Populi, quæ alias huic tanto terrori, damnoque fuerant.

*Elephantes
in circo
pugnant.*

OLYMP. CLXX. *Mundi* Urb. Cond.

ann. 3. 3956. 656.

*Victus Iā-
neus à
Lathuro.*

Ptolemæus Lathurus relictis ducibus in obsidione Ptolemaidis, contra Iannæum ducit ipse copias suas, eiusque aliquot vrbes occupat. Occurrit ei ad Iordanem Alexander cum 50. milibus Iudæorum, confertoque prælio, tam multi ab Ægyptiis confecti Iudæi, ut cedentium hebescerent gladij & præter captiuos, triginta millia cæsi jacerent. Huius victoriæ iuere fructus Ptolemais & Gaza Ptolemæo redditæ; perfidiæ suæ pœnas ingentes Iannæus dedit.

*Cleopatra
et Lathu-
rus fraude
certant.*

His acceptis nunciis Cleopatra confiato exercitu cum Alexandro filio, Phœnicem appellit, & Ptolemaidem subire cogitat; verum à Ptolemæi præsidio repellitur. Irata mulier urbem oppugnari jubet. Quibus auditis, Lathurus relictâ Syriâ venit in Ægyptum quasi eam recuperaturus. Sed inde fugatus est ab exercitu Cleopatræ, & Gaze hyemare compulsus. Interea Cleopatra Ptolemaidem occupat, ad quam Iannæus accessit cum muneribus, & in vrbe Scythopoli cum ea contraxit amicitiam, quæ inter infidos solet coalescere.

*Cleopatra
ad hæc
Iannæus.**Lex Cæci-
lia-Didia*

Romæ consequutus est Consulatum operâ Metelli Numidici, reducis. Q. Cæcilius Metellus nepos, cui datus est collega T. Didius: horum opera lata lex dicta Cæcilia-Didia, de legibus non ferendis per Saturam, tum etiam de iisdem trinundino promulgandis; quibus improborum temeritas, quoad licuit, repressa est atque castigata.

*T Didius
in Hispania
benè
rem gerit.*

Hic est T. Didius, qui Thraces Prætor domuerat; neque minùs in Consulatu felix fuit. Nam missus in Hispaniam Vaccæorum 20. millia deleuit; Termisum oppidum, semper infidum transtulit in planitiem, & sine mœnibus iussit esse; Colendam aliam urbem 7. mensium obsidione ad deditiorem compulit, cuius ciues ex rapto vivere solitos partim vendidit, partim

partim trucidauit. Sub hoc Consule Sertorius rudimenta militiæ posuit, & quis aliquando futurus esset Imperator, tum miles ostendit.

*Sertori,
initia.*

M. Aquilius repetendarum accusatus à M. Antonio ita defensus est, vt suis vulneribus aliquid, cætera patroni sui deberet eloquentiæ.

M. Aquilius ab M. Antonio defensus.

OLYMP. CLXX. *Mundi Vrb. Cond.*

ann. 4.

3957.

657.

Iannæus nihil iam sibi à Lathuro reformidans ingreditur Cœlesyriam, ibique Gadaram post decem mensium obsidionem, & Amathunta capit; cum tamen prius suorum decem millia perdidisset & impedimenta, exitu latiore, quam principio.

Iannæus melius rem geris.

Iratus item Gazæis quod contra se Lathurum acciuisent Raphiam & Anthedonem in eorum agro sitas occupauit: vnde intellexere Gazenses sibi cladem imminere, antemuralibus eorum excisis, aut occupatis.

Raphiam & Anthedonem capit.

Romæ Consules fuere Cn. Cornelius Lentulus, & C. Licinius Crassus: hic in Lusitania rem tam feliciter gessit vt triumphum mereretur. Censuram hoc anno gessere M. Antonius orator, & L. Valerius Flaccus, à quibus Senatu motus est M. Duronius, quod legem de sumptibus conuiuiorum Tribunus plebis abrogasset: sed postea vicissim ambitus postulauit Antonium tam malus ciuis, quam accusator.

*Censura
M. Ant.*

Tum quoque Romæ accuratè prohibita sunt humana sacrificia, & nefariæ Magorum superstitiones, illaque eiusdemmodi in perniciem humani generis à Dæmone, aut eius affectis comparata.

Magice superstitiones Rom. vetitæ.

OLYMP. CLXXI. *Mundi Vrb. Cond.*

ann. 1.

3958.

658.

Ptolemæus Apion Lathuri nothus frater Rex Cyrenarum, moriens regni sui hæredem Popul. Romanum scripsit: quare Senatus vt ostenderet legantis prudentiam, & quam sanctos hæ. sedes elegisset, omnes huius regni ciuitates libera-

Apion Po. Ro. relinquit hæredem.

beras esse iussu. Quidam tamen hoc regnum tum in prouinciæ formam redactum volunt; neque ex commodo regni, neque ex honore Romanorum.

*Gazam
occupat
Iannæus.*

Gazam obsedit Iannæus, & eam Lyfimachi cuiusdam proditione, occupauit. Primum enim pacatè urbem ingressus, deinde locis publicis poritus, in eam milites immisit cum omni licentiâ furandi atque cædendi. Sed Gazenses non inulti periere. Quidam enim incenderunt ædes suas, ne bonis eorum miles frueretur; quidam mactarunt liberos, vxoresque suas ne in seruitutem abducerentur; denique Rex victor quingentos Senatores qui in Apollonis templi confugerant jugulauit; rotam urbem diruit ciuibus vacuam & incensam; in quam dubitari possit, an victi, an victores atrociùs sæuierint.

*Iannæus
crudelis.*

Reducem in urbem Hierosolymam Iannæum excepit seditio, in quâ & Dux & Pontifex popularibus joci appetitus est; quos tamen sex millium sanguine ultus est; ultione quæ neque Principem, multò minùs Pontificem saperet.

*Ceditur
Grypus,
succedit ei
filius Se-
leucus b.*

Antiochus Grypus insidiis Heracleonis cuiusdam interceptus finem regnandi, viuendique fecit. Succellit ei filiorum natus maximus Seleucus sextus, hæres paternæ ditionis; & infelicitatis.

Romæ Consulatum inierunt Cn. Domitius Ænobarbus, & C. Cassius Longinus, quorum nomina duntaxat appellantur in Fastis.

OLYMP. CLXXI. Mundi Urb. Cond.

ann. 2.

3959.

659.

*Cyzicenus
à Seleuco
ceditur.*

Antiochus Cyzicenus egens pecuniæ statuas Iouis auream cubitorum quindecim conflare iussit, aliamque ex viliori materia, inauratam tantum, Antiochiæ reponi, paulò antequam vitam amitteret, & regnum. Statim enim prælior cum suo nepote Seleuco congressus, victus, atq; captus iussu victoris cæsus, & vitam, & pecunias perdidit. Parenti succellit Antiochus Eusebes,

sebes,

febes, siue pius, ita dictus, quod se paternæ necis vindicem professus esset; alij tamen sic ironice vocatum volunt, quod Selenen nuptam prius parenti Cyziceno, & patruo Grypo duxisset uxorem. Is Aradam ingressus imposuit sibi diadema: frustra eum perdere conatus est Seleucus; nam & eius vitauit dolos, & ad vim quoque arcendam copias comparauit.

*Cyziceno
succedit
Antiochus
Eusebes.*

Consules anni huius L. Licinius Crassus, & Q. Mutius Scauola tulere legem quæ Licinia-Mutia dicta est, de redigendis in suas ciuitates sociis, qui passim se pro Romanis ciuibus gerebant. Quæ licet utilis, originem bello Sociali dedit. Crasso obtigit Gallia citerior, in qua grassatores Prouinciã infestantes sustulit; neque tamen de iis triumphauit; ei collegã iure ac meritò repugnante. Asia verò Scauolæ obuenit, quàm tam sanctè, casteq; administrauit, vt etiam Prætor tribus ab hinc annis rexerat, vt vulgo in exemplum aliis magistratibus proponeretur, atque in eius honorem Mutia festa; tota Asia celebrarentur.

*Licinia-
Mutia lex*

*Scauola
in Asia
sanctimo-
nia.*

OLYMP. CLXXI. *Mundi Vrb Cond.*

ann. 3. 3960. 660.

Antiochus Eusebes Seleucum vincit, atque expellit ex Syriã, Hic delatus in Ciliciam à Mopsuestenis recipitur. Verùm dum tributa à ciuibus exigit, eorum concursu facto in Regiã, vel Gymnasio crematus cum amicis; nec satis cautus, neque satis fortis interiit.

*Selenus
victus ab
Eusebe,
exuritur à
Mopsue-
stensis.*

Alexander Iannæus ob inauditam in suos crudelitatem Pisidis, & Cilicibus satellitibus latus suum vallat; deinde ne otium pareret ciuilem ac domesticam dissentionem, suscipit expeditionem in Arabiam aduersus Moabitas, & Galaaditas. His igitur populis subactis, imperatoque tributo Amathuntem regressus, eius castellum diruit, quod noui ita pridem Theodoros Zenonis filius cum decem millium Iudeorum eadē occuparat. His confectis vterius

*Iannæus
suis odio-
sus.*

etiam pergere decreuit, & Obedam Arabum Regem appetere bello; verum ab eius Camelis obtritustotum ferè amisit, exercitum, ac timoris atque dedecoris plenus ægrè Hierosolymam repetiit. jam minùs timendus, neque tamen minùs odiosus.

*Belli Mi-
tridatici
fermentum*

L. Sylla Proprætor ex Senatusconsulto Ariobarzanem Cappadociæ regno restituit, ejecto Gordio duce Mitridatis. Huic regno Rex ille Ponticus filium suum præfecerat, cæso Ariarathæ. Quæ expeditio Mitridatici belli fermentum fuit.

*Flacci
us gæ-
lus in Celti-
beria.*

Romæ Consulatum obtinuerunt C. Calpurnius Calpurnius, & L. Domitius Ahenobarbus, de quorum rebus gestis nihil habemus, sed multa de Flacco Prætoris, qui tum regebat Celtiberiam. In vrbe Belgidâ populus ad rebellionem spectans, cunctantem Senatum exussit: accurrunt Flaccus, multitudinis armatæ viginti millia cædit, eorumque sanguine accensam seditionem restinguit. Aliquot item vrbes diruit ad rebellionem spectantes, cæsis earum Principibus; vnde Romanam reuersus Consulatum suæ fortitudinis, & industriæ præmium retulit.

C A P V T VII.

D E C A S S E P T I M A.

Ab anno 3960. ad 3970.

OLYMP. CLXXI.	Mundi	Vrb. Cond.
ann. 4.	3961.	661.

*Antiochus
visus ab
Eusebio.*

*Philippus
aus frater
causiar.*

SEleuco sublato succedit frater eius Antiochus, alter Grypi filius, qui regnum eripere Eusebio conatus est; sed vno prælio victus, & vitam, & regnandi voluntatem perdidit. Frater eius Philippus, damno propinqui sui factus sapientior, non ausus cum Pio congregi partem

partem duntaxat Syriæ occupavit, & in ea placide vixit, plus vitæ, & otij, quam honoris, & regni sollicitus.

Romæ Consules dicti C. Valerius Flaccus, & M. Herennius nepos, sub quibus P. Rutilij Ruffi iudicium celebratum est, magna rei gloriæ, iudicantium dedecore, opprobrio Romanæ ciuitatis. Is summæ innocentie, & integritatis vir legatus Q. Mutij (non C. Marij vt aliqui perperam legunt) Asiam à Publicanorum iniuriis & rapinis defenderat. Ab iis accusatus coram Equitibus, eiusdem farinae hominibus, nulum demissi animi indicium præ se tulit, & damnatus iniustissime Smyrnæ secessit, ubi in litterarum studio consensuit, nactus in suo infortunio felicitatem.

*Iudicium
Rutilij
celebre.*

OLYMP CLXXII. Mundi Vrb. Cond.

ann. 1. 3962. 662.

Tertius Antiochi Grypi filius Demetrius cognomento Eucærus, exemplum fratris sui Philippi secutus, & fretus auxilio Lathuri Cypriorum Regis Damascum occupat, & in hac parte Syriæ regni sui sedem figit Tum conjunctis cum fratre viribus aggreditur Eusebem; sed hic fratres fortiter repulit; & penitus obtriuisset, nisi aliena quàm sua curare maluisset.

*Demetrius
Eucæri
regnum.*

Consules erant Romæ C. Claudius Pulcher & M. Peperna seu Perperna nepos, sub quibus Censuram gessere Cn. Domitius Ænobarbus, & L. Crassus orator, sed propter dissimilitudinem morum contentiosissimam. Domitius exprobrauit Crasso domum, quam emere voluit ab eo sexagies sestertiū, & acquieuerat Crassus, si sex loti eximerentur, sed conditionem recusauit Domitius; unde Crassus illi insultauit, quasi sex lotos sestertiū sexagies æstimaret. Obiecit ille vicissim Crasso Hymetias Columnas sex, & quod attritus luxisset Muranæ piscem in suâ piscinâ mortuam, quod fastus est Crassus in Senatu, atque ex hoc dolore suo

*Censura
Crassi &
Domitii
contentiosa*

*Rhetores
Crassus
ei in Vr-
be.*

gloriam traxit. Contra ut erat facetus Crassus, ait mirum non esse si Domitius nutritet barbam æneam, cui esset os ferreum, & cor plumbeum. Ita mutuis conuiciis traducta Censura, cuius sanè notâ ambo erant dignissimi propter intempestiuam discordiam. Mirum autem tantum oratorem Rhetores, quibus adhærebant otiosi adolescentes, Vrbe eiecisse, neque potius discipulose mendasse, quàm magistros alioquin utilissimos castigasse.

OLYMP. CLXXII. *Mundi* Urb Cond.

Ann 2.

3963.

663

*Marficum
seu Sociale
le bellum.*

Consulibus L. Martio Philippo, & Sexto Iulio Cæsare Marficum bellum, seu Sociale, seu Italicum exortum est. Et Italicum dictum quod in Italiâ gestum esse, munitâ vrbe Corfinio, quæ tum Italica vocata, ut esset societatis caput: Sociale quod à Sociis Populi Romani, & perpetuis comitibus in bellis: Marficum denique quod Marfi duce Popedio Silone de sectionis auctores extitissent. Huius belli causa proxima fuit M. Liuius Drusus, qui dum iudicia quorum infamiâ laborabant equites, transferre cupit, socios Italicos spe Romanæ ciuitatis obtinendæ concitauit. Tandem cum tulisset legem de iudiciis inter Equites, & Senatores communicandis, vtrumque offendit ordinem; itaque apud socios pactis stare non potuit: immo ab ignoto quodam occisus est domi, cultro in vulnere relicto. Neque verò de eius morte habita questio est; contra vero leges eius omnes, referente L. Martio, vno Senatusconsulto sublata, aliaque perlata lex aduersus eos qui sociis Italicis ius ciuitatis essent polliciti; ideoque damnati Cotta, Bestia, & Mummius Achaicus exularunt. His auditis Socij in Romanos conspirant, & vtrumque Consulem Feriis Latinis intereipere moliantur. Romani legatos miserunt qui rem explorarent. Seruilius Proconsul, capto qui mittebatur ab Aseulanis obside, eos ad saniora

*Liuius
Drusus
caditur.*

con-

consilia reuocare voluit, sed ab iis cæsus est cum legato suo Fonteio, eodemque impetu Ro. omnes trucidati ciues.: malum statim à Marſis exceptum, & ad alios celeriter traductum. Hinc conspiratio populorum, qui tamen Romam misere legatos, vt jus ciuitatis precibus obtinerent, quod armis poterant occupare: sed reiecti sunt; audiendi, cum resipuiſſent. Itaque magnis vtriusque sumptibus & animis paratum bellum, quo periculosius, & atrocius Roma nullum sentit, eo sanè evertenda, nisi fociis defuiſſent duces, hæc peritissimos Imperatores naſta, ex damnis ſuis mirabiliter emerſiſſet.

OLYMP. CLXXII. *Mundi Vrb. Cond.*

ann 3. 3964. 664.

Alexander seu Alexas Ptolemæus Cleopatram matrem, cuius occultis consiliis petebatur, interficit. Morte digna jam pridem erat scelerata mulier, & ab omnibus probanda, nisi à filio eſſet illata.

Ptolem. Alexas Cleopatram matrem interficit.

Tum quoque Nicomedes à Socrate fratre eiectus, in regnum Bithyniæ reſtitutus eſt, vt Ariobarzanes in regnum Cappadociæ, & vterque Senatusconsulto, ac iuuito Mitridate, quod altera belli Mitridatici fax fuit.

Reſtitutū Nicomeder, & Ariobarzanes.

Consulibus huius anni C. Iunio Cæsare, & P. Rutilio Lupo bellum Sociale demandatum eſt; adiunctique legati Rutilio quidem Cn. Pompeius Magni pater, Q. Cæpio, C. Marius, C. Perperna, & Valerius Meſſala; Cæsari autem Sextus eius frater, P. Lentulus, T. Didius, Licinius Crassus, L. Cornelius Sylla, M. Marcellus, vtriusque supra centum armatorum milia scripta, diuise Prouinciæ inter duces vtriusque partis, à Socijs Corfinium belli constructa sedes, vt in eâ quotannis duo Consules, duodecim Imperatores eligerentur. Rutilius Consul cum Vettio Catone in transitu Liris depugnans, multos ferro, plures fluuij vorticibus perdidit: ipse saucius è pugna relatus in Urbem

Duces in bello Sociali.

Corfinium belli sedes

*Pugnatur
malè à
Rom.*

paulò post interiit . Vnde magna Romæ perturbation ; ideo statutum , vt quo quisque cecidisset loco ibidem sepeliretur . Alter Consulum Cæsar cum triginta millibus Peditum , Equitum quinque millibus , a Marco Egnatio interceptus insidiis , ægrè se intra mœnia Theanirecepit . Bellum igitur hoc anno malè Romanis cessit , quia ab eorum hostibus prudentius illatum , quam ab his susceptum est , atque propulsum .

OLYMP. CLXXII. *Mundi Vrb. Cond.*

ann. 4.

3965.

665.

*Alexand.
Psol. in-
versatur .*

Alexander Ptolemæus concursu populi , obcasam matrem , primùm expellitur , deinde à Chereâ Nauarcho interimitur . Reuocatur ergo Lathurus in regnum , omnibus acceptus , quod patienter illatam à matre tulisset injuriam , & ereptum sibi à fratre regnum expectare , quàm repetere maluisset . Iactatum vulgò Romæ Alexandrum reliquisse hæredem regni sui Pop. Romanum ; verùm statim rumor ille consenuit , Lathurus duplici titulo Ægyptum verè suam , repugnante nemine , administravit .

*Reuoca-
tur La-
thurus .*

*Iudæorum
in Iannæū
odium .*

Alexander Iannæus variis tumultibus exercitus est , adedò vt à clade Arabicâ effractor plusquam quinquaginta Iudæorum millia ceciderit . Pertæsus ergo tot cædium cum Populo redire voluit in gratiam , & quæsiuit à suis publicè , quid à se postularent : illi vno ore , responderunt , vt se interim-ret : statimque ad Demetrium Eucærum legatos miserunt qui auxilia peterent , animis ita exulceratis , vt omnia vergerent ad desperationem .

*Moluntur
rebelli onē*

Romæ Consulibus L. Porcio Catoni , & Cneo Pompeio Straboni ita bellum Sociale commissum , vt tamen Cæsari prorogaretur imperium . Hic ad Asculum caesis octo millibus hostium interiit , ex morbo . Tum Umbri , & Etrusci ad defectionem inclinabant : quare Senatus remanentes in fide Socios admisit ad militiam , & iusciuium iis prudenter dedit , sicque multis in

offi-

officio continuit. Superioris maris accolæ ignari mutata Etruscorum sententiæ, dum ad eos per calles devios se conferunt cum quindecim armatorum millibus, in Pompeium inciderunt, & suorum quinque millia in certamine perdiderunt, reliqui palantes fame, & frigore male perierunt. Idem Pompeius Marfos, Vestinos, Marrucinos magnis cladibus affecit, atque de iis triumphum meruit, quia hi jam exterorum hostium loco cæperant esse. Consulum alter Cato, à C. Mario filio n. Magni Marij dicitur in prælio fuisse cæsus, quod se eius patri exæquasset. L. Sylla primum cum Cluentio, & Samnitibus male pugnavit, mox adeo feliciter, ut anno sequenti Consulatum mereretur.

OLYMP. CLXXIII. *Mandi* Urb Cond.

ann. 1.

3966.

666.

Demetrius Eucærus à Iudæis evocatus, Iudæam ingreditur, junctusque rebellibus conficit peditum quadraginta millia, equitum tria. Occurrit huic Iannæus cum 20. millibus Iudæorum, & sex millibus mercenariorum. Ad Sicimam cum ambo exercitus aliquando confedisent, tandem conseruerunt manus; victoria Demetrio cessit, qui tamen eam non est usus, quod à fratre Philippo sibi vereretur: itaque vicisse contentus recessit, hostique reliquit suæ victoriæ fructum.

Consulibus L. Cornelio Sylla, & Q. Pompeio Ruffo bellum indicitur Mitridati (Mitridatem hunc nummi vocant) quod Nicomedem Bithyniæ, Ariobarzanem Cappadociæ exuisset, & cura tanti belli demandatur Syllæ, cuius virtus anno superiori enituerat.

Bellum Italicum jam remissius à Sociis geri videbatur. Cosconio enim Pratori se plerique populi desiderant, & successor eius Cæcilius Metella Apulos deuicerat quo in prælio Popædij vnus de autoribus rebellionis occiderat. Quare de Sociis quidam in Italiam Mitridatem

*Vario iur-
tu à Ro.
& sociis
pugnauer.*

*Demetrius
Eucærus
Iannæum
vincit.*

*BEI.
V M
MITRI
DATI.
CVM.*

*Bellum
Sociale
geritur re-
missius.*

quo-

*Evocatur
à Sociis
Mitrída-
tes.*

*Sulpitius
Trib. pleb.
bellū Mi-
tridaticū
Mario
committit.*

*Sylla Rō.
veniens
Marianos
vincit, &
fugat.*

*Pompeius
at exerci-
tu caditur*

*Mitrída-
tes Rōm.
vincit.*

*Aquilius
captus il-
ludis, cū
que nec*

edocarūt: ille dum tergiuesatur, & de acqui-
rendā sibi Asiā cogitat, occasionem elabi passus
est, quam postea caluam esseprehendit.

Interea Sylla Consul Vrbe cum copiis egres-
sus circa Nolam morabatur, & languentis bellī
reliquias conficiebat; cum Sulpitius Trib. ple-
bis, lege ad populum latā, Syllæ abrogat impe-
rium, & bellī Mitridatici curam C. Mario, id
vehementer exoptanti, committit. Redit ergo
ad Urbem Sylla cum sex Legionibus, initaque
cum Marianis pugnā, eam victor ingreditur;
duodecim turbarum autores proscribit inter
quos Sulpitium & Marios patrem ac filium.
Sulpitius fugiens ab equitibus cæsus est. Marius
pater in paludibus Minturnensibus ita latens vt
oculis & naribus tantum extaret, mortis certis-
simum periculum adiit, etiam detrusus in carce-
tem, submissoque seruo publico, quem oculo
suo terruit. Emissus tandem à Senatu Mintur-
nensi, cum filio, qui ei ad Ænariam insulam
occurrit, in Africam transfretauit, vbi vixit in
Carthaginiis ruinis, vt miseræ urbis aspectu, mi-
serias suas deliniret.

Senatus metuens alteri Consuli Q. Pompeio
Ruffo ei decreuit Italiam cum exercitu Cn.
Pompei Proconsulis: sed hæ copię tantum tu-
multum excitarunt, vt in eo Consul caderetur;
ita dum Q. Pompei incolumitati nimium studet
Senatus, eum imprudenter perdidit.

Mitridates interea bene vsus discordiā Ro-
manorum, & à Cassio, Oppio, Aquilio in suo
Oratore Pelopidā male acceptus, qui bellum
ei inconsulto Senatu indixerant, Nicomedem,
& Romanorum exercitum aggreditur, & operā
maximè curruum falcatorum eos profligat. Ad
hæc Q. Oppium à Laodiceis proditum instar
feræ circumduxit; Manium etiam Aquilium
captum, asino impositum, omnibus Asiæ vrbi-
bus obiecit, ac tandem auro in os infuso inte-
remt, vt satiaretur auro mortuus, qui eodem
vixit

uius numquam expletus fuerat. Denique vna litterarum significatione per totam Asiam incredibilem ciuium Ro. multitudinem interfecit; quā centum quinquaginta millia interiisse perhibentur: & hāc eade nullam luculentiorē vnquam ciuitas Romana senferat.

*Ro. prius
tam Asiam
cadit.*

Postea Rhodum magnō apparatu tentauit idem Mitridates; vnde tamen repulsus est cum damno, & ignominia. In suis ducibus felicior fuit: Pelopidas enim in Lycia, Archelaus in Gracia, Ariarathes filius in Thracia, Metaphernes in Eubaea & Magnesia rem non male gesserunt; quia iis Romani non obsistebant, domesticum mulcibus impliciti.

*Mitrida-
tes à Rho-
do depel-
litur.*

OLYMP. CLXXIII. *Mundi Vrb. Cond.*

ann. 2.

3967.

667.

Iudaei deserti à Demetrio in Iannæum suis tantum viribus pugnant, & facile superantur; is tandem in munitionem Bethomam compulso vi capit, atque eorum potentissimos Hierosolymam victos trahit. Hic epulans cum suis concubinis eorum octingentos crucibus affigi iubet & in eorum conspectu coniuges liberosque trucidari; vnde ei inditum Thracidae nomen, ac deinceps non Pontifex, sed popa Iudaeorum audit.

*Iannæus
Iudaeos
vincit, ex
eis 800.
affigit
cruci.*

Demetrius relicta Iudaea in Beroeam mouet, vbi & fratrem Philippum obsidet; verum superuenientibus Arabum, Parthorumque auxiliis non tantum victus, sed & victus ad Mitridatem Parthorum Regem deductus est. Hic interiit ex morbo, ac Philippo fratri, quem capitaliter oderat, regnum integrum, pacatumque reliquit.

*Demetrius
capius in-
terit.*

Romae Consules creati Cn. Octavius, & L. Cornelius Cinna. Hic dum perniciosas patriae ferre conatur leges ab Octauio collega vrbe pellitur, & cum Italos ad defectionem sollicitaret exautoratur, eiusque loco Consul renunciatur L. Cornelius Merula Flamen Dialis. Cinna ta-

*Consul
Cinna ex-
autoratus.
cum Ma-
rio Romā
fugit.*

men

men receptus ab exercitu ad Nolam retinet insignia Consulatus, & accedit ad Urbem, quam Consules munierant. Sed mox eadem tribus castris circumfessa est Marij, Sertorij, Cinnæ & Carbonis. Euocatur Sylla, sed longius distabat ut ferre posset opem. Euocatur & Metellus pugnans in Samnites; verum cum tergiuersatur cum iis inire pacem, Marius eum præuenit; itaque neque Samnites debellauit, neque consuluit patriæ. Interea ab Appio Claudio aperta est Mario porta Ianiculi, qui per eam cum Cinnâ in urbem irrupit; sed uterque repulsus est ab Octauio, & Q. Pompeio. Moxque Pompeius fulmine, aut pestilentia interiit. Urbs tandem fame compulsa se dedit, cæsi Consul Octavius, & M. Antonius Orator, ægrè à submissis satellitibus interfectus; Merula Consul Q. Catulus, & P. Crassus sibi manus intulerunt, Urbs tota cadibus sædata, insepultisque cadaueribus sterquilinio, quam urbi similior fuit.

*Cæsi O-
ctavius &
M. Antonio.*

*Sylla in
Græcia
pugnat.*

Interea Sylla oppugnabat Pyrrum quod tatabatur Archelaus; Ariarathes filius Mitridatis Macedoniam occupat; inde dum venit ad ferendam opem Archelao in itinere moritur, pari gaudio & dolore Romanorum, atque Ponticorum.

*Plorius
Gallus
Roma
Rhetor.*

Plorius Gallus tum primus Romæ docuit Rhetoricam, atque inter arma ciuilesque discordias eloquentiæ Professor auditus est.

OLYMP. CLXXIII. Mundi Urb. Cond.

ann. 3.

3968.

668

*Antiochus
Dionysius
Syria
Rex.*

Philippi quintus frater, filius Grypi Antiochus Dionysius inuasit regnum Cœlesyriæ, & se Damasci Regem dixit. Mox in Arabas duxit exercitum; quando Milesius Arcis præfectus Urbem Damascum Philippo tradidit: at hic cum videri cupit eam vi, non prodizione cepisse, perdidit. Dionysius inuito Iannæo per Iudæam transit aduersus Arabas, quibuscum dum pugnat, & cornu laborans restituere nititur,

*Et cædi
rur ab A-
rabibus.*

inte-

interimitur. Sicque Syria Damascena Aretæ se submisit, atque Arabibus nobilis victoriæ præmium fuit.

L. Sylla post diuturnam obsidionem capit Arhenas, & Aristonem qui ei restiterat interfecit, ac urbem liberam jubet esse, quia fuerat multorum eruditorum mater. Mox Archelaum ingenti prælio vicit, ex quo vix decem hostium millia subdixerunt sese ex centum millibus peditum, & Equitum decem millibus. Mitridates audita suorum clade Dorylaum mittit in Graciam, cum octoginta armatorum millibus, quibuscum etiam certauit feliciter Sylla, quamquam milites eius detrectarent certamen; quod tamen impulsu sui ducis audaciâ, inire compulsi sunt. Quindecim hostium millia cæsi in prælio, sequenti die castris expugnatis plures, inter alios Diogenes filius Archelai; ipse Archelaus fugit Chalcidem, Græcia Syllæ victoris arbitrio relicta. Quis enim huic post tantas victorias obsisteret?

Romæ Consules sine comitiis dixerunt sese C. Marius septimum, & L. Cornelius Cinna secundum. Quo die de more Consulatum iniit Kal. Ianuarij C. Marius Sextum Licinium Senatorem de Saxo Tarpeio deiici iussit, ac post dies tredecim, aut sexdecim, ex susceptâ vltro intemperantiâ, metu Syllanæ vindiçæ obiit. Vir de quo dubites, an bello vtilior fuerit patriæ, an pace deterior. Suffectus ei Valerius Flaccus Consul, belli Mitridatici curam suscepit, cui minus Mitridates, quam legatus suus Fimbria timendus fuit.

Hoc anno C. Valerium Catullum Veronensem Poëtam C. Iulij Cæsaris hospitem natum ferunt, in quo Latina Poësis florere cœpit.

OLYMP. CLXXIII. Mundi Urb. Cond. ann. 4. 3969. 669.

Valerius Flaccus à C. Fimbria legato suo ex puteo in quo latebat extractus, interemptus est. Ipse

Sylla capit Arhenas.

Archelaum vincit, & Dorylaum.

Marius Consul, cum Cinna.

Obiit Marius.

Nascitur Catullus, Fimbria cæso Valerio Flacco Mitridatem fugat.

Ipse Fimbria ducem se exercitus sine Senatus ;
aut Populi autoritate dixit ; ac transiens in Asiā
ipsum etiam Mitridatem compulit in fugam ;
manu , quā animo melior .

*Archelaus
cum Sylla
pacem scitur.*

Archelaus jussu Mitridatis quā potest ho-
nestis conditionibus cum Syllā pacem compo-
nit ; quā hic quoque peroptabat , indigens pec-
uniā , & cogitans ultionem . Sicque terminatum
est primum bellum Mitridaticum ; quo tentavit
Rex ille magnus Pop. Romani vires , futurus su-
perior si relictā Asiā cum suis copiis , & pecuniā
transisset in Italiam .

*In Syllā
Cōf. bellū
parant .*

Romæ Consules erant L. Cornelius Cinnā
tertium , & Cneus Papyrius Carbo in locum
Valerij suffectus . Hi aduersus Syllam bellum pa-
rant ; excepturi eum ut pestem patriæ , non de
Mitridate victorem . Tum quoque lustrum con-
ditum est atque inter tot clades , atque cædes
463000. ciuium capita numerata sunt .

*Rex Sy-
riae Tigra-
ni .*

Tigranes Rex Armeniæ ditissimus , & sub-
nixus Parthicā , ac Mitridaticā societate hoc
anno Syriæ Rex renunciatus est à Syris , mor-
tuo Philippo Grypi filio . Miseros enim Syros
exadebat tot præliorum , atque direptionum ;
filius tamen Antiochi Eusebis latuit in aliquo
Asiæ loco ; vnde cognominatus Asiaticus , cui
præter spem nihil relictum est . Sicque defecit
imperium Seleucidarum , quod degustauit tan-
tū Tigranes , ut id Romanis melioribus &
fortioribus domini relinqueret .

OLYMP. CLXXIV. *Mundi* Urb Cond.

Ann. 1.

3970.

670.

*Fimbria
Ilienses
vocat &
diripit .*

Ilienses à Fimbriā vexati confugiunt ad Syl-
lam . Hic pollicetur opem ; & Fimbriā à tur-
bandis sociis absistere iubet . At Fimbria quasi
amicus Ilium ingressus urbem deripit ac cremat
pæne funestius , quā à Græcis fuerat euersa ;
legatos ad Syllam in templo Mineræ intercep-
tos crudeliter enecat . In eum ergo Sylla pro-
greditur , quem omnia molientem sui deseruere ,
& ad

& ad Syllam fortiorem confugere ; Fimbria in templo Æsculapij sibi violentas manus infert. Inde Sylla verius diripit , quam componit Asiam. Cum enim eam in 44. partes distribuisset, his pecuniam imperavit omni bello , ac direptione duriolem, & intolerabiliorem. Nicomedem tamen , & Ariobarzanem in sua regna per Curionem reduci iussit. , populos aliquot sociis Populi Romani adscripsit ; servos à Mitridate manu in flos prioribus heris reddidit. Et nequid barbarum hic oriretur Murenam cum duabus legionibus Fimbrianis ibidem reliquit. Ita jam timoris vacuus, pecuniæ, & vltionis plenus Italiam repetere cogitat.

*Fimbria
se interfecit.*

*Sylla ordi-
nat &
diripit
Asiam.*

Romæ Consulatum tenuerunt L. Cornelius Cinna quartum, & Cn. Papyrius Carbo secundum. Cinna in Dalmatiam proficisci parat, ut occurrat Syllæ, ex Asia cum exercitu redeunti : sed suos parum obsequentes experitur ; quos dum etiam minis intempestivis exasperat, cæditur. Itaque reliquo anno solus Carbo Consul fuit. Tum legati à Senatu ad Syllam missi de pace ; petit Sylla ut ejecti à Cinna restituerentur, quod erat pacis initium ; sed discussum à Carbone magno eius, & Reip. damno.

*Cinna eg-
ditur à
suis.
Carbo solus
Consul.*

Tum quoque Libertini in triginta quinque tribus diuisi sunt, ut hoc beneficio fierent, ad tutandam Urbem ; quasi iam suam, alacrior-
res.

*Libertini
diuisi in
35. tribus*



CAPVT VIII.

DECA 3 OCTAVA.

Ab anno 3970 ad 3980.

OLYMP. CLXXIV. Mundi Urb. Cond.
 ann. 2. 3971. 671.

*Templa
 Delphicū
 & Capi-
 tolium de-
 flagant.*

Hoc anno Templum Delphicum deflagrauit, eodem quo Capitolium Romæ, non sine portentomagnæ calamitatis.

*Sylla ap-
 pellit in
 Italiam.*

Consulibus L. Cornelio Scipione Asiatico, & Cn. Norbano Flacco, Sylla cum classe mille sexcentarum nauium Brundisium appulit, ibique triginta millia armatorum exposuit, adiunctis itinere Metelli Pij, Cn. Pompeij, & Cethegi copiis. Tum agebat Proconsulem Sylla, cum neque ipse neque Metellus dignitatem deposuissent. progrediebatur autem per Italiam innoxius, ut sibi populos conciliaret, & pacem honestam vbique loquebatur. Norbanum ramentum ad Canusium vicit, ex cuius exercitu sex millia cecidit, paucis suorum desideratis. Inde ad Scipionem progressus, eius copias, injectâ pacis mentione ad se ita pellexit, ut solus ipse Consul cum filio remaneret in castris, quos tamen Sylla dimisit incolumes; at hi obliti patriæ in exilio Massiliæ vivere. Inde venit ad Urbem, sed cum Carbo præuenit, effecitque ut & Metellus, & alij Syllanarum partium sectatores, hostes patriæ judicarentur.

*Carbo su-
 bit urbem,
 ac turbat.*

*Pompeius
 occurrit
 Sylla.*

Eodem tempore Pompeius tribus Volonum legionibus copias Syllanas auxit, natus tantum anno 23. unde charissimus deinceps exitit Syllæ, & subuehi altius cœptus, quam Romana libertas postulare.

*Sertorius
 fugit in
 Hispaniã
 suam pro-
 uinciam.*

Quoque Sertorius sortitus Hispaniam Sueciam Syllanæ factionis urbem occupauit; cum

cum tamen Scipionis exercitus defecisset ad Syllam, fugit in suam prouinciam, vbi cum ei non succederetur, telam cum suis Hispanis texuit, quàm Populus Romanus ægrè, & non nisi post multos annos retexuit.

OLYMP. CLXXIV. *Mundi Vrb Cond.*

ann. 3. 3972. 672.

Iannæus expeditis rationibus suis cum Aretâ multa recepit loca Dion, Essam, Gamala, & aliquot regulos atque inter cæteros Theodotum Zenonis filium, & Demetrium sibi subjunxit, reduxque in patriam, ita receptus est, vt res illæ prosperè gestæ omnia in eum populi sui odia restinxisse viderentur. Vsq; adeò principes de subditorum amore desperare non debent.

Romæ facti Consules Cn. Papyrius Carbo tertium, & C. Marius Gratulianus viginti quinque tantum annos natus, adoptatus à C. Mario, qui liberis carebat. Hic Marius parum sceleratè cum Syllâ pugnavit, & copiarum parte ad victorem transeunte Præneste compulsus, ibidemque obfessus est. Obsidionem soluere non semel aggressus est Carbo, Lucani item, Samnites, atque Capuani cum septuaginta millibus armatorum, semper irritò conatu. Ipse Marius sæpè tentatâ eruptione, repulsus est semper. Itaque demandatâ Prætori oppidi curâ, & aliquot virorum illustrium cæde, sibi violentas intulit manus, adolescens fortis, & dignus C. Marii septies Consulis adoptione, quem moribus truculentis repræsentabat.

Damasippus interea Prætor Romæ vocato Senatu nobilitatem omnem Syllæ fauentem trucidauit. Quibus auditis Sylla venit ad Urbem, & cum Lamponio, ac Carinatis reliquiis ad octoginta millia, fortiter pugnat ac vincit, duodecim millia sese ipsi dedunt. Tum subit Urbem, & ordinat. Mox cum Carbone ad Clusium totâ die certat. Sed Carbo auditâ suorum aliquot duum defectione, vel fugâ, ipse fugit in Africam,

parti-

*Iannæus à
Iudæis
amicè re-
cipitur.*

*C. Marius
victus obse-
detur Præ-
neste.*

*Sylla ad
urbem ve-
nit, &
omnes vin-
cit Rom.
& Sam-
nites.*

partibus suis flagitiosè desertis. Carboniani tamen duces Damalippus, Carinas, & Martius Telestinus inuaderet tentant Urbem tum imparatam. Verùm rediit properè Sylla: pugnatur ad portam Collinam dubiâ victoriâ, quâ & Sylla vitæ discrimen adiit; mox tamen dilapsi Carboniani audaciùs, quàm constantiùs suas tutati sunt partes. Cum à Samnitibus potissimùm ea esset suscepta expeditio, eorum captiuorum duodecim millia Sylla suis sagittariis obiecit conficienda. Tum quoque Præneste se dedit Lucretio: Romanis data venia, reliqui ad duodecim millia telis confixi, vrbs direpta, & hostilem in modum vexata, quamquam passa esset potius, quàm intulisset iniuriam. Inde Metellus in Hispaniam Pompeius aduersus Carbonem in Siciliam, & Africam missi; ipse Sylla Romæ immanem proscriptionem edidit primùm mille sexcentorum, deinde octuaginta, denique ducentorum viginti; populi quoque tum integri vexati sunt, vrbiũ multarum diruta mœnia, tota municipia sub hastâ venierunt; ipse Dictator creatus, eique posita in Rostris statua, nomine Principi, reuera Tyranno. Hoc supererat Romanis post amissam libertatem, vt eius quoque euersorem venerari cogerentur.

Proscriptio Romæ.

Mitridates à Romanis ad bellum cōpellitur.

Mitridates gesto cum Colchis, & Bosphoranis bello, cæsoque filio suo Mitridate, quem illi sibi dari Regem petierant, magnam habebat classem, magnas pedestres copias. Quare injecta Murænæ suspicio eum de bello cogitare, Tum quoque fugit ad Romanos Archelaus veritus Regis odium, cuius negotia in pace cum Romanis in ita parum fideliter administrasse videbatur. Is Murænâ impulit vt potius inferret, quàm expectaret bellum; & verò hic Comanani urbem in Cappadociâ cepit, quod secundi huius belli classicum fuit.

Nascitur Terentius Varro.

Hoc anno natus est in Narbonensi prouinciâ, vico Atacæ, P. Terentius Varro, vir sui sæculi

culi postea scientissimus, & doctissimus vndi-
cumque.

OLYMP. CLXXIV. *Mundi Urb. Cond.*

ann. 4

3973.

673.

Ptolemæus Lathurus hoc anno viuendi re-
gnandique finem fecit, cum jam secundum an-
nis octo imperaret Ægypto. Huic Sylla successi-
se videtur Alexandrum, Lathuri ex fratre Ale-
xandro nepotem, in insulâ Connutritum, & à
Cois Mitridati datum, ex quo fugerat ad Syl-
lam. Sed Syllæ spes accisæ sunt, eo post dies
vnde viginti ab Alexandrinis trucidato. Ei ergo
successit alius cognominis Alexander, de quo
reducendo postea cogitauit Iulius Cæsar; nam
hic quoque ab Alexandrinis eiectus est, vt suo
diceretur loco. Itaque hoc tempore series Ptole-
mæorum, vt eorum quoque regnum perturba-
tissima sunt.

*Lathurus
moritur,*

*Duo ei
succedunt
Alex.*

Murena in Asia Mitridaticum bellum perse-
quitur, Rege certamen sapienter detrectante.
Eò cum venisset ab Vrbe Callidius, omnibus
audientibus bello appeti Regem prohibuit; mox
tamen priuatim Murenam allocutus, eum visus
est excitare, vti pergeret. Mitridates igitur pa-
re actâ fraude re currit ad arma, vicos Romano-
rum plurimos vastauit, Murenam vicit, &
compegit in Phrygiam; vnde reuocatus est à
Syllâ, & vt Romana ignominia tegeretur, vti
quidam volunt, triumphare permissus. Gabi-
nio tamen interprete, iussu Syllæ pax cum Mi-
tridate renouata est, quâ tamen irritatus potius
quàm delinitus Mitridates, factus est hostis Ro-
manorum implacabilis.

*Murena
Mitrida-
tē aggre-
ditur, sed
tandem
vincitur.*

Hoc anno Consulibus M. Tullio Decula, &
Cneo Cornelio Dolabella, Dictatore L. Corne-
lio Sylla, ipse magnificè de Metridate trium-
phauit, seque Felicem dici iussit, quasi iam for-
tunatos omnes longè superasset.

*Sylla tri-
umphat,
& dicitur
Felix.*

Tum quoque triumphauit Pompeius de Afri-
câ ob res in Domitium, & Iarbam fortiter ge-
stas.

*Pompeii
de Africa
triumphat.*

*Pompeius
dictus à
Sylla
Magnus.*

stas. Tacuit tamen Carbonem, & socios quos jugulari iusserat, illum etiam ad suos pedes abjectum. Pompeio redeunti, obuiam ipse quoque Sylla processit, eumque amicissimè complexus, Magnum appellauit, quod nomen ei deinceps perpetuum fuit. Obstitit tamen eius triumpho, quod neque Consul, neque Prætor esset, eumque passus est potiùs, quàm probauit. Pompeius ad currum suum iunxerat Elephantos, sed quia iis ingressum porta Triumphalis non aperiebat, iuncti equi eum, viginti tantùm & sex annorum natum, in Capitolium detulerunt.

*Tullius
pro Quintio
dixit.*

Hoc anno dixit pro Quintio M. Tullius Cicero, primamque emisit orationem, quam præ manibus habemus; opus adolescentis, sed jam perfecti, & consummati Oratoris.

OLYMP. CLXXV. *Mundi Vrb. Cond.*

ann. 1.

3974.

674.

*Sertorius
Hispanos
à Romanis
euerit.*

Consules hoc anno creati L. Cornelius Sylla secundùm, & Q. Cæcilius Metellus, quo Sertorius in Hispania inualescens, reprimendus fuit. Cura huius belli Metello Consuli demandata, qui tamen paulò seriùs in Hispaniam venit. Sertorius ergo desperans in Urbem reditum, parare decreuit Marianis partibus in Hispaniam per fugium. Gentes igitur illas ab alienatis à Romanis Prætorum iniuriis, & rapinis, sibi conciliauit; & quia se mox petendum à Sylla intellexit, Liuium Salinatorem præmisit qui Pyrenæi montis fauces occuparet: sed hunc missus à Sylla C. Anniius interemit. Sertorius ergo traiecit in Africam, vnde rediens cum copiis, Annij præsidium oppressit: mox & Pacianum alterum Syllæ ducem exterminauit; atq; electus Imperator à Lusitanis, reliquis certatim populis ad ipsum deficientibus, partes suas in Hispaniâ visus est reparare.

*Sertorius
benè in-
choat tel-
lum.*

*Tullius
Roscium
Amerinū
defendit.*

M. Tullius Sextum Roscium Amerinum, patricidij reum, ita defendit, aduersus Chrysgonum, hominem Syllæ gratiosum, ut illum absoluen-

soluendum curaret; verum sibi odium conciliavit Syllæ; quare secessit in Asiam; inquadum excoht ingenium suum, ipsis etiam Græcis, naturâ eloquentibus, iniecit admirationem.

Mitridates otium nactus subegit Bosphorum, & Bosporanis gentibus Macharem filium suum Regem dedit. Tum legatos Romanam misit, qui fœdus firmarent, et usque scriberent leges. Sed Syllâ demortuo concidit ista legatio, docuitque, Mitridatem minus Romanos, quam Syllam reormidasse.

Mitridates Syllam timet.

OLYMP. CLXXV. *Mundi Vrb. Cond.*

ann. 2. 3975. 675.

Populus hoc quoque anno Syllam designavit Consulem; at ipse creandos obtulit Publium Seruilium Vatiâ Isauricum, & Appium Pulchrum anno tertio suæ Dictaturæ, quo & illam deposuit. Vir incredibilis audaciæ, qui nihil timuerit, centum millibus armatorum hoc bello civili absumptis, jugulatis Senatoribus octoginta Marianæ factionis, Consularibus quindecim, Equitibus bis mille sexcentis, præter innumeros exules: ut omittam vrbes, & arces dirutas, sublatas immunitates, gentes sub hastâ venditas. Itaque dimissis lictoribus, & satellitibus, in publico cum amicis apparuit, paratus etiam factorum suorum reddere rationem; quam ob causam eum nesciisse litteras postea Iulius Cæsar iudicauit. Verum parata habebat in Italia centum viginti suorum millia quos ditauerat possessionibus Marianorum, præter decem millia Corneliorum Libertinorum, quos per tribus sparserat, aliosque facinorosos, quibus vivere, & incolumem esse Syllam expediebat. Ab hoc tempore profectus in Cumanum suum piscationi, & venatibus indulgit, inter mimos, exoletos, & scorta, dignum exautorato Tyranno Choragium.

Sylla depositus Dictaturam.

Sylla priuari vita.

Hoc anno M. Tullius Athenas venit, ubi

Tullius Athenas venit.

Part III. Tom I.

L

tan.

tantum eloquentiæ suæ dedit specimen, ut cum Græcia Romanis fortitudine esset inferior, eisdem quoque eloquentiâ decedere videretur.

*Sertorius
Rom. me-
suerunt.*

Adversus Sertorium jam Hispanum à Romanis pugnatum infeliciter. Nam Domitius, & L. Manilius Proconsul Galliæ, itemq; M. Antonius legatus, ab Herculeio Sertorij duce oppressi sunt. Metellus ipse à Sertorio multum, diuque vexatus, immò vocatus ad singulare certamen, utroque probante exercitu. Sed ille sapienter professus velle se ducem mori, non gregarium militem, maluit se & exercitum ad Pompeij aduentum, certamque victoriam reservare.

OLYMP. CLXXV. *Mundi* Urb. Cond.
ann. 3. 3976. 676.

*Mort Alex.
Iann.*

Obiit hoc anno Alexander Iannæus, jam tertium annum laborans febri quartanâ, quam ex temulentia contraxerat. Obsidebat tunc Castellum Rageba in finibus Gerasenorum. Igitur fato proximus monuit Alexandram uxorem suam, ut capto castris, morte suâ tantisper celatâ, Phariseos sibi demereretur, quod accuratè præstitit. Sic callida mulier sibi reservavit imperium, Hyrcano homini ignavo Pontificatum permisit, Aristobulo acri & impigro, militiæ præfectoram, vta sapienter, & ubique Phariseorum consilio, qui huic populi gratiam collegerunt. Quo facto ostendit mulieres ad imperia regenda non esse penitus ineptas, si non suo, sed aliorum consilio regi velint.

*Alexandra
eius uxor
sapient.*

Consules Marcus Æmilius Lepidus, & Q. Iulius Catulus Consules creati; & ille quidem favore Pompeij, Syllâ reclamante, qui cum stolidum, & Marianæ factionis fautorem norat. Tum idem Sylla decimam bonorum suorum facrauit Herculi; at dum intemperantiùs in suo Comano viuit, contraxit morbum, quo eius viscera exulcerata sunt. Ex iis pediculi tanta coplà eruperunt, ut iis tollendis, famuli eius im-

pares

pares essent . Pridie quàm moreretur Gran-
nium tergiuersantem solvere quod debebat *Sylla mo-*
Reip. spe eius mortis; in suo cubiculo stran- *ritur.*
gulari iussit; dumq; vociferatur, vomica ru-
ptâ, sanguinem, ac saniem euomens, morte
Tyranno dignissimâ obiit, annos natus sexa-
ginta. Sepultus est in Campo Martio, primusq;
ex Cornelii Patriciis igne cremari voluit . *Etia post*
Dum combureretur cœlum pluuiam minaba- *obitum*
tur; ea suspensa est, donec consumpto cada- *salin.*
uere, eius cineres abluendi fuere; cui lotio-
ni suâ pluuiâ cœlum quoque fauit. Sic Sylla
etiam post obitum Felix, atq; hoc nomine di-
gnus est visus. Duo Consules ex eius funere re-
deuntes vehementius, quàm sapientius iurgati
sunt, dum Catulus Syllæ fauet, Æmilius cum
execratur; hic volebat à Syllâ latas leges irri-
tas fieri, ille seruare. Itaque Senatus metuens
ciuile bellum vtrumque iurejurando deuinxit,
neutrum jus suum, & opinionem armis prose-
cutorum. Nihilominus paulò post Lepidus in
Galliam Vltiorem profectus est, vbi dum co-
pias cogit, ostendit se, & malum Consulem, &
juramenti sui prauaricatorem.

Sertorius hoc quoque anno Metellum exagi-
tauit. Nam hic dum Iatobrigas expugnare pa-
rat siti; is ille aquas suffecit, & Aquinum cum
sex Romanorum millibus, dum frumentatum
exit incautiùs, fortiter, & prudenter deleuit.
Quare obsidionem soluere coactus est Metellus,
à suis & Hispanis irrisus. Acceptissimus contra
factus est Sertorius, qui tum Osoæ Academiam *Osoæ Aca-*
instituit, vbi nobiles liberos Hispanorum lin- *demiam*
guis Græcâ, & Romanâ erudiendos curauit in *statuit*
speciem; reuerâ vt eos obsides haberet, ac pa- *Sertorius.*
rentes, filiorum metu, in officio contineret.

Mitridates quoque Tigranem generum suum
ad occupandam Cappadociam incitauit. Itaque
hic trecenta millia Cappadocum in Armeniam
transtulit, & suam condidit magnificè Tlgra- *Tigranes*
occupat *Cappado-*
ciam.

nocertam. Tumque imposuit capiti suo diadema, iam duorum regnorum princeps, Syriae, & Armeniae, quibus Cappadociam quasi appendicem adjunxerat. Sed hæc Cappadocia perdenda Syriae causa fuit; Armeniae vix, ac precario tantum retinenda.

OLYMP. CLXXV. *Mundi Vrb. Cond.*

ann. 4.

3977.

677.

*Æmilius
Lepidus
victus fu-
git, &
occidit.*

Consulibus D. Iunio Bruto, & Marco Æmilio Lepido Liuiano nullius nominis viro, iurgium inter Consules superioris annis excitatum in apertum erupit bellum. M. enim Lepidus ex Etruriâ vrbi admouit exercitum; cui occurrentes ad Pontem Miluium Catulus, & Pompeius, eum submouerunt, fugaruntque. Mox is à Senatu hostis patriæ iudicatus, primum in Etruriam, deinde in Sardiniam concessit, vbi ex dolore rei malè gestæ, aut vt alij credunt, ex stupro vxori illato, interiit. Supererat Brutus in Gallia Cisalpina; sed cum eius exercitus se Pompeio dedidisset, & Dux se quoque fidei Pompeij commisisset, eius nihilominus iussu necatus est; quæ nec plus infamiae Pompeio, quam eius partibus commodi attulit.

*Brutus à
Pompeio
cessat.*

*Domitij
triumphus*

Eodem anno de Macedoniâ Domitius Præconsul triumphauit: cui successor datus Appius Claudius rem satis malè gessit aduersus Rhodopes montis æcolas; ibidemque paulò post morbo correptus interiit, vir maioris animi, quam consilij, & sceleris.

*Appius
Claudius
rem male
gerit.*

*Pompeius
in Sertoriū
mittitur.*

Pompeius tum quoque contra Sertorium missus, quia huic par esse Metellus non videbatur. Ac primum eundem cum suis Hispanis tentantem Italiam, ex Alpibus submouit, & ad sua tutanda redire in Hispaniam compulit. Huic se Perperna cum parte exercitus Lepidi coniunxit, inuitus licet, quia suis auspiciis bellum gerere non poterat. Aduentu Pompeij nutabant aliquot vrbes in Hispaniâ. Sed cum Pompeius à Sertorio ad Lauronem victus esset, mutauere

*Pompeius
victus ad
Lauronem*

sen.

sententiam. Spectante ergo Pompeio Magno, me-
que congredi audenti, Lauro ciuitas sese dedi-
dit. Et eius quidem ciuibus pepercit Sertorius,
sed vt stomachum Pompeio moueret, eam in
eius oculis incendit.

OLYMP CLXXVI. *Mundi* Vrb. Cond.

ann. 1.

3978.

678

Iannæi veteres amici alij post aliora Phari-
sæis, Regina dissimulante, tollebantur; quare
qui supererant in Regiam cum Aristobulo con-
ueniunt, & Reginam rogant vt per castella Iu-
dææ distribuantur, sicque vitam suam tueantur;
idque impetrant & quia multi, & quia Aristobulo
freti, & quia rem non iniustam postula-
bant.

*Pharisei
amicos
Iannæi
solunt.*

Consulibus Cn. Octauio Nepote, & C. Scri-
bonio Curione, Pompeius contra Herennium,
& Perpernam Sertorij legatos ad Valentiam fe-
liciter pugnavit, & iis decem armatorum mil-
lia concidit. Ad Sugronem verò fluuium Serto-
rius ipse, & Pompeius signa contulerunt præ-
cipitante in Vesperum die, & non expectato
Metello; à Pompeio quidem ne ille veniret in
partem gloriæ, à Sertorio verò ne cum hoste du-
plici congredi cogeretur. Sed ancipiti victoria
ambo discessere; maiore tamen Sertorij gloria,
cuius cornu Pompeium vicit; at Africanij cor-
nu depulit Hispanos, & eorum castra cepit. In
campis verò Saguntinis sine dubio victus est
Pompeius, ibi suorum sex millia perdidit. Vi-
ctus quoque à Metello Perperna, sed minori
damno. Sequenti verò die Pompeij castra vi-
ctor expugnasset Sertorius, nisi commodè Me-
tellus adfuisset; eius aduentu discussum pericu-
lum, repressusque Sertorius; sed ostendit reced-
dendo opus esse duobus tantis ducibus, vt eius
fortitudo retunderetur.

*Vario ena
pugnāt
Pomp. &
Sertorius,*

Tum quoque missi Brythras legati ad quæ-
renda Sibyllina carmina quibus uterentur Ro-
mani, eorum loco, quæ in Capitolio deflagra-
rant.

*Sybillæ
Erythræ
Oracula à
Ro. qua-
sita.*

rant. Tanti faciebat Roma hos Sibyllarum
versus, vt sine iis se incolumem stare posse
desperaret.

OLYMP. CLXXVI. *Mundi Vrb. Cond.*
ann. 2. 3979. 699.

Nicomed.
Rex Bi-
thin. Pop.
Re scribit
hæredem.

Nicomedes Rex Bithyniæ hoc anno moriens
Populum Romanum reliquit hæredem. Tum e-
nim Reges honoris ducebant loco Populum sibi
substituere, cuius potentiam suis subditis neces-
sariam intelligebant, & sponte Romanis da-
bant, quod hi erant armis occupaturi.

Serullus
Isauricus.

P. Serullus Vatia à domitis Isauris, dictus
Isauricus, multas in Cilicia expugnauit vrbes,
& latrones per hos tractus dissipatos hæcenus
piraticis suis excursionibus vicinis omnibus
metuendos ita compressit, vt iam vitæ atque li-
bertatis suæ, quam excursionum, & prædarum
solicitationes essent.

M. Ant.
malè rem
gerit in
Cretenses.

M. Antonius Triumviri Pater gratiæ Cottæ
Consulis, & factione Cethegi obtinuit à Senatu
Præfecturam nullis clausam terminis, hoc est
curacionem oræ maritimæ. Hac occasione vsus
Cretenses inuasit, sed cum nimis spe victoriæ.
Plurès enim in nauibus catenas, quam arma
portauit. Quare bellum infelicitè gessit, immò
& malè perit, multiq; Romanorum ex suis an-
tennis suspensi illustre spectaculum triumphan-
tibus Cretensibus præbuere.

Rom. in
Hispania
auxilium
petunt.

Administrare Romæ Consulatum L. Octa-
uius, & C. Aurelius Cotta cuius celebratur ora-
tio ad Quirites, de pecuniâ, frumento, armisque
Pompeio submittendis, sine quibus in Hispaniâ
Romani consistere non poterant, victis quàm
victoribus similiore.

Sertori
caput præ-
io addi-
ciunt.

Metellus tamen Sertorij aliquot occupauit
oppida; ideoque Hispanorum plurimi confuge-
runt ad Romanos; quâ re exarbitatus Sertorius
in multos scruuit. Submotis etiam Romanis
Celtiberico satellitio vallauit latus suum, quia
in eius caput grandem pecuniam pronunciarat

Meo.

Metellus, licitatione Romanis turpiori, quam damnosâ Sertorio. Nam hic Calagurrim in oppidum montanum se recepit, unde Duces suos ad novos delectus habendos dimisit, quibus per medios hostes elapsus adiunxit sese, adeoque Metellum, Pompeiumque fatigavit, ut hic in Vaccais magnâ rerum omnium affectus penuriâ hærere cogeretur, Metellus regrederetur in Galliam, ne fame cum suo conficeretur exercitu. Certè tum Pompeius scripsit ad Senatum nisi stipendium, frumentumque mitteretur se prope diem in Italiam suas copias deportaturum; & iustus Romanos incessabat metus, ne cum Romanam usque malè multatum, Sertorius reduceret, atque sequeretur.

*Sertorius
copiam re-
parat, de
Rom. ex-
agitat.*

OLYMP. CLXXVI. Mundi Urb Cond.

ann. 3.

3980.

680.

Consulibus L. Licinio Lucullo, & M. Aurelio Cotta Mitridates fœdus iniit cum Sertorio, & ab eo accepit C. Marium ducem, quem cum legationibus per vrbes Asiæ à Publicanis attritas circumducebat, aliis libertatem, aliis immunitatem, nomine Sertorij, pollicitus. Piratas insuper ex toto mari interno euocavit, & in Romanos eorumque socios immisit; denique inuasit Bithyniam, cui Cotta Consul præerat. Hunc ergo terra, marique victum, amissâque classe Cyzicum compulit, & obsedit, ac continere se precibus cœgit, donec à collegâ Lucullo liberaretur; huius enim aduentu soluta obsidio, nonnihil repressus Mitridates.

*Mitridates
fœdus
cum Ser-
torio.*

*Pirata in
Rom. im-
missi.*

*Cotta vi-
ctus obsi-
detur Cy-
zicis.*

In Hispaniâ Sertorius res suas animo magis & industriâ, quam armis, & viribus tuebatur; quem etiam Perperna Romanis odiosum reddere moliebatur. Ille nihilominus fortis & fœlix sese ex tumultibus domesticis, & externis expediebat; adeo ut à Celtiberis alter Annibal nominaretur. Et verò cum Pompeius id temporis Pallantium obsedisset, superueniens Sertorius, eum cœgit obsidionem turpiter abrumpere, ne

*Sertorius
alter An-
nibal.*

ipse vicissim obsideretur, & grandem acciperet cladem.

*Triumphus
Seu. in
Isauricus.*

P. Seruilius Vacia Isauricus domitis Isauris piratis, Ciliciaque & Cretâ in formam prouinciæ redactis hoc anno nobilem de inuictis adhuc gentibus triumphum egit, rebus Romanis sic ibidem constitutis, vt jam non armis, & Proconsule, sed iudice, & accensis egerent.

CAPVT IX.

DECAS NONA.

Ab anno 3980. ad 3990.

OLYMP. CLXXVI.	<i>Mundi</i>	Vrb. Cond.
<i>ann. 4.</i>	3981.	681.

*Mitridat.
Cyzicum
obsidens à
Lucullo
obsidetur.*

Mitridates Cyzicum obsidet cum trecentis hominum millibus, urbem Romanis amicissimam, & fidelissimam. Contemplatus Lucullus tantam hostium multitudinem eam fame domare decreuit; verum vnum oberat, quod iam Mitridates montem Adraštiam infederat, ex quo Pontici facile deijci non poterant. Rem perficit L. Manius, qui nuncio ad Lucillum misso ab eoque accepta fide Mitridati persuasit, vt montem hunc relinqueret, ac sineret à Romanis occupari, quod Fimbriarum legionesque sub Sertorio militabant, Regi se dedere vellent. Rex imprudens fidem adhibuit proditori: Romani montem occuparunt, ac diligentissime munierunt, eoque facto com meatum omnem ademerunt Mitridati. Nihil tamen Rex despondit animos, sed urbem machinis acerrime verberauit: misericordiâ etiam captiuorum eos tangere conatus est; verum nihil vi, nihil arte profecit. Inedia itaq; præuolente remittit è castris plurimos in Bithyniam deuiis itineribus, quos in vado fluminis affecutus

tur Lucullus ad satietatem cecidit captis pedum quindecim, Equitum sex millibus, & incredibili multitudine iumentorum. Ignorabant Cizyceni ubi gentium esset Lucullus, quamquam esset in proximo. Eius enim castra dicebat Mitridates esse Tigranis & Armenorum. Fraude itaque patefacta erumpunt obsessi & famelicum exercitum (iam enim cadaueribus vitabat) ita vexant, ut Rex solvere cogeretur obsidionem. Regia classis appellitincolumis Parium terrestres copiae Lampfacum pergunt; sed in transitu Æsepi fluvij, tum intumescentis, multi conciduntur à Lucullo, reliquæ obsidentur Lampfaci. Eas tamen classe suâ Rex transtulit in Bithyniam, relictis tantum in vrbe decem millibus electorum sub tribus ducibus, quos tamen omnes Lucullus aut perdidit, aut ad sibi consciscendam necem compulit, aut ad suum triumphum reservavit. Mitridates magno perfunctus periculo recessit in Pontum; nam ingenti exceptus tempestate decem virorum millia, sexaginta naues amisit. Itaque scribit ad Macharém filium, & Tigranem generum, ut sibi auxilia cogerent. Misit & ad vicinos Scythas auri plurimum, sed qui id serebat Diocles confugit ad Lucullum. Nihilominus fecit industria sua Mitridates, ut statim Lucullo par, aut superior videretur, instar Hydræ ex damnis suis ac cladibus fortior, atque paratior.

Sertorius in suos sedit, & Oscæ servatos obfides nonnullos interimit, Perperna de more in eius castris tumultus ferentem, quo tandem perfidiosè excusatus est. Hic cum sibi arrogasset imperium, cui ferendo par non esset, & aliunde incurtisset in suorum odium, quod inter hæreses à Sertorio, quem interemerat, scriptus esset, non diu sceleris sui præmio potitus est. Pugnans enim in Pompeium victus est, & retractus è fuga, nec visus, nec auditus iugulatus est. Hispania vniuersa statim se victori dedit, quæ numquam

*Solvitur
Rex obsidionem.*

*Fugitur
Pontum.*

*Sertorius
caditur à
Perperna.*

*Caditur à
Ro. Perperna.*

quam Romana fuisset si vixisset Sertorius, Romanis non armis, sed tantum perfidia inferior.

Seruilis bellum in Italia duce Spartaco.

Eodem anno Consulibus M. Terentio Lucullo Varrone, & C. Cassio Varo Seruilis bellum exarsit in Italia duce Spartaco, qui quondam Romanam militiam secutus, & deinde captiuus, postremum gladiator persuasit sociis suis septuaginta, aut paulo pluribus (conficiebant illi Capuæ Lentuli Batiani ludum) ut pro libertate suâ potius, quam pro voluptate spectantium pugnarent. Raptis ergo veribus & cultris ex popinâ fugiunt, quos cum sequuti essent Capuani, victi eis arma suffecerunt. Missi contra eos tres Prætores subinde, Clodius, Varinus, & Cossinius, victi omnes, armisque spoliati, quorum armis septuaginta millia armatorum instruxerunt Gladiatores. Tres quoque electi duces, primarius Spartacus Thrax, & duo ei subditi Oenomaüs, & Crixus Galli, qui totam primam Italiam terruerunt metu, mox ingentibus damnis affecerunt.

Spartacus tres Prætores vincit.

Tres eius Duces.

OLYMP. CLXXVII. *Mundi Urb. Cond.*
ANN. 1. 3982. 682.

Lucullus multas vrbes capit.

Tum Lucullus Mitridatis obsidebat, & expugnabat vrbes, pugnam tamen detrectabat in campis, quia Rex equitatu præualebat. Quatuor enim equitum millia numerabat, cum quadraginta millibus peditum. Nihilominus Romani cepere Amisum, Eupatoriam, Themiscyram nobiles vrbes, à Lucullo tam forriter oppugnatas, quam à Regiis flagitiosè defensas.

Spartacus duos Consules se melius, & prætorum vincit.

Romæ Consules erant L. Gellius Poplicola, & Cn. Cornelius Lentulus Clodianus, quando C. Curio de Macedoniâ, victisque Dardanis triumphauit. Magnus tamen mæror occupabat urbem ob Spartaci victorias & feclicitatem. Itaque ambo contra eum missi Consules. Et Gellius quidem congressus cum Crixo, qui Germanicas cohortes à Spartaco distraxerat, cum in-

reemit & vicit cum viginti suorum millibus; quæ tamen victoria ab aliis Q. Arrio Prætoribus tribuitur. At Spartacus res suas, hoc casu affectas restituit, moxque Gellium, & Arrium superavit. Dumque versus Alpes progreditur, cum uterque Consul à tergo, & à fronte aggrediuntur: at Spartacus eos singulatim inuadens fortiter repulit, ac trecentorum Romanorum cæde Criximanihus parentavit. Inde auctus novis copiis (merebant enim tum sub eius signis centum viginti armatorum millia) urbem petit; verum cum detinuerunt ambo Consules, quos magno prælio vicit; dumque multis amissis è suis deflectit ad Taurinos, ut novas copias pareret, aut Cassium Prætorum vincit, aut ab eo superatur, hic enim inconstanter Historici loquuntur: Itaque victus tamen, siue victor, Romanis gentium victoribus, metuendus fuit.

OLYMP CLXXVII. Mundi Urb. Cond.

ann. 2.

3983.

693.

Mitridates bis equestri prælio Lucillum vicit, tertio, eoque maximo victus abscellit, sed tantâ trepidatione, ortum multu Panic, ut Rex fugeret ad Tigranem, & Eunuchum mitteret, qui suis coniugibus inferret necem. Hanc ut singulare à marito beneficium receperunt. Tum Lucillus legavit ad Tigrannem Appium Clodium uxoris suæ fratrem, qui Mitridatem suo triumpho debitum repeteret. Sed nondum satis erectus erat Lucillus, ut id obtineret, nondum satis abiecti Reges conjunctissimi; ut id concedendum putarent.

Mitridates his victor vincitur à Lucullo.

Rex fugit ad Tigrannem.

Romæ Consulibus Cn. Aufidio Oreste, & P. Cornelio Lentulo Sura (quod nomen ex contumeliâ, iocoque traxerat) M. Terentius Lucillus de Bessis, ac Thracibus triumphavit. Hic etiam ausus erat Scythias monstrare Romanorum arma, quod magnæ victoriæ loco, orbis illi vi- & ores duxere.

Thracibus & Bessis triumphantur.

Bellum Gladiatorium hoc anno. fortitudine

L 6

suâ

*Bellum
Gladia-
torum
Crassus,
& Pom-
peius ab-
solunt.*

suâ Crassus, præsentia suâ Pompeius ex Hispaniâ redux absoluit. M. ergo Licinius Crassus Præturam suscepit, & bellum; ac sex legionibus Prætoriis quæ Spartaco resistebant, duas Consulares adiunxit. Tum omnes illas decimavit, quatuor quia sæpè fugissent, duas quod iniussu Mummi legati pugnassent, ac fugissent, multis cæsis. Hac decimatione quatuor millia sustulit, cæteris tantum exanimatis metu, reddidit animos, & alacritatem. Itaque Spartacum vicit, transire parantem in Siciliam inhibuit, conantera in Samnium ingredi gemino prælio manè ad vesperum repressit, cæsis duodecim millibus; sed abeuntem Spartacum dum incautus sequitur Crassi Quæstor, agmine conuerso obsistentem sensit, à quo vulneratus, ægrè ex eius manibus ereptus est. Ita Spartacus à Romanis etiam non impunè vincebatur.

*Cæditur
Sparta-
cus in
prælio.*

Tum Pompeius ad conficiendum hoc bellum missus est: sed antequam accederet Crassus & Spartacus de summâ decernere voluerunt; ne hic cum geminis pugnare, ille victoriæ laudem cum alio partiri cogeretur. Acerrimè igitur utrimque pugnatum, vulneratus Spartacus pugnans, & circumuentus interiit. Socij eius magnâ ex parte cæsi, sex millia capti totâ Appiâ Viâ ad tericulum pependerunt.

OLYMP. CLXXVI. *Mundi* Vrb. Cond.

ann 3.

3984.

684.

*Tigrani
denuncia-
tur bellū.*

Appius Clodius Antiochiam peruenit, ibique diutius moratus est, quod Ptolemaidem Tigranes obsideret. Hic tamen multos Dynastas Romanis denixit, multas item vrbes, quas quiescere iussit, donec in Syriam Romani cum exercitu venissent. Tigranem demum redeuntem libere allocutus est, ei que Mitridatem reddere neganti denunciavit bellum, quod ille pariaudaciâ recepit, quâ oblatum erat. Interea Lucullus in Asia cœnatorum Romanorum crudelitatem reprimebat, quam ob rem postea ab iis

*Lucullus
cœnatorum
res exagi-
tas in A-
sia.*

in iudicium Romæ vocatus est. Is verò turpita sanguisugas istas retudit, vt intra quadriennium omnia nomina dissoluerentur, & possessiones liberatæ sœnore, suis dominis restituerentur. Quare Lucullea festa in eius honorem hic instituta sunt, Ephesi eo præsentē celebrata; quæ ludorum magnificentia, egregiisque spectaculis ipse pensauit.

Hoc anno Consulibus Cn. Pompeio Magno, & M. Licinio Crasso, est restituta censura interrupta ab anno v. c. 668. eamque L. Gellius, & C. Lentulus, magnâ omnium expectatione gesserunt, & Senatores sexaginta quatuor Senatu mouerunt. Tum quoque concessus Pompeio Consulatus, neque Quæstorio, neque Prætorio, quod lege Cornelia prohibebatur, sed datus est ei, ne vi extorqueret. Tum etiam ambo Consules iunxere dextras; ambo dimisere exercitum, quem adhuc retinebant cum magno Populi metu, ex Syllani dominatus recordatione.

*Restituta
Ro. Cen-
sura.*

Eodem anno iudicia per M. Aurelium prætorem, à Senatoribus ad Equites translata sunt, quæ hic ordo magnâ ambitione prensauerat, an- nitentibus maximè Publicanis quorum intererat, se per suos iudicari; non sine magno prouinciarum detrimento, quæ sic eorum avaritiæ, rapinisque patebant.

*Iudicia
ad Equi-
tes trans-
lata.*

Tum Cicero Hortensio iam Consule designato C. Verrem accusauit, cum ille prensaret Aedilitatem annos natus triginta sex, quam & obtinuit, & perfecit eloquentiâ suâ, vt nummi, quæ tum Romæ poterant omnia, nihil de pecculatori prodesse.

*Cicero
Verrem
accusat.*

Natus denique hoc anno Idibus Octobris P. Virgilius Maro, ex viro Andino, propè Mantuam, patre figulo, Magna spes altera Romæ, vt legitur à ipso Cicerone fuisse pronun- ciatum, cum ab eo scriptam Eglogam auduisset, quæ vox si vera est, non tantum laudantis, sed & vaticinantis fuit.

*Nascitur
Virgilius.*

OLYMP. CLXXVII. *Mundi Vrb. Cond.**ann 4.*

3985.

635.

*Lucullus
Tigranem
vincit.*

Lucullus potitus regno Mitridatis in Armeniam irrupit, ubi Tigranes peditum ducenta millia, equitum sexaginta collegerat. Leuiores sunt aliqua facta certamina, in quibus victus Macæus dux Tigranis intra Tigranocertam compulsus, obsessus est primùm a Lucullo, deinde a Muræna. Tum committitur ingens pugna, in qua Luculli prudentia, Tigranis stupiditas apparuit. Hic enim cum in montis cliuo explicuisset exercitum, vertice non seruat, ille eum occupauit, vade irruens, ingentes illas copias impulit in sese atque permiscuit, adeò ut sibi potius intulerint cladem, quàm a Romanis acceperint. Cæsa supra centum & octo millia, equitum pauci effugerunt, inter quos Tigranes abiecit Tiarâ, & Diademate, ne agnosceretur, cædes ad centum viginti stadia continuata. Mitridates Tigranem consolatus est, eique regium suam comitatum obtulit. Capta deinde a Lucullo Tigranocerta, mercenariis Græcis a Macæo exarmatis, qui Romanos in aliquasturres admiserunt. In ea vrbe inuenta octo millia Talentum pecuniæ signatæ; Græci cum viatico in patriam remissi, conjugēs optimatum intactæ seruatæ jussu Luculli, & maritis redditæ sunt; Lucullo plus hoc factum, quàm victorja profuit.

*Metellus
Piratas
vincit.*

Lucius Metellus Prætor in Siciliâ contra Piratas bene pugnavit, & Pyrganionem eorum ducem, qui Romanâ classe depulsâ Syracusanum portum obtinebat. Hic terrâ marique victus majori ignominia exiit e Sicilia, quàm gloria ingressus erat.

*Cicero
Ædilis
Curulis.*

Consulibus Q. Hortensio Oratore, & Q. Cæcilio Metello Cretico, Cicero Ædilis Curulis fuit; quæ ei dignitas non tantum eloquentia, sed gesti castè, ac sanctè præcedentes magistratus pepererunt.

Con.

OLYMP. CLXXVIII. *Mundi* Urb Cond.

ann. 1. 3986. 686.

Consules huius anni creati L. Cæcilius Metellus & Q. Marcius Rex : hic Marcius solus toto serè anno Consulatum gessit , cum collega Metellus sub anni initium obiisset, immò & qui eidem suffectus erat .

Vnus Consul Marcius.

Tum tentatus est à Tigraue , & Mitridate Rex Parthorum , tentatus & à Lucullo : sed ille sapienter neutri parti adhæsit, & eorum clades suam putauit esse securitatem. Lucullus non est secutus Tigranem , sed huic spatium exercitus colligendi dedit , vt cum co statariâ pugnâ, non velitationibus , & erronum more congregi cogeretur. Expertus est autem suos contumaces, seu cum Parthos aggredi voluit ; seu alteram Tigranis urbem inuadere , actotius Armeniæ primariam Artaxatam. Obsedit ergo Nisibin , quàm tota æstate tentatam , hyeme tandem cepit, & cum se ferè tutos Nisibeni arbitrarentur . Aliunde Mitridates Fanium Luculli ducem deleuit ; sed ille vicissim victus à Triariis , cum eum desere potuisset . Putauit enim omnes adesse Romanorum copias , pars erat duntaxat, ad cuius aspectum Rex, grandi instructus exercitu, fugit , iam ex usu solitus potiùs fugere , quàm pugnare

Lucullus sequitur Mitridatem & Nisibin capie.

Eodem anno Lucullus Antiochum Asiaticum filium Eusebis , qui diu latuerat in Asia ex latibris extraxit , regemque salutatam opposuit Tigrani æmulum , de se infirmum , sed fretum Romanâ potentiâ , ei parem , aut etiam superiorem

Antiochus Asiaticus opponitur Tigrani à Lucullo.

Metellus Proconsul iussus est vindicare ignominiam olim ab Antonio Triumuiro patre in Creta acceptam , qui temerè illato Cretensibus bello , morbo extinctus erat . Initium expeditionis huius ductum ab obsidione Cydoniæ urbis magnæ atque munitæ , quæ prima Metelli gloriæ palmam defixit .

Metellus Cretam inuadit.

Cele-

OLYMP. CLXXVIII. *Mundi Vrb. Cond.**ann. 2. 3987. 687.**Triarij
clades.*

Celebris est hic annus clade Triarij . Is gloriæ avidus , non expectato Lucullo , quem mox affuturum sentiebat , pugnam affectavit cum Mitridate , à quo in locum cœnosum compulsus , luculentam cladem accepit . Nam septem millia suorum perdidit , viginti quatuor Tribunos , centum quinquaginta Centuriones , & nisi miles Romanus quidam Mitridatem sub specie colloqui vulnerasset , omnes ad vnum essent trucidati . Tum quoque Attilius quidam Romanus Regem appetiuit insidiis ; quibus detectis , ipse cum sociis excruciatatus periit , & causa fuit cur Romani plurimi , qui in Regis castra confugerant , in vnum locum congregati , trucidarentur . Nec melior aecurrentis Luculli quam Triarij fortuna fuit , quem suus destituit exercitus , maximè ex quo Acilius Glabrio eius successor adesse denunciatus est . Interea Mitridates suum recepit regnum , neque impediente Lucullo , neque inhibente Acilio , quod hic rem Romanam deploratam videret , ille alteri laborare nollet . Neque etiam Q. Martius petenti Lucullo tulit auxilia , recepit tamen Clodium , eumque rei nauali præfecit , qui mox captus à Piratis pœnas cognitionis violata , desertique ducis sui pœnas dedit .

*Leges
Calpurnia &
Roscia :*

Romæ facti sunt Consules C. Calpurnius Piso , & M. Acilius Glabrio , quo anno nobiles latae sunt leges Calpurnia quidem de ambitu , quia tum magistratus emebantur potius , quam à populo donabantur : Roscia verò ab Orhone Roscio Trib. plebis , quâ iussus Populus Romanus ordinem in Theatro seruare , & duodeviginti primos ordines Equitibus relinquere : Tertia à Gabinio lata est de extraordinaria potestate Pompeio concedenda , vt mare Piratis purgaret , qui iam totis classibus formidabiles , oras omnes maritimas depredabantur , & in

Vn-

Vrbem rerum omnium penuriam inuexerant, capis etiam Romanis Prætoribus. Concessa ad hoc bellum talentum Atticorum sex millia, perditum 120. millia, Equitum quatuor, naues ducentæ septuaginta, cum multis legatis, qui Pro prætores essent, signulique suis nauibus impetarent, ut eodem tempore Piratæ simul inuaderentur, simul opprimerentur. Belli huiusce profligati summam Tullius expressit, cum ait *hyeme apparatus esse, inuente verè susceptum mediâ astate confectum*. Cilices ipse Pompeius cum sexaginta nauibus domuit, & ad aliud vitæ traduxit genus, reliqui ita compressi ut mare Internum liberum esset, omnibus tam sapienter, quam feliciter, ac celeriter administratis.

*Bellū Pi-
rationum
mandatur
Pompeio.*

*Victi. Pi-
rata ce-
lerimè.*

Eodem tempore Metellus Creticus administrabat bellum, & ab ac parte alium Piratarum fontem exsiccabat. Cui expeditioni dum se immiscere, per legatum suum Octauium conatur Pompeius, neque Cretensibus profuit, idèd durius habitis à Metello, & magnam sibi conflauit inuidiam, quasi in alienam messem injiceret falcem, neque suis tantum, sed alienis victorijs inhiaret.

*Pompeius
se immi-
scet bello
Cretico.*

OLYMP. CLXXVIII. Mundi Vrb. Cond.
ann. 3. 3988. 688.

Alexandra Iannæi vxor difficili implicita morbo regnum Hyrcano commisit, quod vindicare sibi nitebatur Aristobulus, jam aliquot regni castellis occupatis. Interea obiit mulier ingeniosa, & sagax, in hoc tantum improuida, quod sibi nimium arrogare passa est Phariseos, hominum genus malitiosum, & coneretur ex fastu, idèd paulò post ab Herode factis, à Christo dictis exagitatum. Eâ demortua Aristobulus Hyrcanum fratrem appetit bello, cumque ad Hiericuntem vicit. Tandem sic initum inter vtrumque fœdus, ut Hyrcannus Pontificatus, & diuitiis contentus esset, regnum Aristobulo cederet; quod fœdus Antipatri, & Herodis mali-

*Alexandra
moriunt.*

*Hyrcanus
Pontifex,
Rex Ari-
stobulus.*

*Cicero
Prator
Manilia
nunciat
habuit.*

malitiâ, magnarum posseaturbarum causa fuit, Romæ Consulibus M. Æmilio Lepido, & L. Volcatio Tullo, Cicero Praturam gessit, quando & orationem Manilianam habuit, pro Lege, seu Rogatione C. Manilij Trib. plebis. Per eam assignabantur Cn. Pompeio Magno Cilicia, & Bithynia cum administratione belli Mitridatici. Ea tandem lex per lata est, multi licet reclamantibus, & rata habita est maximè curâ Cæsaris, atque Ciceronis. Insuper eidem Pompeio datum imperium in omnes exercitus extra Italiam, itemque potestas concessa quos vellet socios adsciscendi, hostesque declarandi; quod profectò fuit totum imperium Romanum vni viro periculose subicere.

*Metellus
Creticum
bellum ab-
soluit.*

Metellus Creticum absoluit bellum, quod Aristion, cum suis desertus ab Octavio, fugisset. Ordinata Creta per decem legatos, atque ex eâ Metellus triumphum; & Cretici nomen retulit in familiam suam, multarum jam prouinciarum nominibus cohonestatam.

*Pompeius
sequitur
Mitrida-
tem, ac rã.
ad vinctis.*

Pompeius ad opprimendum Mitridatem curas omnes adhibet suas, qui licet instructus triginta peditum millibus, equitum tribus paucis à Pompeio nihilominus postulauit: sed se atque sua dedere iussus, in interiora regni sui se recepit, à Pompeio eum acriter insequente, ad iumentorum esum compulsus. Tandem decreto certamine pugnatum, in quo Regij vano timore perculsi, victoriam Pompeio, castra sua, & suorum decem millia caesa reliquerunt. Mitridates in arcem Synoregem se recepit; inde ad Tigranem accedere statuit à quo reiectus, quod filio eius Tigrani rebellanti fuisse videretur. Tigranes autem ille junior Parthorum suasionem fugit ad Pompeium; ad quem venit quoque pater iudicium expecturus. Is cum muneribus multis Romanos delinuiisset, veniam prætorum obtinuit. Reconciliatus quoque filio est: cum filius iudicio Pompeij non acquiesceret, in

*Pompeius
Tigranem
filium re-
conciliat
paucis.*

vin-

vincula datus est atque triumphatus. Tum quoque Antiocho Asiatico Pompeius ademit regnum ipsi à Lucullo concessum, Syria & huic, & Tigrani adempta in prouinciæ formam redacta est; ut Romanorum esset quæta, de quibus Reges tandiu tumultuosè contendissent.

*Syria ablata Tig-
rani, &
Antiocho
Asiatico.*

Mitridates interea Dioscuriade in Colchis hyemabat, vnde reparare bellum meditabatur, immò & in Italiam id itinere terrestri transferre: quibus agnitis Machares eius filius per legatos ab eo veniam petit, quod necessitate coactus Romanos victores coluisset: ubi patrem implacabilem videt, sibi violentas infert manus. Mitridates ei quos dederat amicos interimit, domesticos eius dimittit incolumes; hos prauis iuuenis consiliis ex necessitate, illos ex malitiâ fuisse arbitratus.

*Mitrida-
tes bellum
reparat.*

*Eius filius
Machares
perit.*

Romæ tumultus excitatus est præuius Catilinario. Nam Autronius Pætus, & Sylla magni Syllæ nepos conuicti sunt ambitus damnatique eorum accusatores Aurelius, & Cotta designati sunt Consules. Hos designant ad eandem Autronius, & Sylla, adjectis sibi sociis Cn. Pisone, & L. Catilinâ. Verum re patefactâ datum præsidium periclitantibus. Piso in Hispaniam specie honoris ablegatus est, ubi vir naturâ ferox, dum incolis infert iniuriam, eam morte sua hinc. Huius coniurationis quoque participes & conscij fuisse perhibentur M. Crassus, & Iulius Cæsar, hic Magister Equitum, ille Dictator designandus: sed malè coalitam coniurationem, dum sapienter ejurant, ad commodiora se tempora referunt.

*Motus
Romæ ab
Autronio,
& Syllæ
& alijs.*

OLYMP. CLXXVIII. Mundi Urb. Cond.

ann. 4

3989

689.

Alexander Rex Ægypti suis inuisus ab Alexandrinis pellitur, seceditque Tyrum, ubi moriens populum Romanum scripsit heredem, non eius amore, sed suorum odio, quos potentiorum avaritiæ, ac rapinis objiciebat.

*Ptolemæus
Alexāder
Pop. Ro.
scribit her-
edem.*

Huic

*Ptol. An-
letes ei
succedit.*

Huic successit ad annostredécim Cleopatraz huius famosæ pater Ptolemæus Auletes; ita dictus quod Choraulam exercuisset; & hæc se adeo iactaret, ut eum non pigeret in aula eiusmodi certamina celebrare, in quibus se nonnumquam certaturis permiscebat; Theatro utique quam folio Rex dignior.

*Mitrida-
tis sauitia*

Mitridates ad Ponti fratrum Xypharem filium suum interficit, eiusque cadaver abjicit in sepulcrum matre Stratonice spectante, quod ea Pompeio castellum cum opibus tradidisset, ut in eolum feruaret filium. Pompeius tum Iberos debellauit, eorumque Regem Artorem; deinde

*Pompeius
Iberos &
Albanos
vincit.*

& Albanos dum Mitridatem nusquam consistentem insequitur, & inter ambulandum victorias colligit. Inde in Syriam transgredi parat, quò jam suos duces Scaurum, Afranium,

*In Syria
eius res ge-
sta.*

& Gabinum præmiserat. Hic Antiochum Comagenum recipit in amicitiam; Darium verò Medum profligat, quia Tigranem antea iuuerat, nunc Antiocho Asiatico fauere putabatur; jam non sociorum modo, sed & Regum arbiter constitutus.

*Nascitur
Horatius.*

Consulibus L. Aurelio Cotta, & Manlio Torquato natus est Horatius Venusinus Poëta Lyricus, quâ Poësi nullus inter Latinos melius & concinnè magis cecinit.

OLYMP. CLXXIX. *Mundi Vrb. Cond.*

ann. 1.

3990.

690.

*Hecanus
in Aristobu-
lum in-
furgit.*

Res erant apud Iudæos satis quietæ, quia Hyrcanus Pontificatu contentus erat. Sed eum Antipater genere Idumæus, homo potens, & factiosus, ideoque inuisus Aristobulo, concitauit in fratrem. Ei igitur suasisit, ut si vitæ suæ consultum vellet ad Aretam in Arabiam fugeret; ubi & Arabi suasisit eum quasi legitimum Regem Hierosolymis restituere, pactus duodecim vrbes à Iannæo creptas Arabibus. Aristobulus Hierosolymam compellitur, & obsidetur in Templo. Sed Scaurus qui tum agebat Damasci, emptus tre-

trecentis talentis ab Aristobulo, ab eo pronuntiavit; Aretas facessere iussus, Hyrcanus & Antipater Aristobulo subditi. Verum hi superius tribunal cogitabant, atque Pompeium, à quo Iudæa libertatem amisit ac legitimum Regem.

Phrantes Parthus in Tigranem bellum mouet, hic à Pompeio petit auxilium: sed cum tardius adueniret, quam res Armenæ paterentur, cum Parthis iniit fœdus Tigranes, ratus eos non sibi tantum, sed & Romanis tergiuersantibus metuendos.

Tigranes cum Parthis fœdus iniit.

Pompeius Antiochenis obfides suos reddidit. Daphnensibus quoque suburbicariis Antiochiæ dedit agrum, quo eorum celebris lucus dilataretur, mirificè delectatus amœnitate loci, quo nullus fuit in orbe venustior.

Pompeius Antiochenis fauet.

Romæ Consulibus L. Julio Cæsare, & C. Marcio Figulo, instaurata est Catilinæ conjuratio circa Kalendas Iunias. Aduocat homo perditissimus vnum in locum socios suos (ex quibus plerique Equites atque Senatores) libidine prius, vino, ac omni turpitudine corruptos, atque delinitos. Eos autem nefando sacrificio, haustoque etiam humano sanguine, inter se deuinxit, & inuitauit ad mutandum Reip. statum, nouasque tabulas inducendas. Hic distribuuntur Magistratus, & Sacerdotia, boni & diuites designantur ad eadem, ipse Catilina eligitur Consul habiturus collegam C. Antonium, sibi non inimicum. Quod cum plerique viri amantes patriæ suboluissent, accensi sunt plerique boni omnes ad demandandum Tullio Consulatum. Neque tamen ideo Catilina despondit animos, sed arma, viros, pecuniam studiosius comparauit, illaturus patriæ bellum, & vi peracturus, quod consilio, & fraude prestare non poterat.

Catilinæ coniuratio

Tullius Consul.

CAPVT X.

DECAS DECIMA.

*Ab anno 3990. ad 4000.*OLYMP. CLXXIX. *Mundi Vrb. Cond.*
*ann. 2. 3991. 691.**Mitrida-
tes petit
pacem, dñ
bellum co-
gitat.*

Mitridates ad Pompeium de pace legatos mittit, sed ipse iubetur venire, & præstare quod Tigranes fecerat. Interea tamen parabat bellum, & pecunias adgò acerbè extorquebat, vt à se suorum plerisque abalienaret. Certè Phanagorenses, & pleneque in vtraque Bosphoro vrbes defecere. Filie quoque eius, quas ad Regulos auxiliores mittebat sponfas, ad Pompeium ab ipsis ductoribus pertractæ sunt. Ipse inops consilij nihilominus cogitabat bellum, immò & Gallias, in quas itinere pedæstri transire meditabatur. Quibus permotus, pertæsusque periculorum Pharnaces filius designatus hæres parat infidias patri. Iis patre factis etiam huic à patre data venia, autore Menophane: sed ingratus mox sollicitauit exercitum, à quo Rex postulatus, atque coronatus est spectante patre. Mitridates, ne Romanis dederetur viuus, cum venena, ob consuetudinem, & sæpe sumpta antidota non procederent, primùm suo, deinde alieno gladio periit, sexagenario maior. Pharnaces corpus patris muria condatum misit ad Pompeium, ideo regnum Bosphori, & Romanorum amicitiam præmium patricidij retulit. Ita extinctus Mitridates Dionysius, & Eupator, quo diuturniorem hostem Roma non habuit, neque potentiorē, & damnosiorē expertura, si se Italicis & Socialibus tumultibus permiscuisset.

*Pharna-
ces rebel-
lis in pa-
triem.**Moritur
Mitrida-
tes.*

Damascum conuenerunt ad Pompeium duo
fra-

fratres Hyrcanus, & Aristobulus iterum de regno disceptaturi. Pompeius damnata Aristobuli violentia, utrumque fratrem apud se manere jubet, donec bellum cum Nabathæis confecisset. Sed Aristobulus fugit in Iudæam. Insequitur eum cum exercitu Pompeius, hortantibus Hyrcano, atque Antipatro. Aristobulus Alexandrio arce se continet; inde vocatus accessit, jus suum iure in speciem, defensurus, cum interea vim & arma expediret. Quare cum Hierosolymis obsideret Pompeius, Facti poenitens Aristobulus obuiam occurrit Pompeio, & pecuniam pollicetur; dum eam numeret retinetur in vinculis. Sed pecuniam negarunt ciues; quare urbs obseditur, quæ tandem Pompeio traditur ab inimicis Aristobuli. Fautores quoque Romanorum occupant Templum, quod à Romanis capitur die Sabbathi. Templum ingressus Pompeius sacræ suppellectilis attigit nihil; voluit tamen quidem tum templi pecunias, ad eo direptas. Deinde Hyrcano redditus Pontificatus, autores belli securi percussi, præter Antipatrum cruce quam securi digniorem. Hierosolyma facta Romanis stipendiaria, cuius euersti muri, Iudæa in Prouinciæ formam redacta, iussuque proprio parere Præsidi, Et ne sementis belli relinqueretur, Aristobulus cum duobus filiis, & filiabus totidem Romam abductus. Ita pax à Pompeio toti Orienti data, compositis etiam Armenorum, Parthorumque controuersijs; Romanum Imperium ad Euphratem usque promotum, ut Asia, unde bellum inchoarat Pompeius, fieret Romani Imperij umbilicus, qui antea limes, & terminus fuerat.

Romæ Consules erant M. Tullius Cicero, & C. Antonius Nepos, quem omnibus sibi modis collega diuinxerat, ut eum ad suas, & patriæ partes pertraheret. Ei enim Macedoniam sorte sibi datam, sponte concessit, utpote fertilem triumphorum, sicque abduxit à Catilinâ. Curauit

*Pompeius
Hierosoly-
mam obsi-
det, & ca-
pitur.*

*Iudæa fit
Ro. stipen-
diaria
Rege ab-
ducto.*

*Roma à
Tullio de-
recta Ca-
tilinæ co-
nspiratio.*

quam Romana fuisset si vixisset Sertorius, Romanis non armis, sed tantum perfidia inferior.

Seruile bellum in Italia duce Spartaco.

Eodem anno Consulibus M. Terentio Lucullo Varrone, & C. Cassio Varo Servile bellum exarsit in Italia duce Spartaco, qui quondam Romanam militiam secutus, deinde captivus, postremum gladiator persuasit sociis suis septuaginta, aut paulo pluribus (conficiebant illi Capuæ Lentuli Batiani ludum) ut pro libertate suâ potius, quam pro voluptate spectantium pugnarent. Raptis ergo veribus & cultris ex popina fugiunt, quos cum sequuti essent Capuani, victi eis arma suffecerunt. Missi contra eos tres Prætores subinde, Clodius, Varinus, & Cossinius, victi omnes, armisque spoliati, quorum armis septuaginta millia armatorum instruxerunt Gladiatores. Tres quoque electi duces, primarius Spartacus Thrax, & duo ei subditi Oenomaüs, & Crixus Galli, qui totam primam Italiam terruerunt metu, mox ingentibus damnis affecerunt.

Spartacus tres Prætores vinctis.

Tres eius Duces.

OLYMP. CLXXVII. *Mundi Urb. Cond.*
ann. 1. 3982. 682.

Lucullus multas vrbes capit.

Tum Lucullus Mitridatis obsidebat, & expugnabat vrbes, pugnam tamen detrectabat in campis, quia Rex equitatu præualebat. Quatuor enim equitum millia numerabat, cum quadraginta millibus peditum. Nihilominus Romani cepere Amisum, Eupatoriam, Themiscyram nobiles vrbes, à Lucullo tam forriter oppugnatas, quam à Regiis flagitiose defensas.

Spartacus duos Consules sequebatur.

Romæ Consules erant L. Gellius Poplicola, & Cn. Cornelius Lentulus Clodianus, quando C. Curio de Macedoniâ, victisque Dardanis triumphauit. Magnus tamen moeror occupabat urbem ob Spartaci victorias & sclicitatem. Itaque ambo contra eum missi Consules. Et Gellius quidem congressus cum Crixo, qui Germanicas cohortes à Spartaco distraxerat, cum in-

DE F.

teremit & vicit cum viginti suorum millibus; quæ tamen victoria ab aliis Q. Arrio Prætori tribuitur. At Spartacus res suas, hoc casu affligas restituit, moxque Gellium, & Arrium superavit. Dumque versus Alpes progreditur, eum uterque Consul à tergo, & à fronte aggrediuntur: at Spartacus eos singulatim inuadens fortiter repulit, ac trecentorum Romanorum eade Crux manibus parentavit. Inde auctus novis copiis (merebant enim tum sub eius signis centum viginti armatorum millia) urbem petit; verum eum detinuerunt ambo Consules, quos magno prælio viciit; dumque multis amissis è suis deflectit ad Taurinos, ut novas copias pareret, aut Cassium Prætozem vincit, aut ab eo superatur, hic enim inconstanter Historici loquuntur: hæc victus tamen, siue victor, Romanis gentium victoribus, metuendus fuit.

OLYMP CLXXVII. Mundi Urb. Cond.

ann. 2.

3983.

693.

Mitridates bis equestri prælio Lucillum vicit, tertio, eoque maximo victus abscessit, sed tantâ trepidatione, ortum multu Panic, ut Rex fugeret ad Tigranem, & Eundechum mitteret, qui suis coniugibus inferret necem. Hanc ut singulare à marito beneficium receperunt. Tum Lucillus legavit ad Tigrannem Appium Clodium vxoris suæ fratrem, qui Mitridatem suo triumpho debitum repeteret. Sed nondum satis erectus erat Lucillus, ut id obtineret, nondum satis abiecti Reges conjunctissimi; ut id concedendum putarent.

Mitridates bis victor vincitur à Lucullo.

Rex fugit ad Tigrannem.

Romæ Consulibus Cn. Aufidio Oreste, & P. Cornelio Lentulo Sura (quod nomen ex contumeliâ, jocoque traxerat) M. Terentius Lucillus de Bessis, ac Thracibus triumphavit. Hic etiam ausus erat Scythias monstrare Romanorum arma, quod magnæ victoriæ loco, orbis illi vires duxere.

Thracibus & Bessis triumphatur.

Bellum Gladiatorium hoc anno. fortitudine

L 6

suâ

*Bellum
Gladia-
torum
Crassus,
& Pom-
peius ab-
soluunt.*

suâ Crassus, præsentia suâ Pompeius ex Hispaniâ redux absoluit. M. ergo Licinius Crassus Præturam suscepit, & bellum; ac sex legionibus Prætoris quæ Spartaco resistebant, duas Consulares adiunxit. Tum omnes illas decimavit, quatuor quia sæpè fugissent, duas quod iniussu Mummij legati pugnassent, ac fugissent, multis cæsis. Hac decimatione quatuor millia sustulit, cæteris tantum ex animatis metu, reddidit animos, & alacritatem. Itaque Spartacum vicit, transire parantem in Siciliam inhibuit, conantera in Samnium ingredi gemino prælio manè ad vesperum repressit, cæsis duodecim millibus; sed abeuntem Spartacum dum incautus sequitur Crassi Quæstor, agmine conuerso obsistentem sensit, à quo vulneratus, ægrè ex eius manibus ereptus est. Ita Spartacus à Romanis etiam non impunè vincebatur.

*Ceditur
Spartacus in
prælio.*

Tum Pompeius ad conficiendum hoc bellum missus est: sed antequam accederet Crassus & Spartacus de summâ decernere voluerunt; ne hic cum geminis pugnare, ille victoriæ laudem cum alio partiri cogeretur. Acerrimè igitur utrimque pugnatum, vulneratus Spartacus pugnans, & circumuentus interiit. Socij eius magnâ ex parte cæsi, sex millia capti totâ Appiâ Viâ ad terriculum pependerunt.

OLYMP. CLXXVI. *Mundi* Vrb. Cond.

ann 3.

3984.

684.

*Tigrani
denuncia-
tur bellum.*

Appius Clodius Antiochiam peruenit, ibique diutius moratus est, quod Ptolemaidem Tigranes obsideret. Hic tamen multos Dynastas Romanis deuinxit, mukas item vrbes, quas quiescere iussit, donec in Syriam Romani cum exercitu venissent. Tigranem demum redeuntem libere allocutus est. ei que Mitridatem reddere neganti denunciavit bellum, quod ille pari audaciâ recepit, quâ oblatum erat. Interea Lucullus in Asia Senatorum Romanorum crudeli-
tatem reprimebat, quam ob rem postea ab iis

*Lucullus
Senatorum
res exagi-
tat in A-
sia.*

in iudicium Romæ vocatus est. Is verò turrita sanguisugas istas retudit, ut intra quadriennium omnia nomina dissoluerentur, & possessiones liberatæ fœnore, suis dominis restituerentur. Quare Lucullea festa in eius honorem hîc instituta sunt, Ephesi eo præsentē celebrata; quæ ludorum magnificentia, egregiisque spectaculis ipse pensavit.

Hoc anno Consulibus Cn. Pompeio Magno, & M. Licinio Crasso, est restituta censura interrupta ab anno v. c. 668. eamque L. Gellius, & C. Lentulus, magnâ omnium expectatione gesserunt, & Senatores sexaginta quatuor Senatu mouerunt. Tum quoque concessus Pompeio Consulatus, neque Quæstorio, neque Prætorio, quod lege Cornelia prohibebatur, sed datus est ei, ne vi extorqueret. Tum etiam ambo Consules iunxere dextras; ambo dimisere exercitum, quem adhuc retinebant cum magno Populi metu, ex Syllani dominatus recordatione.

*Restituta
Ro. Cen-
sura.*

Eodem anno iudicia per M. Aurelium prætorem, à Senatoribus ad Equites translata sunt, quæ hic ordo magnâ ambitione prensauerat, an- nitentibus maximè Publicanis quorum intererat, se per suos iudicari; non sine magno provinciarum detrimento, quæ sic eorum avaritiæ, rapinisque patebant.

*Iudicia
ad Equi-
tes trans-
lata.*

Tum Cicero Hortensio iam Consule designato C. Verrem accusavit, cum ille prensaret Aedilitatem annos natus triginta sex, quam & ob- tinuit, & perfecit eloquentiâ suâ, ut nummi, quæ tum Romæ poterant omnia, nihil de peculatori prodes- sent.

*Cicero
Verrem
accusat.*

Natus denique hoc anno Idibus Octobris P. Virgilius Maro, ex viro Andino, propè Mantuam, patre figulo, Magna spes altera Romæ, ut legitur à ipso Cicerone fuisse pronun- ciatum, cum ab eo scriptam Eglogam auduisset, quæ vox si vera est, non tantum laudantis, sed & vaticinantis fuit.

*Nascitur
Virgilius.*

OLYMP. CLXXVII. *Mundi Vrb. Cond.*

ann 4.

3985.

635.

*Lucullus
Tigranem
vincit.*

Lucullus poritus regno Mitridatis in Armeniam irrumpit, ubi Tigranes peditum ducenta millia, equitum sexaginta collegerat. Leuiores sunt aliqua facta certamina, in quibus victus Macæus dux Tigranis intra Tigranocertam compulsus, obsessus est primùm a Lucullo, deinde a Muræna. Tum committitur ingens pugna, in qua Luculli prudentia, Tigranis stupiditas apparuit. Hic enim cum in montis cliuo explicuisset exercitum, vertice non seruat, ille eum occupauit, vade irruens, ingentes illas copias impulit in sese atque permiscuit, adeò ut sibi potius intulerint cladem, quàm a Romanis acceperint. Cæsa supra centum & octo millia, equitum pauci effugerunt, inter quos Tigranes abiecit Tiarâ, & Diademate, ne agnosceretur, cædes ad centum viginti stadia continuata. Mitridates Tigranem consolatus est, eique regium suum comitatum obtulit. Capta deinde a Lucullo Tigranocerta, mercenariis Græcis a Macæo exarmatis, qui Romanos in aliquasturres admiserunt. In ea vrbe inuenta octo millia Talentum pecuniæ signatæ; Græci cum viatico in patriam remissi, conjuges optimatum intactæ seruatæ jussu Luculli, & maritis redditæ sunt; Lucullo plus hoc factum, quàm victoriam profuit.

*Metellus
Piratas
vincit.*

Lucius Metellus Prætor in Siciliâ contra Piratas bene pugnavit, & Pyrganionem eorum ducem, qui Romanâ classe depulsâ Syracusanum portum obtinebat. Hic terrâ marique victus majori ignominia exiit Siciliam, quàm gloriam ingressus erat.

*Cicero
Ædilis
Curulis.*

Consulibus Q. Hortensio Oratore, & Q. Cæcilio Metello Cretico, Cicero Ædilis Curulis fuit; quæ ei dignitas non tantum eloquentia, sed gesti castè, ac sanctè præcedentes magistratus pepererunt.

Con.

OLYMP. CLXXVIII. *Mundi* Vrb Cond.

ann. 1. 3986. 686.

Consules huius anni creati L. Cæcilius Metellus & Q. Marcius Rex : hic Marcius solus toto ferè anno Consulatum gessit , cum collega Metellus sub anni initium obiisset, immò & qui eidem suffectus erat .

Vnus Consul Marcius.

Tum tentatus est à Tigraue , & Mitridate Rex Parthorum , tentatus & à Lucullo : sed illè sapienter neutri parti adhæsit, & eorum clades suam putauit esse securitatem. Lucullus non est secutus Tigranem , sed huic spatium exercitus colligendi dedit , vt cum costatariâ pugnâ, non velitationibus , & erronum more congregi cogeretur. Expertus est autem suos contumaces, seu cum Parthos aggredi voluit ; seu alteram Tigranis urbem inuadere , actotius Armeniæ primariam Artaxatam. Obsedit ergo Nisibin , quàm tota æstate tentatam , hyeme tandem cepit, & cum se ferè tutos Nisibeni arbitrarentur . Aliunde Mitridates Fanium Luculli ducem deleuit ; sed ille vicissim victus à Triariq , cum eum delere potuisset . Putauit enim omnes adesse Romanorum copias , pars erat duntaxat, ad cuius aspectum Rex, grandi instructus exercitu, fugit , iam ex vsu solitus potiùs fugere , quàm pugnare

Lucullus sequitur Mitridatem & Nisibin capir.

Eodem anno Lucullus Antiochum Asiaticum filium Eusebis , qui diu latuérat in Asiâ ex latibris extraxit , regemque salutatam opposuit Tigrani æmulum, de se infirmum , sed fretum Romanâ potentiâ , ei parem , aut etiam superiorem

Antiochus Asiaticus opponitur Tigrani à Lucullo .

Metellus Proconsul iussus est vindicare ignominiam olim ab Antonio Triumuiro patre in Creta acceptam , qui temerè illato Cretensibus bello , morbo extinctus erat . Initium expeditionis huius ductum ab obsidione Cydoniæ vrbis magnæ atque munitæ , quæ prima Metelli gloriæ palmam defixit .

Metellus Cretam inuadit .

Cele.

Urbem rerum omnium penuriam inuexerant, capais etiam Romanis Prætoribus. Concessa ad hoc bellum talentum Atticorum sex millia, peduitum 120. millia, Equitum quatuor, naues ducentæ septuaginta, cum multis legatis, qui Pro prætores essent, signulique suis nauibus imperarent, ut eodem tempore Piratæ simul inuaderentur, simul opprimerentur. Belli huiusce profligati summam Tullius expressit, cum ait *hyeme apparatus esse, ineunte verè susceptum media æstate confectum*. Cilices ipse Pompeius cum sexaginta nauibus domuit, & ad aliud vitæ traduxit genus, reliqui ita compressi ut mare Internum liberum esset, omnibus tam sapienter, quam læliciter, ac celeriter administratis.

*Bellu Pi-
rationu
mandatur
Pompeio.*

*Visti. Pi-
rata ce-
lerimè.*

Eodem tempore Metellus Creticus administrabat bellum, & ab ac parte alium Piratarum fontem exsiccabat. Cui expeditioni dum se immiscere, per legatum suum Octauium conatur Pompeius, neque Cretensibus profuit, idèd duriùs habitis à Metello, & magnam sibi conflauit inuidiam, quasi in alienam messem injiceret falcem, neque suis tantum, sed alienis victorijs inhiaret.

*Pompeius
se immi-
scet bello
Cretico.*

OLYMP. CLXXVIII. Mundi Urb. Cond
ann. 3. 3988. 688.

Alexandra Iannæi vxor difficili implicita morbo regnum Hyrcano commisit, quod vindicare sibi nitebatur Aristobulus, jam aliquot regni castellis occupatis. Interea obiit mulier ingeniosa, & sagax, in hoc tantum improuida, quod sibi nimium arrogare passa est Phariseos, hominum genus malitiosum, & concretum ex fastu, idèd paulò post ab Herode factis, à Christo dictis exagitatum. Eà demortua Aristobulus Hyrcanum fratrem appetit bello, eumque ad Hiericuntem vicit. Tandem sic initum inter vtrumque fœdus, ut Hyrcanus Pontificatus, & diuitiis contentus esset, regnum Aristobulo cederet; quod fœdus Antipatri, & Herodis mali-

*Alexandra
moriunt.*

*Hyrcanus
Pontifex,
Rex Ari-
stobulus.*

*Cicero
Prator
Manilia
nunciat
habuit.*

malitiâ, magnarum postea turbarum causa fuit, Romæ Consulibus M. Æmilio Lepido, & L. Volcatio Tullo, Cicero Praturam gessit, quando & orationem Manilianam habuit, pro Lege, seu Rogatione C. Manilij Trib. plebis. Per eam assignabantur Cn. Pompeio Magno Cilicia, & Bithynia cum administratione belli Mitridatici. Ea tandem lex perlata est, multi licet reclamantibus, & rata habita est maximè curâ Cæsaris, atque Ciceronis. Insuper eidem Pompeio datum imperium in omnes exercitus extra Italiam, itemque potestas concessa quos vellet socios adsciscendi, hostesque declarandi; quod profectò fuit totum imperium Romanum uni viro periculose subicere.

*Metellus
Creticum
bellum ab-
soluit.*

Metellus Creticum absoluit bellum, quod Aristion, cum suis desertus ab Octavio, fugisset. Ordinata Creta per decem legatos, atque ex eâ Metellus triumphum; & Cretici nomen retulit in familiam suam, multarum jam prouinciarum nominibus cohonestatam.

*Pompeius
sequitur
Mitrida-
tem, ac rã-
dè vincit.*

Pompeius ad opprimendum Mitridatem curas omnes adhibet suas, qui licet instructus triginta peditum millibus, equitum tribus paucem à Pompeio nihilominus postulauit: sed se atque sua dedere iussus, in interiora regni sui se recepit, à Pompeio cum acriter insequente, ad iumentorum esum compulsus. Tandem decretorio certamine pugnatum, in quo Regij vano timore perculsi, victoriam Pompeio, castra sua, & suorum decem millia caesa reliquerunt. Mitridates in arcem Synoregem se recepit; inde ad Tigranem accedere statuit à quo reiectus, quod filio eius Tigrani rebellanti fuisse videretur. Tigranes autem ille junior Parthorum suasio- ne fugit ad Pompeium; ad quem venit quoque pator iudicium expecturus. Is cum muneribus multis Romanos delinuiisset, veniam præteritorum obtinuit. Reconciliatus quoque filio est: cum filius iudicio Pompeij non acquiesceret, in

*Pompeius
Tigranem
filium re-
conciliat
pater.*

vin-

Vincula datus est atque triumphatus. Tum quoque Antiocho Asiatico Pompeius ademit regnum ipsi à Lucullo concessum, Syria & huic, & Tigrani adempta in prouinciæ formam redacta est; vt Romanorum esset quieta, de quibus Reges tandiu tumultuosè contendissent.

*Syria ablata Tig-
rani, &
Antiocho
Asiatico.*

Mitridates interea Dioscuriade in Colchis hyemabat, vnde reparare bellum meditabatur, immò & in Italiam id itinere terrestri transferre: quibus agnitis Machares eius filius per legatos ab eo veniam petit, quod necessitate coactus Romanos victores coluisset: vbi patrem implacabilem videt, sibi violentas infert manus. Mitridates ei quos dederat amicos interimit, domesticos eius dimittit incolumes; hos prauis iuuenis consiliis ex necessitate, illos ex malitiâ fuisse arbitratus.

*Mitridates bellum
reparat.*

*Eius filius
Machares
perit.*

Romæ tumultus excitatus est præuius Catilinario. Nam Autronius Pætus, & Sylla magni Syllæ nepos conuicti sunt ambitus damnatique eorum accusatores Aurelius, & Cotta designati sunt Consules. Hos designant ad eandem Autronius, & Sylla, adiectis sibi sociis Cn. Pisone, & L. Catilinâ. Verum re patefactâ datum præsidium periclitantibus. Piso in Hispaniam specie honoris ablegatus est, vbi vir naturâ ferox, dum incolis infert iniuriam, eam morte sua luit. Huius coniurationis quoque participes & conscij fuisse perhibentur M. Crassus, & Iulius Cæsar, hic Magister Equitum, ille Dictator designandus: sed malè coalitam coniurationem, dum sapienter ejurant, ad commodiora se tempora referunt.

*Motus
Romæ ab
Autronio,
& Sylla,
& alijs.*

OLYMP. CLXXVIII. Mundi Vrb. Cond.

ann. 4

3989

629.

Alexander Rex Egypti suis inuisus ab Alexandrinis pellitur, seceditque Tyrum, vbi moriens populum Romanum scripsit heredem, non eius amore, sed suorum odio, quos potentiorum auaritiæ, ac rapinis objiciebat.

*Ptolemæus
Alexandæ
Pop. Ro.
scribit he-
redem.*

Huic

Ptol. An-
letes ei
succedit. Huic successit ad annostredécim Cleopatraz
huius famosæ pater Ptolemæus Auletes; ita di-
ctus quod Choraulam exercuisset; & hanc se adeo
jactaret, ut eum non pigeret in aula eiusmodi
certamina celebrare, in quibus se nonnumquam
certaturis permiscebat; Theatro utique quam
solio Rex dignior.

Mitrida-
vis scutia Mitridates ad Ponti fratrum Xypharem filium
suum interficit, eiusque cadaver abjicit in sepul-
tûm matre Stratonice spectante, quod ea Pom-
peio castellum cum opibus tradidisset, ut in eo-
lumem seruaret filium. Pompeius tum Iberos

Pompeius
Iberos &
Albanos
vincit. debellauit, eorumque Regem Artorem; deinde
& Albanos dum Mitridatem nusquam consi-
stentem insequitur, & inter ambulandum vi-
ctorias colligit. Inde in Syriam transgredi pa-
rat, quò jam suos duces Scaurum, Afranium,

In Syria
eius res ge-
sta. & Gabinum præmiserat. Hic Antiochum Co-
magenum recipit in amicitiam; Darium verò
Medum proffigat, quia Tigranem antea iuuerat,
nunc Antiocho Asiatico fauere putabatur; jam
non sociorum modo, sed & Regum arbiter con-
stitutus.

Nascitur
Horatius. Consulibus L. Aurelio Cotta, & Manlio
Torquato natus est Horatius Venusinus Poëta
Lyricus, quâ Poësi nullus inter Latinos melius
& concinnè magis cecinit.

OLYMP. CLXXIX. *Mundi Vrb. Cond.*

ann. 1.

3990.

690.

Hircanus
in Aristobulum in-
surgit. Res erant apud Iudæos satis quietæ, quia Hyr-
canus Pontificatu contentus erat. Sed cum An-
tipater genere Idumæus, homo potens, & fa-
ctiosus, ideoque inuisus Aristobulo, concitauit
in fratrem. Ei igitur suavit, ut si vitæ suæ con-
sultum vellet ad Aretam in Arabiam fugeret;
vbi & Arabi suavit eum quasi legitimum Regem
Hierosolymis restituere, pactus duodecim vrbes
à Iannæo ereptas Arabibus. Aristobulus Hiero-
solymam compellitur, & obsidetur in Templo.
Sed Scaurus qui tum agebat Damasci, emptus

tre-

trecentis talentis ab Aristobulo, ab eo pronuntiavit; Aretas facessere iussus, Hyrcanus & Antipater Aristobulo subditi. Verum hi superius tribunal cogitabant, atque Pompeium, à quo Iudæa libertatem amisit ac legitimum Regem.

Phrantes Parthus in Tigranem bellum movet, hic à Pompeio petit auxilium: sed cum tardius adveniret, quam res Armenæ paterentur, cum Parthis iniit sœdus Tigranes, ratus eos non sibi tantum, sed & Romanis tergiuersantibus metuendos.

Tigranes cum Parthis sœdus iniit.

Pompeius Antiochenis obfides suos reddidit. Daphnensibus quoque suburbicariis Antiochiæ dedit agrum, quo eorum celebris lucus dilataretur, mirificè delectatus amœnitate loci, quo nullus fuit in orbe venustior.

Pompeius Antiochenis fauet.

Romæ Consulibus L. Julio Cæsare, & C. Marcio Figulo, instaurata est Catilinæ conjuratio circa Kalendas Iunias. Aduocat homo perditissimus vnum in locum socios suos (ex quibus plerique Equites atque Senatores) libidine prius, vino, ac omni turpitudine corruptos, atque delinitos. Eos autem nefando sacrificio, haustoque etiam humano sanguine, inter se deuinxit, & inuitavit ad mutandum Reip. statum, novasque tabulas inducendas. Hic distribuantur Magistratus, & Sacerdotia, boni & diuites designantur ad cædem, ipse Catilina eligitur, Consul habiturus collegam C. Antonium, sibi non inimicum. Quod cum plerique viri amantes patriæ suboluissent, accensi sunt plerique boni omnes ad demandandum Tullio Consulatum. Neque tamen ideo Catilina despondit animos, sed arma, viros, pecuniam studiosius comparauit, illaturus patriæ bellum, & vi peracturus, quod consilio, & fraude prestare non poterat.

Catilinæ coniuratio

Tullius, sic Consel.

CAPVT X.

DECAS DECIMA.

Ab anno 3990. ad 4000.

OLYMP. CLXXIX. *Mundi Urb. Cond.*
ann. 2. 3991. 691.

*Mitrida-
 ces petit
 pacem, dū
 bellum co-
 gitat.*

Mitridates ad Pompeium de pace legatos mittit, sed ipse iubetur venire, & præstare quod Tigranes fecerat. Interea tamen parabat bellum, & pecunias adgò acerbè extorquebat, vt à se suorum plerisque abalienaret. Certè Phanagorenses, & pleræque in vtraque Bosphoro vrbes defecere. Filia quoque eius, quas ad Regulos auxiliares mittebat sponsas, ad Pompeium ab ipsis ductoribus pertractæ sunt. Ipse inops consilij nihilominus cogitabat bellum, immò & Gallias, in quas itinere pedæstri transire meditabatur. Quibus permotus, pertæsusque periculorum Pharnaces filius designatus hæres parat infidias patri. Iis patet factis etiam huic à patre data venia, autore Menophane: sed ingratus mox sollicitauit exercitum, à quo Rex postulatus, atque coronatus est spectante patre. Mitridates, ne Romanis dederetur viuis, cum venena, ob consuetudinem, & sæpe sumpta antidota non procederent, primum suo, deinde alieno gladio periit, sexagenario maior. Pharnaces corpus patris muria conditum misit ad Pompeium, ideo regnum Bosphori, & Romanorum amicitiam præmium patricidij retulit. Ita extinctus Mitridates Dionysius, & Eupator, quo diuturnior em hostem Roma non habuit, neque potentior, & damnosior expertura, si se Italicis & Socialibus tumulibus permiscuisset.

*Pharna-
 ces rebel-
 lis in pa-
 triem.*

*Moritur
 Mitrida-
 ces.*

Damascum conuenerunt ad Pompeium duo
 fra-

fratres Hyrcanus, & Aristobulus iterum de regno disceptaturi. Pompeius damnata Aristobuli violentia, utrumque fratrem apud se manere jubet, donec bellum cum Nabathæis confecisset. Sed Aristobulus fugit in Iudæam. Insequitur eum cum exercitu Pompeius, hortantibus Hyrcano, atque Antipatro. Aristobulus Alexandrio arce se continet: inde vocatus accessit, jus suum iure in speciem, defensurus, cum interea vim & arma expediret. Quare cum Hierosolymis obsideret Pompeius. Facti poenitens Aristobulus obuiam occurrit Pompeio, & pecuniam pollicetur; dum eam numeret retinetur in vinculis. Sed pecuniam negarunt ciues; quare urbs obseditur, quæ tandem Pompeio traditur ab inimicis Aristobuli. Fautores quoque Romanorum occupant Templum, quod à Romanis capitur die Sabbathi. Templum ingressus Pompeius sacræ suppellectilis attigit nihil: volunt tamen quidem tum templi pecunias, ad eo direptas. Deinde Hyrcano redditus Pontificatus, autores belli securi percussi, præter Antipatrum cruce quam securi digniorem. Hierosolyma facta Romanis stipendiaria, cuius euersti muri, Iudæa in Prouinciæ formam redacta, iussaque proprio parere Præsidi, Et ne sementis belli relinqueretur, Aristobulus cum duobus filiis, & filiabus totidem Romam abductus. Ita pax à Pompeio toti Orienti data, compositis etiam Armenorum, Parthorumque controuersis; Romanum Imperium ad Euphratem usque promotum, ut Asia, unde bellum inchoarat Pompeius, fieret Romani Imperij vmbilicus, qui antea limes, & terminus fuerat.

Romæ Consules erant M. Tullius Cicero, & C. Antonius Nepos, quem omnibus sibi modis collega diuinxerat, ut eum ad suas, & patriæ partes pertraheret. Ei enim Macedoniam sorte sibi datam, sponte concessit, utpotè fertilem triumphorum, sicque abduxit à Catilinâ. Curauit

*Pompeius
Hierosoly-
mam obsi-
des, & ca-
pitur.*

*Iudæa fit
Ro. stipen-
diaria
Rege ab-
ducto.*

*Roma à
Tullio de-
recta Ca-
tilinâ co-
nstratio.*

rauit etiam Galliam Cisalpinam dari Metello Celeri, ne hanc inuaderent conjurati, inde in Transalpinam trajecturi: ipse per Fulviam omnem conjurationem reteggit. Ab ea admonitus mortem etiam vitat sibi per C. Cornelium Equitem, & L. Vargunteium inferendam. Iam Manlij Catilinarij ducis in Italia fremebant arma, cum Tullius Catilinam publicè exagitauit in Senatu, atque ex Vrbe exire ad suos compulit. Statim hic assumit sibi nomen Consulis & ornamenta, stipatus viginti millibus conjuratorum; sed hostis à Senatu dictus, cura C. Antonio demandata eum cum exercitu insequendi. Romæ verò relictus Tullius detectos coniuratores ab Allobrogibus coniecit in carcerem, licet primarios viros Lentulum, Cethegum, Statilium, & alios, quibus omnibus gulam elidendam curauit; quæ seueritas patriam incolumen præstitit, magnarum Ciceroni seruatori calamitatum causa postmodum fuit.

Coniuratos in carcere necat Tullius.

Nascitur Octavianus.

Hoc anno natus C. Octavius, postea Octavianus, & Augustus 9. Kal. Octobris, seu 23. Septembris, cui Roma seruire compulsa, experta est meliorem libertate seruitutem.

OLYMP. CLXXIX. *Mundi Urb. Cond.*

ann. 3.

3992.

692.

Scaurus Arabicum bellū conficit.

Confectum est hoc anno susceptum à Scauro contra Aretam bellum, industria Antipatri, qui & Romanis frumentum, atque necessaria suffecit, & autor fuit Aretæ redimendi pecuniâ agri sui vastitatem, cuius pecuniæ sponsor fuit pro 300. talentis: eoque factisibi Aretæ, atque Scauri beneuolentiam conciliauit, viamque filio suo Herodi ad maiora strauit.

A Pompeio in Asia condita Vrbes.

Pompeius tum quoque vrbes aliquas in Asiâ condidit Pompeiopolim, Magnopolim, Nicopolim nominis, atque victoriarum indices sempiternas.

Romæ Consulibus D. Iunio Syllano, & L. Licinio Murenâ, triumphauit de Creta Metellus

Ius

lus Creticus, qui prius de Pompeio, eiusque ambitione visus erat triumphare.

*Metelli
Cretici
triumphus*

Debellatus tum quoque Catilina fuit, quem sequebatur C. Antonius cum lectissimis, & exercitatissimis legionibus: quare ille detrectabat certamen opperens quid sui agerent Romæ, qui Urbem ad incendium diuiferant. Sed ubi patefactam conjurationem, & suorum mortem audit, in agrum Pistorium transiit, unde moliebatur ad Alpes viam; qua prohibitus est à Metello Celere. Tandem ergo interceptus à C. Antonio statuit aut vincere, aut mori. Antonius causatus morbum cum eo non conferuit manum, sed legatus eius Petreius: victi Catilinarii, eodem quo steterant loco cecidere, aduersis omnes vulneribus, viuis eorum captus est nemo; Catilina ipse obrutus telistrucidatus est, caput eius Romam delatum. Petreio quoque victoria magni stetit, strenuissimi quique militum eius, aut morte, aut vulneribus salutem patriæ suæ pepererunt.

*Catilinæ
sequitur C.
Antonius.*

*Catilina
pignus
moritur.*

C. Antonius statim cum laureatis fascibus pertexit in Macedoniam, ubi victus à Dardanis turpiter fugit, aduersus ciues suos quàm hostes fortunatior.

*C. Anton.
victus à
Dardanis*

Cadit & in hunc annum C. Cæsaris Prætura Urbana, qua abstergere conatus est suspicionem quam ei cum Catilina consuetudo inusserat. Sed palam detestabatur eius crimen, quod ipse aliquandò, licet cautiùs, perfecturus erat.

*C. Cæsar.
Prætura
Urbana.*

OLYMP. CLXXIX. Mundi Urb. Cond.

ann. 4. 3993. 693.

Consulatum Romæ gerebant M. Pupius Piso, & M. Valerius Messala Niger, quando Pompeius in Italiam rediit. Militibus suis ad sexdecim Talentum millia distribuit, Mitylenenæ immunitate donauit, in gratiam Theophrasti liberti sui: Rhodi & Athenis omnes Philosophos, & Sophistas audiuit, ac singulos talento donauit; Athenis ad eius instaurationem quin-

*Rediit in
Italiam
Pompeius.*

*Eius triū-
phus de
Asia.*

quaginta talenta dedit. Cum autem Brundisium appulisset; ut sinistros de se rumores dissiparet, dimisit exercitum, admonitis tamen militibus suis, ne triumpho suo deessent. Ideo vniversus Populus, totusq; adeo Senatus ei obviam sic effusus est, ut non Imperator Romanus ex Asia rediisse, sed Deus à cælo lapsus esse videretur. Triumphavit eodem die quo natus erat ante annos 43. & quo post dies tredecim in Ægypto cæsus est. Numquam triumphus visus est splendidior, seu devictæ gentes, seu reges, Regumque filij, ac Principes, seu pretiosa suppellex, seu coronarum, & donariorum multitudo spectaretur; quibus tamen omnibus præcelluit ipse Pompeius, qui alias de Europæ, & Africæ, nunc de Asiæ, ac proinde de toto terrarum orbe triumphare jactabatur.

*Pompei
Theatrū.*

Tum quoque idem Pompeius Theatri sui fundamenta jecit, cuius ideam Mitylene detulerat, opus quod non Vrbi modò, sed & orbi terrarum ornamento esse posset.

*Clodius
vocatus in
Iudicium
ob sacra
Bonæ Deæ
violata.*

Circa hæc tempora vocatus est in iudicium P. Clodius ob violata sacra Bonæ Deæ, in quibus sub habitu Psalteriæ vxoris Cæsaris stuprum inferre voluerat. Probare nitebatur Clodius absentiam suam ab Urbe; sed eam testimonio suo Cicero reiecit, Cæsar non est ausus dicere quid sentiret. Itaque reus à 25. iudicibus damnatus est, absolutus à triginta partim pecuniâ, partim metu labefactatis. Hos Populus Romanus contempsit, illos facere Catulus iussit eos admonens rectè sibi præsidium petiisse, ne illis pecunia eriperetur. Sic homo improbus & sacrilegus evicit litem, quia profusus, & audax fuit.

*Bellum
Allobro-
gicum.*

Bellum Allobrogicum contra Catagnatum ducem gentis ad Isaram fluvium gestum à C. Pomptino Prætore, quo post varias excursions, & velitationes legatorum, hostis ita devictus, ut omnes Allobroges præter unum Catagnatum, aut cæsi, aut manu capti viderentur.

C. Cæ.

C. Cæsar in Lusitaniam proficisci parat, sed à creditoribus detinetur. Eius enim nomina omnia octingentis triginta Talentis tantum dissolui poterant. Itaque molestissimis eius creditoribus sponsorem se obtulit Crassus; utcumque liber in Prouinciam sibi commissam profectus est Cæsar. Hic Hermonij montis incolas in planitiem deducere conatus est, unde ortum bellum, in quo eos oppressit, vicinos diripuit, ac de iis triumphasset nisi Consulatum, Triumpho prætulisset.

*C. Cæsar
in Lusitaniam vadit.*

OLYMP. CLXXX. Mundi Urb. Cond.

ann. 1.

3994.

694.

Syriam hoc anno administravit M. Æmilius Scaurus, quando Alexander Aristobuli filius primogenitus videtur in Iudæam peruenisse, in qua nihil præter vanos tumultus mouere potuit, regionis astrictæ Princeps calamitosus.

In Syriam motus.

Romæ Consulibus Q. Cæcilio Metello Celerere, & L. Afranio, Pompeij fauor visus est deflorescere. Cum enim hic in Afranij Consulatu posuisset omnia, adeo ut pro magistratu ei comparando etiam pecuniam parasset, ille saltationibus quam rebus gerendis aptior nihil poterat Romæ, sibi & amicis suis prorsus inutilis. Habebat autem Pompeius aduersantes sibi M. Crassum, Iulium Cæsarem, Catonem, sed maxime Lucillum, atque Metellum. Huius enim sororem Mutiam susceptis etiam ex ea liberis, ob suspicionem vitæ liberioris repudiarat: illū offenderat in bello Mitridatico, eiusque insuper resciderata acta. Itaque tum sensit Pompeius se ocysus quam par esset exercitum suum dimisisse. Quare adungere sibi conatus est Tribunus plebis, & adolescentulos audaces, quorum impudentissimus, & flagitiosissimus erat P. Clodius, quem ut sibi deuinciret, virtantus, Ciceronem amicum suum iniquissime prodidit. Nihilominus L. Flacco Tribuno plebis legem ferenti de agris Pompeiano militi diuidendis,

Pompeij fauor deflorescit.

Pompeius vexatus à viris magnis adheret P. Clodio.

M 2

ciuf.

eiusque actis confirmandis, tantâ contentione restitit Metellus, ut cum Flaccus in carcerem duxerit; sed cum in eundem transire pararet Senatus, veritus facti huius inuidiam Pompeius, cum retraxit, finxitque se tribuere Metelli constantiæ, quod suis tantum commodis aptabat.

*Clodius
Tribunatū
pl. quarit.*

Tum quoque P. Clodius per aliquot Tribunos legem tulit de Tribunatu Patriciis communicando, quem ipse Patricius audissime pensabat. Sed cum ea lex rejecta esset, ipse ejura a domus suæ nobilitate ad Plebeios transire conatus est. Rem tamen discussit ad tempus Metellus, ut Patriciis omnibus ignominiosam.

*Cæsar am
bisq. emit
Consulatū*

Ambiit sub huius anni finem Consulatū C. Julius Cæsar, huiusque gratiâ, quia utriusque pensationi vacare non poterat, Triumphum omisit. Præterea Luccrium competitorem suum induxit, ut communi nomine, de suo, nummos per centurias pronunciaret. Quare Bibulus ex optimatum consilio, tantundem pollicitus est, factumque, ut è Republicâ, probavit Cato. Itaque cum de se Cæsar non satis posset Crassum sibi, atque Pompeium adjunxit, quibus etiam iuramento confirmavit, se nihil nisi ex eorum consilio gesturum. Verum eos inter se parabat commitere, totamque sibi in Rep. auctoritatem arrogare, quod non sine labore, ac sanguine præstitit.

OLYMP. CLXXX. *Mundi Vrb. Cond.*

ann. 2. 3995. 695.

*Alexander
in Syria
turbat.*

Alexander, L. Martio Philippo Syriæ Prætor, clam novas res moliebatur, Romanarum virium metu, ac vinculorum patris sui Aristobulli, qui errata filij sui capite luere poterat. Itaque tentabat potius quid sibi agendum esset, quam operi manum admouebat.

*Auletes
emit Pop.
R. o. ami-
citiā.*

Ptolemæus Auletes amicitiam Populi Romani non tam obtinuit, quam emit, cum prope sex millia talentum Cæsari numerasset: tantum

tum stabat Principibus, ac Regibus Romanos amicos habere.

Huius ergo anni Consules fuere C. Iulius *Cæsar* Cō-
Cæsar, & M. Calpurnius Bibulus, quo tem-
pore Cæsar suæ Tyrannidis fundamenta jecit. *Jul Tyrannidis stæ fundamēta jecit.*
Ac primum cum indigeret pecuniâ tria mil-
lia pondo auri furatus in Capitolio, tantun-
dem inaurati æris reposuit: omnia addidit
pretio, quæ ante donari consueverant, eò
potentior quo sceleratior, & tantum religio-
sus quantum sua sineret ambitio.

Tum quoque idem Cæsar filiam suam Pom-
peio dedit uxorem, ipse Calpurniam filiam Pi-
sonis duxit, ut potentiam suam hisce coniugiis
firmaret. Ciceroni quoque, & Lucullo consta-
uit calumniam per L. Vettium, quasi ejus mortem
sibi, atque Pompeio machinati essent: sed cum
patet facta esset calumnia, atque reuicta, Vettius
in carcere strangulatus, pœnas dedit suæ teme-
ritatis.

Obtinuit & Cæsar rogante Vatinio Illyri-
cum, Galliamque Cisalpinam, cum tribus le-
gionibus, ac potestate Proconsulari, quibus ad-
didit Senatus Galliam Transalpinam, legio-
nemque vnam, gratiam Populi superare vo-
lens, à quo præuentus erat. Et verò jam om-
nibus metuendus erat, Catone ipso in carce-
rem missò, & Bibulo collega ita reuictò, ut reli-
quo tempore sui Consulatus publico careret;
quare per jocum pars huius anni notata est Iu-
lio, & Cæsare Consulibus.

C. Antonius hoc anno repetundarum accu-
satus, licet eum Tullius, quondam collega, de-
fenderet, damnatus est. Cum idem Orator Cæ-
sarem quasi autorem huius iudicii perstrinxisset
verbo, illi Cæsar iratus Clodij patrocini-
um suscepit, eumque à Patriciis ad plebem transire
volentem, adnitente Cn. Pompeio traduxit.
Mirum! à P. Fonteio natu minore & Plebeio
adoptatus est natu major & Patricius P. Clo-
dius;

*Cæsar nup-
tias pœ-
tiam suam
firmat.*

*Gallia
conceditur
Cæsari.*

*Bibulus
publico
carere.*

*Clodio fa-
uet Cæsar
in sensus
Ciceronis.*

dius; indeque nullo negotio Tribunus plebis factus, data tamen prius cautione, additoque jure, jurando Pompeio, se nihil in Tribunatu contra Ciceronem facturum. Sed perturbator diuini humanique juris, contra datam fidem, contra iurandum, ea in Ciceronem perpetravit, quæ ab inimico furioso & amente, ac publicâ autoritate armato, expectari potuerunt.

OLYMP. CLXXX. *Mundi* Urb. Cond.

ann. 3.

3996.

696.

*P. Clodius Trib. pl. Ciceronem ex-
pellit.*

P. Clodius Ciceronem primum aggreditur fraude, deinde apertâ vi, lege rogatâ de iis, qui ciuem Romanum indicta causâ inuenerissent. Tullius Cæsarem adit, qui ei legationem offert in suo exercitu, vt Clodij furorem vitaret: sed eam dissuasit Pompeius, pollicitus auxilium Ciceroni, quem tamen flagitiosè deseruit, & ludificauit. Lucullus amicus sincerior cum armis parabat defendere; sed eum inhibuere Cato, & Hortensius. Itaque sponte abiit in exilium, minus animi præ se ferens, quàm eius superiora facta postulabant. Absenti interdictum aqua, & igni, domus euersa, expilata, incensa, area etiam Diis consecrata L. Calpurnio Pisone Cæsonino, & A. Gabinio Consulibus dissimulantibus, vel etiam Clodium stimulantibus. Has conseruatæ patriæ vir optimus, homini scelerato pœnas luit.

*Clodius in
Ptol. Cy-
prum se-
nit.*

A Cicerone, Clodius in Ptolemæum Cyprum irruit, à quo non fuerat alias adutus pecuniâ. Huius enim Regis bona publicauit eiusque regnum in Prouinciæ formam redegit, cuius iniuriæ curam Catoni demandandam curauit, vt eum ejiceret Roma, nec haberet suis iniquis legibus semper obsistentem integerrimum hominem. Tum ergo nihil sibi jam metuens Clodius, etiam Pompeium contempsit, eique juniorem Tigranem captiuum per vim eripuit, & reluctanter Consulem Gabinium etiam cum dedecore repulit. Illi ergo statuunt Ciceronem

*Clodius
Pompeium
contemnit.*

ab

ab exilio reuocare, vt furorem Clodij frangeret. Nec mora de reditu Ciceronis rogationem tulit L. Mummius Tribunus plebis, & is prauauit quamquam animosè ei resisteret Ælius Ligus, moueret omnem lapidem Clodius totoque furore repugnaret. Sed tandem succubuit, maximè ex quo Senatus decreuit de nulla re consultare, nisi priùs ab exilio reuocaretur Cicero, pari Tullij glorià & laude, & Clodij furore atque infaniâ.

Agitur de reuocando Cicerone.

Julius Cæsar hoc anno Bellum Gallicum auspiciatus est. Ac primùm Heluetios, quærentes nouas sedes, & Romanorum Prouinciæ hostiliter imminentes, vicit ad Ararim fluvium; paulò post compulit & deditiorem facere, & pristinas sedes repetere, vltus egregiè ab Tigurinis aliàs Romanis illatas clades, ac cæsos Lucium Cassium Consulem, eiusque legatum Lucium Pisonem.

Bellum Gallicum incipit Cæsar.

Heluetios vincit.

Exinde Ariouistum è Germaniâ transgressum, & socios Populi Romani Æduos instantem tantâ clade deleuit, vt per triginta millia passum & ad Rhenum vsque fluvium campi cadaueribus Germanicis sternerentur, reliquos haurirent fluminis vortices. Ariouistus eum paucis ægrè traiecit fluvium, relictis suorum octoginta millibus, & amplius. Quibus gestis rediit Cæsar in Galliam Cisalpinam, vnde muneribus & promissis res suas firmavit Romæ; hyeme populares suos, æstate hostes labefactans, vel auro, vel armis.

Ariouistum vincit.

OLYMP. CLXXX. Mundi Urb. Cond.

ann. 4.

3997.

697.

Ptolemæus Auletes Rex Ægypti, dum pecuniâ exigentiam suis, quam Romanis, & Cæsari antea numerarat, tantam seditionem expertus est ab Alexandrinis, grauitatem tributorum ferre recusantibus, vt sibi fugiendum esse Romanam crederet. In Cypro cum incidisset in Cætonem, deterritus est adire Romanam, cuius aua-

Auletes Romanam fugere cogitur.

*Turba in
Ægypto.*

ritiam Ægyptus vniuersâ in pecuniam redactâ explere non posset. Suadetur itaque potiùs vt redeat Alexandriam, & cum suis redeat in gratiam; sed & eidem se comitem obtulit: vidit Rex hæc meliora esse consilia, verum suorum prauis suasionibus abductus, detriora secutus est. Intercâ Alexandrini filiam Auletis Berenicem ad regnum promouent, cui maritum nescio quem ex Syriâ Cybiosactem adiungunt. Eum cum Regina sustulisset, duxit Archelaum Comanorum in Ponto Sacerdotem & regulum, filium Archelai, qui dux Mitridatis in Romanos pugnauerat. Aduenerat jam Auletes Romanam, subnixusque Pompeio legatos Alexandrinorum, aut occiderat, aut tacere compulerat; sed tandem intellexit Catonem mentitum non esse, & indoluit tanti viri, non tam verbis, quàm oraculis se minùs paruisse.

*Tullius ab
exilio glori-
atione reuo-
catur.*

Hoc quoque anno Coss. P. Cornelio Lentulo Spinthere, & Q. Cæcilio Metello Nepote, M. Tullius Cicero ab exilio reuocatus est, adniten- tibus maximè Lentulo, Pompeio, & T. Annio Milone, inter quos hic non tantùm linguâ, sed & manu pugnavit. Gladiatores enim suos opposuit Clodianis Gladiatoribus, per quos magna vtrimque facta nonnunquam cædes, quando & Q. Cicero Marci frater pro mortuo relictus est. Sed cum tandem Clodius à Metello Con- sule relictus esset, Miloni jam fortiori cedere coactus est, jam vitæ suæ, quam iniuriæ Tullio inferendæ, sollicitior. Sicque non tam redu- ctus in patriam Tullius, quàm totius Italiæ hu- meris relatus, recuperauit hona sua; & vt gra- tiam referret Pompeio ei in quinquennium to- tius rei frumentariæ, ac pecuniariæ potestatem committendam curauit, non sine periculo Ro- manæ libertatis.

*Victoria
Cæsaris in
Gallia
varia.*

Cæsar hoc anno Belgas aggressus multos ex iisdem domuit, videlicet Bellouacos, Ambianos, Atrebares, Neruios. In hos tamen periculosè pugna-

pugnauit, & nonnumquam potius de vitâ, quàm de gloriâ. Rhemos etiam sponte dedentes sese in fidem Populi Romani recepit. P. Crassus Venetos subegit, & alios Armoricæ populos, ex quibus tantum auri collegit Cæsar, vt haberet vnde emeret Romam, cuius libertatem minus arma Cæsaris, quàm pecuniæ Gallicæ euerterunt.

OLYMP. CLXXXI. *Mundi Vrb. Cond.*

ann. 1.

3998.

698.

Tum in Iudæa magnus excitatus est motus per Alexandrum Aristobuli filium, qui cum decem millibus armatorum regionem depopulabatur. Ad hæc deiecerat Hyrcanum ex Pontificatu, cum Gabinius in Syriam lege sibi Clodia assignatam venit. Hic ergo reduxit Hyrcanum, & obsedit in Alexandrio castro Alexandrum, qui se dedere compulsus est, veniamque impetravit interuentu matris scæminæ solertissimæ. His peractis Gabinius Iudæam ordinauit, eamque in quinque juridicos conuentus distribuit, assignatis vrbibus Hierosolymâ, Gadaris, Amathunte, Hierieonte, & Sepphori vnde iura peterent. Ita Iudæi dum libertatem quærunt, seruitutis suæ vincula fortius adstrinxerunt.

Alexander turbauit in Iudæa.

Gabinius Iudæam diuidit.

Romæ Consulatum administrare Cn. Cornelius Lentulus Marcellinus, & L. Marcius Philippus; quando M. Cato Cyprium ordinauit, posteaquam Ptolemæus Cyprius ipse sibi consciuisset necem. Ex hac insula septem millia Talentum argenti retulit Cato, quæ veritus ne mari perirent imposita nauibus, singulis vasis longum funem alligauit, ac suberis frustum, vt intelligeretur, quo loco factum esset naufragium, vbi pecunia lateret. Receptus est Cato triumphantis in morem, eique decreta est à Senatu Prætura, quam tamen repudiavit. Ita vir optimus ex iniquissimo munere gloriam retulit, quoniam iniquitatem Clodii in patriæ commodum conuertisset.

Cato Cyprium ordinavit morituo Ptolemæo.

M 5

Pro-

*Auletes
frustrâ à
Ro red-
ei petis.*

Ptolemæus Auletes reduci iussus à Lentulo Spinectere Proconsule, non est reductus tamen, ob statuam Iouis de cælo tactam in Albano, & Sibyllinum carmen, quo prohibebatur Rex cum exercitu reduci; sed maxime quia Cato huic restitutioni obstitit. Sic Auletes reditu desperato petiit Ephesum, cum Romæ multum temporis, plus pecuniæ perdidisset.

*Rem in
Gallia
Cæsar per
se, ac suos
duo geris.*

In Galliâ Cæsar & per se, & per legatos suos rem feliciter gessit: ipse Menapios Morinosque subegit, Serg. Galba populos Inalpinos, Titurius Sabinus Lexobios, vicinosque populos, P. Crassus Marci filius Aquitanos, D. Brutus denique Venetos quos iterum jugum accipere compulit. His peractis, de more hyeme rediit in Italiâ, ad quem conuenerunt Lucam, præstantissimi quique Romanorum, Pompeius etiam, & Crassus. Inter eos statutum, ut Pompeius, & Crassus iterum Consules fierent, stipendium, & aliud quinquennium Cæsari in Galliâ prorogaretur. Quibus auditis Cato Præturam ambiit, ut majori autoritate resisteret Tyrannidi: verum pecuniâ depulsus est, & in eius locum inductus Vatinius, homo concretus ex scelere. his omnibus gementibus bonis, & certam Reip. iacturam expectantibus.

*Comitia
habet La-
ce.*

OLYMP CLXXXI. Mundi Urb. Cond.

ann. 2.

3999.

699.

*Auletes
per Gabi-
nium resti-
tutus est
regno.*

Ptolemæus Auletes videns sibi nihil esse in Senatu præsidij, ut regnum Ægypti recuperaret Gabinium adit cum litteris Pompeij comendatitiis, sed iis insuper adjunxit decem millia Talentum, quibus inescatus Gabinus copias in Parthos & Arabas paratas in Ægyptum ducere parat, relicto in Syriâ filio Sisenna cum paucis militibus. Primo cum Ægyptiis conflictu Gabinius Archelaum capit, eratque confecta res, nisi eam homo auarissimus inchoasset. Nummis enim plurimis acceptis Archelaum laxat, quasi hic è custodia euolasset; inde Pelusium venit,

& hinc

& hinc Alexandriam , quando gemino praelio Aegyptios fudit , quorum in postremo casus est Archelaüs . Sic Auletes restitutus est regno , moxque Berenicem filiam jam duorum Regum uxorem interficit , & locupletissimos quosque Alexandrinorum , quos mortis reos non crimina , sed opes efficiebant . Et verò Rex avarus pluribus egebat nummis , quos in Romanos effuderat . Certè , ex Catonis consilio subditorum suorum bonis , & sanguini , omissis Romanis , sapientiùs peperciisset .

Absente Gabinio magni sunt concitati in Iudæa motus , quos Aristobulus , elapsus ex vinculis Romanorum , concitavit , cum Antigono filio , fugæ comite . Is munire conatus Alexandrium , jam ante dirutum , prohibitus est ; itaque Macheruntem occupavit : sed cum hæc octo milia suorum perdidisset , in munitionem retrusus post biduum dedere se Gabinio compulsus est , diligentius deinceps asseruendus .

Aristobulus fugiens Iudæam turbas .

Romæ Consules renunciati sunt Cn. Pompeius Magnus secundum , & M. Licinius Crassus , qui nullos passi sunt ad magistratus promoveri , nisi sibi addictos . Exinde per C. Trebonium Trib. plebis perlata lex , quæ utraque Hispania Pompeio , Syria Crasso adjudicabantur in quinquennium , cum potestate colligendi exercitum quantum vellent , & populis ac Regibus quibus vellent inferendi belli . Cui rogationi cum Cæsariani resisterent ; Cæsari in triennium prorogatum Imperium , eosdemulsi . Statim ergo Crassus ex æquo avidus belli , atque auri Parthici in provinciam profisciscitur , Ateio Tribuno plebis nequicquam impediente , atque etiam ei injiciente manum , donec qui eum perducebat Pompeius autoritate suâ populum placavit . Ita susceptum in Parthos bellum infelicebus auspiciis , Romanis perniciosum , M. Crasso fatale , eoque funestius Reip. quod Crassum belli civilis moram sustulit , eoque sublato Im-

Coss. Pompeius & Crassus

Crassus in Parthos movet .

perium Romanum in duas partes secuit, quarum vtraque libertatem evertendam spectabat.

*Theatrum
Pompeij
dedicatum.*

Pompeij Theatrum hoc anno dedicatum est ab eius liberto Demetrio constructum, qui pecunias in eius obsequio comparatas impendit, domini gloriæ, quam sui commodi sollicitior. In hac celebritate multi sunt exhibiti ludi, Musici, Gymnici, bellici; quingenti leones occisi, duodeviginti Elephantes, reliquis contra Pompeij voluntatem seruatis, iubente populo, cuius misericordiam videbantur implorare. Tumque Romana plebs in gladiatores, & homines vulgò immitis, in belluas misericors fuit.

*Cæsar
vincit
Germanos.*

Cæsar contra Sueuos Germanos sæliciter pugnavit, eosque in Vbiis magnâ prostravit clade. Mox Rheno ponte juncto Sicambros quoque devicit, & eorum agris magnam intulit vastitatem, nemine repugnare auso, omnibus effusè perauia effugientibus. Inde regressus, ponte rescisso, Britanniam cogitavit, nihil territus interiecto mari, quem Rhenus non inhibuisset. In eâ insulâ cum magnum discrimen adisset, & Romanam classem tempestate perdidisset, ostensis tantum Romanorum armis pacem a Barbaris extorsit, rediensque in Gallias Morinos ac Menapios spe cladis eius atque mortis, rebellantes malè accepit, quibus neque se victum, neque casum in expeditione Britannicâ demonstrauit.

*Britanniam
ingreditur.*

OLYMP. CLXXXI. Mundi Urb Cond.

ann. 3. 4000. 700.

*Crassus
Euphratē
transiit.*

Crassus in Parthos ducit exercitum, atque Euphratem fluuium, non difficiliter, ponte jungit. Nicephorium deditione accipit, & aliquot vrbes Mesopotamiæ; Zenodotiam autem quæ præsidium Romanum ceciderat captam diripuit, eiusque ciues sub coronâ vendidit, vrbus omnibus intra Tigrim potiturus, sine dubio, si vti voluisset terrore Barbarorum. Sed Syriæ delicias & aurum dum avidius respicit res suas evertit.

evertit. Regressus ergo in hanc Prouinciā, Iudæam adiit, vbi duo Talentum millia ex templo Hierosolymitano abstulit. Deæ quoque Hierapolitanæ, hoc est Veneris, vel Iunonis diripuit fanum, atque ita se in Syria gessit, quasi non de bello, sed de prædâ cogitaret.

*Syriam
Grassus
expilat.*

Consulatum Romæ administrarunt. L. Domitius Aenobarbus, & Appius Claudius Pulcher, quo anno C. Pomptinus de Allobrogibus triumphauit. Tum quoque accusatus est repetundarum, & violatæ religionis Gabinus ille sacrilegus Syriæ depeculator. Verum iudicium de religione, & maiestate, operâ Pompeij, & copiosè effusis nummis effugit, absolutus à iudicibus corruptis, quos populus tantum non discerpfit. At in actione repetundarum quam ei indixerat Domitius Consul, succubuit, quamquam à Cicerone defenderetur; tum quia Pompeius aberat, tum quia pecuniæ non satis effuderat; quoniam minus nocentem se in hoc iudicio, quam in superiori credebat. Ita causa cecidit, & in exilium abire compulsus, vnde postea à Cæsare reuocatus, omnia Pompeio, & Cæsari, nihil reconciliato inimico Ciceroni debuit.

*Gabinus
accusatur,
& absol-
uitur sa-
crilegi.*

*Damna-
tur repe-
tundarum.*

Cæsar ingentem aduersus Britannos parat classem: intereā Treuironum comprimit motus, & turbas Aeduorum Dummorigis cæde auertit. Dum transit in Britanniam naues amittit plures tempestate, atque æstu maris absorptas. In bello quàm in nauigatione scælior fuit: Mandubratum enim Principem ejectum restituit, multisque populis in fidem acceptis, multis edomitis, Britanniam Populi Romani vestigalem fecit. Resectis igitur nauius redit in Galliam cum magnâ turbâ captiuorum. Hic tamen ob inopiam frumenti coactus diuidere legiones, nonnullas clades accepit. Sabinus & Cotta Ambiorigis insidiis intercepti, suos amiserunt & vitam. Idem Q.
Cice-

Cæsar rursus traiecit in Britanniā.

*Invasit
à Gallis,
& clades
accepit.*

Ciceroni contigisset, nisi ab eò periculum Cæsar ipse depulisset, hoste insuper profligato, conscissoque. Senones quoque à Labieno per fraudem victi, cæso Induciomaro Principe. Reliquos motus totâ Galliâ erupturos Cæsar præsentia suâ, ac diligentia repressit, semper, & ubique victor, quia nihil procrastinabat.





LIBER VIII.

SÆCVLVM MVNDI

QVADRAGESIMVM PRIMVM.

*Ab anno Mundi 4000. ad 4053.
seu ad Christum natum.*

SÆCVLVM ROMANVM VIII.

à 700. Urbis conditæ ad v.c. annum 753.

CAPVT PRIMVM.

PRIMA DECAS.

Ab anno 4000. ad 4010.

OLYMP. CLXXXI.	Mundi	Urb. Cond.
ann. 4.	4001.	701



Rassus rejectis monitionibus Q. Cassij Quæstoris sui, & Artabazi Regis Armeniæ suadentium vt per Armeniam Parthos inuaderet, Andromachum Arabem potius audiit, à quo deductus est in

*Crassus ab
Arabe de-
luditur.*

patentes campos, vbi cum dux Surenes equite suo circumfundebar, & consuebat eminus sagittis, denegatâ cominus pugnandi facultate. Anceps ergo Marcus Crassus quid ageret, filium suum Publium in eos impressionem facere iubet: simulant illi fugam, & abstractum à patre, atque implicitum interimunt,
cuius.

*P. Crassus
occiditur.*

eius caput in hasta Romanis ostentant. Habito consilio Cassius & Octavius (nam Marcus Crassus mœrens filij sui casum , huic non interfuit) Carrhas exercitum reducant , reliâs quatuor vulneratorum millibus , quos Parthi trucidarunt . Surenas postea cœm omnibus copiis Parthicis adsuit , & Crassum , ac Cassium sibi dari victos postulavit : Romani de fuga cogitant , eamque suscipiunt duce Andromacho proditore , à quo per longos circuitus deducuntur . Fraudem suboderatus Cassius Carrhas repetiit ; pergentes porrò Crassus , & Octavius tandem intercepti sunt , atque cæsi . In os Crassi demortui aurum liquatum injectum est , viginti millia Romanorum cæsi , decem millia capti , nusquam Romani victi ignominiosius .

M. Crassus ad Carrhas cæsus .

Cicero Augur .

Turbæ Romæ ob Dissensionem .

In Crassi demortui locum suffectus est Augur M. Tullius Cicero , & vtrique hæc dignitas fatalis fuit .

Romæ magni tum fremebant motus , quibusdam horrentibus Dictaturam . Eam dignitatem verbo fugiebat Pompeius , re prensabat . Lucilius Tribunus plebis huic dignitati faucebat , Cato eidem animosè refragabatur . Huius itaque sententia peruicit , ob recordationem Syllanæ crudelitatis ; illi tantum non est abrogatus Tribunatus . Tandem Pompeio vel adnitente vel permittente creati Consules jam magnâ anni parte emensâ Cn. Domitius Calvinus , & M. Valerius Messala , sopitæque sunt tantis perturbæ , vt anno sequenti ferocius recrudescerent .

Cæsar accepit 2. legiones , & iterum Rhenum pontem iungit .

Cæsar hoc anno duas à Pompeio legiones accepit , ipse tertiam in Gallia Circumpadanâ conscripsit ; jamque auctus quatuor legionibus , motus Senonum , Carnutenrium , Neruiorum , nullo negotio compressit . Adiit quoque Treuiros contra quos rem prosperè gesserat Labienus , licet auxilio Germanorum fultus . Tum quoque iterum Rhenum pontem coniunxit ; at Germanis

refra-

resistere paratis, & inopiâ frumenti oculis obuerfante, abrupta est expeditio, bellumque in Eberones transfatum, vbi Decimaquarta legio periclitata est, Ambiorix frustra quæfitus. Quibus confectis, legiones decem in hibernis collocatæ sunt, dum Cæsar redit in Italiam, conuentus Resp. perniciosissimos habiturus, atque inde perturbaturus Romam.

OLYMP. CLXXXII. *Mundi Vrb. Cond.*

ann. 1.

4002. 702.

C. Cassius Longinus cum quingentis equitibus ex Mesopotamia, Carrisque redux, oblatum sibi aliâs Imperium ab exercitu, adeoque ab ipso Crasso, tum ex necessitate suscepit, irumpentibus in Syriam Parthis, sed cum modico exercitu, ex Romanorum contemptu. Verum eos fortiter submouit Cassius, ostenditque quid Romani possent aduersus Parthos etiam victores, cum bonum nacti essent Imperatorem. Tum etiam idem Cassius Syriam ordinauit, venitque Tyrum, vnde profectus est in Palæstinam vbi Taricheas urbem cepit, abduxitque 30. millia captiuorum, interfecto Pitholao Aristobuli fautore. Hæc porro cædes facta suadente Antipatro, qui tum liberos suos atque familiam apud Arabas deposuerat, vnde & uxorem Cypron duxerat, vt ex Idumæis, & Arabibus, hominibus nequam, familia nequissima propagetur.

*Parthos
ex Syria
submouet
Cassius.*

Romæ prensabant Consulatum Milo, Hipæus, & Metellus, atque sic emebant Tribus, vt venditores non tantum suffragia, sed & arma pollicerentur. Itaque passim in Vrbe cædes, nec in Vrbe tantum, sed & extra Urbem. Tum enim P. Clodius à Milone cæsus Romanos in duas partes distraxit, Cum itaque perturbatissima Resp. egeret summo magistratu, neque placeret Dictator, consentientibus Catone, & Bibulo dictus est vnus Consul Cn. Pompeius, qui postea in quinque menses assumpsit sibi collegam

*Clodius à
Milone
cæsus.
Vnus Cō-
sul Pom-
peius.*

gam Q. Metellum Scipionem socerum suum, ductâ eius filia, à Publico Crasso relicta. P. Clodij cadaver in Curiam inductum à plebe, fractis subselliorum fragmentis combustum est, quo incendio Curia ipsa, ædesque vicina conflagrarunt. Inde patratæ sunt utrimque cædes Clodianis audacter vim inferentibus, Milonianis eam fortiter propulsantibus, adeò ut in Vrbes, quasi ab hoste captâ seuiretur. Pompeius itaque in eam copias suas induxit. Milonisque iudicium exerceri curauit. Hunc accusauerunt tres Clodiani de vi; his respondit vnus Tullius, par & superior, nisi turbatus Clodianorum clamore, & præsidij militaris aspectu languidiùs dixisset, & breuiùs quàm tanta causa postularet. Itaque tum *Armis Toga cessit*; damnatus Milo, in exilium abiit Massiliam; vbi orationem legens quam pro eo Tullius scripserat, optauit eum meliorem Oratorem esse, quam scriptorem.

*Cicero
Milonem
malè de-
fendit.
Exulat
Milo.*

*Cæsar
res gestæ
ad Ger-
gobiam,
Auaricum
Alexiam.*

Cæsar vbi accepit sibi prorogatum in Gallias Imperium, & nouos concitari in Gallia Transalpinâ motus, in eam rediit. Hanc enim Vercingentorix pænè vniuersam ad arma compulerat, initio à Carnutibus ducto. Egerrimè tamen Cæsar ad suas copias peruenit, easque in vnum corpus contraxit. His Auaricum, Gergobiam, Alexiam improbo labore, & operibus egregiis capti, & captas crudeliter exscindit. Visto demùm Vercingentorige Galliam vniuersam in Prouinciæ formam redigit, eamque plus stipendij Pop. Romano pendere compellit, quàm reliquus orbis persoluebat. Tantùm denique diuitiarum ex deuictis Galliis in Italiam retulit quantum satis esset ad emendam Romam, e jusque libertatem exterminandam.

OLYMP. CLXXXII. *Mundi Urb Cond.*

ann. 2.

4003.

703.

*Mors
Ptol. Au-
letes.*

Obiit hoc anno Ptolemæus Auletes, relictis duobus filiis, & filiabus totidem, quarum major natus

natu famosa illa Cleopatra fuit . Patri quoque successit filiorum natu major Ptolemæus cognomēto *Διογύνης* , cui nupsit de more Ægyptiorum Cleopatra , sed hic malitiosam mulierem dum expulit thalamo , atque regno , vitam ipse atque regnum post annos quinque perdidit.

*Succedit
Ptoi. Dionysius .*

Q. Cassius hoc quoque anno Parthos majori exercitu , Osace duce , Syriam tentantes , & Antiochiam vsque progressos fortiter repulit , atque in insidias pertractos , cæso Osace , tanta clade affecit , vt eis in Syriam redeundi adimeret voluntatem

*Cassius
vincit
Parthos .*

M. Tullius hoc quoque anno Proconsul in Ciliciam abiit , vbi rem non malè gessit , quam & ipse fortiùs descripsit , quam gessit. Ideo ab exercitu suo acclamatus Imperator : quem honorem eloquentiæ potius suæ , ac humanitati , quam rebus gestis debuit .

*Cicero Ci-
liciam ad-
ministrans .*

Tres hoc anno petiere Consulatum M. Cato , M. Marcellus , & Sulpitius Rufus : & Cato quidem in gratiam patriæ , vt Pompeio atque Cæsari , ad tyrannidem enitentibus obsisteret , fultus autoritate tanti magistratus . Verùm ei sua austeritas obsuit , dumque nimium bonus cupit esse ipse spe Consulatus , patria spe libertatis excidit. Creati ergo Seruius Sulpitius Rufus , & M. Claudius Marcellus ; quorum hic additus Pompeio lapidem mouit omnem , vt Cæsar maturiùs Imperio , & armis spoliaretur. Contra obstitit Cæsar per suos , ac Marcello prorogationem Imperij acerbius deneganti Centurio legatus , ad motâ capulo manu indicauit , quo tandem eam modo Cæsar impetraturus esset .

*Cato spe
Consulatus
excidit
creatus
Marcellus
inimicus
Cæsaris .*

Interea idem Cæsar & per se , & per legatos suos Caninium , Fabium , & Labienum in Gallia felicissimè pugnavit ; quando & Vxellodunum in Cadurcis oppidum permunitum cepit ; ac Prouinciā vniuersam sic ordinauit , vt si maximè vellet , rebellare non posset , legionibus ita per regionem sparsis , vt altera alteri auxilio

*Cæsar tu-
se ac suis
felix .*

posset

posset esse, nullam prouinciæ partem Romanus graueret exercitus, omni metuendus immineret.

OLYMP. CLXXXII. *Mundi Vrb. Cond.*

ann. 3.

4004.

704.

*Conf. duo
inimici
Cæsaris,
Paulus
emittitur pe-
cunia,*

*Curio quo-
que Oritur.*

Inimici Cæsaris duo hoc anno Consulatum inierunt L. Æmilius Paulus, & C. Claudius Marcellus, quos Cæsar pecuniâ trahere ad partes suas conatus est, ne Prouinciâ, atque exercitum dimittere compelleretur. Frustra tentatus est Marcellus, Paulus mille & quingentis talentis vendidit auctoritatem suam, sed ea tantum lege; ne Cæsari aduersaretur: tanti tunc Romæ æstimabatur posse nocere. Tum Tribunus plebis erat C. Curio homo plebi gratosus, & linguâ potens, qui ut ex inimico Cæsaris fieret eius fautor, majori pecuniâ labefactandus fuit. Et verò egregiam emptori suo nauauit operam, dum se fingit Cæsaris aduersarium, sicque inimicorum eius consilia subodoratur. Cum autem vidisset legiones duas à Cæsare missas ad bellum Parthicum, & Bibulo Syriæ præsidii tribuendas, à Marcello Consule in Italiâ retentas esse, immò & Pompeio adjudicatas, tum verò quis esset aperuit, neque jam arte, & olanculum, sed vi, & apertè fauere cœpit ei, cuius caput publicè petebatur.

*Cæsar mi-
litibus
suis, &
Galli ac-
cepit.*

*Pompeius
nimis cœsi-
dis præsti-
tisse.*

Cæsar verò in Galliâ ita sibi deuinxit ciuitates, & populos, ut ab omnibus quasi delapsus è cælo genius reciperetur. Itaque ingressus eius in vrbes speciem triumphantis ferebat. Mira quoque erat eius in militem indulgentia, adeoque rebus suis addictum habebat, ut ei potius, quam Consulibus pareret. Dimissis etiam viritim millenos nummos distribuerat, ut euocati, cui aliquando paruissent duci, meminissent. Hæc ignorabat Pompeius, putabatque copias Cæsaris, militiâ fessas, statim ad partes suas, quas Reip. dicebat esse, transuolaturas: quare nullos milites scripsit, satis esse sibi
dicti-

dictitans si pede supploderet terram, ex qua armatae legiones erumperent. Sed paulo post intellexit miser, & sapientius esse susceptum Civile bellum à Cæsare, & prudentius administratum.

Censores tum erant Appius Claudius, & L. Piso, sub quibus civium capita trecenta viginti millia censa sunt, ut mox intelligeretur quod damnum intulisset patriæ Civile bellum. Tum autem ab Appio notati ad Cæsarem confugere, & coniuncti sunt Curioni, quem belli Civilis tubam merito dixeris.

OLYMP. CLXXXII. Mundi Urb Cond.

ann. 4.

4005.

705.

Consulibus C. Claudio Marcello, & L. Cornelio Lentulo exarsit Civile bellum Cæsarem inter & Pompeium, cui causam vterque dedit, dum ille superiorem, hic parem ferre noluit. Quamquam autem Cæsar ingenti flagraret cupiditate imperandi, & Etheoclis apud Euripidem dictum identidem vsurparet *regni causa ius violandum esse*, tamen habito Rauennæ concilio, cui C. Curio interfuit, mitiorem sententiam secutus est, & pacem exoptare se, saltém simulauit. Verùm cum rescripisset ad Senatum, æquitate plenissimas litteras, quia tamen sub finem Epistolæ adhibuerat minas, rejectæ sunt, ipse pro hoste habitus est. Mittitur ergo ei successor L. Domitius Ænobarbus, reclamantibus licet Tribunis plebis, ac rebus demùm fœdissimè turbatis, emittitur illud Decretum adhiberi solitum, Rep. desperatâ, *viderent magistratus ne quid Respublica detrimenti caperet*.

Cum ergo jam Tribuni plebis quasi violati ad Cæsarem confugissent, habitum est extra Urbem Senatusconsultum, cui Pompeius aderat. In eo decretum, ut totâ Italiâ delectus haberetur à Pompeio, eique ad hoc bellum pecunia ex ærario tribueretur. Tum Labienus à Cæsare desertit ad Pompeium; an ex amore patriæ, an Cæsaris

Census
Romæ
habitus.

CIVILE
B E L-
L V M
inter Cæ-
sarem &
Pompeium.

Cæsar ho-
stis Romæ
renunciatus.

*Cæsar
Rubiconē
Fl. arri-
cit, &
multas vr-
bes capis.*

*Fugiant
Coss. &
Pompeius.*

*Roma po-
nitur &
ærarior
Cæsar.*

*Cæsar
Massiliā
obsidet.*

*Afranium
& Petre-
ium in
Hispania
vincit.*

*Massilia
capta.*

*Cæsar Di-
ctator.*

saris odio, etiamnum ambigitur. Quibus auditis Cæsar orationem ad suos habuit, etiam cum lacrymis, quas militum alacritas absterfit. Statim ergo cum legione decimaquarta Rubiconem trajicit, iactamque esse aleam, exclamat; ac primo impetu multas vrbes occupat, Ariminum, Pisaurum, Anconam, Fanum, quas ambulando cepit, reliquis idem paratis facere, ad quas armatus accessisset. Quibus acceptis Vrbs deferitur à Consulibus & Optimatibus plerisque, quos infectus Pompeius Brundisium venit. In ea vrbe obsessus est, donec naues quæ detulerant Consules reuertissent. Tum enim ipse quoque Pompeius in Macedoniam fugit, & Brundisium occupandum Cæsari relinquit. Cæsar autem jam Italiæ dominus in Urbem regreditur, pecuniam publicam frustra renitente L. Metello intercipit, ærarioque ex rapinis conflato vititur nobilis prædo; vt sic malè parta, malè dila-berentur.

His Romæ peractis in Hispaniam pergit & Massiliæ ingressu prohibitus eam urbem terrâ, marique obsideri curat per Trebonium & Brutum legatos. Deinde dejecto ex Pyrenæis jugis præsidio per Fabium legatum venit ad Ilerdam aduersus Afranium & Petreium, duces Pompeianos, quos demum ipse varias expertus fortunæ, bellicque vices, ad deditionem compulit, & sine copiis emisit ex Hispania. Interea Massilienses bis mari victi deditionem simulant, & machinas obsidentium incendunt; verum cum ad obsidionem venisset ipse Cæsar, hi sine dissimulatione sese dedunt, Domitio qui urbem propugnabat, inter tempestates elapso.

Inde redit in Urbem Cæsar, vbi Dictaturam init, & tantum diebus vndecim retinet, quia eius magistratus nimis erat odiosum nomen. Ne tamen inolescere, milites eius Placentiæ tumultuati sunt, quem motum oratione graui, multorum metu, paucorum sanguine restinxit.

In

In Africa C. Curio per Iubam oppressus est: in Dalmatia quoque profligatus Dolabella, cuius auxilio dum adesse festinat C. Antonius, in desertam insulam retrusus, sese dedere compulsius est cum suis, præter paucos, qui sibi intulere manus. Hæc fuere Ciuilis belli cruenta præludia, cuius exitus, sine dubio, respondit initiis.

Curio oppressus in Africa.

Remissus à Cæsare in Iudæam Aristobulus, ut res Pompeianas turbaret, cum duabus legionibus, à Pompeij fautoribus veneno sublatus est, mello conditum eius cadaver, postea Cæsaris jussu in sepulchrum patris relatum est. Neque scilicet fuit filius eius Alexander: dum enim proficiscitur in Syriam a præside Scipione Metello interceptus, Pompeij jussu securi percussus est, atque ambo in Cæsaris causâ, plus voluisse, quam potuisse demonstrarunt.

Aristobulus & Alexander Iudæi interfecti.

Tum quoque turbata Ægyptus domesticâ dissensione, dum Ptolemæus Dionysius à sorore Cleopatrá dissidet. Has turbas fouerunt Alexandrini semper ad seditionem parati, qui scilicet minæ parere recusabant. Itaque gemina castra principum suorum tum Ægyptus distracta vidit, hinc mulieris, inde pueri, ducibus ciuili bello planè dignissimis.

Turbatur Ægyptus.

OLYMP. CLXXXIII. Mundi Vrb. Cond.

ann. 1 4006 706.

Consulatum gessit hoc anno C. Iulius Cæsar secundum, absumpto sibi collega P. Seruilio Vatiâ Isaurico, quando & traiecit in Epirum cum viginti millibus legionariorum, & sexcentis equitibus tantum, quoniam ei deerant naues, & omnia littora à Pompeianis tenebantur. Nihilominus occupauit Oricum, & Apolloniam; inde certatim se huic Epiru tota dedidit. His auditis Pompeius sibi à Dyrrhachio metuens, in quod belli commeatum omnem conuexerat, eò celerrimè venit, Thessalonica profectus: eodemque quoque venit Cæsar, adeò ut Apolloniam tantum

Cæsar Consul traiecit in Epirum.

Ad Dyrrhachium venit cum Pompeio.

*Cæsaris
audacia.*

*Virtus ad
Dyrrachiū
Cæsar.*

*Pugna
Pharsali-
ca.*

*Pompeius
in Ægy-
pti littore
caditur.*

tantum flumine vtriusque copiae dirimerentur. Sed erat diuersa vtriusque exercitus conditio: Pompeiani enim rebus omnibus abundabant, ob Bibuli classem: Cæsarianis contra deerant omnia, quod in eorum interceptas naues Bibulus ferro, flammaque scuiret. Sicque licet euocatus à Cæsare Antonius, mari se committere non audebat. Quando Cæsar lembum ascendit, ut copias ipse suas adduceret ex Italia, & territo Naclero quis esset, & quantum fortunæ confideret, aperuit. Sed in littus vnde soluerat reiectus est tempestate, quæ etiam Bibulo, ac Pompeianis nauibus admodum perniciofa fuit.

Montamen vtrique adfuerunt auxilia, Antonij ex Italia, Metelli Scipionis ex Asia, quibus auxilium partium duces, post varias velitationes ad Dyrrhachium obstinatissime dimicarunt. In eâ pugna Cæsar multos è suis amisit, & bellum confectum erat, si victoriâ suâ uti nouisset Pompeius. Cæsar ergo laborans commeatus inopiâ in Thessaliam recedit; eum insequitur Pompeius imprudentissime, & in Pharsalicis campis homini desperato pugnae copiam facit. Hic sex cohortes à tota acie diuulsæ, & in vultus iuuenum Pompeianorum vibrantes tela Cæsari victoriâ peperere. Pompeius perditis castris, & quindecim suorum millibus Larissam fugit, inde Amphipolim, vbi conscensâ naui Mitylenem ad uxorem suam appulit. Inde cum eâ in Ciliciam, Cyprumque nauigauit. Vbi auditâ Antiochenorum defectione, versus Ægyptum deflexit, vbi omnia amica sperabat à Ptolemæo. At Regis junioris consiliarij, cum accersitum per Achillam, & Septimium, susceptumque in lembis, diuulsum à suis immaniter occiderunt. Viderunt enim mortem eius amici frustra Deorum appellantes opem & hostilia littora refugientes ad Catonem in Africam neuigarunt. Pompeij corpus à liberto Philippo fragmentis nauiculæ veteris, vtrumque combu-

stum, ibidemque miserrimè tumulatum; vt cui terra ad victorias, eidem ad tumulum pæne defuisse videretur, incredibili ac planè insolenti ludo fortunæ.

Cadit in hunc annum Æra Antiochena de quâ in Prolegomenis diximus. Cæsar mox Alexandriam venit, ibique viso Pompeij capite collacrymauit, seu veræ hæ lacrymæ soceri, seu hostis fœditæ fuerunt. Hic dissidium inter fratrem, & sororem tollere, ex Auletis testamento conatur: sed in Cleopatram propensior fuit, quæ eum copiâ sui corporis credita est demeruisse. Verum omnia turbauit Pothinus Regis nutritius, aduocato Achilla; qui cum viginti armatorum millibus occupare conatus est eam Alexandriæ partem, quam Cæsar tenebat. Hic pugnatum acriter, incensæ centum viginti ægypticæ naues, cum luculenta Ptolemæorum Bibliotheca, ingenti rei litterariæ damno. Exinde Cæsar vt tutior esset occupauit Pharum, vnde effugit Arsinoë, altera soror Ptolemæi, quæ ab Alexandrinis Regina salutata est, idèd Cæsar Pothinum quem retinebat huius belli incentorem interimi iussit, quam ei pœnam interceptæ litteræ procurarunt.

In Italiâ quoque turbatum à M. Cælio viro facundo, & Curioni moribus simillimo. Is egestate perditus nouas tabulas inducere parauit Prætor, nec autoritate Senatus potuit a cœptis deterri. Immò T. Annium Milonem ad se euocauit, qui nō impetrato reditu, parum æquus erat Cæsari. Vtriusque par fortuna, vt consilium fuit: Cælius enim Consularibus armis, auctore Senatu, circa Thurios oppressus est; Milo dum Compsam in Hirpinis obsidet ictus lapide, & Clodio quem iuste interemerat, & patriæ quam iniuriâ vexabat, pœnas pendit.

OLYMP CLXXXIII. *Mundi Vrb. Cond.*

ann. 2. 4007. 707.

Agebat Alexandriæ Cæsar, cum alteram
Pars III. Tomi I. N inii

*ÆRA
 ANTIO
 CHE-
 NA.*

*Turba
 Egyptia
 cæ.*

*Biblio-
 theca A-
 lexandrina
 exurit.*

*Motus in
 Italiâ per
 Celiū &
 Milonem,
 qui ea dū-
 tur.*

*Iterū Cæ-
 sar Di-
 ctator.*

*Cæsar per-
iclitatur.*

*Ptolemæus
perit.*

*Cleopatra
paris Cæ-
sarionem.*

*Cæsar
Pharnacem
vincit.*

iniit Dictaturam, dicto Equitum Magistro M. Antonio, quando bellum Alexandrinum majori contentione gestum est. Arsinoë enim per Ganymedem nutritium suum Achillam interemit, illumque copiis Ægyptiacis præfecit, vltia dolorem suum, & Pompei necem. In eo bello magnum adiit periculum Cæsar, naue ad Pharum degrauata, enatare coactus inter hostium tela, & perduto paludamento. Petiere tum Ægyptij pacem, eâ lege vt Ptolemæus dimitteretur: dimissus est: at inconsideratus iuuenis, laruam pacis deposuit, & contra Cæsarem venit infestus. Sed venit quoque in auxilium Cæsaris Mitridates Pergamenus, cui & adfuit Antipater cum tribus Iudæorum millibus, missis ab Hyrcano Pontifice. Hoc præsidio auctus Mitridates, & Pelusium cepit, & Alexandrinos sibi obistentes vicit, seque Cæsari victor adiunxit. Tunc oppugnata sunt Ptolemæi castra, ex quibus dum Rex ipse fugit, interiit aquis haustus, agnitus postea ex auræa lorica. Sic Cæsar est potitus Alexandria, & Cleopatram alteri Ptolemæo juniori dedit vxorem, de se tamen grauidam, idem mox ex ea natum infantem Cæsarionem appellarunt Ægyptij. Arsinoë ad triumphum in Italiam missa, ne quid in Aegypto turbaret. Inde Cæsar in Palæstinam transiit, vbi Antipatrum Procuratorem Iudææ creauit sub Præsidente Sexto Cæsare, eumque Romanâ ciuitate domauit, & Dynastiâ quam vellet, quibus ad Iudææ regnum suis viam aperuit.

His constitutis Cæsar pergit ad Pharnacem turbas in Pontum mouentem, & jam de Domitio, ac Dejotaro victorem. Hunc tamen prælio deleuit vno; idem in suo de Ponticis triumpho hunc titulum prætulit: *Veni, vidi, vici*. Pharnaces autem Sinopem fugit, ac paulò post contra Ansfandrum rebellem dimicans interiit. Mitridati ergo Pergameno, vacua ditio Pharnacis concessa, cum parte Gallogræciæ Dejotaro erepta,

pta, quem non nisi sic mulctatum Cæsar recepit in gratiam.

Sic ordinatis rebus Asiaticis Cæsar Romam rediit, ubi Consules suffecit Q. Fufium Calenum, & P. Vatinius. Tumque annum emendare per Sofigenem Aegyptium Astrologum aggressus, præsentem *confusionis* dixit, & fecit ex diebus 445 constantem: multos quoque sibi demeruit, aucto Magistratum, & Collegiorum numero, Equitibus autem in Senatum allectis, ut hic plenior esset. Seditiosos verò milites suos & missionem intempestivè flagitantes, præter expectationem sacramento soluit: quâ illi denunciatione percussi, & se submiserunt Duci, & ægrè in gratiam recepti, facti sunt deinceps in omnibus bellis obsequentiores. Sic præmia pœnis Cæsar sapienter permiscebat, quibus tantum subditi continentur in officio.

*Anni
confusionis*

*Temp. ordi-
natæ Cæ-
sar.*

OLYMP. CLXXXIII. Mundi Vrb. Cond.

ann. 3.

4008.

708.

Huius anni Consules fuere C. Julius Cæsar tertium, & M. Aemilius Lepidus, & insuper Cæsar tertiam Dictaturam gessit, suscepitq; bellum Africanum. Africam obtinebant Varus, Iuba, Scipio, Cato, cui se adiunxerant M. Octavius, Cn. Pompeius Magni filius, C. Cassius, Petreius, Afranius, Labienus, alique omnes hostes Cæsaris. Orta est inter tot duces, de summo duce controuersia: delatum est tandem imperium Scipioni, quasi fatale esset Scipionibus in Africâ vincere. Vicit tamen hoc quoque fatum Cæsar, & post velitationes aliquas, omnes illos duces cum magno exercitu ad Thapsum deleuit, quinquaginta millibus hostium cæsis. Cato Uticæ sibi conscivit necem, præmisso ad Cæsarem filio, qui ut junior iugo servitutis facilius assuesceret. Iuba exclusus à suis, Petreio singulari certamine cæso, sibi per servum vitam eripuit. Faustus & Afranius capri à P. Sittio jugulati sunt: cæsus quoque victus ad Hipponem

*Bellum
Africanū
conficit
Cæsar.*

*Cato Vti-
cæ mori-
tur, &
alii duces
Pœtant
cæsi.*

N 2

Scipio;

Scipio ; Zama dedita , Numidia in prouinciæ formam redacta , Africa copis in Hispaniam ablegatis, penitus conquieuit.

*Quatuor
Cæsaris
triumphi.*

*Correctio
anni à
Cæsare.*

*Cleopatra
Romam
venit.*

*Hyrcanus
superbus
regnat.*

*Herodis
audacia.*

*Cæsar
quartum
Dictator
in filios
Pompei
pergit.*

Cæsar reuersus Romam, quater triumphauit, diebus quatuor, de Galliâ, Ægypto, Pharnace, atque Iuba . Censum quoque egit , quo dimidio pauciores ciues reperit, quàm ante bellum . Ex hoc quoque anno procedunt anni Iuliani, & qui proximè sequitur, primus annus Iulianus est, qui constans ex diebus 365. & sex circiter horis, quarto quoque anno diem vnum interferit ex sex illis circiter horis quater in vnum ductis conflatum, quem Bissextilem vocant, magno Chronologiæ, ac reitemporariæ commodo.

Hæc præclarè Cæsar, id turpissimè ; quod Romam euocarit Cleopatram, quæ cum marito apud Cæsarem cum summâ infamiâ, ac dedecore habitauit . Hæc autem postea cum multis donis remissa, & filium sibi natum de nomine Cæsaris appellari passa . ostendit quàm parum castè tali esset vsa contubernio.

Omnia tum poterat in Iudæa Antipater conueniente præstupiditate Hyrcano : quare illius filius Phasaëlus Hierosolymis, ac circumpositæ regioni dux præpositus est, alter minor natu Herodes, Galilææ. Hic occisis Syriæ latronibus, vocatus est in iudicium: venit, sed cum lecta militum manu, & litteris Præsidis, quibus ita iudices suos terruit, præter vnum Sameam (hic enim Herodem de vi, Hyrcanum nimis lenitatis, iudices timiditatis accusauit) vt incolumis dimitteretur . Empta igitur Cœlesyriæ præfecturâ iratus exercitum admouit Hierosolymis; verùm à patre, & fratre blandè cohibitus recessit, terruisse contentus.

OLYMP. CLXXXIII. Mundi Urb. Cond.

ann. 4

4009.

709.

Dictator hoc anno quartum Iulius Cæsar, quartum quoque Consul fuit, habuitque M. Lepidum, Equitum magistrum simul & collegam: supe.

superiori enim anno ei in decennium Dictaturā collata erat; ipse sibi hoc quoque anno Consulatum assumpsit. Nec mora in Hispanias profectus, vbi Cneus, & Sextus Pompeius reparabant bellum, nec eis pares erant legati Pædus, & Fabius. Cæsaris aduentu res eius restitutæ sunt; Varus à Didio nauali prælio ad Cruniam superatus est. Inde leuibus præliis inter se Cæsariani, acque Pompeiani conflixerunt ad Bœtim fluuium, ad Abecam, ad Salsum flumen: deniq; decretorio certamini summa belli commissa est ad Mundam urbem Bœtica. Hic dum neutri cedunt, parati omnes aut vincere, aut mori: Bogud ad castra Pompeianorum oppugnanda pergit; quibus dum Labienus opem ferre parat festinantiùs, fugere visus est: hinc Cæsarianis animus creuit, cecidit Pompeianis. Cæsi ad triginta peditum millia, equitum tria, inter alios Attius Varus, & Labienus, belliduces tredecim capti. Cæsar alias pro victoriâ, hoc prælio se pro vitâ dimicasse professus est. Obfessa Munda cadaueribus & pilis inter se connexis pro vallo, paulò post à Q. Fabio capta est. Clade hac auditâ Cordubæ, Sextus Pompeius, distributâ suis equitibus pecuniâ, fugit; fugit & Cneus Carteiam, vbi proditus est Cæsari. Cæsare ergo Carteiam aduolante commissum est atrox inter ciues distractos certamen, Pompeius faucibus 30. naues occupat, & fugit; at Didius eum insequitur; naues eius incendit; dumque in spelunca latet faucibus humero, & crure, indicatus à captiuis occiditur. Neq; diu de hac cæde lætatus est Didius; nam vicissim ipse nauibus incensus à Lusitanis, cæsus est. Cæsar Hispaniam administrandam relinquit Antonio, ipse redit in Urbem, vbi non tantum triumphat, sed eius quoque legati Pædus, & Fabius. Mox abdicat se Consulatu, sufficitque sibi ac collegæ Q. Fabium Maximum, & C. Trebonium. Fabio autem extremo die Consulatus sui mortuo, sub-

*Prælium
ad Mundam.*

Cn. Pompeius cæditur.

stitutus est C. Caninius Rebilus, vir tantæ vigilantia, vti iocatus est Tullius, vt toto tempore sui Consulatus non viderit somnum.

Adulationes in Cæsarem.

Inde effusæ sunt in victorem ac Reip. dominum gratulationes, & adulationes; tum ei posita templa, aræ, imagines inter Deos, aliaque eiusdemmodi, quibus supra mortalium conditionem efferebatur, mox infra viuos amandandus.

In Syria motus ab Bassum.

Motus quoque in Syriâ concitatus est Sexto Cæsare à militibus interfecto, dum Bassum legatum virum fortem, & bonum, ipse ignauus, & libidinosus tractat ignominiosius. Hinc metus à Cæsare, & conspiratio se ad obitum vsque decertaturos, nisi venia sibi concederetur, in quam Bassum quoque pertraxerunt. Missus contra legionem rebellem Sextius Murcus cum tribus legionibus, cui se Antipatri auxilia conjunxerunt: Sed repulsi sunt circa Apameam, resque malè processerunt, donec Minucius Crispus ex Bithynia cum tribus aliis legionibus aduenit. Verùm Cæsare demortuo euauerunt illi motus, maiorq; tumultus minorem oppressit.

OLYMP CLXXXIV. Mundi Urb. Cond.

ann. 1. 410. 710.

Cæsar in Senatu caditur.

Hic annus Dictatorem habuit quintum, C. Iulium Cæsarem, cum Equitum Magistro M. Antonio, qui ei quoque collega in quinto Consularu fuit, quando Cæsar de bello Parthis inferendo, & vindicandâ morte Crassi cogitauit. Sed huic expeditioni credebatur Rex esse præficiendus (sic enim ferebant Oracula) & eam dignitatem ambiebat Cæsar, dum eam recusabat. Id aliaq; multa facta ambitiosius summum ei conflagrant odium. Itaq; est in eum à sexaginta viris conjuratum, ducibus M. Bruto, Cassio, Marcello, & Decimo Bruto, & constituta dies eius cædi Idibus Martiis. Hanc diem vt declinaret, & ab ea sibi cauere admonitus, neglexit, quare eodem die veniens in Senatum, ibidem

ad

ad Pompeij statuum vigintitribus plagis confossus est. Vir omnino magnus, & tantò major Alexandro, quantò Persis ab hoc domitis, Romani ab illo exuri libertate, præcelluerunt. Hac cæde perpetrata statim M. Lepidus forum, conjurati Capitolium occupant, libertatem inclamantes. Antonius quamquam initio veste Consulari deposita fugerat, mox tamen resumptis animis conuocauit Senatum in æde Telluris, ubi M. Tullij sententia præualuit ut ἀμνηστία saluberrimum turbata Reip. remedium induceretur. Sic pax inter duas partes coaluit, quæ mox lecto publicè Cæsaris testamento sublata est ab Antonio. Is etiam multa per vim, multa perfidiosè fecit, adulteratis actis Cæsaris Lepido enim conjunxerat sese per affinitatem, Octauij autem spernebat adolescentiam; quem tamen & virum, & sapientem expertus est.

Is enim Octauius adoptatus à Cæsare ex dorante communicato etiam ei nomine (vnde deinceps dictus est C. Iulius Cæsar Octavianus) vsus pecuniâ ad Parthicum bellum paratâ militem cogit, Antonij violentiam patientiâ suâ frangit, Ciceroni se atque optimatibus dissimulanter regendum permittit, deniq; adjungit se D. Bruto, quem angue peius oderat, sed quo indigebat aduersus Antonium; hæc virtutes Octauiani fuere, non adolescentis temerarij, sed viri consummata prudentiæ. Senatus interea Antonio Macedoniam, Dolabellæ Syriam assignat: Antonius autem à Populo Galliam impetrat, quam cum copiis tenebat D. Brutus. Istum & Mutinam validam urbem occupauit, in qua statim obsessus est ab Antonio, eam prouinciam vehementer exoptante, quoniam ab eâ Cæsar suæ potentiæ duxerat initium.

In Asiâ C. Trebonius Dolabellam exclusit Smyrnâ, in quam hic occultè ingressus illum intercipit in lecto, & crudeliter interimit, atque in eius cadauer sæuiri passus est. Ita primus interit

*Octavianus,
adoptatus
à Cæsare*

*Trebonius
casus.*

terit Cæsaris percussor, ostenditque fœcetas
privatis consiliis cædes istas, neque patriæ ne-
que aggredientibus esse salutare.

CAPVT II.

DECAS SECVNDA.

Ab anno 4010. ad 4020.

OLYMP. CLXXXIV. *Mundi* Vrb. Cond.
ann. 2. 4011. 711.

*Coss. Pã-
sa, &
Hirtius.*

Consules C. Vibius Pansa, & A. Hirtius,
ex Senatusconsulto, cum Octauiano ad-
uersus Antonium profecti sunt; quoniam hic
iussus à Senatu obsidionem Mutinæ soluere, spe-
ctantibus legatis, vrbs huius mœnia tormentis
verberasset. Itaque hostis declaratus erat, cum
Dolabella, Trebonij percussore. Quæ licet es-
sent parum grata Octauiano, dissimulabat ipse
tamen, seque Senatusconsultis omnibus accom-
modabat. Hirtius itaque Consul cum Octaui-
ano ad Mutinam accedit; neque tamen pugnare
decernit, nisi cum Pansa collegisset exercitum.
Id ubi factum, Cæsariani huic occurrerunt; pu-
gna confertur, in qua Prætoriani Antonij, Octa-
uiani Prætorianos ad vnum deleuerunt, quando
& Pansa grauitè vulneratus Bononiam delatus
est. Eius autem collega Hirtius incidens in
fessos Antonianos, eos faciliè deuicit. Iterum
Antonius inuitus ad pugnam compulsus, supe-
ratus est; quo in prælio conatus Hirtius irrum-
pere in eius castra cæsus est. Sed obsidio soluta,
ac versus Alpes fugere coactus est Antonius, vt
tutus esset loco, quem suæ copię deletæ non sa-
tis tutabantur.

*Victus ad
Mutinam
Antonius*

*Tullius in
Antonium
furis.*

Interea Romæ furebat in Antonium Tullius,
& amicos eius pecuniarum exactione vexa-
bat. Ventidius Antonianæ familiæ quondam
verna

verna, id ferendum non putauit, peragratisque coloniis vel à Cæsare, vel sub eius auspiciis deductis, duas veteranorum legiones confecit, quibus cum accessit ad Urbem ut Ciceronem comprehenderet. Sed Cicerone cum plerisque aduersarum partium fugâ dilapsis, auditâ solutione obsidionis Mutinæ, Antonio se coniunxit, cuiusque vires utcumque refecit.

D. Brutus liber reconciliari Octauiano voluit, quod sibi per pietatem licere negauit fortis adolescens, venitque Bononiam ad Pansam, qui ei vnguis fuit in vlcere aduersus Senatum. Docuit enim tantum huius consilia eò spectare, ut eius opera vteretur, postmodum potentiam eius euerteret: quod jam satis intelligebat cautus & sagax iuuenis, videns Macedoniam M. Bruto, Syriam Cassio, rem naualem cum Sicilia Pompeio eius inimicis capitalibus concessas. His exacerbat, & quod D. Brutus aduersus Antonium se neglecto constitutus esset Imperator, petit triumphum primò, deinde Consulatum; ab utroque repulsam passus, cum Antonio & Lepido reconciliari nititur. Lepidus tum conjunctis cum Antonio septendecim legionibus, à Senatu hostis patriæ declaratus erat, quod bellum pæne profligatum reparasset: Senatus itaque sibi ab utroque metuens Octavianum pari potestate cum D. Bruto aduersus Antonium crearat Imperatorem. Verum cum donatiui nomine ab eo duas legiones abducere conatus esset, ille nihil cunctandum ratus milites suos in Senatum exasperat: mittuntur itaque in Urbem Centuriones, qui Duci suo peterent Consulatum. Secutus est mox & Cæsar cum copiis, quibus permotus Senatus eum Consulem creari passus est. Is adjunxit sibi collegam Q. Pædium. Cumque jam omnia Romæ posset, duasque legiones à Senatu paratas sibi adiunxisset, lege Curiatâ in adoptionem Cæsaris transit, percussores auunculi sui damnandos curat, Do-

*Ventidius
Romam
terret.*

*Octavianus recon-
ciliatur
Antonio
cum Le-
pido.*

*Consul
per vim
creatur
Octavianus.*

labellam jam mortuum absolui , Lepidum , & Antonium ex hostibus , de patriâ benè meritos declarari , quibuscum etiam affinitatem contraxit; vnde percussorum Cæsaris res antea florentes, penitus concidère.

D. Brutus caditur. Accessit & partibus his id incommodi quod Antonio D. Brutum persequente Asinius Pollio illi cum duabus legionibus, L. Plancus cum tribus se conjungeret. Itaque dum D. Brutus ad Marcum Brutum, amissis legionibus decem in Macedoniam se recipit , interceptus ad Aquileiam, interfectus est , eiusque caput ad Antonium missum, quod tantis laboribus antè frustra quæsiuerat.

Triumviratus initus. Ex hoc tempore initus Triumviratus inter Octavianum, Antonium, & Lepidum. Conuenerunt illi porro in paruam insulam , quam infra Bononiam efficit Rhenus Italicus . Hic partiti sunt inter se Imperium Romanum atque dignitates, & immanem proscriptionem informarunt quæ eò Syllanâ crudelior fuit , quod hæc Syllæ tantum inimici , illâ etiam Triumvirorum amici addicebantur neci . Et verò tanta impietate peracta est ista proscriptio , vt Cæsar Cicero-

Immanis proscrip-

Cicero caditur à Popilio.

nem optimè de se meritum proderet Antonio, Antonius Cæsari Lucium Auunculum suum, Lepidus fratrem suum Paulum , quorum sanguine pacem funestissimam orbi terrarum sancendam putarunt . Tum Cicero annos natus 64. Popilij quem defenderat, ferro periit, & prostit in rostris cum manibus sacrum illud caput Eloquentiæ Romanæ sacrarium , vnde toties pro libertate perorarat . Adjuncti feruntur Tullio trecenti Senatores , equites bis mille , quorum tamen aliqui ad Brutum & Cassium in Macedoniam , alij ad Pompeium in Siciliam , alij ad Cornificium in Africam profugerunt; reliqui immaniter jugulati scenis, atque Tragædiis lustruosam materiam suffecerunt.

Interea Cassius in Syriâ reliquias exercitus

ad

ad Apameam occupauit, quibus præerant Mur-
cus, & Bassus; exegitque à Iudæis plusquam se-
ptingenta argenti Talenta, quam pecuniam ex-
torisit partim per liberos suos Antipater, partim
Malichus, alique. Herodes cum egregiè suo
munere persunctus esset, magnam apud Cassium
gratiam iniit; Malichus tantum non interfe-
ctus, ægrè redemptus est centum talentis ab
Hyrcano & Antipatro de suo missis. Tum quoq;
legiones ad Dolabellam ex Aegypto missas Al-
lienus ad Cassium adiunxit, quibushic Dola-
bellam obsidet Laodiceæ, & à suis Centurioni-
bus proditum ad mortem voluntariam compel-
lit. Cogitabat etiam idem Cassius Aegyptum, &
ultionem Cleopatæ, ob missas ad Dolabellam
quatuor legiones. sed euocatus à Bruto, obuia
quæque diripiens, & immanitate summâ pecu-
nias sacras & prophanas extorquens vbique, in
Macedoniam, atque ad interitum perrexit.

*Cassius
occupat
Syriacum
exercitum.*

*Dolabella
caditur.*

Hoc tempore Malichus Antipatrum Herodis
patrem veneno sustulit: sed hunc Herodes in-
terimendum curauit, scelere ultus patris mor-
tem, & facinorosus in ipsâ pietate.

*Antipater
Herodis
pater mor-
ritur.*

Tum quoque natus est Ouidius qui se vidisse
lucem cecinit.

*Nascitur
Ouidius.*

Cum cecidit fato Consul uterque parî.

Tum etiam à L. Planco conditum, seu veriùs
reparatum Lugdunum ad confluentias Araris,
& Rhodani, futurum deinceps caput eruditio-
nis, atque Galliæ.

*Lugdunū
reparatū.*

OLYMP. CLXXXIV. *Mundi Urb. Cond.*

ann 3.

4012.

712.

Consulibus M. Aemilio Lepido, & L. Mu-
natio Planco, post exhibitos C. Iulio Cæsari de-
mortuo singulares honores, Antonius, & Octa-
uianus in Brutum, & Cassium mouent. Disti-
nentur tamen nonnihil à Sexti Pompeij, &
Murci classibus, quorum hic Cleopatram in Ae-
gyptum cum classe, tempestate iactatâ redire
compulit. Cassius & Brutus Smyrnæ conue-
nere,

*Brutus &
Cassius in-
gentes pe-
cunias ex-
torquent.*

nere , vbi adnitente maximè Cassio in Lycios Rhodiosque est paratum bellum . Ab his deuictis ingens est extorta pecunia, in veteranos Cæsaris milites maximè profundenda. Inde in Macedoniam ventum est : in Bruti & Cassij exercitu numerabantur vnde viginti legiones hoc est octoginta peditum , equitum duodecim millia ; plures etiam Antonius, & Octavianus habuere . Circa Philippos urbem duplex confedit exercitus , vbi ex occasione pugnatum ancipiti prælio . Victoriæ enim Brutus potitus est, & castris Octauiani : Antonius vice versa Cassium vicit, eiusque occupauit castra ; quando Cassius res suas perditas ratus , ignarusque Brutinæ victoriæ sibi manus intulit , certo utique partium damno , quod in officio & suum & Bruti , vitæ acer , continere posset exercitum, quod à Bruto molliore expectandum non erat Hic tamen suorum animos oratione, & largitione refecit, eisque Lacedæmonem, & Thessalonicam diripiendas promisit . Exinde sapienter statuit bellum ducere , quod sui hostes rebus omnibus indigerent, & Sextus Pompeius immineret Italiæ. Sed pugnam à Bruto milites laceßiti hostium superuacaneis probris stolidè extorserunt , in qua victi profligatique sunt a desperatis , immò & castris opulentis exuri . Brutus ipse desertus à suis , ac virtutem inculans Stratonî seruo suo se interficiendum obtulit . Tantâ obstinatione utrimque certatum est, ut centum quinquaginta millia Romanorum in hac pugna interiisse perhibeantur. Hic finis Bruti , ac Cassij fuit , qui cum dominum Cæsarem ferre nollent , alias beneficium sibi , atque vni eorum propè patrem, feruili gladio interire meruerunt.

Ad Philippos pugnat.

Cassius se interfecit.

Brutus à suis pugnare cogitur, & gladio suo incumbit.

Nascitur Tiberius.

Natus est hoc anno Tiberius Octauiani successor paulò post prælium Philippense 16. Kal. Decembris ex Tiberio Claudio Nerone , & Liuia Drusilla , qui matri debuit non tantum vitam , sed & felicitatem .

Religii

Relicti in Syria à Cassio legati in Tyrannos conuersi sunt, Felix Hierosolymis, & abius Damasci, Mario Tyri. Ortâ Hierosolymis seditione Phasaëlus Herodis frater Felicem vicit, licet reclamante, ex Romanorum metu, Hyrcano. Tum Herodes morbo præpeditus adesse fratri non potuit, postea tamen valetudini restitutus in Iudæam irrumpens castella quæ Malichi frater occuparat, recepit, & Marionem ex Galilæa repulit. Adhæc filium Aristobuli, fretum auxiliis Marionis & Fabij, deuictum expulit e Iudæa. Quare susceptus Hierosolymis perhonorificè, despondit sibi vxorem Mariamnam filiam Alexandri, filij Aristobuli, & Hyrcani neptem, licet antea Doridem Iudæam duxisset vxorem, ex qua Antipatrum filiorum maximum susceperat. His rebus gestis, & artibus, quibus semper sollicitas summa conjuncta fuit, Herodes ad Iudææ regnum peruenit.

*Herodis
in Iudæa
res gesta.*

*Duxit
vxorē Ma-
riamnam.*

OLYMP CLXXXIV. Mundi Vrb. Cond.

ann. 4. 4013. 713.

Consules huius anni inueniuntur P. Isauricus Vatia secundum, & L. Antonius Triumviri frater, quando Cæsar & Antonius ita partiti sunt inter se Romanum Imperium, vt huic Oriens cum sex legionibus, & equitum decem millibus, illi Occidens cum quinque legionibus, & equitum quinque millibus, cum Fulio Caleni copiis cederet. Iam enim despiciebant Lepidum, & exautorare, vt Pompeij fautorem, meditabantur; ac duobus ambitionissimis viris vix totus orbis sufficiebat.

*Octau. &
Anton.
Imperium
partiuertunt*

Antonius itaque pergit in Græciam, vbi viros doctos Athenis coluit, & muneribus affecit. Inde transiit in Asiam, vbi Cassianos supplices, qui in Diauæ Ephesinæ azylum se receperant, liberos dimisit, iis tantum exceptis quos alia scelera tali gratiâ reddebant indignos. Hic autem populis Asiaticis grandem indixit pecuniam, quâ

*Antonius
Asiam ex-
pilat.*

quæ multati sunt, quia miseri fuerant, & fortunis pænæ omnibus per vim spoliati. Iussi enim sunt tantumdem dare quantum ab iis Cassius expresserat. Enimvero multis egebant pecuniis Antonius, & Octavianus, utpote qui singulis militibus quinque Dragmarum millia, seu libras Turonicas ferè octingentas, præter stipendia, promiserant.

*Antonium
Abi deuincit
Cleopatra.*

Hic etiam benignè suscepta est Hyrcani, ac Iudæorum legatio; suscepta & majori amoris significatione Cleopatra ab eo in Ciliciam euocata: eam enim accusabat Antonius auxilium non præstitisse Cæsari, ut erat pollicita. Sed hæc hominem mulierosum ita sibi deuinxit, ut apud eum posset omnia, & eius potestate etiam ad cædes domesticas abuteretur. Tum enim Arsinoë sororem suam interemit, cum prius fratrem suum & maritum annorum quindecim puerum, infuso manu sua veneno, sustulisset. Ita disperso in hiberna exercitu, Antonius eam secutus est in Aegyptum sic dementatus, ad hujus mulieris aspectum, ut & Romani Imperij, & pæne sui obliuisceretur.

*Octavianum
difficilem
provinciam
accipit.*

Octavianus verò dum Urbem repetit, tam graui implicitus est morbo, ut pro mortuo haberetur. Recreatus legiones Caleni recipit, & Africam à Sextio, visis Antonij litteris, quam Lepido, pro Hispaniis dedit. Tum difficilem suscepit provinciam inter milites diuidendorum agrorum, prioribus dominis expulsis iniquissime, nec eis pretio auitarum possessionum restituto. Itaque multæ delatæ sunt ad L. Antonium Consulem querelæ: suscepit & ejectorum patrociniū Fulvia vxor Antonij, virilis animi femina, ut maritum ex complexibus Cleopatræ retraheret, aliunde irata Cæsari, quod Fulviam filiam suam repudiasset. Itaque bellum in Cæsarem cum septemdecim legionibus susceptum, Urbs ipsa occupata. Verum superueniente Cæsare fugatus, ac Perusiæ sic obsessus est Lucius,

*Bellum
Perusianum.*

ut neq; à Ventidio, neque auxiliis Fulviæ juuari potuerit, Cæsarianis ita vigilantibus, ut ad Perusiam impunè nemo posset accedere.

OLYMP. CLXXXV. *Mundi* Urb. Cond.

ann. 1.

4014.

714.

Consulatum huius anni gessere Cn. Domitius Calvinus secundum, & C. Asinius Pollio, quo L. Antonius Perusiæ validè premebatur fame, sæpeque conatus erumpere, semper repulsus est: ergo dedere sese cum suis coactus est: Veterani increpiti à Cæsare concessi sunt commilitonibus suis, civibus concessa venia, exceptis Decurionibus; sed furore Cestij sponte suas ædes incendit: vrbs tota deflagavit. Sic Perusinum bellum ex æquitate, ut videbatur, susceptum, atrociter terminatum est.

*L. Anton.
obsessus
Perusiæ.*

Inde dispersi sunt Antoniani duces; admonitusque de re Perusina Antonius graviter increpuit fratrem, Fulviam, & Manium præcipuam belli huiusce tubam. Mox Fulviam Athenis invenit, ubi & paulò post recepit matrem à Pompeio sibi magnificè remissam, cui tamen negavit adhærescere. Non ita Octavianus, intentus in Antoni j ruina: nam ut Pompeij gratiam iniret, Se riboniam Libonis foceri Pompeij filiâ duxit uxorem, omnesque Antonianos ablegavit. Quin & Antonius Brundisium appellens, non est receptus à prædiciariis Cæsarianis; quare obsedit urbem: ad quam cum accurrisset Cæsar cum copiis, per amicos reconciliati sunt, & M. Antonius Octaviam sororem Cæsaris duxit uxorem, mortua iam ex ægritudine Fulviâ. Ambo igitur redierunt in Urbem, quam vrgebat fames à Sexto Pompeio procurata: dum ergo populum sedare volunt, etiam lapidibus appetiti sunt, eorumque dejectæ statuæ. Pacem ergo inuiti intercedente Libone cum Pompeio inierunt, celebratis utrimq; coniviis, non tamen sine periculo. Quibus peractis & Urbe quietâ Cæsar in Galliam ad sopiendos tumultus, Antonius ad bellum

*Octavianus
in speciem
reconcilia-
tur Pompeio.*

*Cæsar &
Antonius
per amicos
reconciliati.*

*Antonius
ducti Octavianam
uxorem.*

bellum Parthicum profectus est

*Antonius
in Orientem
proficiscitur.*

Antonius in Orientem cum venisset pro arbitratu suo Reges ac Dynastas constituit. Tumque Herodes ab eodem Rex Iudæorum, & Samaritanorum creatus est; Ponti, Darius Pharnacis filius, Mitridatis nepos; Amyntas Pisidarum; Polemon partis Ciliciæ. Sic Antonius sese Orientis arbitrum, non tamen sine invidia, gessit.

*Parthi
Syriam
occupant
duce Labieno.*

Eodem anno Parthi à Labieno, filio Labieni, exciti in Syriam irrumpunt. Is missus erat à Cassio ad Orodem Parthorum Regem, ut inde accerferet auxilia. At Rex tergiuersatus est, donec Cassius debellatus est. Tumque Labienus desperavit veniam, & reditum in patriam suam, ejuratoque Romano nomine apud Parthos vivere decreuit. Tunc autem Orodi occupandæ Syriæ autor fuit, seque huius expeditionis ducem obtulit. Rex committit ei Pacorum filium, & copias, quibus Syriam omnem, præter Tyrum, vi, vel deditione accepit. Pacorus Iudæam ingressus Hyrcanum Romanorum amicum, mu-

*Hyrcanum
auxiliatur.*

tilatis auribus, ne vnquam Pontificatu frui posset, captivum abduxit: Phasaëlo item injecta vincula, in quibus hic sibi caput ad saxum allisit: Antigonus Hyrcani nepos promissis mille

*Fugit
Herodes
Romam.*

talentis Rex renunciatus est. Fugit Herodes ad Arabum Regem, à quo Parthorum metu repulsus venit Romam, ubi blandè acceptus est ab Antonio, & Cæsare, propter Antipatrum patrem, & pecuniæ vim ingentem, quam pollicebatur. Itaque, ut bello Parthico utilis, Rex à Senatu denunciatus est, Antigonus dictus hostis: Herodes medius inter Antonium, & Cæsarem cum Consulibus in Capitolum deductus est, indeque in Antonij domum ad publicum epulum. Hinc igitur regnum Herodis procedit, sicque regnum in Iudæa, seu Iudæam defecit, constituto principe alienigenâ, per alienigenas.

*Herodes
in Iudæam
venit.*

Herodes sic donatus regno à Romanis intra se-

septem dies appellit Prolemaidem, collectoque milite per Galilæam Iosephum fratrem obsessum in castro Massada liberauit. Statimque Hierosolymam obsessurus, ipse aduolat cum Silone. At hic pecuniâ corruptus ab Antigono causabatur commeatus inopiam; cui mox Herodes abundè prouidit. Osidio tamen illa mox soluta videtur fuisse; quoniam ita Silonis negotia postulabant, atque corruptelæ.

Interca Ventidius Parthos magno pralio vicit in quo & cecidit Labienus, & Phraates dux Orodis eximius. Itaque Romanis facile Cili-
ciam recepit, atque Syriam, atque ab indigenis magna in pecuniæ summam expressit, qui Parthisauerant: tum enim Parthos metuisse, & iis aliquid sufficisse, capitale fuit.

*Ventidius
Parthos
vincit.*

OLYMP. CLXXXV. *Mundi Vrb Cond.*

ann. 2.

4015.

715.

Consulibus L. Martio Censorino, & C. Calpurnio Sabino pax à Pompeio turbata cæpta, quia promissa sibi Peloponnesus non reddebatur: Piratas enim immisit, qui rem frumentariam iterum in angustias coniecerunt. Hyemabat tum Athenis Antonius, cui cum adulatores Athenienses uxorem Palladem obtulissent, accepit ille sponsam, sed dotis nomine quadragies sester-
tium, seu ducenta millia librarum Turonicarum exegit; sicque admodum pretiosa fuit hæc adulatio.

*Atheni-
sum adu-
latio ab
Antonio
multata.*

Cæsari hoc anno nata est Iulia, quæ Marcello, Agrippæ, ac postremum Tiberio nupsit. Parabat tum se Cæsar ad bellum Pompeianum, ad quod etiam euocarat Antonium. Hic autem Brundisium venit: at cum Cæsarem non inuenisset, statim recessit, aut veritus insidias, aut improbens Siculam expeditionem.

*Cæsari
nascitur
Iulia filia*

Inter hæc Ventidius Pacorum multis refer-
tum copiis in Cyrhesticam irruentem grandi clade deleuit, in qua, & ipse Pacorus cecidit: rursusque tribus aliis præliis Parthos attriuit.

*Ventidius
Pacorum
vincit, ac
cadit.*

Cum-

*Antonio
curus He-
rodes.*

*Suscipit
Antonius
duos ex
Cleopa-
tra liberos*

*Iosephus
ad Hiero-
contem eg-
ditur.*

Cumque Samofatis obsideret Anthiochum Co-
magenum, eò venit Antonius, & quasi eius in-
uidens gloriæ ad triumphum remisit. Herodes
tum inuisit Antonium, à quo splendide habitus,
& laudatus ob fortitudinem: quòd multis ad
Antonium venire, ob grassatores, reformidan-
tibus, ipse se viæ Ducem obtulisset. Vrbe red-
ditâ, Sosio prouincia cum exercitu committit-
tur, cui in primis commendatur Herodes. Inde
veniunt ambo Antonius, & Herodes Antio-
chiam; eodem quoque venit Cleopatra, cui to-
tas donauit prouincias; ab eâ enim vno partu
duos liberos suffulerat Alexandrum, & Cleopa-
tram, quibus indidit nomina Solis, atque Lunæ;
quasi is non tantum Deus, sed & Deorum parens
esset.

In eadem vrbe Herodes nuncium accepit de
casu fratris sui Iosephi. Is ad Hiericontem op-
pressus est ab Antigono, amissis sex cohortibus,
eique rescissum caput, quod talentis quinqu-
aginta Pheroras frater redemit. Qua clade Hero-
des plus mœroris, quàm damni vel ignominiz
recepit.

OLYMP. CLXXXV. *Mundi Vrb. Cond.*

ann. 3.

4016. 716.

*Æra Hi-
spanica.*

Æra Hispanica à Consularu Appij Pulchri, &
C. Norbani Flacci procedit, quo anno Prætores
sexaginta septem creati, & Octavianus Scribo-
niâ repudiâtâ Liuiam prægnantem duxit ere-
ptam marito suo, vt homini felicissimo *παρὰ τὸν
τρίμηνον* nasceretur.

*Bellū Si-
culum, va-
rio euentu
gestum.*

Bellum quoque Siculum hoc anno inchoatum
est, & magnâ contentione gestum. Ad hoc
non leue momentum attulit Menas, seu Meno-
dorus Pompeij libertus, quem cum Romani no-
biles odiosum Pompeio reddidissent, is ad Cæ-
sarem defecit cum parte classis in quâ tres legio-
nes militabant. Acceptus est honorificè à Cæ-
sare, & Equestri dignitate donatus, profectus est
cum iisdem nauibus sub Caluissio totius classis

Cæsa-

Cæsariana præfecto. Ita Cæsar non tantum proditionem, sed & proditorem rebus suis utilissimum dilexit.

Pompeius autem Cæsari Menecratem liberum opposuit, inimicum Menodori capitalem. Qui malè multatus licet initio certaminis, ita tamen instruxerat classem, ut victoriam referret. Cæsar dum Calvisio duci suo suppetias ferre parat, ab ipso Pompeio, eiusque duce Demochare malè accipitur, sed longè peius à tempestate. Et si Pompeius uti victoriâ suâ nouisset & in Italiam irruere, adumerat de Cæsare. At Cæsar opera Mæcenaris ad se pellexit Antonium qui cum 300. nauibus Tarentum appulit, & per Agrippam ipse reparauit classem. Opera insuper Octauia factum uti naues Antonius cum legionibus permutaret. Dedit itaque centum viginti naues Cæsari, huic Cæsar misit viginti millia legionariorum ad bellum, quibus magis indigebat quàm nauibus. Tum etiam Triumviratum in aliud quinquennium prorogarunt, omisso Lepido, quem jam uti ignauum, & stolidum contemnebant. Octauiam quoque cum filiola apud Cæsarem reliquit Antonius, intentus in suam Cleopatram, cuius conuictum & consuetudinem victoriis omnibus, & imperiis anteponebat.

Hoc quoque anno de parthis triumphauit Ventidius, ita probatus ab omnibus ob magnitudinem rerum gestarum, ut conditio propè seruillis eius fortitudine, ac fœlicitate obrueretur.

Herodes quoque tum vultus est fratrem, Puppo Antigoni duce in Galilæa cæso, cuius caput ad Pheroram misit, miserum amissi fratris solatium. Exinde Hierosolymam obsidet, & dum illa vallo præcingitur diligenter, ipse Samariam venit, ubi Mariamnem desponsatam sibi ducit uxorem, quam ad se deferre dotale regnum, mortuo Antigono, callidus princeps intelligebat.

Cæsar & Antonius naues & legiones permutat.

Ventidius de Parthis triumphat.

Herodes ducit uxorem Mariamnem.

OLYMP. CLXXXV. *Mundi Vrb. Cond.**ann. 4**4017**717.**Capta
Hierosoly-
ma.*

Consulibus M. Vipfania Agrippa, & L. Caninio Gallo capta est à Sofio, & Herode Hierosolyma, oppidanis fame preffis parum resistentibus, primoque ac secundo muro expugnatis. In ciues ex æquo à Romanis, & Herode fauitem. Antigonus descendit ex turri, atque ad Sofij genua prouolutus, missus est vincus Antiochiam ad Antonium. Hic licet cum ad triumphum suū reseruatum volebat, exoratus tamen precibus Herodis, atque pecuniâ, negantis se regem fore quandiu viueret, ad palum alligatus securi percussus est, aut vt volunt alij, datus in crucem, iugulatus est. In hoc principe defecit Affamozorum, familia, & crudeliter casus est non aliam ob causam, quàm quod auitam hæreditatem seruare aduersus Romanorum & Herodis Tyrannidem conatus esset.

*Herodes
fuit &
Ro. cupre-
disate sa-
tisfacit.*

Herodes iam sine timore dominis urbem rapinis ac cædibus replet, vt Romanis atque sibi faceret satis. Sublati sunt optimates quotquot Antigono fauisse suspicio fuit, appositis ad portas custodibus, qui etiam Sandapilas mortuorum scrutarentur, ne quis effugeret. His auditis Hyrcanum subit apud Parthos patriæ reuifendæ desiderium, in quâ reperit Tyrannum sibi, atque familiæ suæ longè quàm apud Parthos truculentior. Sed quoniam Pontificatum exercere mutilatus Hyrcanus non poterat, Herodes Ananæum quemdam ex Babylonîa accitum Pontificem creat, Iudæis omnibus frementibus, & injuriam sibi Deoque fieri, non obscure significantibus.

*Reuocatur Hyrcanus.
Orodes à filio
Phraate
ueratur.*

Orodes Rex Parthorum luctu confectus & dolore ex nece filij sui Pacori, regnum suum filiorum natu maximo Phraati tradidit. Is statim fratres suos ex Antiochi Comageni filia natos, vt nobiliores & meliores, interemit. Quod cum indignissimè ferrent Rex, & optimates, hos

hos sustulit, illi etiam intercute laboranti ac-
nitum miscuit. Quod cum nihil noceret, immo
remedium morbo afferre videretur, eundem
præfocauit, vnius hominis morte bis factus
parricida.

Cæsar per se atque suos in Italiâ, & extra Ita-
liam comparabat naues pecunias, milites, re-
miges vndique expediebat, vt non tam Pompe-
ium, quàm naturam ipsam, ac prope elemen-
ta vincere velle videretur.

OLYMP. CLXXXVI. *Mundi Vrb. Cond*

ann. 1.

4018.

718.

Redit hoc anno Hierosolymam Hyrcanus,
ab Herode honorificè reuocatus, quem apud
Parthos hædere nec gentis dignitas, nec utilitas
Herodis patiebatur. Volebat enim penes se ha-
bere totam familiam Regiam; & capularis ille
senex, si non turbare, materies certè turbarum
poterat esse.

Canidius Crassus Antonij legatus in Iberos
deduxit exercitum, eorumque Regem Pharna-
bazum, ad belli societatem compulit, sicut &
Zobetem Regem Albanorum. Artabazes quo-
que Rex Armeniæ equitum sex millia, peditum
septem Romanis præbebat. Num erabantur au-
tem in Antonij exercitu ciuium, ac Latini no-
minis sexaginta millia, equitum Gallorum, &
Hispanorum decem, ex aliis gentibus tam pe-
ditum, quam Equitum triginta millia. Hunc
porrò apparatus Baëris, adeoque Indis me-
tuendum amor, Cleopatraz inutilem reddidit.
Antonius enim de eâ magis, quàm de expedi-
tione cogitans, bellum adedò perturbatè suscepit,
vt non amare, sed insanire videretur, nihilque
aliud spectare, quàm vt ad eam maturiùs redi-
ret. Itaque duodeuiginti præliis rem malè ges-
sit, & vix tertiam copiarum partem reduxit, in
eas nonnunquam compulsus angustias, vt à suo
armigero peteret mortem. Tandem quasi vi-
ctor, quoniam non perdiderat omnia, rediit in

Syriam

*Cæsar
omnia pa-
rat ad na-
uale bellū.*

*Redit
Hierosoly-
mā Hir-
canus.*

*Magnus
in Parthos
apparatus*

*Redditus
inutilis
solidis
amoribus
Antonij.*

Syriam, statimque accurrit cum vestibus, & pecuniis Cleopatra, vt languentem reficeret exercitum. Ferunt Antonium huic pecuniam suggessisse, ac suo & Cleopatræ nomine eam distribuisse, ratus parum esse si huic honorem committeret suum, nisi & pecuniæ ei suam, adeoque Romanum Imperium largiretur.

Cæsar Si-
ciliam in-
uadit.

Hoc item anno, quo Consules notantur L. Gellius Poplicola, & M. Cocceius Nerva, Cæsar Siciliam inuasit cum triplici exercitu, sed eam quoque expeditionem tempestas disiecit. Menodorus item iterum defecit ad Pompeium, cum aliquot nauibus, quibus multa damna Cæsarianis intulit. Vbi tamen vidit sibi parum fidei adhiberi, neque reddi totam classem, quam rexerat, ad Cæsarem rediit, eam habiturus fidem, quæ perfidis, ac leuibus hominibus dari solet.

Menodori
lenitas.

Interea Cæsar reparauit classem, sed ad Tauromenium magnum periculum adiit. Cornificius item ægrè ad Agrippam Milas euasit. Exinde variè varioque euentu certatum vtrimque, nullo tamen memorabili prælio, donec Pompeius sibi à comœatu veritus decretoriam pugnam committere statuit, eamque naualem, spectantibus tamen vtrimque terrestribus copiis. Pugnatum vtrimque acerrimè, at tandem operâ Agrippæ victoria penes Cæsarem fuit. Demochares se ipsum occidit, Apollophanes ad Cæsarem fugit, itemque Tisienus, Gathus cum toto equitatu. Pompeius omnium oblitus, deposito Imperatorio cultu fugit ad Antonium; qui si hæssset in Sicilia, nullo negotio res suas reparare potuisset: sed dum citiùs desperat, se suosque perdidit.

Vilius Pō-
peius fugit

Cæsar
Lepidum
exautorat.

Supererat Plennius cum octo legionibus. Is Messanâ occupata sese Lepido dedit, qui passus est urbem non inimicam à suis, & Plennij militibus diripi, vt eorum animos demereretur. Iamque Lepidus viginti duabus legionibus tumidus

midus insolescebat : sed eius statim factum re-
tudit Cæsar, abductis ab eo legionibus. Quare
jam vitæ, quam Imperij sollicitior, ad Cæsarem
accessit, à quo non sine custodiâ, sed cum Pon-
tificatu in Urbem remissus est, iis futurus ob-
noxius, quos Triumvir proscripserat. Itaque
paulò post sponte abiit in exilium, cum ex me-
tu, tum, ne visâ Cæsaris fortuna, quid perdidisset,
continuò spectare cogeretur.

Cæsar in Urbem rediens compositâ Siciliâ,
magnis est exceptus honoribus, eamque ouans
duntaxat ingressus est, ne de Romano sanguine
triumphasse videretur. Statim etiam per Stati-
lium Taurum Africam recepit, pollicitus Po-
pulo pacem, & miseriarum finem, qui tamen
stante Antonio expectandus non erat.

OLYMP. CLXXXVI. *Mundi Urb. Cond.*

ann. 2. 4019. 7:9.

Alexandra Mariamnes mater videns Pontifi-
catum esse ad Ananclum translatum, quem filio
suo Aristobulo debitum credebat, id impatien-
tissimè tulit. Immò & rescribit ad Cleopatram,
ut eam dignitatem filio suo impetraret ab Anto-
nio. Quod cum uterque fecisset, negat Hero-
des id à se fieri posse sine tumultu, sicque Anto-
nio fecit satis. Postea tamen socru sua, & vxore
grauiter increpitis, ipse Pontificatum transfert
in Aristobulum, & sponte præstat, quò ne adi-
geretur summopere reformidabat.

Consules huius anni fuere Sextus Pompeius,
& L. Cornificius : quando idem Pompeius fu-
giens à Siciliâ ad Lacinium Promontorium Iu-
nonis templum locuples diripuit ; indeque de-
uenit in Lesbum insulam. Hic cum spargeretur
rumor de victo Antonio, sic amicitiam quæsiuit
Antonij, ut tamen de fugâ ad eius hostes
cogitaret ; quibus agnitis, nihilominus est illi
placatus Antonius. Sed imprudentissimè re-
sumpsit in Asiâ Imperatorium nomen, & dum
Pacem petita ab Antonio cum eius ducibus bel-
lum

*Cæsar
erat, de
Sicilia
deuicta.*

*Aristobu-
lo das Pō-
tificatum
Herodes.*

*Pompeius
ceditur in
Asiam.*

lum gerit . Quare in eum magnæ mittuntur copiar; quibus dum resistere parat, à suis atque etiam à Libone socero desertus est, & dum fugit, Mileti à Titio est interfectus . De eius nece lætati sunt ambo Cæsar, & Antonius quasi sublati pacis perturbatore, & concitato belli civilis, cum ipsi tamen in speciem concordēs, & pacis amantes, nihil aliud quàm bellum spirarent .

*Octavia
ad Antonium nauigat .*

*Antonius
occasionem
rei bene
gerendæ
perdit .*

*Sallustius
moritur .*

*Alexandra
& Aristobulus ab
Herode
vexantur .*

Tum etiam Octavia ad Antonium nauigauit cum multa veste, multis iumentis, & delectâ militum manu: verum hæc subsistere Athenis iussa in speciem, quoniam eius in Syriam aduentum, Parthicum bellum non patiebatur; reuerâ, quod impuris Cleopatrar complexibus irretitus esset. Sed aliam rei bene gerendæ occasionem perdidit. Medusenim ei equitem, & sagittarios quibus potissimum indigebat obtulit & se socium expeditionis. Sed ille amorum, quàm rei bene gerendæ sollicitior, hanc occasionem passus est elabi, quam postea caluam esse intellexit.

Obiit denique hoc anno Sallustius Crispus, quadriennio ante Asiaticum bellum, cui historia Romana plus deberet, si ad nos integra peruenisset. Quid potuerit, eius loquuntur fragmenta; duoque de Catilinario, & Jugurthino tumultu relictâ nobis libelli, cæterorum eius operum legendorum accendunt sitim.

OLYMP. CLXXXVI. Mundi Urb. Cond
ann. 3 4020. 720.

Herodes Alexandram, & Aristobulum Pontificem vexat, adhibens utrique obseruatores importunos, & qui eos quiescere non sinerent. Quare mulier aliquid sibi, ac filio grauius uerita, fugere cogitat ad Cleopatram, à quâ benignè inuitabatur. Duas itaque Sandapilas parat, quibus ipsa cum filio efferatur ex aulâ. Sed re per indices Herodi patefactâ deprehenduntur in fugâ, verbisque tantum increpiti diligentius custo.

custodiuntur, ne offenderetur Cleopatra, cuius iram, furore Dei, magis Herodes reformidabat.

Consulatum iniit hoc anno M. Antonius secundum cum collega L. Scribonio Libone: verum eadem die Kal. Ianuarij suffectus est Antonio L. Sempronius Atratinus. Tum autem idem Antonius iratus Artavasde Armeniæ Regi quod sexdecim millia equitum suorum abduxisset à Mediâ, quibustum plurimum indigebat, eum castigare decrevit. Sed cum diuturnitatem belli, & absentiam à suâ Cleopatra videretur, agere dolo statuit. Eum ergo Regem ad se euocatum comprehendit, ac aureis compedibus victum traxit Alexandriam, ac de eoribidem cum offensione Pop. Romani triumphavit. At Armeni, captivi Regis sui filium natu maximum Artaxam constituerunt Regem, qui congressus cum Antonianis, victus ad Parthos confugit, vnoque prælio & exercitum, & regnum perdidit.

*Antonius
Regem
Armenia
capit.*

Tum Antonius epulum dedit Alexandrinis, & in duobus Thronis aureis, super argenteo tabulato sedens ipse cum Cleopatra ac suis liberis ad populum concionem habuit, quâ Cleopatram Reginam Regum, Cæsariionem Regem Regum appellari iussit. Suis item ex Cleopatra liberis assignavit regna, Ptolemæo Syriam, & Asiam Minorem, Cleopatraz Africam, & Cyrenaicam, Alexandro denique Armeniam & Parthiam, cum hæc jugum accepissent. Quâ profusione ostendit, quid sit ab iis principibus expectandum, & timendum, qui se muliercularum amoribus irretiri sinunt.

*Antonius
in suis
amoribus
amens.*



CAPVT III.

DECAS TERTIA,

Ab anno 4020. ad 4030.

OLYMP, CLXXXVI. Mundi Urb. Cond,
ann. 4. 4021. 721.

*Aristobu-
 lum Hero-
 des necat,*

Aristobulus Pontifex in sexto Scenopegiæ tam decenter, tantâ palæstrâ cæremoniâs obiit vt in se omnium oculos conuerteret; quod iis inuidiæ facibus Herodem inflammavit, vt peragendum curaret scelus, quod jam pridem meditabatur. Exceptus enim conuiuium ab Alexandrâ, die quodam feruentissimo, remotis epulis inuitatus est ab adolescentibus Aristobulus ad vicinas piscinas. Hic dum inter se ludunt, tandiu à nebulonibus corruptis ab Herode detentus est iuuenis, vt efflaret animam. Herodes ab hac nece, & lacrymis, & magnificentissimo funere, purgare se conatus est: Sed hæc suspicionem extinguere non potuerunt. Et verò Alexandra egit apud Cleopatram vt facti huius rationem coram Antonio redderet Herodes. Hic metuens odium Cleopatræ, sed magis amores Antonij, dedit in mandatis Iosepho patruo, cui commiserat vxorem, vt si quid ei humanitûs contingeret, interficeret Mariamnem, Iosephus imprudenter hoc secretum aperuit Mariamne, sed imprudentiam suam capite luit. Herodes tamen effecit artibus suis & pecuniâ, vt absolueretur, immò ne deinceps eius rebus Cleopatra implicaretur. Ita cum sibi non tantum consuluit in præsentâ, sed in futurum.

*Herodes
 accusatur
 apud An-
 tonium.*

*Antonius
 in Medo
 pacē init.*

Antonius verò ad bellum Parthicum profectus vsque ad Araxen fluiuium, nihil aliud persequit, quàm vt societatem iniret cum Rege Medorum,

dorum, filiumque suum Alexandrum ex Cleopatra, Iotape Medii filia desponderet, eâ lege ut sibi mutuo hic contra Cæsarem, ille contra Phraatem auxilio essent. Id enim cogitabat Antonius ut Cæsarem tolleretur, quod fortè præstisset, nisi se turpibus amoribus inquinasset: amor enim vnus in eo Imperatoriam scientiam, atque fœlicitatem detruuit.

Romæ Consulatum gessere C. Cæsar Octavianus secundum, & L. Volcatius Tullus, qui annus ædilitate Agrippæ magnificentissimè celebratus est. Tum etiam Bocchi regnum in formam Prouinciæ redactum est: Dalmatis quoque deuictis ex eorum manubiis porticum struxit Cæsar & Octavianas Bibliothecas, etiam operum pacis in bello memor.

*Ædilitas
Agrippæ.*

OLYMP. CLXXXVII. Mundi Urb. Cond.

ann. 1.

4022.

722.

Cum Rex Arabum malignè tributa Cleopatræ persolveret, iussus est Herodes eum aggredi bello, ut sese mutuis cladi bus attererent. Id enim vnum ex ea expeditione sperabat malitiosa mulier, & in vtriusque perniciem intenta. Cum autem à Iudæis bis victi essent Arabes ad Lidam, & ad Cana Cœlesyriæ, Athenio dux Cleopatræ venit in horum auxilium, eorumque rem ita restituit, ut Iudæi etiam ferè sua castra perderent. Quod damnum miser Herodes dissimulare coactus est, metu maioris.

*Herodes
in Arabas
pugnati.*

Romæ Consules Cn Domitius Ænobarbus, & C. Sosius fauebant Antonio. Hic Kalendis ipsis Ianuarij multa in Cæsaris dedecus dixit, multa in Antonij laudem: quæ paulò post Octavianus redux in Urbem, & milite septus refutauit, contra hiscere auso nemine. Indixit & certam diem Cæsar, quâ dicta sua Antonianis litteris confirmaturus erat; sed ante diem Consules, & multi Senatores ad Antonium confugerunt. Itaque quidquid voluit in absentem Antonium Cæsar euomuit liberè, cum tantum

*Abalienatus
Cæsar
et Antonius.*

coram inimicis Antonij, Antonij probra, atque dedecora explicaret.

*Antonius
in Cæsare
bellum sus-
cipit.*

His acceptis Antonius habito præsentium Senatu in Cæsarem suscipit bellum, Octauiam repudiat, & per certos homines ejicit domo, scæminam Cleopatraz moribus dissimillimam, & quâ indignus erat Antonius. Vndecim Reges huic fauebant, quorum sex aderant, alij quinque miserant auxilia. Dubitauit plurimum Antonius an secum Cleopatram ad bellum traheret, quamuis ipsa ducentas haberet naues, & viginti millia talentum portaret, multumque comitatus: tandemque euicit sententia Domitij, Titij, & Planci, vt illa dimitteretur. At hæc veritate ne Antonius reconciliaretur Octauiz, Canidium tum sexdecim legionum ducem induxit multâ mercede, vt pro se ageret; Titium autem atque Plancum tam malè accepit, vt hi ad Cæsarem deficerent. Itaque ex Canidij consilio Antonius fatalem scæminam secum Ephesum deduxit, naus infidos amicos, & acerrimos inimicos.

*Cæsar
Antoni
Testamen-
tum legis
publicè.*

Cæsar amicos Antonij suauiter excepit, à quibus didicit eius Testamentum penes Vestales esse. Hoc itaque tam in Senatu, quam in populi concione recitauit, vt ei faceret inuidiam. Neque vanus eius conatus fuit. Statim enim anni sequentis Consulatus ademptus est Antonio, bellum indictum Cleopatraz tacito Antonij nomine, quam tamen, contemptâ patriâ, ipse defendendam suscepit. Sed imprudentissimè in eius gratiam commisit se mari, in quo Cæsar præualebat, pugnamque terrestrem refugit in qua præcellebat, & copiarum numero, & propriâ industriâ. Accessit & aliud grande peccatum, quod Cæsari dederit moram sui colligendi, quem si inuasisset egentem pecuniâ, & Italicis populis odiosum, sine dubio disiecisset. Sed dum aptatur, dum comitur Cleopatra, annus fuit.

Iudæa

OLYMP CLXXXVII. *Mundi* Vrb. Cond.

ann. 2. 4 23. 723.

Iudæa hoc anno ingenti terræ motu concussa magnam hominum, pecudumque jacturam passa est, adeo ut decem virorum millia ruinæ domorum oppræsserint. Itaque Arabes occasionem nacti Iudæos inuadunt. Verum his occurrit Herodes etiam ultra Iordanem, bisque confligit, & victor cum multis captiuis Hierosolymam rediit; ita dejectis Arabibus, ut deinceps abstinere bello, nisi prouocati.

*Iudæa
terræ motu
concussa.*

*Visti ab
Herode
Arabes.*

Consulibus C. Cæsare tertium, & M. Messala Cornuino, gestum est Actiacum bellum, arbitrum Romanæ seruitutis, aut libertatis. Victorix Cæsarianæ ad Actium præludit suis victoriis Agrippa ad Patras & Corinthum, deuictis Q. Almio, & Sosio: inter quas Domitius, Amyntas, atque Demetrius Antonium reliquere, & deferre ad Cæsarem, cuius & sapientiam, & sceleratam experiebantur; quare deinceps omnes suspectos habere cœpit Antonius. Tum etiam Canidius mutauit sententiam, ut Cleopatram remitteret, & terrestri certamine in Thracia, accitis Getis, dimicaret; sed præualuit Cleopatra: succensæ naues Ægyptiæ præter 60. quibus viginti millia peditum, & duo millia sagittariorum impositi sunt. Tum utroque duce querente certamen, commissum est ad Actium in Ambracio sinu, ubi cum inter utramque classem fluctuaret victoria, fugit cum suis nauibus Cleopatra, quam est secutus Antonius sui, ac suorum oblitus. Antoniani nihilominus fortiter repugnabant, neque cessere nisi cum igne certatum est à Cæsarianis: ancipiti enim malo flammæ, vel submersionis distrahi Classiarum, dederunt sese; neque se quidquam debere fugitui Imperatori putauerunt.

*Deseritur
ab amicis
Antonio.*

*ACTIA-
CA VI-
CTOR.*

Stabant autem in littore vnde viginti legiones, & duodecim equitum millia, quibus Antonius res suas reparare poterat, nisi mentem

*Copie
terrestres
se Cæsari
dedunt.*

perdidisset. Hæ igitur copiarum in officio persistere diebus septem, missosque ab Octaviano legatos rejecere. Sed cum eorum dux Canidius noctu profugisset, ab omnibus deserti, & quasi proditi, in castra Cæsaris transferunt. Hoc in loco multa reliquit tantæ victoriæ monumenta; templum Apollinis, ludos Nicopolim urbem in loco castrorum, ac res ita suas constituit in Græciâ, Asiâ, atque Romæ, ut tantâ victoriâ ubique dignus haberetur.

*Antonius,
& Cleo-
patra fu-
giunt.*

Antonius & Cleopatra elapsi cum ad Peloponnesum simul nauigassent, deinde diuisi sunt. Hæc in Ægyptum quasi victrix contendit, sicque subditis suis illudit, à quibus sibi reformidabat: ubi nihil imminere periculi ex clade intellexit, in multos sæuit, eorumque bona diripuit, ut suum ærarium exhaustum reficeret. Ut Medum quoque sibi demereretur caput Regis Armeniæ ad eum misit. Antonius à Pinario Scarpo exclusus Lybiâ, & parte Occidentali Ægypti, Alexandriam venit, ubi Cæsariionem & Antyllum ex Fulviâ filium, inter viros retulit, ut Ægypti viris lubentius parerent. Sed infortunatos adolescentes parentum scelera, non tantum Imperio, sed & vita indignos reddiderunt.

OLYMP. CLXXXVII. Mundi Urb. Cond.

ann. 3. 4024. 724.

*Herodes
submitis
se Cæs.*

Herodes auditâ M. Antonij fugâ, atque clade statim de rebus eius prudenter desperavit, atque ut erat fortunæ mancipium, eum adoravit, quem supra mortales omne tanta euehebat victoria. Itaque adire statuit Octavianum, & quem fidem alias seruarat Antonio, eidem polliceri. Sed antequam ad eum accederet in insulam Rhodum, consilium suscepit Herode dignissimum. Hyrcanum enim quasi affectari regni reum interemit, hominem octogenarium, de ipso optimè meritum, & qui nihil peccauerat, nisi quod Antipatrum & Herodem ad regnum enitentes, non sustulisset. Insuper Alexandram, atque Ma-

*Hyrcanus
caditur.*

ria-

riamnem in castro Alexandrio inclusit, dato
 quæstori mandato, ut si damnaretur à Cæsa-
 re, utramque tolleret, regnumque Pheroræ
 fratri, suisque liberis conservaret. His im-
 peratis pergit ad Cæsarem, ad quem admis-
 sus, posito ad eius pedes diademate, expo-
 suit quid Antonij causâ gessisset, & quamei
 servasset fidem, ubi hanc utrimque utilem *Cæsar*
 agnouisset, pollicitus eandem se servaturum *Herodi*
 Principi, quem sibi fortuna præfecisset. Ob- *das re-*
 lectatus hac libertate Cæsar, eius capiti re- *gnum.*
 posuit diadema, eumque rogavit qui fuisset
 in Antonium, is in Cæsarem esset. Profuit
 autem Herodi plurimum, quod auxilio fuisset
 Didio contra gladiatores, transitum quæ-
 rentes ad Antonium. Itaq; remissus cum lau-
 de atque sceptro in Iudæam rediit, majori
 gloria, quam timore excesserat.

Cæsar autem hoc anno quartum iniit Consu- *Antonius*
 latum, cum M. Licinio Crasso, quamquam hic *omni spe*
 Pompeium, & Antonium secutus esset; sed id se- *sua fru-*
 cisse ex iniquitate temporis, non voluntatis pu- *stravit.*
 tabatur. Statim Cæsar ordinatis in Occidente,
 & Asiâ rebus ipse per Syriam, duces eius per
 Africam in Aegyptum pergunt. Ex quibus Cor-
 nelius Gallus, recepto Pinarij exercitu Paræto-
 nium Aegypti terminum occupavit. Quod ubi
 audiit Antonius, quanquam ad gladiatores re-
 cipiendos pergeret in Syriam, reflexit iter, ut
 Parætonium recuperaret. Et verò sperabat se
 militem Galli oratione flexurum; quod pruden-
 ter inhibuit Gallus, tubis ex muro dum loquere-
 tur concinere iussis, immò & factâ eruptione a-
 liquot naues perdidit Antonius, simul Paræto-
 nio, gladiatoribus, & parte classis amissis.

Antonius & Cleopatra his visis, & auditis, *Antonius,*
 pacem petunt à Cæsare, rebus suis planè deplora- *& Cleo-*
 ratis. Ipsa etiam Cleopatra res suas agere voluit *patra pa-*
 sui Antonij oblita: Immo etiam ipsum pro- *cem orant*
 didit, resque eius penitus affixit in Aegypto, *à Cæsare.*

*Antonius
se interfici-*

*Cleopatra
sibi aspi-*
dem ad-
monet.

*Cæsario
caditnr.*

Cæsarex-
cipitur ab
Herode.

Anni A-
tiaci.

Cæsaris
triumphi.

dum ei auxilia terrestria, & naualia malitiosè substraxit. Denique eum ad mortem compulit tumultum suum ingressa, ex quo ad eum fictum mortis suæ nuncium misit. Tum enim ille mori decreuit, extinctis deliciis suis, incubuitque gladio, ac pæne expirans ad Cleopatram finibus attractus, in eius gremio expirauit. Vir futurus orbis dominus, nisi se mulieri subdidisset. Cleopatra autem ubi sensit nihil se flectere potuisse animum Cæsaris (eo enim quoque peruadere adhibitis omnibus lenociniis sperauerat) seque triumpho destinata, per Aspidem allatam inter fructus, aut acu discriminatoriâ veneno illitâ sibi leuem inflixit plagam, ex quâ ferè sine dolore obiit. Antyllus Antonij ex Fulviâ filius, ex facello Iulij Cæsaris retractus jugulatus est, licet ei filia Cæsaris esset desponsata: Cæsario item dum fugit in Æthiopiam interceptus à Cæsarianis, necatus est. Alexandriæ direptio pecuniis redempta, unde, sicut & ex regiâ pecuniâ, soluta sunt stipendia, & viritim militi 350. dragmæ persolutæ. Hic finis Ptolemæorum fuit, quos sapientia ad regnum promouerat; rapinæ, cædes, libido penitus exterminarunt.

Cæsar Ægypto constitutâ per Syriam in Asiam rediit, ubi acceptus est ab Herode secundum dignitatem recepti, sed supra recipientis diuitias: donatus octingentis talentis, præter magnam vim pecuniæ in optimates Romanos effusam. Quæ magnificentia Herodi omnem furandi, atque prædandi licentiam dedit.

Ab hoc quoque anno procedunt Anni Actiaci, quod victoriæ Actiacæ tum Cæsar perceperit fructum, Antoniumque perdiderit, quo stante frustra ad Actiacum vicisset.

OLYMP. CLXXXVII. *Mundi Vrb. Cond.*

ann. 4.

4025.

725.

C. Cæsare Octauiano quintum, & Sexto Apuleia Consulibus idem Cæsar sexto, septimo, & octa-

Octauo die Augusti , qui tum Sextilis dicebatur. de Pannoniis ac Dalmatis , de Adriacâ victoriâ , seu Macedoniâ , de Aegypto seu Cleopatrâ triumphauit, quos triumphos magnis largitionibus illustrauit , sicut & Vrbem magnificis ædificiis . Accessere quoque varia spectacula , quibus delin- nita plebs, sicut & clauso Iani Templo, libertatis quam perdiderat, oblita est .

Tum quoque Cæsar cum M. Agrippa Censu-
ramegit , quâ purgauit Senatum , & patricio-
rum familias auxit : Senatores tum quoque in-
jussu suo exire ex Italia vetuit . Carthaginem
quoque colonia iterum deducta , huius etiam
anni opus fuit , sicut & Antiochus Comagenus
euocatus Romam , necatusque, quod fratris sui
legatum dolo interemisset . Tum denique M.
Lepidus Triumviri filius conjurationem con-
flauit in Octavianum , sed eam Mecænas Urbis
custodiæ præfectusprehendit , & extinxit ,
pari gloriâ , & facilitate .

*Cæsaris
cum A-
grippa
censura .*

*Cartha-
ginien-
sis
Colonia .*

*Coniura-
tio extin-
cta .*

OLYMP. CLXXXVIII. Mundi Urb. Cond.

ANN. 1.

4026.

725.

Herodes profectus ad Cæsarem Mariam-
nem vxorem suam incluserat carcere , ejusque
curam Sohemo demandarat ; cum mandatis
hoste potius, quam marito dignis . Hæc impru-
dentissimè aperuerat Mariamne Sohemus , eo-
rumque quædam hæc dederat Herodi indicia .
Cum ergo Eunuchus Reginae tormentis adhi-
bitus Sohemi cum Mariamne familiaritatem
falsus esset , ille quidem necatus est , hanc vt
adulterij suspectam , ac veneficij ream per im-
probum Senatum suum Rex damnandam cura-
uit . Sed ex eius morte postea tantum doloris
hausit, vt morbum contraheret . Is cum peri-
culosus esset , ita se gessit Alexandra quasi mox
Herodes moriturus esset ; quare illic necata
pœnas dedit intempestiua prouisionis .

*Herodes
Mariam-
nem necat*

*Census
Romæ
habitus .*

Hic annus sexto Cæsaris Consulatu , & se-
cundo Agrippæ illustris fuit , quo & census an-

no superiori inchoatus peractus est, inuenta que
ciuium Romanorum capita quadragies centum,
& sexaginta tria millia. Tum quoque Aſiatic
ludi à M. Agrippa primùm exhibiti, à Cæsare
excitata Apollinis ædes in Palatio, cum Por-
ticu & Bibliothecâ, vt non tantùm Martem,
sed & Musas, quas amabat impensiùs, coluisse
videretur.

*Cæsar de
liberat de
Princi-
patu de-
ponendo.*

Tum quoque Cæsar cum amicis Agrippa, &
Mecænate egit de Imperio deponendo, vel con-
stituendo; Agrippa abjiciendum, Mecænas
seruandum contendebat; potiores visæ sunt
Mecænatis rationes, ac Reipublicæ turbis se-
dandis accommodatiores. Fuit autem Agrippa
addictissimus Cæsari, sine quo ille multa præ-
stitit, hic ferè nihil sine Agrippa, ideo cumu-
latus honoribus, quos ille semper in largitorem
refudit, exemplo singulari modestiæ, & hu-
manitatis.

*Resp.
constituta.*

Hoc quoque anno Resp. constituta est remis-
sis fisco nominibus, abrogatisque quæ malè fue-
rant Triumviratu decreta. Tum quoque apertæ
Iani Gemini portæ bello contra Cantabros, &
Astures indicto, quos suis legibus viuere, neque
Imperio Romano tum pacifico parere visum est
indignius.

OLYMP. CLXXXVIII. *Mundi Vrb Cond.*

ann. 2.

4037.

727.

Cæsar septimùm Consul, cum M. Agrippâ
tertiùm coram Senatu deponere voluit, aut ab-
jicere simulauit Imperium. Senatus tamen vni-
uersus siue ita credidit, siue ita se finxit credere,
id fieri prohibuit, statimque Cæsaris stipatori-
bus, vt diligentius custodiretur duplex, stipen-
dium persolui iussit. Itaque cum rogatus sus-
cepisset administrandas Imperij Prouincias,
pacatas Senatui regendas tradidit, ipse labo-
riosas & obnoxias bello sibi referauit; sed in
decennium, & citius, si eas ante pacare potuif-
set. Quo factò prudentiæ plenissimo, Senatum

*Cæsar
Remp.
admini-
strandam
suscipit.*

exar.

exarmauit, sibi vires omnes Imperii reseruauit. Inde quoque profectum ut reliqui qui secuti sunt Imperatores singula Decennia, quasi pro Imperij renouatione celebrarent.

Tum etiam 16. Kal. Februarij L. Munatius Planeus in Senatu sententiam dixit quâ Cæsarem Augustum appellari censuit. Ea vox sacrum, & venerandum sonat, & hominum conditione superiorem; ex hoc igitur anni Augustorum decurrunt. Adhæc potestate Tribunitiæ auctus est, ut sacrosanctus, & inuiolabilis haberetur, atque in omnes Romanos, eorumque subditos legum, vitæ, necis potestatem haberet. Regis autem ac Romuli declinauit nomen, quia inuidiæ aliquid continere videbantur, cum jam tamen ipse esset maior inuidiâ.

Eodem anno transiturus in Britanniam venit in Gallias Cæsar, ut has componeret, illam edomaret; nullo negotio utrumque perstitit, rerum ante gestarum famâ, quàm armis potentior. Inde transiit in Hispaniam, ut huic quoque prouideret, ac bello aduersus Cantabros, & Astures aut mori aut in libertate viuere paratos. Tum Romæ substitit Agrippa, ac Diis omnibus Pantheon ædificauit, opus mirabile ad similitudinem cæli fastigiatum, quod tertio abhinc anno perfectum huius tamen anni, & tertij Consulatus ab Agrippa gesti præfert Epigraphen, quia illustriuserat à Consule inchoatum, quàm à priuato absolutum.

OLYMP. CLXXXVIII. Mundi Urb Cond.

ann. 3.

4028.

728.

Herodes multas in Iudæâ peregit cædes; quidquid enimerat ex cognatione Hyrcani, & Hassamonæorum sustulit, ut seditionum, bellorumque civilium fomitem. Costobarum quoque Idumæum cui sororem suam Salomen uxorem dederat, orto inter eos iurgio interemit, sicut & Dositheim, Antipatrum, Lyfimachum ab hac importuna muliere initæ cum marito

*Cæsar
Augustus
dictus.*

*Cæsar
Galliam,
Britanniam, &
Hispaniâ
lustrat.*

*Pantheon
Romæ
statuit A-
grippa.*

*Herodis
cruelitas*

aduersus Herodem conurationis accusatos. Ita sublati omnibus fortunæ suæ impedimentis se putauit Regem, cum ab omnibus Tyrannus infamis haberetur.

*Cæsar
bellum in
Hispania
parat.*

Augustus hoc anno octauum Consulatum gessit cum T. Statilius Taurus secundum ageret. Hunc autem sicut & sequentem in Hispaniâ traduxit, bellum parans contra Cantabros, & Astures, qui non contenti libertate suâ, vicinos etiam vexabant, vt eos ad se transire compellerent. Sed conatus eorum inanis fuit aduersus Romanam potentiam, quam in eos vniuersam Augustus adhibuit.

*Cornelius
Gallus
exulat, &
moritur.*

Hoc item anno Cornelius Gallus Aegypti præfectus abusus autoritare sua, cum multa impotenter egisset, iussu Augusti in exilium actus, mortem sibi ipse consciuit, tam ignauus ad ferendam, quam fortis fuerat ad infligendam injuriam.

OLYMP. CLXXXVIII. Mundi Urb. Cond.

ann. 4.

4039. ~ 729.

*Herodis
magnificen-
tia, & li-
beralitas.*

Herodis regnantis anno 13. fames ingens pesti conjuncta Palæstinam afflixit, cum tamen Rex iste opera magnifica Hierosolymis excitaret, & Theatrum in honorem Augusti, ac quinquennales ludos, quod ei Iudæorum conflauit odium. Sed cum postea rei frumentariæ prouidisset, missis etiam in Aegyptum & ad C. Petronium è sua suppellectili aureis & argenteis vasis, odium in beneuolentiam conuersum est. Tum quoque Herodes quingentos milites è suis prætorianis misit Aelio Largo ad Arabicam expeditionem: quando & Aegypti anno Iuliano uti cæperunt, vt Romanis dominis suis omnino concordessent.

*Augusta
Prætoria
Colonia.*

Augusto nonum Consule cum M. Iunio Silano, M. Terentius Varro Salassos Populos Inalpinos domuit, quorum agri partem militibus Prætorianis dedit, vbi condita Augusta Prætoria. Altera quoque missa est in Lusitaniam

Colo-

Colonia dicta Augusta Emerita, quod eam Emeriti milites conflasset; ita militibus ubique factum satis.

Sed nihil celebrius fuit hoc anno, bellis Cantabrico, & Asturico. Cæsar enim ipse apud Segisamam castra posuit, & tribus agminibus totam est complexus Cantabriam. Insuper ad mota littori classis, & expositi milites, ut hostes circumfunderentur. Itaque victi ad Begedam Cantabri in Vindium montem confugere, in quo pæne omnes inedia confecti sunt. Hoc in bello cum ex nimio labore morbum contraxisset Augustus, Tarraconem delatus bellum C. Antistio absoluendum reliquit, cui cum exercitu commisit suam felicitatem.

*Bellum
Asturicū.
& Can-
taticum.*

Astures aliunde ad Asturam fluvium positis castris Romanos oppressissent, nisi eorum consilia essent patefacta. Vicit eos cruento prælio Carisius, & confugere Lanciam compulsi; quæ capta tantum non incensa est, id enim miles deposcebat: sed dux sapientior maluit eam stantem potius quam eversam esse Romanæ victoriæ monumentum.

*Astures
victi.*

Interim Romæ præclara opera extruebat Agrippa, ut enim Pantheon taceam, Septa comitiis Tributis addicta, quæ Lepidus inchoarat, in Campo Martio perfecit; hæc autem tabulis exornata; Septa Julia in honorem Cæsaris dixit. Excitavit & Porticum Neptuni, Argonautarum picturâ decoratam, ob nauales victorias, ita tamen ut omnia in honorem Augusti cederent. Sic enim inter se benevolentia, & gratia Cæsar & Agrippa decertarunt, ut dubium reliquerint an hic fuerit modestior, an ille liberalior.

*Agrippæ
opera.*

OLYMP. CLXXXIX. Mundi Urb. Cond.

ann 1.

4030.

730.

Herodes duas Hierosolymis hoc anno ædes extruxit, vnam Augusto, alteram Agrippæ, Cæsaream,

*Herodis
opera.*

farcam, & Agrippam diſtas, amoris in eos ſui monumentum, quos Θ. ἡ Σαρδῆναι habebat loco, ipſe Cæſari poſt Agrippam, poſt Cæſarem Agrippæ chariſſimus. Condidit & templa in honorem Auguſti Samariz, & ad fontes Iordanis; denique Herodium caſtrum, ne ſui nominis ipſe obliuiſci videretur.

*Herodes
etiam re-
gnum de-
cis.*

Tum autem captus eſt amore puellæ cuiusdam Simonis filiæ, quam Iosephus Mariamnem vocat. At ne hæ nuptiæ Rege viderentur indignæ, eius patrem, ex autoritate Ieſu Phabetis filio, Ananeli ſucceſſore, Pontificem creauit; ſic amoribus ſuis res etiã ſacras Rex ſcleratus aptabat.

*Marcellus
Ædilis.*

Auguſto decimũ Conſule cum C. Norbano Flacco Marcellus creatus eſt Ædilis, ſtatutum à Senatu vt inter Prætorios federet, & decennio maturiũs peteret Conſulatum. Permiſſum quoque Tiberio, Auguſti priuigno, vt quinquennio maturiũs ſingulos magistratus iniret, quare hoc anno factus eſt Quæſtor ætatis anno decimo-octauo, vel decimo nono, vt quotquot ad Auguſtum pertinerent legibus ſoluti eſſe viderentur.

*Ælius Lar-
gi expedi-
tio in A-
rabiam.*

Hoc anno in Arabiam Felicem ſuſcepit expeditionem infelicem Aelius Largus, exercitu morbis infeſtato ex quâ nihil ipſe præter ægros miſit, & ignominiam reportauit.

*Villi in-
erum Aſtu-
res, &
Cantabri*

Fortunatiores in Occidente Romani fuerunt. Aſtutes & Cantabri poſt Auguſti diſceſſum non tantũ rebellant, ſed & addiderant rebellionem prodicionem. Nam præſidiarios euocatos ad frumentum exportandum peremerant incautos. Sed cæſorum manibus L. Aemilius præfectus abunde ferro facibusque litauit, agrũ vaſtato, incenſis oppidis, obuſisque cæſis; vt longas etiã abſenti Auguſto manus eſſe intelligerent iſti proditores.

CAPVT IV.

DECAS QVARTA.

Ab anno 4030. ad 4040.

OLYMP. CLXXXIX. Mundi Vrb. Cond.

ann. 2. 4031. 731.

Avgusti Consulatus vndecimus cum Cn. Calpurnio Pisone, eiusdem morbo celeberrimus fuit. Tum enim proximum se putauit morti, tradiditque Agrippæ anulum suum, Pisoni collegæ Rationarium Imperij. Sed opera Antonij Musæ lauacris ac potionibus frigidis valetudini restitutus est. Ideoque eidem Musæ, ut alteri Aesculapio posita statua à Po. Romano, quæ paulò post disturbanda fuit cum iisdem remediis Marcellum perdidit.

*Ægrotat
Augustus,
sanatur ab
Antonio
Musa.*

Sanus Augustus ut tolleret natum ex traditione anuli odium Marcelli in Agrippam, hunc amandauit in Syriam ut eam regeret. Remansit tamen in insulâ Lesbo, & provinciam sibi creditam per legatos administravit. Hunc adiit Herodes Mitylenem, à quo est susceptus amantissimè: cumque Gadareni Herodem accusaturi eò quoque venissent, Agrippa ne auditos quidem vinctos compedibus remisit ad Herodem, cum summo iniustitiæ periculo, plus amicitiae tribuens, quàm æquitati.

*Agrippa
secedit
Roma.*

Hoc item anno magnificentissimè edito munere suæ ædilitatis M. Marcellus Octaviæ sororis Augusti filius obiit natus anno 20. ut Propertius canit, ut scribunt alij anno ætatis suæ vigesimo quarto. Hic est Marcellus celebratus à Virgilio versibus sine metaphora aureis, magnæ fortunæ destinatus adolescens, & cui ingenio, fortitudine, & dignitate corporis, par esse videbatur.

*Marcellus
moriitur.*

Tcri-

*Parthi
Augustus
venerunt.*

Teridatem dissidentem à fratre Rege Parthorum Romæ benevolè suscepit Augustus. Venère & cum eo Phraatis legati illum repositoscentes : cum reddere prudenter negavit Augustus, sed Phraatis ipsius remisit filium, quem habebat jamdudum à Teridate obsidem : ea tamen lege, vt sibi signa Crassi restituerentur. Ita fratrum discordiâ in Reip. commodum sapienter usus est Augustus.

OLYMP. CLXXXIX. *Mundi Vrb. Cond.*

ann. 3.

4032.

732.

*Turle
Hieroso-
lymis.*

Turbatum est aliquid hoc anno Hierosolymis, ob trophæa Iudæis proposita, quæ vt idola detestabantur : tantùm aberant hi ab imaginum cultu, vt eorum umbras, & rudimenta ferre non possent. Detractis tandem ornamentis & propositis plebi stipitibus, sedatus est tumultus. Tum quoque ciues decem Religionis prætextu in Herodem conspirauere, quorum supplicio est extincta conjuratio. Ob eam causam Regiam suam, & Antoniam arcem communiuit Herodes, vt haberet plura in subitis seditionibus receptacula. Tum quoque instaurauit Samariam, quam de Augusti nomine Sebasten dixit : condidit & in litore maris Cæsaream, vbi olim erat Turris Stratonis, in qua adornanda duodecim ipsos annos posuit & tantâ magnificentia, vt si qua Iosepho fides, nulla fuerit in toto orbe ciuitas pulchrior & magnificentior.

*Arces mu-
nis Hero-
des.*

*Sebasten,
& Cæsaream con-
dit.*

*Conspira-
tio in Au-
gustum.*

Consulibus M. Claudio Marcello, & L. Aruncio Nepote detecta est in Augustum conjuratio Fannij Cæpionis, & Murenæ iam coacta. Cum hi fugâ dilapsi essent, absentes damnati sunt exilio, ac paulò post necati. Murenæ nec frater Proculius Augusto charissimus, nec sororis maritus Mecænas eximere supplicio; adeo visum est atrox, in Principem tam commodum scelus.

Censores hoc anno creati P. Aemilius Lepidus,

pidus, & L. Munatius Plancus, hic proscripti frater, ille à fratre. Triumuiro proscriptus; hi- que priuatorum vltimi gessere Censuram; quam. quam in eius quoque partem Augustus venerit. Hic tum sapienter quædam collegiorum conti- uia sustulit, ludorum omnium curam certis ho- minibus attribuit, gladiatorum munus edi- vult in iussu Senatus, nec sæpius quàm bis in anno, neque parium plurium, quam sexaginta. Tum quoque Galliam Narbonensem, & Cy- prum Populo regendas reddidit, quia pacatæ jam nihil eius curâ indigebant, sicque reliqua- rum regendarum Populo Romano spes injicie- batur.

*Vltimæ
priuatorū
censura.*

Cantabri, & Astures durius habiti à Carisio, vltorum fortium more, rebellarunt Veniente tamen in auxilium C. Furnio repressi sunt, & in acerbiorē seruitutē redacti. Pauci tamē Cantabrorum venere in Romanorum manus, quia ex desperatione, & libertatis amore in- censis munitionibus suis, alij incendio, alij pu- blicè sumpto veneno perierunt.

*Cantabrī
& Astures
repressi.*

Tum etiam Romæ propter crebra incendia Ædiles præfecit Augustus, qui ea attributis sexcentis seruis scienter restinguerent; ac hi deinceps vtilissimam Vrbi operam nauarunt, alioquin his frequentibus incendiis pericli- tanti.

*Roma
proxi m
incendiis.*

Denique C. Petronius Ægypti præfectus ex Æthiopicâ expeditione feliciter ac gloriose sus- ceptâ rediit, Candace Reginâ ad fœdus peten- dum compulsâ. Et probatum est ab Augusto, Populoque Romano susceptum, quamquam in fœminam bellum, quia hæc virilis erat animi, neque suum regnum muliebriter administra- bat.

*Æthiopi-
ca Petro-
nij expe-
ditio.*

OLYMP. CLXXXIX. Mundi Urb. Cond.

ann. 4.

4033.

733.

Romæ vt crearentur Consules Q. Æmilius Lepidus, & M. Lollius nonnihil turbatum est.

*Mas-
Rom. in
creandis
Coss.*

De

De Lollio nulla difficultas qui collega datus erat Augusto, sed hoc non admittente magistratum, de Lepido & Siliano ingens plebistumultus fuit. Ideoque reuocatus est in urbem ex Græciâ ab optimatibus Augustus; qui tamen sapienter venire recusauit, sed candidatos illos verbis increpitos abesse voluit ab Vrbe dum iretur in suffragia. Ægrè tandem Consul seditione redintegratâ creatus est Lepidus.

*Julia da-
tur vxor
Agrippæ.*

*Augustus
in Samum
venit.*

Has turbas vt deinceps compesceret Cæsar, Agrippam in Urbem remittere statuit; atque vt plus posset, vxore repudiatâ (quamquam hæc esset Augusti sororis filia) filiam suam Iuliam ducere præcepit. Dum autem versatur Augustus in Græciâ Lacedæmonios honoribus, & præmiis affecit, Athenienses contra multauit, quod visi essent in Antonium propensiores, Sic miseris adulatoribus sua magni stetit adulatio. Rebus autem in Græciâ compositis in Samum perrexit, vbi traduxit hyemem, vt inde inuigilaret Orienti, & propinquior, Parthos non tantum legionibus, sed & præsentia suâ territaret.

OLYMP. CXC. *Mundi* Urb Cond.

ann. 1. 434. 734.

*Augustus
multas ci-
uitates.*

*Signa
Crassi
reddita.*

Consulibus M. Apuleio Nepote, & P. Silio Nerua Augustus ex Samo transiit in Bithyniam, inde ordinaturus Asiam. Hic Cyzicenos quod in quâdam seditione Ro. ciues flagris cæcos necassent, in seruitutem redegit, vt iisdem flagris objici possent. Idem quoque supplicium transgressus in Syriam Tyriis, & Sidoniis irrogauit propter factiones, & seditiones suas. Territus autem vicinitate Augusti Phraates, & legionibus multis, quas erat facilè infundere in Parthiam, remisit signa erepta Crasso, captiuosque omnes, præter eos qui dedecoris metu sibi intulere manus aut sponte latere voluerunt. Dedit etiam idem Phraates Titio Syriæ præfecto quatuor legitimos filios obsides, dejectis
vbi-

vbiq̃ue excitatis in regno suo de Crasso Trophæis. Quare iterum clausum est Iani Gemini templum, quasi hoc facto orbi Romano redditâ tranquillitate.

Inde reuersus est in Urbem Augustus, vnde Tiberium in Armeniam misit. Turbata enim erat hæc Prouincia, irataque Regi Artabazo eius loco Tigranem repetebat. Iussus est ergo Tiberius Tigranem Romæ obsidem, reducere cum exercitu. Sed cum Artabazus intereâ cæsus esset, bellicus ille apparatus euauit.

Augustus paulò post repetit Samum, vbi variis Principibus, varias regiones attribuit, sed præcipuè Herodi Zenodoti cuiusdam Tetrarchiam, quod is latrones fouisse diceretur, quos expugnat Herodes, redditâ Damascenis securitate. Quare tum in honorem Augusti Pannium templum ædificauit in Zenodoti ditione, ideoque tumultuati sunt Iudæi, quos pacauit remissâ tertiâ parte vectigalium, ob superiorum annorum sterilitatem. Dedit quoque Samiis libertatem Augustus præmium hospitij. Sami quoque Indi missis legatis cum Augusto sanxere fœdus, adduxeruntque Tygres Indicas nondum in Græciâ, & Occidente visas; quando & legatorum vnus Zamarus Gymnosophistes Deorum suorum sacris initiatus sponte in ignes influit, ac vanæ gloriæ obtulit ferale sacrificium.

Hoc quoque anno Agrippæ natus est ex Iulia Caius Augusto charissimus, & in spem Imperij putritus, non quia dignus, sed quia talis esse debuerat.

OLYMP. CXC. Mundi Urb. Cond.

ann. 2.

4035. 735.

Herodes regni sui anno duodeuigesimo templum Hierosolymitanum instaurauit, eius dilatavit spatia, porticus exornauit. Sed à fundamentis illud nequaquam excitauit; remansit enim à Zorobabele conditum, cuius gloria, viso Christo, quam Salomonici ex Prophetâ futura erat

*Motus in
Armenia.*

*Pannū ab
Herode
ædificatū.*

*Indi cum
Augusto
fœdus faciunt.*

*Caius na-
scitur ex
Iulia.*

*Instaurat
templum
Hierosol.
Herodes.*

erat celebratior : ideoque hic à Iosepho fabulose conficta de Herodiano templo , cum omnibus Catholicis meritò explodimus.

*Augustus
magister
morum.*

*Leges Au-
gustales.*

*Agrippa
Gallius,
& Hispani-
am com-
ponit.*

*Augustus
Senatum
purgat.*

Romæ Consul est factus Q. Sentius Saturninus, cuius collega Augustus esse recusauit. Idè con- citatæ sunt iterùm in comitiis turbæ , quas vt compesceret Augustus ipse nominauit Quintum Lucretium Vespillonem , quem Eusebius Cin- nam cognominat. His Coss. Romam rediens Augustus , ex multis honoribus recepit tantùm, vt Ara Fortunæ reduci consecraretur , eius re- ditus dies inter serias relatus Augustalia dice- retur . Tum autem ad turbas Romæ comprimen- das idem Augustus dictus est Magister Morum in quinquennium , cum potestate condendi le- ges quas vellet, quæ dicerentur Augustales. Quibus priuilegiis licet dignus Augustus esset, postea tamen idem ius sibi arrogarunt alij indi- gni Imperatores , quo Imperium Romanum pe- nitùs labefactarunt.

Tum administrandis Galliis, quas Germani vexabant præpositus est Agrippa ; quibus com- positis idem transit in Hispaniam ad Canta- bros edomandos, qui serui, dominis suis inter- sectis, redierant domum, indidemque Romanos, eorumque subditos adorabantur . Contra eos progressus Agrippa multos è suis perdidit ; in- uiti enim contra desperatos , & certos mori pu- gnabant . Tandem multitudine superior, omnes qui arma ferre possent trucidauit, reliquos exar- mauit, atque ex montanis in campos deduxit, vbi omnium patentes injuriis ferociam dedidi- cêre . Neque tamen de iis triumphare voluit, quoniam non suis, sed Augusti auspiciis pugna- uerat , cui vni colligebat gloriam , suis ipse la- boribus, ac virtute contentus.

Augustus Agrippæ reduci Tribunitiam pote- statem in quinquennium concessit , & cum eo Senatum purgauit in quo Lepidus olim Trium- uir ægrè retentus est . Statuerat trecentos tan-
tum

tum seruare , sed ob difficultatem sexcentos tolerauit ; non quod digni omnes , sed quod plerique non omnino indigni videbantur .

Hoc denique anno Virgilius Poëta Brundusij obiit , Augusto percharus , cuius ossa Neapolim delata , nobilem illam de se urbem etiam cohonestarunt .

Virgilius moritur .

OLYMP. CXC. *Mundi Urb. Cond.*

ann. 3. 4036. 736.

Consulibus P. Cornelio Lentulo Marcellino , & Cn. Cornelio Lentulo Herodes Romam misit filios duos ex Mariamne susceptos Alexandrum , & Aristobulum , vt apud Cæsarem erudirentur cuius domus tum erat sapientiæ , ac virtutis officina . Excepti sunt summâ humanitate ab Augusto propter parentem , cui & potestatem fecit quem vellet ex filiis Regem eligendi , vt sic haberet obsequentiores , spe propositâ tantâ hereditatis .

Herodes Rom filios mittit .

OLYMP. CXC. *Mundi Urb. Cond.*

ann. 4. 4037. 737.

Consules huius anni creati sunt C. Furnius , & C. Iunius Silanus , quando Lucius filius Agrippæ natus est alter ex Iulia . Itaque Augustus ad eius ortum celebrandum festum Honoris & Virtutis ad quartum Kal. Iunia traustulit , in eius diem natalem . Tum quoque ludi sæculares Romæ celebrati sunt ingenti apparatu , non quod sic temporis , sed Augusti voluntas exigeret , audâ firmataque familiâ suâ , vix sese capientis .

Lucius nascitur ex Iulia .

OLYMP. CXCI. *Mundi Urb. Cond.*

ann. 1. 4038. 738.

Consulibus L. Domitio Ænobarbo , & P. Cornelio Scipione profectus est in Galliam Augustus , specie vt hanc prouinciam ordinaret , reuerâ quia cum Urbis tedium ceperat , vbi parum leges seruabantur , nec nisi multorum pœnâ , vnde odium in Legislatorem & Principem accendebatur . Antequam Urbem relin-

Augustus relinquit Urbem .

queret, templum Quirini dedicauit, in quo septuaginta sex columnæ stabant, eius annorum totidem indices. Vbis curam Statilio Tauro reliquit, quia jam Macænatem minùs amabat, Agrippam rursus mittebat in Syriam; vbi acceptus est ab Herode vti Cæsar alter, ac sibi nominatim amicus. Inde tamen maturè discessit in Ionaiam plus Hyemis tempestates reformidans, quàm oblectatus Iudæorum acclamationibus.

OLYMP. CXCI.

Mundi Urb. Cond.

ann. 2.

4039.

739.

*Herodes
inuist
Agrippā
in Asia.*

Herodes hoc anno inuist Agrippam de gentem Sinope, atque inde Asiam ordinantem, vbi & negotium componebat Scribonij afferentis sibi regnum Ponti traditum ab Augusto. Inde ambo Ephesum terrestri itinere rediere, & in omnibus vrbibus Ioniz Agrippa multa Iudæis concessit in gratiam sui Herodis, inter cætera remisit eis quartam vectigalium partem, pari gaudio Herodis, atque Iudæorum utilitate.

*Querela
Gallorum
in Liciniū*

Consulibus M. Liuius Druso, & L. Calpurnio Pisone Galliz sunt ab Augusto compositz cum ab eo Germani pacem impetrassent. Sed turbatus est idem Augustus Gallorum querelis, & expostulationibus aduersus Licinium à quo fuerant expilati. Hic cum sibi videret iratum Augustum, deduxit eum in domum suam, indicauitque sepositos Gallorum thesauros, eique re seruatos. Quo aspectu refrixit ira Cæsar, & passus est furem, qui non sibi sed Principi suo iuratus est, vt maiorem criminis partem in se deriuaret.

*Augusti
iniustitia.*

*Augusti
beneficia.*

Hoc anno Augustus aliquot Colonias in Galliam, Hispaniamque deduxit: Cyzicenis restituit libertatem, neque diuturniorem esse voluit eorum seruitutem, quam paucorum scelere perdiderant. Paphiis terræ motu afflictis pecunias suffecit, eorumque urbem de suo nomine

voca-

vocari passus est, quia id enixius, quàm pecunias flagitabant.

Obiit hoc anno Vedius Pollio Eques Romanus ditissimus, libertini generis, qui Murænas in piscina humanâ carne pascebat. Is cum aliquando excepisset Augustum conuiuio, & in eo seruulum ob vas CrySTALLINUM fractum addixisset crudelissimæ neci, & huic Cæsar ægrè veniam ab eo impetraret, omnia eiusdem generis vasa iussit illico confringi, vt humanitatem, atque submissionem hac iacturâ disceret, grauius vtique castigandus, si in seueriorem principem incidisset.

*Augusti
æquitat.*

Tum domiti sunt à Druso atque Tiberio Rhæti Alpibus Tridentinis affixi, nec eos montes sui, locaque naturâ permunita tutati sunt.

*Rhæti
domiti.*

Auxit quoque gaudium Drusi patris natus Germanicus, ex quo natus postea Caligula, adoptatus ipse iussu Augusti à Tiberio, eidem tamen exosus propter dissimilitudinem morum, magno vtique damno Romanorum.

*Nascitur
Germanicus.*

Nata quoque Beatissima Maria Virgo ex sanctis Ioachimo & Anna, patre vetulo, & Anna sterili, vt ad summum miraculum, natum scilicet hominem Deum, via per miracula fieret.

*Nascitur
B. Virgo.*

OLYMP. CXCI. *Mundi* Urb. Cond.

ann. 3, 4040. 740.

Huius anni Consules fuere Cn. Lentulus, & M. Licinius Crassus; Lentulus ille cognomento Augur diuitiarum maximum exemplum fuit, antequam cum libertini pauperem facerent, vt qui quater millies Sestertium sibi videret esse. Sed semper indiguit opibus homo avarissimus, dignusque qui postea ad mortem à Tiberio compelleretur.

*Lentulus
quàm di
ues.*

Tum etiam contigit magnum incendium Romæ, quo Æmilij Pauli Porticus tota deflavit, & mali labes ad Vestræ templum vsque perua-

*Incendium
Romæ.*

peruasit, sacris per Vestales in domum Flaminis Dialis exportatis. Sed hæc postea Porticus ab Augusto, & amicis Pauli refecta est magnificè, & visa est ex hoc igne prodire splendidior.

Agrippæ modestia. Decretus quoque tum Agrippæ triumphus ob res in Ponto gestas, quem tamen ille repudiavit, atque exemplo suo ceteris Imperatorum lagatis ad modestiam præluxit.

CAPVT V.

DECAS QVINTA.

Ab anno 4040 ad 4050.

OLYMP.CXCI. *Mundi Urb. Cond.*
ann. 4. 4041. 741.

*Militiam
Augustus
ordinat.*

Consulibus Tiberio Claudio Nerone, & P. Quintilio Varo Augustus rediit Romam noctu, ac sine pompâ, neque passus est Populum sibi obuiam progredi. Tum etiam militiam ordinavit, & stipendiorum definiuit tempus, Prætorianorum quidem annis duodecim, reliquorum sexdecim, quibus euolutis, non agros, sed pecuniæ certam summam reciperent; postea tamen id immutatum est anno v. c. 758. & deinceps, Romanis militibus non semper satis obsequentibus Imperatori.

*Dedicata
Theatra
Rom.*

Eodem anno Theatra Balbi, & Marcelli dedicata: in hoc Troiam C. puer octennis lusit, variaque sunt edita spectacula. Cum autem tum Lepidus summus Pontifex obiisset, eius locum Augustus assumpsit, ut duplici nomine sacer esset. Hoc insignis honore, fatidicos libros combussit, Sibyllinos repurgauit, ita permittente Deo, ut iis deinceps castigatioribus vterentur Christiani, neque Ethnici eorum versibus conuicti, tergiuersarentur.

*Augustus
summus
Pontifex.*

Rediit tum ex Syriâ Agrippa, quando & ab
 Augu.

Augusto Tribunitiâ potestate in aliud quinquennium auctus est; missus insuper in Pannoniam cum summâ potestate, ut bellum hic graue suis armis compesceret. Sed huic alius hostis parabatur à Deo, cuius impetum non declinaret, & qui omnes eius honores elideret.

OLYMP.CXCII. *Mundi* Vrb.Cond.

ann.1.

4042.

742.

Beata Virgo in templo trimula à parentibus oblata est Deo, iuxta Genitricis suæ votum, ipsique inditum nomen, quod gratiam habendam esse Deo de tanto munere testaretur. Nutrita est porro donec Iosepho traderetur, in sacris ædibus, seu exedris cum aliis virginibus numini consecratis, quas quidam inter sanctos Patres improprie τὰ ἀγία τῶν ἄγλων appellant, magis ad loci huius inquilinam, quam ad locum attendentes. Reliqua quæ de B. Virgine hic degente dicuntur, neque sunt huius operis, neque ab eruditis satis certa esse iudicantur.

Præsentatio B.V.

Consules huius anni creati sunt M. Valerius Messala Barbarus, & P. Sulpitius Quirinus, seu Quirinius, quando Messala nomine totius Senatus Augustum Patrem patriæ nominauit, cui lacrymans optauit ut perpetuò ea appellatione dignus esset, neque vnquam eam factis refelleret; quæ lacrimæ atque responsio eum hoc nomine dignissimum probauerunt.

Augustus pater patriæ dicitur.

Venit & tum Romam Herodes ab Augusto humanissimè habitus, à quo & liberos in regnum reducendos accepit, omnibus dotibus animi, ac corporis illustres, quæ apud suspiciosum senem, & calumniatoribus aures præbere assuetum, eis vehementer nocuere.

Herodës reducit filios suos.

Agrippa, solo aduentu suo Pannoniis exteritis, & rebellionem deponentibus, reuersus in Campaniam æger decubuit: ad eum statim aduolauit Augustus, sed mortuum reperit. Redu-

Moritur Agrippa.

Part. III. Tomi I.

P

Æum

*Nascitur
ex Julia
Agrippa.*

Cum igitur in Urbem ipsa oratione funebri laudauit, in suo sepulchro condidit, ac eius nomine viritum populo pecuniam dedit. Ei mortuo enixa est Julia postumum Agrippam, solo nomine Patri geminum, moribus dissimillimum. Porro Agrippa hoc mortuo Augustus meliorem habere generum non potuit, immò non exoptare.

*Julia da
tur vxor
Tiberio.*

Cum nihilominus altero genere indigeret, in Tiberium coniecit oculos, cui despondit Iuliam, rejectâ priore, quam ei ipse dederat Augustus, Agrippæ ex priore matrimonio filiâ, & quæ jam dederat filiam. Tum eum immisit in Pannonios auditâ morte Agrippæ rebellantes, quos ope Scordischorum domuit, ac vendidit armis spoliatos, ut libertatis obliuiscerentur.

*Drusi ex-
pediti o in
Germanos*

Drusus quoque eodem tempore cum Sicambri, & Chaucis bellum fortiter gessit, ostenditque Gallis, quandiu ipse trans Rhenum ageret, nihil esse ipsis à Germanis reformidandum.

*Augustus
iterum ma-
gister mo-
rum.*

Denique in aliud quinquennium Augustus Magister Morum renunciatus est; quando edixit ut Senatores priusquam Curiam subirent Diis Thus adolerent, & tanquam adoraturi Senatum ingrederentur. Cum autem Asia terræ motu vehementer afflicta fuisset, ex suis ipse pecuniis tributum à miseris pensitari solitum, ærario pensitauit; ne cum Reipublicæ detrimento ipse misericors fuisse videretur.

OLYMP. CXCII. *Mundi Urb Cond.*
ann. 2. 4043. 743.

*Herodes
filijs das
vxores.*

Herodes hoc anno dedit filiis suis vxores, Alexandro Glaphyram Archelæ Cappadociæ filiam, Aristobulæ Berenicem filiam Salomes, quæ matris quàm mariti amantior, multas in Herodis familiam turbas, & clades inuexit.

*Drusi in
Germania
res gesta.*

Hic annus qui Consules habuit Fabium Maximum, & Q. Ælium Tiberonem, Prætorem quoque Urbanum vidit fratrem Tiberij Drusum,

sum, qui mox in Germaniam rediit, ubi licet rem bene contra Vespetas gessisset, & ad Vifurgim vsque fluvium duxisset exercitum, summum tamen periculum adiit in loco concauo, & angusto ab hoste conclusus, vnde eum dumtaxat hostium temeritas, & Romanorum contemptus eripuerunt. His compressis, vt diuturnius eis jugum imponeret, castellum ad Alifonis, & Luppia confluentias communiuit, & aliud in Chattis ad Rhenum fluvium, quibus assidue vexarentur. Quis autem fuerit earum gentium in bellis furor, inde patet, quod mulieres castra propugnantes deficientibus telis in Romanorum ora prius collisos humi liberos projicerent, in singulis filiorum necibus bis parricidæ.

*Germania
earum mulierum fu-
ror.*

Tiberius quoque Dalmatas, & Pannonios, simul vtrisque, illato bello, perdomuit, ac redegit in suam potestatem, quare tum huic quam fratri Druso honores triumphales decreti: Imperatoris autem nomen vtrique a milite datum Augustus improbauit, vt rebus gestis maius, & amplius.

*Tiberius
viciis Dal-
matas, &
Pannonios.*

Eodem quoque tempore L. Piso, qui tum Pamphiliæ præerat, in Thraces, eorumque ducem Vologæsum natione Bessum primò parum feliciter pugnavit, mox fortunatius, addè vt eum expugnaret; sic Asiæ securitatem, Macedoniæ pacem, Thracibus quietem attulit, idè magnis auctus honoribus, & amplioribus dignior.

*L. Pisonis
res gesta.*

OLYMP. CXCII. Mundi Vrb. Cond.

ann. 3.

4044.

744.

Absolutis hoc anno ab Herode Cæsareâ, & Sebeste, renouauit quoque oppidum Capharsalama, dixitque de Patris nomine Antipatrida, vt castrum Cypron in gratiam matris, & alia eiusmodi opera, quæ à Iosepho, non sine ætatis suspitione, commemorantur. Verùm eius domus intestinis est turbata motibus, per Salomen & Pheroram qui veriti ne Herodis ex

*Herodis
opera.*

*Herodis
turbata
domus.*

Mariamne filij maternæ necis ultores existerent, ab iis incautis, & imprudentibus exprimebant voces in Mariamnes interfectores, quibus Herodes ipse inuolui videbatur. Quæ cum ad patrem malitiosè relata essent, ipse ut filiorum retunderet animos, Antipatrum quasi designatum successorem Romam misit, & impensius commendauit Augusto: quo facto dum familiæ suæ vult odium restinguere, magis inflammauit.

Ara Lug-
dunenſis
Augusto
reſta.

Consules huius anni fuere Iulius Antonius Africanus, filius M. Antonij Triumviri, & pater Lucij Antonij, qui postea ob adulterium Iuliæ cæsus est. Iulio datus est collega Q Fabius Maximus; quo anno statuta Augusto à 40. Galliæ populis Ara Lugdunenſis: natus Claudius, Imperator quartus ab Augusto: mortua denique Octauia soror Augusti anno ætatis 54. ab eodem Augusto funebri oratione laudata. Sicque latis tristitia permixta sunt.

Templum
Iani clau-
sum.

Iani quoque templum tum clausum est, sed subinde reſeratum Dacis in Pannonias per Istrum frigore concretum transgressis, & propter Dalmatas, ob exactum acerbis tributum, rebellantes: hos compressit Tiberius, sicut tumultuantes Germanos Drusus, quorum oculi satis erant ad populos istos retundendos, quos crebræ eorum Ducum victoriæ exuisse ferociâ videbantur.

OLYMP.CXCII. *Mundi* Vrb.Cond.

ann.4.

4045.

745.

Moritur
Drusus

Insignis est hic annus Claudij Drusi Neronis morte ac Consulatu, cui datus est collega L. Quintius Crispinus. Drusus autem bellum contra Chattos & Cherscos feliciter gerens, hostem frequenter cæsum in intimas penitus solitudines egit, nec persequi destitit, donec species mulieris Barbaræ, humana major, cum vterius tendere prohibuit, Latio vsa sermone, quod eius operum, ac vitæ terminus instaret.

Itaque

Itaque dum redit antequam perueniret ad Rhenum, mortuus est intra 30. dies, anno ætatis item trigesimo, seu morbo, seu ex fracturâ, equo supra crus eius collapsio. Accurrit ad eum ex vicino Tiberius, sed eum efflantem animam reperit, eiusque corpus retulit Romam, ibidemque laudauit, sicuti & Augustus ipse fecit. Magnificentissimè sepultus est in Augusti sepulcro, inditumque eius familiæ Germanici nomen. Fuit autem Augusto acceptissimus, cuius & filius jactabatur, ob nimiam eius cum Liua consuetudinem, certè se dignum præclarè factis præbuerat, qui Augusto, quasi filius, hæresque succederet.

OLYMP. CXCI. *Mundi* Urb. Cond.

ann. 1.

4046.

746.

Herodes hoc anno filios suos accusaturus in Italiam venit ad Augustum, eumque Aquileiæ reperit. Sed statim agnouit sagacissimus Cæsar calumniam, & innocentiam filiorum, quos probè nouerat, utpote apud se educatos, idque ex eorum lacrymis, & oratione detexit. Itaque litem hanc sapienter diremit, filiis ad patris pedes iussis accedere, quod non ita se gessissent, ut patri suspicionem omnem tollerent, Herode etiam molliter increpito, quod id temerè de bonis liberis suspicatus esset. Tum inter se muneribus Augustus, Herodesque certarunt; hic Hierosolymam redit, ubi in concione dum suos nominat hæredes, sopitam inuidiæ flammam imprudentissimè accendit, quæ tres eius filios perdidit.

Augustus placat Herodem suis filiis.

Consulibus C. Marcio Censorino, & C. Asinio Gallo, mensi Sextili inditum est Augusti nomen, quod ipse probauit, quia hoc primùm mense ipse factus esset Consul, multasque victorias retulisset. Neque enim deerant aliqui, qui id nominis tribuere vellēt Septembri, quod hoc mense natus esset. Tum quoque ab Augusto correctum est Kalendarium, culpâ Pontificum

Sextilis mensis dictus Augustus.

*Emendatur
ab Augusto
Kalenda-
rium.*

deprauatum, ac duodecim anni sine Bissextili mense abire iussi sunt; quia intra triginta sex annos dies duodecim pro nouem intercalabant, quoniam interferebant diem quadriennio inchoante, non autem absoluto. Simulauit quoque tum Cæsar deponere principatum, certè exacto decennio, in nouum decennium eum suscepit, quem nonnisi cum victâ positurus erat.

*Lustrum
Romæ.*

Tum etiam idem condidit lustrum quo censa sunt ciuium Romanorum capita quadragiescentum & ducenta triginta millia.

*Tiberius
Rhenum
transit.*

Hoc item anno Tiberius trajecto Rheno Barbaros ita terruit, vt ad eum omnes præter Chattuarios mitterent legatos de pace; quam non impetrarunt tamen, quia ad tempus tantum & vt repararent vires, eam flagitare videbantur.

*Mæcenat
obit.*

Obit etiam hoc anno Mæcenat litteratorum præsidium & decus, cuius etiam nomen ad eos transit, qui viros eruditos amant, ac fouent. Fuit is in primis charus Augusto, eiusque fortis admonitor, quem etiam scripsit heredem, vir ab ambitione alienus, vt pote qui in Equestri ordine consenuerit, sed sibi corporique suo paululum indulgentior.

*Moritur
Horatius.*

Neque diu suo Mæcenati superuixit Horatius Flaccus Poëta Lyricus: obiit enim non ætatis anno 60. vt aliqui, non 50. vt alij, sed 57. hisque Consulibus. Vir ingenio melior, quàm vitâ, cuius tumultu inscribi potuit, eo non repugnante, *Epicuri de grege Porcus*, & qui omnia pingua, quamdiu vixit, præter ingenium adamauit.

OLYMP. CXCIII. *Mundi Urb. Cond.*

ann. 2.

4047.

747.

*Dauidis
sepulchrū
refectū ab
Herode.*

Pertinet ad hunc quod scribit Iosephus de Dauidis sepulchro ab Herode refectū, spe pecuniæ, apertisque conditoriis Dauidis & Salomonis, quando Regis huius cupiditas flammâ exaditis.

aditis prædeunte, & duobus eius satellitibus suffocatis repressa est; quare idem Rex in aditu sepulchri monumentum posuit; quod nonnulli commentum Antiquarii huius Iudæi meritò suspicantur.

Iterum concitatae sunt in Herodis domo turbae per Antipatrum, qui fratres suos apud patrem suspicionibus obnoxium, criminatus est, unde eos, eorumque uxores Rex senex auertatus est: quod dum illi molesti us ferunt, & verba effutiunt domi non concocta satis, ea delata ad patrem & amplificata, hunc propè ad insaniam usque exacerbarunt. Quare Alexandrum dedit in vincula, quæ tamen industriâ suâ, & sapientiâ fregit foger Archelaüs, qui & totam Herodis reconciliaffet domum nisi fuisset sedes malitiæ, & iniquitatis.

Novæ turbae in domo Herodis.

Consulatum hoc anno gessit Tiberius Claudius Nero secundum, cum collegâ Cn. Calpurnio Pisone, quo idem Tiberius veteri more de Germanistriumphavit, deditque epulum Senatui in Capitolio, Liuvia mater seorsim Matronis. Mox tamen novis coortis motibus in Germaniam rediit. Augustus Romæ in memoriam Agrippæ edidit Gladiatorum munus, in quo pullati omnes spectatores, præter vnum Augustum, crudelem oculis voluptatem hauserunt.

Tiberius de Germanis triumphat.

OLYMP. CXCIII. Mundi Urb. Cond.

ann. 3.

4048.

748.

Herodes hoc quoque anno Romam venit, sed quid gesturus incompertum tacente Iosepho à quo tantum de rebus illis gestis possumus edoceri. In Iudæam cum redisset à latrunculis vexatus est, receptatore Syllæo. Injuriam detulit ad Saturninum & Voluminium præsides ab Augusto missos, & simul sexaginta talenta mutuo Arabiæ Regi data. Præsides ab Herode pronunciarunt, quorum sententiæ acquiescere Syllæus noluit. Ergo permittentibus præsidiis cum exercitu in Arabiam Herodes irrupit, castellum

Augustus iratus Herodi.

latronum cepit, eorumq; ducem interemit. Quæ cum Augusto renunciata essent, immò amplificata per Syllæum, excanduit Augustus, quod Herodes extra regnum suum duxisset exercitum: verum Imperatoris ira vltra minaces, & acerbæ litteras non processit.

*Caius & Lucius in-
fulescunt.*

*Tiberius
Rhodum
secedit.*

Consulibus D. Laëbio Balbo, & C. Anistio Vetere, Augustus vt Caij, & Lucij Cæsarum audaciam reprimeret, qui in nobili fortunâ educati majores animos sumebant, petitis etiam ante tempus Consulatus, Tiberio in quinquennium Tribunitiam potestatem concessit, simul & Armeniam deficientem mandauit: Quod eorum iram in Tiberium accendit. Hanc ille naturâ sagax subodoratus, secessit Rhodum quasi disciplinæ causa, reuerâ vt se eorum oculis, & manibus subduceret, quos norat omnia impunè posse. Stimulos etiam addidit Julia libidinosa mulier, cuius jam improbos, scdofque mores, neque ferre poterat, neque diffimulare.

OLYMP. CXCHII. *Mundi* Urb Cond.

ANN. 4.

4049.

749.

*Herodem
vexant
Arabes.*

*Magis
turbatur
domus
Herodis.*

*Caius 10-
g^{us} virilē
sumit.*

Herodem vexabant Arabes, nec ille Augusti metu audebat repugnare. Eius enim legati Romam missi, primum repulsi, deinde re infectâ redierant sine honore dimissi. Eius quoque domus magis turbabatur in dies opera Euryclis Lacedæmonij qui se in filiorum gratiam insinuans omnem Herodis domum perdere statuerat. Dantur itaq; in vincula Alexander, & Aristobulus, quasi patri tetendissent insidias. Hi cum facti essent se tantum ad Archelaum meditato fugam, quâ se ab iis tumultibus expedirent, Herodes & filios & Archelaum apud Cæsarem accusare decernit per Nicolaum Damascenum, quem legatum mittebat Romam, virum non eloquentem modo, sed & prudentem, cuius operâ Herodes Augusto reconciliatus est.

Augustus Consulatum duodecimum cum

L. Cor-

L. Cornelio Sylla gessit, ut Caium Cæsarem annos sexdecim natum maiori pompâ in forum deduceret, eique virilem togam daret quod 17. Martij seu 16. Kal. Aprilis præstitit. Mox Tiberius secessit Rhodum. Cum autem auditâ Augusti aduersâ valetudine nonnihil in orâ Campaniæ substitisset, veritus Cæsares, quasi nuncios expectaret de morte Augusti, ut arriperet imperium, etiam aduersâ tempestate soluit, & appulit in insulam, cuius amœnitate captus erat, & cui debere volebat suam incolumitatem.

OLYMP. CXCIV. *Mundi* Vrb. Cond.

ann. 1.

4050.

750.

Herodi hoc anno omnino reconciliatus est Augusti. operâ Nicolai Damasceni, qui primo aspectu non est professus Herodis defensionem, ne rejiceretur, sed accusationem Syllæ, quam ita adornauit, ita conuicit hominem, aliunde nequam, ut is à Cæsare capitis damnaretur. Insinuauit tamen idem Nicolaus quomodo Herodem homo perfidus circumuennisset; quibus permotus Augustus illum recepit in gratiam, factâ insuper ei potestate in filios animaduertendi. Cogit Herodes concilium Beryti, sed omittit Archelaum, qui iudex apponebatur à Cæsare cum cæteris Herodis amicis. Itaque Herodes simulagens accusatorem & iudicem, alios assessores impulit ad iniustissimam sententiam, quâ damnati sunt capitis iuvenes ob friuolas conjecturas. Tum iidem Tyrum translati, inde Sebastem, ubi Herodis iussa strangulati sunt, & in Alexandrio sepulti, matris Mariamnes innocentis, & calamitatis hæredes infortunati.

Herodi reconciliatur Augustus.

Herodes filios suos addicere neci.

Hoc anno, qui Consules vidit C. Caluissium secundum, & L. Passienum Rulum, seu Ruffinum, Tiberius modestè & humaniter degebat Rhodi, modicis ædibus inhabitans, & nihil à priuato dissimilis, gymnasia frequentabat, mu-

Tiberius Rhodi modeste viuit.

tua cum Græculis ex æquo vsurpans officia, sapienterque se demittens, vt altius assurgeret.

CAPVT VI.

DE CAS SEXTA.

Ab anno 4050. ad 4053.
scilicet Christum natum.

OLYMP. CXCIV. Mundi Vrb. Cond.
ann. 3. 4051. 751.

*Antipater
in patrem
conspirat.*

Romæ Consulibus Cneo, vel Lucio Cornelio Lentulo, & M. Valerio Messalino, Antipater iam hæreditatis securus, filiis Mariamnes exterminatis, rapere, quam expectare maluit regnum Iudæorum: Ac primum deuincire conatus est sibi Saturninum tum Præsidem Syriæ, & Salodem sororem Herodis, & vtrumque magnis muneribus perfecit. Cumque videret Herodem bene affectum in filios demortuorum Alexandri, & Aristobuli, eum perdere decreuit, ne eius in se beneuolentia infida esset, & inconstans. Quod vt facilius præstaret, effecit apud amicos patris, vt Romam euocaretur ab Augusto. Eò itaque missus est à patre cum regio comitatu, & magnis muneribus, quæ posse omnia apud Romanos jampridem Rex ingeniosus agnouerat. Misit cum eo quoque testamentum suum Romam, quo Rex Antipater scribebatur, aut is si prior fato fungeretur, Herodis filius ex Mariamne Simonis Pontificis filiâ. Sic senex incautus viperam fovebat in sinu, quæ de eius tantum morte cogitabat.

OLYMP CXCIV. Mundi Vrb. Cond.
ann. 3. 4051. 752.

*Venenum
patri pa-
vas Anti-
patris.*

Frater Herodis Pheroras hoc anno sublatus est veneno, quod ei per Doridem Antipatri matrem mixtum erat, filio suo moribus, & impor-

tuni.

tunitate geminam atque similem. Neque hoc veneno contentus Antipater, etiam aliud offerri curavit patri suo per procuratorem suum. Ferunt & Mariannem posteriorem Herodis uxorem, huius veneni consciam fuisse, atque participem, ideoque filium eius ex testamento patris obliteratum esse, ac patrem Simonem Pontificatu exautoratum, substituto huic Matthiæ Theophili filio. Hæc per libertos Pheroræ detecta sunt, cum jam Antipater aliud venenum potentius ad patrem necandum per Bathyllum libertum misisset. Quo tempore & duos alios filios Herodis educatos Romæ, apud patrem calumniis perdere nitebatur, quibus omnibus & præsens, & præterita Antipatri nequitia detecta est. Pater igitur quamquam eum capitaliter oderat, fingebat amare tamen, & malevolentiam suam callidè dissimulabat, donec eum haberet in potestate, & securam videtet paratam in sceleratissimum caput ultionem.

*Antipatri
detecta
malitia.*

Augustus hoc anno decimum tertium Consulatum iniit, cum M. Plautio Sylvano, cui suffectus est C. Caninius Gallus. Hunc autem magistratum in hunc annum sibi seposuerat Cæsar, ut Lucium nepotem in Forum, ad Virilem togam deduceret, quam celebritatem multis ludis, atque spectaculis celebravit. His omnibus præcelluit Naumachia, aqua in circum Flaminium inducâ, in qua triginta sex Crocodili concisi, plurimæ triremes, ac triginta rostratæ naues depugnarunt, spectaculo tam crudeli, quàm inusitato.

Lucius sumit virilem togam.

Inter has voluptates facta tempestas Augusti domum concussit. Filia enim eius Iuliæ, absente Tiberio, libidines, eruperunt, quibus involuti aliquot viri nobiles, capite luerunt, inter quos L. Antonij filius, Triumviri nepos. Id adeò pupugit Augustum, ut præ pudore diu publico caruerit, & de ea necandâ consultarit. Certè hanc relegavit in insulam desertam, ei vino, ac delicatiori omni cultu interdixit, ve-

Iulia libidines erumpunt.

tuitque ad eam vllum liberum , aut seruum , se inconsulto accedere . Eadem quoque à marito Tiberio , Augusti autoritate , repudiata est . Itaque nobilissima mulier , Imperatoris filia , Cæsarium mater , eò dejecta est , vt non aliter , quàm carcinoma domus suæ ab Augusto patre vocaretur .

*Caius in
Orientem
mittitur.*

Non ita multò post missus est in Orientem Caius Cæsar , ad res Armeniæ componendas , quam Parthus inuaserat . Iuueni rector adiunctus est M. Lollius , comesque additus Sulpitius Quirinius , aliter Cyrinus , qui breui ex honorario socio , Lollio demortuo , factus est Caij moderator , ex prouisione , vti creditur , Augusti . Tum Caius Rhodum ad vitricum suum accessit , eique submisit se se , vt Paterculus scribit . Alij contra narrant Tiberium ad Caium venisse in insulam Samum , eumque à se alienatum expertum esse , ex criminationibus M. Lollij . Vt se res habuerit , peruenit tandem in Syriam Caius , vbi Iudæorum templum adire neglexit , quod plurimum probauit Augustus . Vbi autem Phraates nobilem adolescentem , & in quo vivere videbatur Augustus , sibi viciniorē sensit , veritus turbas in regno suo , dum alienum inuadit , Armeniā cessit ; sicque inter Romanos & Parthos , non telis & cæde , sed poculis , conuiujsque certatum est .

*Ioannis
Baptistæ
Natiuitas
denunciatur.*

Hoc quoque anno Ioannes Christi Prodro-mus denunciatus est ab Archangelo Gabriele Zachariæ , non Summo Pontifici (vt quidam magni viri putauerunt) sed Sacerdoti de vice Abiæ , cui ex sorte obtigerat incensum offerre . Huic nuncio cum fidem non adhibuisset senex , vsum linguæ perdidit , quæ non nisi filio nato recepit . Concepit autem Elizabeth , 24. Septembris Ioannem , virum magnum , etiam ore Dei cæteris hominibus antiquæ legis antepositum , & vtriusque Testamenti Veteris , ac Noui horizontem .

Sub

Sub anni quoque huius finem Beata Virgo S. Iosepho à Sacerdotibus desponsata est, qui paulò post cum eadem verum ratumque matrimonium contraxit, *non permixto sexu, sed custodito mentis affectu.* Itaque Iosephus Virginis verè maritus fuit, quamquam ea priùs virginitatem vouisset Deo. Quod cum negant aliqui SS. Patres, solam carnis commixtionem excludunt. Iosephus autem erat de Tribu Iuda, virgo, & ætatis commodæ, ad multos labores Christi causâ, ejusque matris, obrundos. Qui autem octogenerium, & viduum eum fuisse putant, loquuntur quidem cum plurimis SS. Patribus; sed eorum jam est explosa sententia; & in hoc negotio, cum paucis emundæ naris, quàm cum multis, minus accuratis, sentire licet.

OLYMP. CXCIV. *Mundi Urb. Cond.*

ann. 4.

4053.

753.

Antipater in Iudæam aduocatus à parente, quasi ad regnum reuolat, venitque Hierosolymam, cum in hac urbe jam esset Quintilius Varus, Saturnino in Syriam successor missus. Sedebat is cum Herode quando superuenit Antipater, qui patrem exoculari conatus, reiectus est cum furore, audiitque fremens se parricidij reum, & Varum sui criminis insequentem diem quæsitorem. Postridie ergo parati veneni factum est periculum, excussa que capita omnia accusationis, quibus ipse conuictus in carcerem detrusus est, summaque iudicii Cæsari significata est. Ob tantam filii improbitatem, totque sceleribus cumulatam pater septuagenarius in morbum incidit, neque satis miser intellexit, ferè semper ex malo ouo, malum eorum progenerari.

Hoc anno 8. Kal. Aprilis seu 25. Martij, missus est à Deo Gabriel Archangelus Nazarethum, in domunculam ad B. Virginem, ut ab eâ peteret verum Dei mater esse vellet. Hæc cum prudenter ac demissè respondisset, ac præstitisset assensum,

P 7

in

B.V. Iosepho desponsatur.

Antipater ab Herode iudicatur.

Gabriel ad B.V. missus.

in eius castissimis visceribus, opera Spiritus sancti ex purissimo eius sanguine Deus homo formatus est, rationis compos, omnibus naturæ, ac gratiæ donis exornatus, Angelorum hominumque caput & rector, & cui acceptam referre debent felicitatem, quotquot creati ævo sempiterno perfruentur.

*B. Virgo
visitat E
lizabeth.*

Non ita multò post eadem Virgo ad cognatam Elizabetham, in montana Iudææ festina perrexit, quam ubi salutavit, qui latebat in visceribus eius infans exsiliit, dominique sui præsentiam testatus, & eius antecessor, ac Prophetes, etiam vaticinij spiritum inspiravit matri. Mansit autem hic Maria tribus ferè mensibus, & in ipso partu, qui 24. Iunij contigit, ei nequaquam defuit, cujus gratiâ tam longum iter suscepit. Eâ demum purgatâ, & valetudini restitutâ in domum suam Virgo ad Iosephum rediit, à quo facultatem peregrinationis & moræ, plena demissionis vxor obtinuerat.

*S. Iosephi
et B. V.
pregnantie
anxietas.*

Verùm ad eum magnam doloris, & perturbationis causam retulit; vidit enim vxorem suam vterum ferre, conscius ipse suæ continentie. Itaque ne eam repudiare, & iudicibus castigandam offerre cogeretur, quam aliunde castissimam noverat, delerere cogitat. Sed id ne faciat in somnis deterretur ab Angelo, & qualis ac quantus infans in vxoris vtero lateat, ediscit. Quare, qui antea Virginem vt sponsam castissimam dilexerat, eam vt parentem Dei sanctissimam, religiosius deinceps veneratus est.

*Descriptio
sub Cyrino*

Consulibus Cossio Cornelio Lentulo, & L. Calpurnio Pisone Palæstina descripta est à Sulpitio Quirino, seu Cyrino, Caij moderatore, & aliqua pecunia omnibus Iudæis in singula capita pronunciata, quâ bello Parthico, saltem in speciem, prouideretur. Hanc descriptionem licet non imperasset Augustus, eius tamen nomine vulgata est. Iactatumque omnibus gentibus Imperio Romano subditi communem esse, ne Iudæi

ad


ad rebellionem proclives, tumultuarentur. Cunctis igitur Iudæis proficiscentibus in vrbes assignatas tribubus suis, Ioseph cum coniuge prægnante Bethlehemum perrexit, frustra quæsitò hospitio (aduenis enim vrbecula refertissima erat) sponsam suam partui vicinam, in speluncam vrbi conjunctam adduxit, in quam animalia, hominesque, noctu muros subire prohibiti, diuertere solebant. In eo loco cæli terræque Regina, sine dolore filium suum atque Deum peperit, vti sine voluptate conceperat, & pannis inuolutum, substrato fœno in præsepio ligneo, lutatoque reposuit. At ne rigeret frigore (erat enim 25. Decembris) fouendum anhelu bouis, & asini subiecit. Dum autem sic abiectus Dei filius lateret inter brutas animantes, Angelorum chorus in aëre eius occinebat laudes, quorum vocibus admoniti Pastores speluncam adierunt, collustratique diuino lumine, coluerunt vt Deum, quem infra mortalium conditionem deuolutum egestas abiecerat. Nos quoque iisdem opilionibus adjuncti, & stupore defixi tantisper hærebimus, & tacente Dei Verbo, ad tomum vsque secundum, religiosum nobis silentium indicemus.

*Venit B.
Virgo Be-
thlehemū.*

*Parit
Christum
in stabulo.*

*Agnosci-
tur a Pa-
storibus.*

F I N I S.



IN-

INDEX

PARTIS TERTIÆ

TOMI PRIMI,

SECV

SEGMENTI SECVNDI PARTIS

secunda Tomi primi.

A		Alexander Balz, 156. 159.	A
BYDENI desperati.		160. 161	
81. 82.		Alexander Rex Epiri.	A
Accius Poëta.	180	6. 7	
Achaicum bellum.	171	Alexander Iannæus, vide	A
Achæi	12. 168	Iannæus.	
Achæus.	37. 38. 39. 52.	Alex. Persidis Satrapa.	A
54.		37. 42	
Acilius Glabrio.	99	Alexander Ptol.	141
Acrocorinthus.	39	Alexander Ptol.	217.
Actiaca victoria.	315	228	
Actiaci anni.	320	Alexander Ptol.	239.
Adherbal.	203. 205	247	A
Ægina.	156	Alexander Zebina.	195
Ælius Largus.	326	196. 197	A
Ælius Potidius.	9	Alexandra vxor Ian-	A
Æra Antiochena.	289.	næi.	257
Hispan.	306	Allobroges.	199. 266
Æs Corinthiacum.	172	Althæa vrbs.	42
Ætoli.	23. 65. 83. 91	Ambiorix.	278. 279
Agathoclia meretrix.	54.	Amilcar.	25. 26
78		Amilcar.	82
Agathocles dux.	44	Amilcar.	87
Agefipolis Rex.	42	Amilcar Barcino.	7. 8.
Agrigentum.	7. 14. 62	21. 28. 29. 34.	
Agrippa.	313. 323. 325.	Ampega statua.	86
327. 332. 336. 337		Anacleteria	127
Agron Rex	33	Ananelus Pontifex.	311
Albinus.	207. 208	Andriſcus.	163. 164
Alcimus Pſeudo ponti-		Annibal Giſconis fil.	10
fex.	147. 151	Annibal Magnus.	21. 42.
Aleria vrbs.	9	44. 45. 46. 47. 51. 60.	
Alexander Ariſtob. fil.		77. 78. 90. 97. 107.	
273. 281		111.	

Anni.

I N D E X.

Annibal Senior .	309. 310. 311. 314.
Anicius.	133 320
Anser Philosophum a- mat.	25
Antigonus Gonatas . 10.	24
Antigonus Tutor. 31. 32.	35. 38. 40
Antigonus Tutoris filius	115
Antigonus frat. Aristob.	213
Antigonus Hyrcani ne- pos.	308
Antiochus Asiaticus .	255
Antiochus Comagenus .	305
Antiochus Cyzicenus ,	205. 206
Antiochus Deus.	6 21
Antiochus Dionysius .	232
Antiochus Epiphanes.	117. 119. 121 127. 130. 131. 138. 141. 142
Antiochus Eusebes	228
Antiochus Grypus.	197
Antiochus Hicrax . 24.	25. 34. 35
Antiochus Magnus . 35.	37. 44. 46. 49. 53. 54. 60 65. 71. 84 86. 93. 96. 98. 99. moritur . 101
Antiochus Soter.	6
Antipater Herodis pater.	299
Antipater Herod fil. 346	347. 349
C. Antonius collega Cíc.	263. 265. 269
L. Antonius.	303
M. Antonius Triumviri pater.	246
M. Antonius Triumv.	294 295. 296. 297. 298. 299. 300. 301. 302. 304.
M. Antonius Orator .	231
Antyllus fil. Antonij Triumviri.	320
Apame filla Antiochi Soteris.	19
Apaturius Gallus .	37
Ptol. Apion.	223
Appia Claudia impta .	22
Appius Claudius Caur- dex.	4
Appius Claudius impius.	19
P. Claud. Appius.	176
Apollonius Hierosol. di- ripit.	130
Apuleius Trib. pleb.	217.
C. Aquilius Florus.	8
M. Aquilius fontes in- ficit veneno in Asia .	192
Aquilius Serv. bellum conficit .	216. Quat.
Aquilius à Mitrid. ca- ptus	231
Aquæ Sextiæ Col.	197
Ara Lugdunensis.	340
Aratus Sicyonius . 17. 18.	23. 35. 36 56
Archagathus Medicus .	44
Archelaus dux Mitrida- tis.	304
Archimedes.	55. 59
Aretas Rex Arabum .	261. 264
Aristobulus Rex.	213
Aristobulus Rex .	275.
Aristobulus Pontifex .	311. 312
Ariarathes . 100. 153.	154

Art.

F. N. D. E. X.

Aristonicus.	190.191	Bestia Consul.	267
Asfaxes.	16.61	Bethſura.	140.145
Artamenes Cappadox.	28	Bibliotheca Alex.	289
Asdrubal.	14.17	Bituitus.	199
Asdrubal Amilcaris ge- ner.	31.41	Bocchus Rex.	209
Asdrubal Barchino.	168.	Bœotri.	88
169		Boij Galli.	38
Asdrubal Caluus.	52	Boodus.	8
53		Brundisium Col.	23
Asdrubal Gisco.	59	Bruti parentant gladi- toribus.	5
Affamonzi.	231	D. Brutus.	298
Aftachus.	7	Iunius Brutus Callæcus.	148
Astures.	325.326.329	M. Brutus.	296
Atcius Trib. pleb.	275	Fab. Butco.	21.22
Athen. adulation.	305		
Athenioſeruus.	214.215.	C œpio Servilianus.	180
216		Q. Cœpio.	209.212
A. Atilius Calatinus.	14	Cæſario.	320
C. Atilius Seranus.	11	Caius Agrippæ fil.	331.
Attalus.	24	344.348	
Attalus.	153	Callinicus.	16.35
Attalus. fil. Eumenis.	183.188.	M. Calpurnius Trib. pleb.	9
Augusta Emerita Col.	325	Camarina.	9
Augusta Prætoria.	324	Cannensis pugna.	50
Augustus. 323. vide O-		Cantabri.	325.326.329
ctavianus.		Carbo.	236
Ptol. Auletes.	260.268.	Carneades.	194
271. 274. moritur.	283	Carthago Noua.	34.63
Aurelius Cotta.	16	Carthaginienſis Col.	198
Aurelius Legatus.	16	321	
		Carthalus Poenus.	14
B		Sp. Caruilius.	33
Bacchanalia vetita.	104	Cassilinum.	53.55
Bacchides dux.	150.	Cassius cæſus à Tiguri- nis.	208
157		Q. Cassius.	280.281.298.
Bagradas Fl.	12	300	
Ba'cares.	198	Catilina.	257.261.265
Bassus.	294	M. Cato Cenſ.	31.86.
Bastarnæ.	118.119	90	
Bessi populi.	251	Cato fil. Cenſ.	160
Terenice. vxor Antiochi Dei.	20.21	Cato Cenſorini nepos.	202.204
		Cato Uticensis.	273.
			283.

F N D E X.

283. 291	Corinthus obsessa frus-
Catullus. 235	tra. 85. euerfa à Mum-
Eutatius Catulus. 25	mito. 172
A. Eutatius Catulus. 213	Corfivicti. 30
215	Coruncanius legatus ex-
Cendebeus. 182	sus. 33
Censura infamis. Ner.	Cossivterque Romæ mo-
& Liuij. 74. grauis.	ritur. 118
120. Crassi & Domitij.	Coss. ineunt Mag. à Kal.
225. Pauli Æmil. 144.	Ian. 158
Scip. Nas. 152. Metel.	Capua deficit à Ro. 50
Maced. 191. Scip. &	obsessa. 58. dedita.
Mummij. 177. Octa. &	60
Agr. 321. vltima priua-	Corui ad naues. distin-
torum. 329	dasi. 8
Cicero. 209. 240. 241.	Cratesiclea. 38. 42
253. 254. 258. 261.	P. Lic. Crassus Pontifi.
264. 271. 280. 203.	190
298	M Crassus. 275. 276. 277.
Cinna. 238	279. 280. eius signa red-
Ciuite bellum Cæs. &	duntur. 330
Pomp. 285	Curio. 284. 287
Clastidium. 40	Cymbri. 206. 208. 216
Claudia Vestal. casta.	Cyprus assignata Catoni.
74	273
Claud. Vest. fortis. 176	Cyrini orbis descriptio.
Cleomenes Rex. 35. 37	350
30. 39. 42	Cyzicenus. 206. 220
Cleopatra Sidetis vxor.	D
178	Dalmaticum bellum.
Cleopatra Grypi mater.	194
199	Damocritus prætor, A.
Cleopatra Lathuri ma-	chæor. 83
ter. 227	Dardani. 43. 66. 83. 87.
Cleopatra Anto. vxor.	118
283. 287. 292. moritur	Decius Magius. 52
320	Delminium vrbs. 155
Clinias Legat. Ro. 29.	Delphicum templum.
30	236
Clodius. 266. 267. 270.	Demetrius Eucærus.
281	225. 231. Gonatz fil.
Clypea. 11. 12. 13	6. 24. 31. Nicator.
Colossus Rhodius. 37	71. 173. filius Philip-
Concordiæ fanum. 200	pi. 109. 113. Side-
Confusionis annus. 291	tes. 178. 192. 196. An-
Congentianus. 199	tiuchi filius. 146.
Corfinium seu Italica.	147. 152 Soteris filius.
226. 227	166

De-

I N D E X.

Demetrius libertus Pompeij .	276	86. 87	Flaminia Via, & Circus .	42
Demetrius Pharius .	34.		C. Flaminius ad Thra-	
	43		menum cæ us .	47
T. Didius .	220		Floralia .	27
Dicearchus Nauarchus .	88		Fregellæ Col. .	196
Dinocrates .	108. 110		Ser. Fulvius Nob. .	13
Dodonæum templ. in-			Fulvius Flaccus Pontif.	126
cenſum .	43		Fulvius Conf. .	60. 62
Dolabella cæditur .	299		Fulvius victus ad Nu-	
Dorymachus Prator .			mantiam .	158
	43		C. Furius Pacilius .	17
Drepanum .	19. 20		G	
Liuius Drusus .	199. 206.		Gabinus .	275. 274.
	226			275. 277
Drusus .	338. 340		Gabriel Angelus .	348.
C. Duillius Nepos .	8			349
E			Galbæ perfidia .	162
E Leazarus Iudæus .			Galli. 24. 28. 29. 32. 34. 36.	
	131		37. 41. 82. 87. 91. 92. 93.	
Ennius .	28. 130		115. 196	
Epigenes .	39		Cornelius Gallus .	324
Ptol. Epiphanes .	63. 78.		Gallo græci .	26. 100.
	112			102
Ptol. Euergetes .	20. 22.		Gelo Fl. .	50
	27		Gentius Rex Hyr. .	129.
Ptol. Euerg. ſen Phyſcon .				133
	170. 193. 202.		Germani .	276. 339
Eryx vrbs .	19. 23		Germanicus naſcitur .	
Eumenes Rex .	4			335
Eumenes Rex .	84. 121.		Gefatæ .	32
	132. 135. 138		Genutius Trib. pl. .	26
Eunus ſeruus .	190		Giſco Amilcar, .	160
Euthydemus Baſtrianus .			Gladiatores .	5
	65. 66. 71		Bellum Gladiatorum .	
F				240. 242. 252
Q. Fabius Max. Ver-			Gorgias dux .	139. 143
ruſcoſus .	31		T. Sempron. Gracchus, .	55. 58
Fabius Max. Atrobrog .			Tib. Gracchus .	103. 116
	174. 199		Tib. Gracchus .	194. 195.
Fab. Max. Cunctator .	47.			200.
	64. 72. 77		Gryphina .	206
Fab. Max. fil. .	57		Grypus .	222
Falici .	26		Guluſſa Maſſin. fil. .	123
Fantia lex ſumpt. .	149			
Fimbria .	233. 234. 235			
T. Quintius Flaminius .				

Han.

I N D E X.

H

H Anno, 5.7.9.11
Hanno victus à Ca-
tulo. 25
Hanno victus à Sempr.
Graccho. 55.58
Heliodorus multatus à
Deo, 106
Templum Heliopol. in
Egypto, 140
Heraclea vrbs Sicil. 7
Heraclides nutritius Ale.
Balæ, 156
Hermis Antiochi M. 39.
40.41.43
Herodes Ascalonita, 292.
301.304.306.307.312.
313.318.321.323.324.
325.326.328.329.331.
333.334.337.338.339.
341.342.343.344.345.
Hierax. 27
Hierosolymæ, 125. 308.
Hiero. 6.20.27.36. 52
Hieronymus Hieronis
successor, 52
Himera vrbs Sicil. 16
Himilco, seu Phameas,
167
Hippana vrbs Sic. 9
Hippo vrbs Africæ. 21
Hispaniæ diuisio, 36.
89
Hispanicum bellum, 161
Hirtius Consul, 296
Horatius nasc. 260. mo-
ritur, 342
Horologium Romæ, 152
quarta Hostilia. 113
Ioan. Hyrcanus, 194.208.
212
Hyrcanus Pontif. 257.
260.298.304.308.309.
cæditur, 318

I

Alex. I Annæus, 214
220.221.222.
223.228.231.237. 242
Iani Gemini templum,
30
Iason pseudo-Pontif. 113
127
Idumæi. 149
Immodici imbres Italiæ.
38
Incendia Romæ. 57.329.
335
Indi Augustum colunt,
331
Insulæ. 38.39. 84.
Intercatia. 262
S. Ioan. Baptistæ natales
348
Ioannes Hyrcanus, 182.
185.186
Ionathas Macchab. 150.
151.159.163.166.173.
174.175.176
Iosephus Herod. frat. cæ-
ditur, 306
S. Iosephus, 349.350
Isauri victi. 248
Isocrates Rhetor. 146
152
Ister Fl. 41
Ithria paccata, 116
Italicum bellum, seu So-
ciale, 226.229
Iudæi Rom. sociantur.
144
Iudas Macchabæus, 137.
Iudicia communicata
Romæ Equit. & Sena-
toribus, 201. transla-
ta ad Equites. 253
Ingurtha. 201. 204.
207. 208. 209. 213.
215
C. Iulius Cæsar, 218.
265. 267. 268. 269.
271

I N D E X.

271. 272. 274. 275. 277.	Roscia. 256. per Satu-
278. 280. 281. 282. 282.	ram. 220
Bellum Civile, 286.	Libertini ad 14. Tribus
287. 288. 289. 290. 291.	renocati. 42. in xxxv.
293. Fit Dictator. 286.	Tribus diuisi. 235
289. 291. 292. 294. cæ-	Libycum bellum à mer-
ditur, 294.	cen. 26. 27. 28
Iulia Aug. filia 330. 388.	Licinius. 334
347	Ligures. 30. 104. 155. In-
Iunius Pera Dictator. 50	gauni. 112. Apuaní.
E. Iunius Pullus impius.	113
19	Lilybæum. 18. 20
Iuuentius Consul. 147	Lipara Ins. 8. 16
K.	Liuius Macatus. 58. 59.
K Al. Ian. Coss. lineunt	65
Mag. 158	Liuius Fabulam docet
Kalendarium emendatū	Romæ. 27
à Iul. Cæs. 289. & ab	Liuius Salinator. 68. 69.
Augusto. 342	74
L.	Lotophagorum Ins. 15
L Acedæmonij. 101	Lucæ conuentus habitus
Lacydes Cyrenæus.	274
25	Lucius Satyr. 168. 215.
Lælius. 173	Lucius fil. Agrippæ. 333
Lælius. 66. 67	344. 347
Laodice vxor Antiochi	Lucullus Celtiberos in-
Dei. 20	nadit. 162
Ptol. Lathurus. 202.	Lucullus Mitridatem ag-
218. 220. 228. 229. mo-	greditur. 248 250. 253.
ritur. 239	254. 255
Legationes ad Ro. de	Lugdunum reparatum à
Philippo. 104. 108	Plancio. 299
Legationes ad Ro. de	Lycortas Achæus. 111
Perseo. 128	Lysias victus à Iudæ. 139.
Leges Augustales. 332	143. 145
Lentulus Consul. 24	Lyfimachus Pontifex.
Lentulus diues. 335	123
Lepidus an Tutor Epi-	M
phanis? 80	L. M Acatus. 58. 59.
M. Emil. Lepidus. 244	65
Lepidus Triumuir. 298	Macchabæi martyres.
310	131
Leptines Octavianum	Macedoniâ diuisa, & di-
cædit. 146	repta. 136
Leucas capta. 87	Machanidas Tyr. 69
Lex Cæcilia Didia. 220.	Magas. Ptol. Phil. frater.
Calpurnia. 256 Lici-	19
nia Mutia. 223	Magica Ro. vetita. 221
	Magi.

I N D E X.

Magistratum sumptus . 120	L. Metellus de Piratris Sicul. victor . 254
Mago, frater Annibalis. 52. 66	Milo . 281. 282. cæditur . 289
Mancinus . 184. 185	Mimucius Equitum Mag. Fabij . 48
Manlius Vulso . 116	Minutius vincit Scordi- scos . 207
L. Manlius ouar . 105	Mitridates Eupator . 224. 229. 230. 231. 238 241. 247. 249. 251. 260. mo- ritur . 262
M. Marcellus opima spo- lia refert. 40. Victoriæ. 53. 54. 55. 62. 64. 66. cæ- ditur . 67	Modius Anulorum in Cannensi pugna . 32
M. Marcellus in Boios . 89. in Gallos . 110	Molo-Mediæ Satrapa . 37. 40. 41. moritur . 42
M. Marcellus in Hisp. 159. 161. Obiit 161	Mummius . 172. 174. præ- lium ad Mundam . 193
M. Marcellus Cons. 284	Mutina . 239
Marcellus charus Au- gusto . 326. 327	Anton. Musa Medicus Aug. . 327
Q. Marcius . 103	Muscum Athen. . 12
Marcius Saltus . 103	Mytistratum vrbs Sici- liæ . 9
Mariamne . 321	N
C. Marius Trib. pleb. 201. alia 203. 208. 209. 213. 217. 218. 230. moritur ex crapulâ . 233	Nabis Tyran. 69. 86. 89. 94
Marsicum bellum . 226	Næuius Poëta . 30. 77
L. Martius . 59 60	Narbonensis prouincia . 199
Q. Martius Philippus . 229	Narbo Col. . 202
Massilia capta . 289	Naufragium Rom. 13. 15. 19
Massinissa . 57. 65. 72. 77. 113. 164. moritur . 167	Claudius Nero . 60. 68. 69. 74
Massius nepos Massinissæ. 65	Nesatis vrbs . 117
Mater Deorum Romæ . 71. 74	Nicanor Ceraunum cæ- dit . 37
Matho Consul . 31	Nicanor Dux 138. 139. 149
Mecænas . 342	Nicomedes . 7
Menelaüs pseudo Pon- tif. 123. 127	Alter . 227. Alius 246
L. Cæcilius Metellus . 17	Nicomedia . 7
Metellus Pont. Max. cæ- cus . 26	Numæ libri cremati . 112
Metellus Pompeiû odit . 177	Numantia . 86. 179. 180. 181. 183. 184. 185. 189. 190
Metellus Creticus . 255 258	
Metellus Numidicus . . 209. 216. 217.	

I N D E X.

- O** Ctauia. 310
 Oſtavianus Cæſar. 264. 295. 297. 302. 303. 310. 311. 320. 321. 322. 324. 326. 328. 330. 332. & ſeqq. vide Auguſtus
 Oſtavius. 136
 Oenanthe. 78
 Olbia vrbs Sardinie. 9
 Olcades. 42
 Onias Pontifex. 22
 Onias alter. 108. 118. 123
 Opimiana vina. 199
 Opimius. 200. 201
 Oppia lex 57. abrogata. 90
 Oppij Ouatio.
 Orodes Rex Parthor. 308
 Orophernes. 153
 Ouidius naſcitur. 299
 Oxobij. 156
- P**
- P**alladium. 26
 Pallentia vrbs. 262
 Panium templum. 331
 Panormus. 14. 17
 Panſa Conſul. 296
 Pantheon ab Agrippa. 323
 Parthi Syriem occupant. 304 timent Auguſtum 328
 M. Æmilius Paulus 13. cæditur ad Cannas. 50
 Æmilius Paulus. 99. 100. in Perſeum Conſul. 132. Cenſura. 144. Triumphus. 136. Mors. 151
 M. Perperna. 191
 Perſeus; ſeu Perſes Mac. Rex. 109. 110. 115. 118. 119. 121. 122. 125. 133. 134. 135. 137.
 bellum Peruſinum. 302
 Peſtis Romæ. 146. in Italiâ. 120
 Petronij expeditio. 329
 Phameas, ſeu Hymilco. 177
 Pharifæi potentes. 245
 Pharnaces fil. Mitrid. 262
 Phafaëlus Herodis frater. 292
 Philippenſis pugna. 300
 Philippus Antiochi frater. 224
 Philippus Demetriij filius puer. 31. Rex Maced. 40. 52. 55. 56. 61. 65. 68. 74. 80. 80. 83. 88. 106. 110. moritur. 143
 Philippus corpus Epiphaniſ reſert. 143
 Philometor Ptol. 41. 122. 126. 169. 170
 Pilopator Ptol. 49. 51
 Philopæmen. 69. 108 111
 Piratæ. 247. bellum Piraticum. 257
 Piſo in Sicilia pugnat. 189
 L. Piſo Thraces inuadit. 339
 Plantus Poëta moritur. 83
 Plemminius. 73 77. 91
 Plotius Gallus Rhetor. 232
 Pœni. 164. 165. 166. 167. 169. 170. 171
 Polybius moritur. 198
 Q. Pompeius ad Numantiam victus. 181
 Pompeius Magnus naſcitur 209. Geſta 236. 239. 240. 244. 245. 257. 258. 260. 263. 264. 265. 266. 267. 287. 288.
 Cn. Pompeius Magni fil.

I N D E X.

- fil. 293
 Sex. Pompeius Magni
 fil. 293. 308. 310
 C. Popilius Lanas terret
 Antiochum. 214
 Popilius victus à Numā-
 tiam. 183
 Postumius autor onerum
 sociis. 120
 Postumij mors. 155
 Prætor es duo additi Ro-
 mæ. 35
 Proscriptio Syllæ. 238
 Triumvirorum. 298
 Prusias Gallos delet,
 43
 Prusias Rex Bithyn.
 Rom. adulator. 137
 Pseudo-Philippus. 178
 Pseudo Perseus. 183
 Ptol. Dionysius. 283
 Ptolom. Philadelphus,
 φεφροφεφρος, 20. mori-
 tur. 20
 Ptolemæus fil. Abobi,
 185
 Punici belli primi in-
 tium. 4. finis. 26
 Punicum bellum. 11. ini-
 tium. 45. finis. 79
 Punicum bellum. 111. de
 eo diu deliberant Ro.
 162. initium. 164. finis.
 171
 Q
 Verelæ de Rom.
 Magistr. 126. 127
 T. Quintius Flamininus.
 85. 88. 91
 L. Quintius eius frater,
 107
 R
 Aziz fortitudo,
 148
 M. Atilius Regulus. 11.
 17. 18
 Repudium primum Ro-
 mæ. 33
 Rhæti domiti. 335
 Rhetores Vrbe pulsi;
 226
 Rhodij. 87. 97. 16. 17.
 132. 135. 141
 Romani à Græcis lauda-
 ti. 35. eorum constan-
 tia in aduersis, 48.
 juuant Athen. 82. Græ-
 ciæ arbitri 99. in Peno-
 iniqui. 92
 P. Rupilius Nepos. 190
 Rutilij Rufi iudicium.
 225
 S
 Sæculares Ludi. 30
 Sacerdotum Rom.
 electio. 214
 Saluius Tryphon seruus
 214
 Salustius moritur. 310
 lis Samaritan. & Iudæo-
 rum. 169
 Samus insula. 330
 Sardi victi à Caruilio. 30.
 28. 35.
 Sarni populi. 202
 Q. Mutius Scæuola,
 223
 M. Scaurus. 203. 204.
 208. 209. 212
 C. Cornelius Scipio. 18
 L. Corn. Scipio Barbati
 fil. 9
 Corn. Scipio Asina. 14
 P. Corn. Scipio victus ad
 Ticinum. 45. ad Tre-
 biam. 46. Rem bene
 gerit in Hisp. 48. 49.
 &c. cæditur. 59
 Cn. Scipio eius frater. 46.
 47. 48. 49. 52. 55. 56. cæ-
 ditur. 59
 P. Corn. Scipio postea
 dictus Africanus. 45. 50
 61. 63. 64. 69. 70. 71. 72.
 73. 75. 78. 81. 91. 94. 96.
 98. 102. 103. morit. exul
 Lin.

I N D E X.

Linterni .	109	Seueritatis exemplū. 182
L. Scipio, Africani frater		Sextilis mensis, Augu-
100. 103. 107. 120		stus. 340
Scipio Nasica, 96. 103.		Sibyllæ Erythrææ ver-
Censor. 152		sus. 245
Scipio Nasica dictus Se-		Sidetes Rex Syriæ. 179
rapio. 182. 188. 192		186. 191 interficitur.
P. Corn. Scipio Æmilia-		192
nus. 160. 162. 169. 170.		Simon Macchab. 174.
171. Legatio eius. 183.		177. 178. 181. 185
Secundus Consulat.		Siculum fretum. 5
187. 188. 189. moritur.		Siculum bellū in Sext.
193		Pompeium. 306
Scodra vrbs. 133		Sociale bellum. 226
Scopas Dux. 76. 81. 87		Sophonisba. 77
Scordiscæ victi. 207		Sosibius Dux. 44
Scyphax. 57. 75. 76. ca-		Spartacus. 240. 241. 252
pitur. 77		Spartani. 106
Seleucus Callinicus. 21.		Sylla. 230. 232. 233. 235.
22. 24. 27		236. 237. 238. 239. 241.
Seleucus Ceraunus. 35		243
37		Syracusæ. 6. 55. 59.
Seleucus Philopator. 102		Syrtis Minor. 15
117		T
Seleucus exustus Mop-		Tarentini. 58
suestiæ. 223		Tetrasages Gallo-
Sempronij Ligusticum		græci. 100
bellum. 28		Tempestatis ædes. 9
Sempronius victus ad		Terentius moritur. 152
Trehiam. 46		Terentius Varro. 50
C. Sempronius Tudita		Teuta Regina. 33. 34. 35
nus. 89		Teutones. 206
Serapi Conf. moderatio.		Theatro lapideo repu-
128		gnat Nasica 157. Pom-
Sergens Reguli. 12		peij. 276. Augusti tē-
Sertorius. 236. 240		pore dedicantur. 1336
242. 243. 247. cæditur.		Thebæi expilati. 141
249		Theodotus Ætolus. 44
Seruiliis tumultus Ro-		Theodotus Bactrianus.
mæ. 85		16
Seruile bellum ab Euno,		Thermæ vrbs. 16
187. à Saluio & Athe-		Tholosanū Aurum. 249
nione. 214. à Sparta-		Thracestriūphati. 251
co. 240. 242. 252		Thrasimenes lacus. 47
Q. Fab. Max. Seruilia-		Tiberis intumescens. 16
nus. 177. 179		Tiberius Cæsar. 300. 339.
P. Seruilius Geminus.		343. 344
16		Tigranes Rex Arm. 234.
		243

I N D E X.

243.252.257		Varus Consul Corcos in-	
Timotheus victus à Ju-		uadit .	29
da.	143	Ventidius .	297.305.307
Tolistobogii Gallogræci.		Ver Sacrum Rom.	90
100		Vermina Rex Numid.	
Trebonius cæsus .	295	79.82	
Triarij clades	256	B. Virgo nascitur	335
Triumphus in monte		Præsentatur .	337. Cõ-
Albano .	33	cipit Christum.350. In-	
Triumuiratus .	298	nist Elizabeth .	350.
Trocmij Gallogræci. 100		Parit .	352
Turbæ Hieros. ob Tro		Virgilius nascitur .	253
phæa.	328	moritur .	333
Tryphon , seu Diodotus .		Viriathus .	162. 163.164.
173. 174. 176. fit Rex ,		170.176.178.180.	
179. cæditur .	181	Viridomarus Gallus	40
Tunetum .	12	Volsinium vrbs .	5
Turpilij Poëta .	215	Manlius Volso .	116
Tyndatis portus .	10	Vscana vrbs .	128
V		Ytica .	63.292
M. V Alerius Africam		X	
vexat .	66	X Antippos Laced.11.	
M. Terentius Varro na		13	
scitur .	278	Z	
C. Terentius Varro. 49.		Z Eno Cyprius .	4
50			

F I N I S.











